

Barcode - 4990010059822

Title - Shantiniketan 7

Subject - Literature

Author - Tagore,Rabindranath

Language - bengali

Pages - 372

Publication Year - 1908

Creator - Fast DLI Downloader

<https://github.com/cancerian0684/dli-downloader>

Barcode EAN.UCC-13



तमसो मा ज्योतिर्गमय

SANTINIKETAN
VISWA BHARATI
LIBRARY

75

7-9

শান্তিনিকেতন

(সপ্তম)

শ্রীরবীন্দ্রনাথ ঠাকুর

ব্রহ্মচর্যাশ্রম

বোলপুর

মূল্য ১০ আনা

প্রকাশক—

শ্রীচারুচন্দ্র বন্দ্যোপাধ্যায়

ইণ্ডিয়ান পাব্লিশিং হাউস্

২২, কর্ণওয়ালিস স্ট্রীট, কলিকাতা।

কান্তিক প্রেস

২০, কর্ণওয়ালিস স্ট্রীট, কলিকাতা

শ্রীহরিচরণ মাস্তা দ্বারা মুদ্রিত।

সূচী

| | | | |
|---------------|-----|-----|----|
| সত্যকে দেখা | ... | ... | ১ |
| সৃষ্টি | ... | ... | ৬ |
| মৃত্যু ও অমৃত | ... | ... | ১০ |
| তরী বোঝাই | ... | ... | ১৭ |
| স্বভাবকে লাভ | ... | ... | ১৯ |
| অহং | ... | ... | ২৪ |
| নদী ও কুল | ... | ... | ৩৩ |
| আত্মার প্রকাশ | ... | ... | ৩৯ |
| আদেশ | ... | ... | ৪৭ |
| সাধন | ... | ... | ৫৩ |
| ব্রহ্মবিহার | ... | ... | ৬০ |
| পূর্ণতা | ... | ... | ৭৬ |
| নীড়ের শিক্ষা | ... | ... | ৮৩ |
| ভূমা | ... | ... | ৯১ |

শান্তিনিকেতন

সত্যকে দেখা

আমাদের ধ্যানের দ্বারা সৃষ্টিকর্তাকে তাঁর সৃষ্টির মাঝখানে ধ্যান করি। ভূত্ববস্বঃ তাঁ হতেই সৃষ্টি হচ্ছে, সূর্য্যচন্দ্র গ্রহতারা প্রতিমূহূর্ত্তেই তাঁর থেকে প্রকাশ হচ্ছে—আমাদের চৈতন্য প্রতিমূহূর্ত্তেই তাঁর থেকে প্রেরিত হচ্ছে—তিনিই অবিরত সমস্ত প্রকাশ করছেন, এই হচ্ছে আমাদের ধ্যান।

এই দেখাকেই বলে সত্যকে দেখা। আমরা

শান্তিনিকেতন

সমস্ত ঘটনাকে কেবল বাহ্যঘটনা বলেই দেখি ।
তাতে আমাদের কোনো আনন্দ নেই । সে
আমাদের কাছে পুরাতন হয়ে যায়—সে
আমাদের কাছে দম-দেওয়া কলের মত আকার
ধারণ করে ; এই জগৎ পাথরের হুড়ির উপর
দিয়ে যেমন স্রোত চলে যায় সেই রকম করে
জগৎস্রোত আমাদের মনের উপর দিয়ে
অবিশ্রাম বয়ে যাচ্ছে—চিত্ত তাতে সাড়া দিচ্ছে
না—চারিদিকের দৃশ্যগুলো তুচ্ছ এবং দিনগুলো
অকিঞ্চিৎকর হয়ে দেখা দিচ্ছে—সেই জগৎ
কৃত্রিম উদ্ভেদনা এবং নানা বৃথা কর্ম সৃষ্টিধারা
আমরা চেতনাকে জাগিয়ে রেখে তবে আমোদ
পাই ।

যখন কেবল ঘটনার দিকে তাকিয়ে থাকি
তখন এই রকমই হয়—সে আমাদের রস দেয়
না, খাওয়া দেয় না । সে কেবল আমাদের
ইন্দ্রিয়কে মনকে হৃদয়কে কিছু দূর পর্যন্ত
অধিকার করে,—শেষ পর্যন্ত পৌছয় না—

সত্যকে দেখা

এই জগতে তার যেটুকু রস আছে তা উপরের থেকেই শুকিয়ে আসে—তা আমাদের গভীরতর চেতনাকে উদ্বোধিত করে না। সূর্য উঠে ত উঠে—নদী বইচে ত বইচে—গাছপালা বাড়চে ত বাড়চে—প্রতিদিনের কাজ নিয়মিত চলে ত চলে। সেই জগতে এমন কোনো দৃশ্য দেখতে ইচ্ছা করি যা প্রতিদিন দেখিনে—, এমন কোনো ঘটনা জানতে কোতূহল হয় যা আমাদের অভ্যস্ত ঘটনার সঙ্গে মেলে না।

কিন্তু সত্যকে যখন জানি তখন আমাদের আত্মা পরিতৃপ্ত হয়। সত্য চিরনবীন—তার রস অক্ষয়। সমস্ত ঘটনাবলীর মাঝখানে সেই অন্তরতম সত্যকে দেখলে দৃষ্টি সার্থক হয়। তখন সমস্তই মহত্তে বিশ্বয়ে আনন্দে পরিপূর্ণ হয়ে ওঠে।

এই জগতেই আমাদের ধ্যানের মন্ত্রে আমরা প্রতিদিন অন্তত একবার সমস্ত বিশ্বব্যাপারের

শান্তিনিকেতন

মাঝখানে বিশ্বের যিনি পরমসত্য তাঁকে ধ্যান
করবার চেষ্টা করে থাকি। ঘটনাপুঞ্জের
মাঝখানে যিনি এক মূলশক্তি তাঁকে দর্শন
করবারি জন্তে দৃষ্টিকে অন্তরে ফেরাই। তখন
দৃষ্টি থেকে অড়ত্বের আবরণ ঘুচে যায়—অগৎ
একটা যন্ত্রের মত আমাদের অভ্যাসের কক্ষ
জুড়ে পড়ে থাকে না—প্রতিমূহূর্তেই এই অনন্ত
আকাশব্যাপী প্রকাণ্ড প্রকাশ একটি জ্ঞানময়
সত্য হতে নিঃসৃত হচ্ছে বিকীর্ণ হচ্ছে ইহাই
অসুভব করে আমাদের চেতনা পরিপূর্ণ করে
ওঠে। তখন অগ্নি জল ওষধি বনস্পতির
মাঝখানে দাঁড়িয়ে বসতে পারি, অনন্ত জ্ঞান,
অনন্ত ব্রহ্ম, সর্বত্রই আনন্দরূপে অমৃতরূপে
তাঁর প্রকাশ।

অগণ্য ঘটনাকে অগণ্য ঘটনারূপে দেখেই
চলে যাব না—তাঁর মাঝখানে অনন্ত সত্যকে
হির হরে স্তব্ব হয়ে দেখব এই জগুই আমাদের
ধ্যানের মন্ত্র গায়ত্রী।

সত্যকে দেখা

ওঁ ভূভুবঃস্বঃ তৎসন্নিভূর্বরেন্যং স্তর্গোদেবস্ত
ধীমহি ধियोযোনঃ প্রচোদয়াৎ ।

ভুলোক, ভুবলোক, স্বলোক, ইহাই ষিনি
নিয়ত সৃষ্টি করছেন, সেই দেবতার বর্নীর
শক্তিকে ধ্যান করি—ষিনি আমাদের ধীশক্তি-
কেও নিয়ত প্রেরণ করছেন ।

৩রা চৈত্র ১৩১৫

সৃষ্টি

এই যে আমরা কয়জন প্রাতঃকালে এই-
খানে উপাসনা করতে বসি—এও একটি সৃষ্টি।
এর মাঝখানেও সেই সবিভা আছেন।

আমরা বলে থাকি এটা এইরকম হয়ে
উঠেছে। আমরা দু'চার জনে পরামর্শ করলুম,
তার পরে একত্র হয়ে বসলুম, তার পরে রোজ
রোজ এই রকম চলে আসচে।

ঘটনা এই বঁটে কিন্তু সত্য এই নয়।
ঘটনার দিক থেকে দেখলে এ একটি সামান্য
ব্যাপার কিন্তু সত্যের দিক থেকে দেখলে
এ বড় আশ্চর্য, প্রতিদিনই আশ্চর্য। সত্য
মাঝখানে এসে নানা অপরিচিতকে নানা
দিক থেকে টেনে এই একটি উপাসনামণ্ডলী
নিরন্তর সৃষ্টি করছেন। আমরা মনে করছি
আমরা এখানে ঐখানিকক্ষণের জন্তে বসে কাজ

সৃষ্টি

সেরে তার পরে অণু কাজে চলে গেলুম,
বাস্ চুকে গেল—কিন্তু এ ত ছোট ব্যাপার
নয়। • আমরা যখন পড়ছি, পড়াচ্ছি, পাচ্ছি,
বেড়াচ্ছি, তখনো এই আমাদের মণ্ডলীটির
সৃষ্টিকর্তা এরই সৃষ্টিকার্যে রয়েছেন। সেই
জনানাং হৃদয়ে সন্নিবিষ্টঃ বিশ্বকর্মা আমাদের
মধ্যে কাজ করে চলেছেন—তিনি আমাদের
এই কম জন ভিন্ন ভিন্ন লোকের মনে ভিন্ন
ভিন্ন ভাবে এর উপকরণ সাজিয়ে তুলছেন—
তার যেন আর অণু কোনো কাজ নেই—
বিশ্বসৃষ্টি তার যত বড় কাজ এও যেন
তার তত বড়ই কাজ। আমাদের এই
উপাসনালোকটি কেবলি হচ্ছে, হচ্ছে, হয়ে
উঠছে। দিনরাত, দিনরাত! আমরা যখন
সুমুচ্ছি তখনো হচ্ছে, আমরা যখন ভুলে আছি
তখনো হচ্ছে। সত্য যখন আছে, তখন কিছুই
হচ্ছে না, বা একমুহূর্তও তার বিরাম আছে এ
কখনো হতেই পারে না।

শান্তিনিকেতন

বিশ্বভূবনের মাঝখানে একটি সত্যং বিরাজ
করছেন বলেই প্রতিদিনই বিশ্বভূবনকে তার
যথাস্থানে যথানিয়মে দেখতে পাচ্ছি—আমাদের
করুণার মাঝখানে একটি সত্যং কাজ করছেন
বলেই প্রতিদিন প্রাতঃকালে আমরা এখানে
এসে বসি। বিশ্বভূবন সেই এক সত্যকে
প্রদক্ষিণ করে প্রণাম করচে—যেখানে আমাদের
দূরবীন পৌছয় না, মন পৌছয় না,
সেখানেও কত জ্যোতিষ্কর লোক তাঁকে
বেটন করে করে বল্চে নমোনমঃ—আমরাও
তেমনি করেই আমাদের এই উপাসনালোকের
মতাকে বেটন করে বসেছি—যিনি লোক-
লোকান্তরের মাঝখানে বসে আছেন তিনি
এই প্রাঙ্গণে বসে আছেন ;—কেবল যে
আমাদের মধো চৈতন্য বিকীর্ণ করছেন তা
ময়, আমাদের করুণনকে নিয়ে যে বিশেষ
শক্তি চলে তারও শক্তি বিকীর্ণ করছেন—
আমাদের করুণার মনকে এই বিশেষ

সৃষ্টি

ব্যাপারে নানারকম করে চালাচ্ছেন—আমাদের
কল্প জনের প্রকৃতি, সংস্কার ও শিক্ষার নানা
বৈচিত্র্যকে সেই এক এই মুহূর্তেই একটি ঐক্যের
মধ্যে গড়ে তুলছেন—এবং আমরা যখন এখান
থেকে উঠে অগ্রভ্রমণে চলে যাব তখনো তিনি তাঁর
এই কাজে বিশ্রাম দেবেন না।

আমাদের মাঝখানের সেই সত্যকে
আমাদের উপাসনাজগতের সেই সত্যকে
এইখানে প্রত্যক্ষ দর্শন করে যাব—তাকে
প্রদক্ষিণ করে তাঁকে একসঙ্গে প্রণাম করে
যাব—আমরা প্রত্যহ জেমে যাব—সূর্য্যচন্দ্র
গ্রহতারা যেমন তাঁর অনন্ত সৃষ্টি—আমাদের
কল্পজনকে যে এখানে বসিয়েছেন এও তাঁর
তেমনি • সৃষ্টি—তাঁর অবিরাম আনন্দ এই
কাজটিতে প্রকাশিত হচ্ছে—সেই প্রকাশকে
আমরা দেখে যাব।

৩রা চৈত্র ১৩১৫

মৃত্যু ও অমৃত

সম্প্রতি অকস্মাৎ আমার একটি বন্ধুর মৃত্যু হয়েছে। এই উপলক্ষ্যে জগতে সকলের চেয়ে পরিচিত যে মৃত্যু তার সঙ্গে আর একবার নূতন পরিচয় হল।

জগৎটা গায়ে চামড়ার মত অত্যন্ত আঁকড়ে ধরেছিল, মাঝখানে কোনো ফাঁক ছিল না। মৃত্যু যখন প্রত্যক্ষ হল তখন সেই জগৎটা যেন কিছু দূরে • চলে • গেল—আমার সঙ্গে আর যেন সে অত্যন্ত সংলগ্ন হয়ে রইল না।

এই বৈরাগ্যের দ্বারা আত্মা যেন নিজের স্বরূপ কিছু উপলব্ধি করতে পারল। • সে যে জগতের সঙ্গে একেবারে অচ্ছেদ্য ভাবে জড়িত নয় তার যে একটি স্বকীয় প্রতিষ্ঠা আছে মৃত্যুর শিক্ষায় এই কথাটা যেন অনুভব করতে পারলুম।

মৃত্যু ও অমৃত

যাঁর মৃত্যু হল তিনি ভোগী ছিলেন এবং তাঁর ঐশ্বর্যের অভাব ছিল না। তাঁর সেই ভোগের জীবন এবং ভোগের আয়োজন—যাঁ কেবল তাঁর কাছে নয়, সর্বসাধারণের কাছে অত্যন্ত সত্য বলে প্রতীয়মান হয়েছিল, যা কতপ্রকার সাধে সুজ্ঞার জাঁকেজমকে লোকের চক্ষুকর্ণকে জর্ষা ও লুকুতায় আকৃষ্ট করে আকাশে মাথা তুলেছিল তা একটি মুহূর্তেই শ্মশানের ভস্মমুষ্টির মধ্যে অনাদরে বিলুপ্ত হয়ে গেল।

সংসার যে এতই মিথ্যা, তা যে কেবল স্বপ্ন কেবল মরীচিকা, নিশ্চিত মৃত্যুকে স্মরণ করে শান্ত সেই কথা চিন্তা করবার জন্তে বারবার উপদেশ করেছেন। নতুবা আমরা কিছুই ত্যাগ করতে পারিনে এবং ভোগের বন্ধনে জড়িত থেকে আত্মা নিজের বিপুল মুক্তস্বরূপ উপলব্ধি করতে পারে না।

কিন্তু সংসারকে মিথ্যা মরীচিকা বলে

শান্তিনিকেতন

ভাগকে সহজ করে ভোলায় মধ্যে সত্যও
নেই গৌরবও নেই। যে দেশে আমাদের
টাকা চলে না সেই দেশে এখানকার টাকার
বোঝাটাকে অজ্ঞানের মত মাটিতে ফেলে
দেওয়ার মধ্যে ঔদার্য্য কিছুই নেই। কোনো-
প্রকারে সংসারকে যদি একেবারেই অলৌক
বলে নিজের কাছে বধার্থই সপ্রমাণ করতে
পারি তাহলে ধনজনমান ত মন থেকে ধসে
পড়ে একেবারে শূন্যের মধ্যে বিলীন হয়ে যাবে।

কিন্তু সে রকম ছেড়ে দেওয়া ফেলে দেওয়া
নিতান্তই একটা রিগ্‌তা মাত্র। সে যেন
‘স্বপ্ন ভেঙে যাওয়ার মত—যা ছিল না তাকেই
চম্কে উঠে’ নেই বলে জানা।

বস্তুত সংসার ত মিথ্যা নয়, জোর করে
তাকে মিথ্যা বলে লাভ কি। যিনি গেলেন
তিনি গেলেন বটে কিন্তু সংসারে ত ক্রতির
কোনো লক্ষণই দেখি নে। সূর্যালোকে ত
কোনো কাগিরা পড়ে নি—আকাশের নীল

মৃত্যু ও অমৃত

নির্মলতার মৃত্যুর ঢাকা ও ক্ষতির একটি রেখাও কাটতে পারে নি ; অফুরান সংসারের ধারা আজও পূর্ণবেগেই চলেছে ।

তবে অসত্য কোনটা ? এই সংসারকে আমার বলে জানা । এর একটি মৃত্যুগ্র বিদূষকেও আমার বলে আমি ধরে রাখতে পারব না । যে ব্যক্তি চিরজীবন কেবল ঐ আমার উপরেই সমস্ত জিনিষের প্রতিষ্ঠা করতে চায় সেই বালির উপরে ঘর বাঁধে । মৃত্যু যখন ঠেলা দেয় তখন সমস্তই ধূলার পড়ে ধূলিসাৎ হয় ।

আমি বলে' যে কাঙালটা সব জিনিষকেই গালের মধ্যে দিতে চায়, সব জিনিষকেই মূঠোর মধ্যে পেতে চায়, মৃত্যু কেবল তাকেই কঁাকি • দেয়—তখন সে মনের খেঁদে সমস্ত সংসারকেই কঁাকি বলে গাল দিতে থাকে—কিন্তু সংসার যেমন তেমনিই থেকে যায়, মৃত্যু তার গারে আঁচড়টি কাটতে পারে না ।

অন্ত এব মৃত্যুকে যখন কোথাও দেখি তখন

শান্তিনিকেতন

সর্বত্রই তাকে দেখতে থাকা মনের একটা বিকার। যেখানে অহং সেইখানেই কেবল মৃত্যুর হাত পড়ে, আর কোথাও না। জগৎ কিছুই হারায় না, যা হারাবাব সে কেবল অহং হারায়।

অতএব আমাদের যা কিছু দেবার সে কাকে দেব? সংসারকেই দেব, অহংকে দেব না। কারণ সংসারকে দিলেই সত্যকে দেওয়া হবে, অহংকে দিলেই মৃত্যুকে দেওয়া হবে। সংসারকে যা দেব সংসার তা রাখবে, অহংকে যা দেব অহং তা শত চেষ্টাতেও রাখতে পারবে না।

যে ব্যক্তি ভোগী সে অহংকেই সমস্ত পূজা জোগায়, সে চিরজীবন এই অহং-এর মুখ তাকিয়ে খেটে মরে—মৃত্যুর সময় তার সেই ভোগক্ষীত ক্ষুধার্ত অহং কপালে হাত দিয়ে বলে সমস্তই রইল পড়ে কিছুই নিরে যেতে পারলুম না।

মৃত্যুর কথা চিন্তা করে এই অহংটাকেই

যদি চিরন্তন বলে না জানি তাহলেই ষথেষ্ট হল না—কারণ, সে রকম বৈরাগ্যে কেবল শূণ্যতাই আনে। সেই সঙ্গে এও জানতে হবে যে এই সংসারটা থাকবে। অতএব আমার যা কিছু দেবার তা শূণ্যের মধ্যে ত্যাগরূপে দেব না, সংসারের মধ্যে দানরূপে দিতে হবে। এই দানের দ্বারাই আত্মার ঐশ্বর্য প্রকাশ হবে ত্যাগের দ্বারা নয় ;—আত্মা নিজে কিছু নিতে চায় না, সে দিতে চায় এতেই তার মহত্ব। সংসার তার দানের ক্ষেত্র এবং অহং তার দানের সামগ্রী।

ভগবান এই সংসারের মাঝখানে থেকে নিজেকে কেবলি দিচ্ছেন, তিনি নিজের জন্যে কিছুই নিচ্ছেন না। আমাদের আত্মাও যদি ভগবানের সেই প্রকৃতিকে পায় তবে সত্যকে লাভ করে। সেও সংসারের মাঝখানে ভগবানের পাশে তাঁর সখারূপে দাঁড়িয়ে নিজেকে সংসারের জন্ত উৎসর্গ করবে ;—

শান্তিনিকেতন

নিজের ভোগের জন্য লালায়িত হয়ে সমস্তই নিজের দিকে টানবে না। এই দেবার দিকেই অমৃত, নেবার দিকেই মৃত্যু। টাকাকড়ি শক্তি-সামর্থ্য সমস্তই সত্য যদি তা দান করি—যদি তা নিজে নিতে চাই ত সমস্তই মিথ্যা। সেই কথাটা যখন ভুলি তখন সমস্তই উল্টা-ধাণ্টা হয়ে যায়—তখনই শোক দুঃখ ভয়—তখনি কাম ক্রোধ লোভ ; তখনি, স্রোতের মুখে যে নৌকা আমাকেই বহন করে নিয়ে যেত, উজানে তাকে প্রাণপণে বহন করবার জন্য আমাকেই ঠেলাঠেলি টানাটানি করে মরতে হয়। যে জিনিষ স্বভাবতই দেবার তাকে নেবার চেষ্টা করার এই পুরস্কার। যখন মনে করি যে নিজে নিচ্ছি তখন দিই সেটা মৃত্যুকে—এবং সেই সঙ্গে শোক চিন্তা ভয় প্রভৃতি মৃত্যুর অমুচরকে তাদের খোরাকি-স্বরূপ হৃদয়ের রক্ত জোগাতে থাকি।

৪ঠা চৈত্র

ভরী বোঝাই

সোনার ভরী বলে একটা কবিতা লিখে-
ছিলুম এই উপলক্ষ্যে তার একটা মানে বলা
যেতে পারে।

মানুষ সমস্ত জীবন ধরে ফসল চাষ করচে।
তার জীবনের ক্ষেতটুকু ঘীপের মত—চারি-
দিকেই অব্যক্তের দ্বারা সে বেষ্টিত—ঐ একটু-
খানিই তার কাছে ব্যক্ত হয়ে আছে—সেই-
অন্তে গীতা বলেছেন—

অব্যক্তাদীনি ভূতানি ব্যক্ত মধ্যানি ভারত
অব্যক্ত নিধনাশ্চৈব তত্র কা পরিবেদনা।
যখন কাল ঘনিরে আস্চে, যখন চারিদিকের
জল বেড়ে উঠ্চে, যখন আবার অব্যক্তের মধ্যে
তার ঐ চরটুকু তলিয়ে যাবার সময় হল—তখন
তার সমস্ত জীবনের কর্মের বা কিছু নিত্য কল
তা সে ঐ সংসারের ভরণীতে বোঝাই করে

শান্তিনিকেতন

দিতে পারে। সংসার সমস্তই নেবে, একটি
কণাও ফেলে দেবে না—কিন্তু যখন মানুষ
বলে ঐ সঙ্গে আমাকেও নাও আমাকেও রাখ
তখন সংসার বলে—তোমার জন্তে জায়গা
কোথায়? তোমাকে নিয়ে আমার হবে কি?
তোমার জীবনের ফসল যা কিছু রাখবার তা
সমস্তই রাখব কিন্তু তুমি ত রাখবার যোগ্য
নও!

প্রত্যেক মানুষ জীবনের কর্মের দ্বারা
সংসারকে কিছু না কিছু দান করচে, সংসার
তার সমস্তই গ্রহণ করচে, রক্ষা করচে, কিছুই
নষ্ট হতে দিচ্ছে না—কিন্তু মানুষ যখন সেই
সঙ্গে অহংকেই চিরস্থান করে রাখতে চাচ্ছে
তখন তার চেষ্টা বৃথা হচ্ছে। এই যে জীবনটি
ভোগ করা গেল অহংটিকেই তার খাজনাস্বরূপ
মৃত্যুর হাতে দিয়ে হিসাব চুকিয়ে যেতে হবে—
ওটি কোনোমতেই জমাবার জিনিষ নয়।

৪ঠা চৈত্র

স্বভাবকে লাভ

আমাদের জীবনের একটিমাত্র সাধনা এই যে, আমাদের আত্মার যা স্বভাব সেই স্বভাবটিকেই যেন বাধামুক্ত করে তুলি।

আত্মার স্বভাব কি? পরমাত্মার যা স্বভাব আত্মারও স্বভাব তাই। পরমাত্মার স্বভাব কি? তিনি গ্রহণ করেন না, তিনি দান করেন।

তিনি সৃষ্টি করেন। সৃষ্টি করার অর্থই হচ্ছে বিসর্জন করা। এই যে তিনি বিসর্জন করেন এর মধ্যে কোনো দায় নেই—কোনো বাধাতা নেই। আনন্দের ধর্মই হচ্ছে স্বতই দান করা, স্বতই বিসর্জন করা। আমরাও তা জানি—আমাদের আনন্দ আমাদের প্রেম বিনা কারণে আত্মবিসর্জনেই আপনাকে চরিতার্থ করে। এইজন্যেই উপনিষৎ বলেন—

শান্তিনিকেতন

আনন্দাকোষ খলিমানি ভূতানি জায়ন্তে । সেই
আনন্দময়ের স্বভাবই এই ।

আত্মার সঙ্গে পরমাত্মার একটি সাধুর্ন্যা
আছে। আমাদের আত্মাও নিয়ে খুসি নয়
সে দিয়ে খুসি । নেব, কাড়ব, সঞ্চয় করব,
এই বেগই যদি ব্যাধির বিকারের মত জেগে
ওঠে তাহলে কোভের ও তাপের সীমা থাকে
না—যখন আমরা সমস্ত মন দিয়ে বলি, দেব,
তখনি আমাদের আনন্দের দিন,—তখনি সমস্ত
কোভ দূর হয়, সমস্ত তাপ শান্ত হয়ে যায় ।

আত্মার এই আনন্দময় স্বরূপটিকে উপলব্ধি
করবার সাধনা করতে হবে। কেমন করে
করব ?

ঐ যে একটা কুধিত অহং আছে, যে
কাঙাল সব জিনিষই মুঠো করে ধরতে চায়—
যে কুপণ নেবার মৎলব ছাড়া কিছু দেয় না,
ফলের মৎলব ছাড়া কিছু করে না—সেই
অহংটাকে বাইরে রাখতে হবে, তাকে

স্বভাবকে লাভ

পরমাশ্রীর মত সমাদর করে অস্তঃপুরে
দুকৃতে দেওয়া হবে না। সে বস্তুত আত্মার
আত্মীয় নয়—কেননা সে যে মরে, আর আত্মা
যে অমর।

আত্মা যে, ন জায়তে ম্রিয়তে—না জন্মায়
না মরে। কিন্তু ঐ অহংটা জন্মেছে, তার
একটা নামকরণ হয়েছে—কিছু না পারে ত
অস্তত তার ঐ নামটাকে হারী করবার জন্যে
তার প্রাণপণ যত্ন।

এই যে আমার অহং, এ-কে একটা বাইরের
লোকের মত আমি দেখব। যখন তার দুঃখ
হবে তখন বলব তার দুঃখ হয়েছে। শুধু দুঃখ
কেন, তার ধন জন খ্যাতি প্রতিপত্তি কিছুতে
আমি অংশ নেব না।

আমি বলবনা যে এ সমস্ত আমি পাচ্ছি
আমি নিচ্ছি। প্রতিদিনই এই চেষ্টা করব
আমার অহং যা কিছুকে আঁকড়ে ধরতে চায়
আমি তাকে বেন গ্রহণ না করি। আমি

শান্তিনিকেতন

বারবার করে বলব, ও আমার নয়, ও আমার বাইরে।

যা বাইরেরকার তাকে বাইরে রাখতে প্রাণ সরেনা বলে আবর্জনার ভরে ঝুলুম, বোঝায় চলা দায় হল। সেই মৃত্যুময় উপকরণের বিকারে প্রতিদিনই আমি মরচি। এই মরণ-ধর্মী অহংটাকেই আত্মার সঙ্গে জড়িয়ে তার শোকে, তার হুঃখে, তার ভারে ক্লান্ত হচ্ছি।

অহং-এর স্বভাব হচ্ছে নিজের দিকে টানা, আর আত্মার স্বভাব হচ্ছে বাইরের দিকে দেওয়া—এইজন্মে এই ছটোতে জড়িয়ে গেলে ভারি একটা পাকের সৃষ্টি হয়। একটা বেগ প্রবাহিত হয়ে যেতে চায়, আর একটা বেগ কেবলি ভিতরের দিকে আকর্ষণ করতে থাকে—ভারি একটা সঙ্কট ঘনিয়ে ওঠে—আত্মা তার স্বভাবের বিরুদ্ধে আকৃষ্ট হয়ে ঘূর্ণিত হতে থাকে—সে অনন্তের অভিমুখে চলে না, সে একই বিন্দুর চারিদিকে ঘানির বলদের মত

স্বভাবকে লাভ

পাক খায়। সে চলে অথচ এগোয় না—
সুতরাং এ চলায় কেবল তার কষ্ট, এ-তে তার
সার্থকতা নয়।

তাই বলছিলাম এই সঙ্কট থেকে উদ্ধার
পেতে হবে। অহং-এর সঙ্গে একেবারে এক
হয়ে মিলে যাব না—তার সঙ্গে বিচ্ছেদ রাখব।
দান করব, কর্ম করব, কিন্তু অহং যখন সেই
কর্মের ফল হাতে করে তাকে লেহন করে,
দংশন করে নাচতে নাচতে উপস্থিত হবে তখন
তার সেই উচ্ছিষ্ট ফলকে কোনোমতেই গ্রহণ
করব না। ॥

কর্মণ্যোবাধিকারস্তে মা ফলেষু কদাচন।

৫ই চৈত্র

অহং

কতবে অহং আছে কেন? এই অহং-এর
যোগে আত্মা জগতের কোনো ঐনিষকে আমার
বলতে চায় কেন?

তার একটি কারণ আছে।

ঈশ্বর যা সৃষ্টি করেন তার জন্তে তাঁকে
কিছুই সংগ্রহ করতে হয় না। তাঁর আনন্দ
স্বভাবতই দানরূপে বিকীর্ণ হচ্ছে।

আমাদের ঐ সে ক্ষমতা নেই। দান
করতে গেলে আমাদের যে উপকরণ চাই।
সেই উপকরণ ত কেবলমাত্র আনন্দের দ্বারা
আমরা সৃষ্টি করতে পারি।

তখন আমার অহং উপকরণ সংগ্রহ করে
আনে। সে যা কিছু সংগ্রহ করে তাকে সে
আমার বলে। কারণ, তাকে নানা বাধা
কাটিয়ে সংগ্রহ করতে হয়—এই বাধা কাটাতে

তাকে শক্তি প্রয়োগ করতে হয় ; সেই শক্তির দ্বারা এই উপকরণে তার অধিকার জন্মায় ।

শক্তির দ্বারা অহং শুধু যে উপকরণ সংগ্রহ করে তা নয়—সে উপকরণকে বিশেষভাবে সাজায়—তাকে একটি বিশেষত্ব দান করে' গড়ে তোলে । এই বিশেষত্ব-দানের দ্বারা সে যা-কিছু গড়ে তোলে তাকে সে নিজের জিনিষ বলেই গৌরব বোধ করে ।

এই গৌরবটুকু ঈশ্বর তাকে ভোগ করতে দিয়েছেন । এই গৌরবটুকু যদি সে বোধ না করবে তবে সে দান করবে কি করে ? যদি কিছুই তার 'আমার' না থাকে তবে সে দেবে কি ?

অতএব দানের সামগ্রীটিকে প্রথমে এক-বার 'আমার' করে নেবার জন্তে এই অহং-এর দরকার । বিশ্বজগতের সৃষ্টিকর্তা ঈশ্বর বলে রেখেছেন জগতের মধ্যে যেটুকুকেই আমার আত্মা এই অহং-এর গতি দিয়ে ঘিরে নিতে

শাস্তিনিকেতন

পারবে তাকেই তিনি আমার বলতে দেবেন—
কারণ তার প্রতি যদি মমত্বের অধিকার না
জন্মে তবে আত্মা যে একেবারেই দরিদ্র হয়ে
থাকবে! সে দেবে কি? বিশ্বভুবনের
কিছুকেই তার আমার বলবার নেই!

ঈশ্বর ঐখানে নিজের অধিকারটি হারাতে
রাজি হয়েছেন। বাপ যখন ছোট শিশুর
সঙ্গে কুস্তির খেলা খেলতে খেলতে ইচ্ছাপূর্বক
হার মেনে পড়ে যান—নইলে কুস্তির খেলাই
হয় না—নইলে স্নেহের আনন্দ জন্মে না—
নইলে ছেলের মুখে হাসি ফোটে না, সে হতাশ
হয়ে পড়ে—তেমনি ঈশ্বর আমাদের মত
অনধিকারী শক্তিহীনের কাছে এক জায়গায়
হার মানেন—এক জায়গায় তিনি হাসিমুখে
বলতে দেন যে আমাদেরই জিত—বলতে দেন
যে আমার শক্তিতেই হল—বলতে দেন যে
আমারই টাকাকড়ি ধনজন, আমারই সমাগরা
বসুন্ধরা।

তা যদি না দেন তবে তিনি যে-খেলা খেলেন সেই আনন্দের খেলায়, সেই সৃষ্টির খেলায়, আমার 'আত্মা একেবারেই যোগ দিতে পারে না। তাকে খেলা বন্ধ করে হতাশ হয়ে চুপ করে বসে থাকতে হয়। সেই জন্য তিনি কাঠবিড়ালীর পিঠে কক্কণ হাত বুলিয়ে বলেন, বাবা, কালসমুদ্রের উপরে তুমিও সেতু বাঁধচ বটে—সাবাস্ তোমাকে !

এই যে তিনি আমার বলবার অধিকার দিয়েছেন—এই অধিকারটি কেন? এর চরম উদ্দেশ্যটি কি?

এর চরম উদ্দেশ্য এই যে পরমাত্মার সঙ্গে আত্মার যে একটি সমান ধর্ম আছে সেই ধর্মটি সার্থক হবে। সেই ধর্মটি হচ্ছে সৃষ্টির ধর্ম অর্থাৎ দেবার ধর্ম। দেবার ধর্মই হচ্ছে আনন্দের ধর্ম। আত্মার যথার্থস্বরূপ হচ্ছে আনন্দময়স্বরূপ—সেই স্বরূপে সে সৃষ্টিকর্তা, অর্থাৎ দাতা। সেই স্বরূপে সে কৃপণ নয়,

শান্তিনিকেতন

সে কাঙাল নয়। অহং-এর দ্বারা আমরা 'আমার' জিনিষ সংগ্রহ করি—নইলে বিসর্জন করবার আনন্দ যে ম্লান হয়ে যাবে।

নদীর জল যখন নদীতে আছে তখন সে সকলেরই জল—যখন আমার ঘড়ায় তুলে আনি তখন সে আমার জল—তখন সেই জল আমার ঘড়ার বিশেষত্ব দ্বারা সীমাবদ্ধ হয়ে যায়। কোনো তৃষ্ণাতুরকে যদি বলি নদীতে গিয়ে জল খাওগে তাহলে জল দান করা হল না—যদিচ সে জল প্রচুর বটে, এবং নদীও হয় ত অত্যন্ত কাছে। কিন্তু আমার পাত্র থেকে সেই নদীরই জল এক গণ্ডি দিলেও সেটা জল দান করা হল।

বনের ফুল ত দেবতার সম্মুখেই ফুটেছে। কিন্তু তাকে আমার ডালিতে সাজিয়ে একবার আমার করে নিলে তবে তার দ্বারা দেবতার পূজা হয়। দেবতাও তখন হেসে বলেন হাঁ তোমার ফুল পেলুম। সেই

হাসিতেই আমার ফুল-তোলা সার্থক হয়ে যায়।

অহং আমাদের সেই ঘট, সেই ডালি। তার বেষ্টনের মধ্যে যা এসে পড়ে তাঁকেই “আমার” বলবার অধিকার জন্মায়—একবার সেই অধিকারটি না জন্মালে দানের অধিকার জন্মে না।

তবেই দেখা যাচ্ছে, অহং-এর ধর্মই হচ্ছে. সংগ্রহ করা, সঞ্চয় করা। সে কেবলই নেয়। পেলুম বলে যতই তার গৌরব বোধ হয় ততই তার নেবার আগ্রহ বেড়ে যায়। অহং-এর, যদি এই রকম সব জিনিষেই নিজের নাম নিজের শিলমোহর চিহ্নিত করবার স্বভাব না থাকত তাহলে আত্মার যথার্থ কাজটি চলত না—সে দরিদ্র এবং জড়বৎ হয়ে থাকত।

কিন্তু অহং-এর এই নেবার ধর্মটিই যদি একমাত্র হয়ে ওঠে—আত্মার দেবার ধর্ম যদি অচ্ছন্ন হয়ে যায়—তবে কেবলমাত্র নেওয়ার

শান্তিনিকেতন

লোলুপতার দ্বারা আমাদের দারিদ্র্য বীভৎস হয়ে দাঁড়ায়। তখন আত্মাকে আর দেখা যায় না, অহংটাই সর্বত্র ভয়ঙ্কর হয়ে প্রকাশ পায়। তখন আমার আনন্দময়স্বরূপ কোথায় ? তখন কেবল ঝগড়া, কেবল কান্না, কেবল ভয়, কেবল ভাবনা।

তখন ডালির ফুল নিয়ে আত্মা পূজা করতে পায় না—অহং বলে এ সমস্তই আমি নিলুম।

সে মনে করে আমি পেয়েছি। কিন্তু ডালির ফুল ত বনের ফুল নয়, যে, কখনো ফুরোবে না, নিত্যই নূতন নূতন করে ফুটবে ! পেলুম বলে যখন সে নিশ্চিত হয়ে আছে ফুল তখন শুকিয়ে যাচ্ছে। দুদিনে সে কালো হয়ে গুঁড়িয়ে ধূলা হয়ে যায়—পাওয়া একেবারে ফাঁকি হয়ে যায়।

তখন বুঝতে পারি পাওয়া জিনিষটা নেওয়া জিনিষটা কখনই নিত্য হতে পারে না। আমরা পাব, নেব, আমার করব, কেবল দেওয়ার

জন্ম । নেওয়াটা কেবল দেওয়ারি উপলক্ষ্য—
 অহংটা কেবল অহঙ্কারকে বিসর্জন করতে
 হবে বলেই । নিজের দিকে একবার টেনে
 আনব বিশ্বের দিকে উৎসর্গ করবার অভিপ্রায়ে ।
 ধনুকে তীর ঘোজনা করে প্রথমে নিজের দিকে
 তাকে যে আকর্ষণ করি সে ত নিজেকে বিদ্ধ
 করবার জন্তে নয়, সম্মুখেই তাকে ক্ষেপণ
 করবার জন্তে ।

তাই বল্ছিলুম অহং যখন তার নিজের
 সঞ্চয়গুলি এনে আত্মার সম্মুখে ধরবে তখন
 আত্মাকে বলতে হবে, না—ও আমার নয়, ও
 আমি নেব না—ও সমস্তই বাইরে রাখতে হবে,
 বাইরে দিতে হবে—ওর এক কণাও আমি
 ভিতরে তুলবো না । অহং-এর এই সমস্ত
 নিরন্তর সঞ্চয়ের দ্বারা আত্মাকে বদ্ধ হয়ে
 থাকলে চলবে না । কারণ এই বদ্ধতা আত্মার
 স্বাভাবিক নয়—আত্মা দানের দ্বারা মুক্ত হয় ।
 পরমাত্মা যেমন সৃষ্টির দ্বারা বদ্ধ নন, তিনি

শাস্তিনিকেতন

সৃষ্টির দ্বারাই মুক্ত—কেননা তিনি নিচ্ছেন না
তিনি দিচ্ছেন—আত্মাও তেমনি অহং-এর রচনা
দ্বারা বদ্ধ হবার জগ্বে হয় নি—এই রচনাগুলি-
দ্বারাই সে মুক্ত হবে—তার আনন্দস্বরূপ মুক্ত
হবে—কারণ এইগুলিই সে দান করবে।
এই দানের দ্বারাই তার যথার্থ প্রকাশ।
ঈশ্বরেরও আনন্দরূপ অমৃতরূপ বিসর্জনের
দ্বারাই প্রকাশিত। সেই জগ্বে অহং তখন
আত্মার যথার্থ প্রকাশ হয়, যখন আত্মা তাকে
উৎসর্গ করে দেয়, আত্মা তাকে নিজেই
গ্রহণ না করে।

৬ই চৈত্র

নদী ও কূল

অমর আত্মার সঙ্গে এই মরণধর্মী অহংটা আলোর সঙ্গে ছায়ার মত যে নিয়তই লেগে রয়েছে—শিক্ষার দ্বারা, অভ্যাসের দ্বারা, ঘটনা সংঘাতের দ্বারা, স্থানিক এবং সাময়িক নানা প্রভাবের দ্বারা, শরীর মন হৃদয়ের প্রকৃতি-গত প্রবৃত্তির বেগের দ্বারা অহরহ নানা সংস্কার গড়ে তুলে এবং কেবলি এই সংস্কার-দেহটির পরিবর্তন ঘটাবে—আমাদের আত্মার নামরূপময় একটি চিরচঞ্চল পরিবেষ্টন তৈরি করবে। এই অহংকে যদি একেবারে মিথ্যা মায়া বলে উড়িয়ে দিতে চেষ্টা করি তাহলেই সে যে ঘরে গিয়ে মরে থাকবে এমন আশঙ্কা নেই। যেমন সংসারকে মনের ক্ষোভে মিথ্যা বলেই সে মিথ্যা হয় না তেমনি এই

শান্তিনিকেতন

অহংকে রাগ করে মিথ্যা অপবাদ দিলে তার তাতে ক্ষতিবৃদ্ধি ঘটে না।

আম্মার সঙ্গে তার একটি সত্য সূক্ষ্ম আছে সেইখানেই সে সত্য—সেই সূক্ষ্মের বিকার ঘটলেই সে মিথ্যা। এই উপলক্ষ্যে আমি একটি উপমার অবতারণা করতে চাই।

নদীর ধারাটা চিরন্তন। সে পর্বতের গুহা থেকে নিঃসৃত হয়ে সমুদ্রের অতলের মধ্যে প্রবেশ করছে। সে যে-ক্ষেত্রের উপর দিয়ে প্রবাহিত হচ্ছে, সেই ক্ষেত্র থেকে উপকরণ-রাগি তার গতিবেগে আহরিত হয়ে চরু বেঁধে উঠে—কোথাও ছুড়ি, কোথাও বালি, কোথাও মাটি জম্চে, তার সঙ্গে নানা দেশের কত ধাতুকণা এবং জৈব পদার্থ এসে মিলচে। এই চর কতবার ভাঙে, কতবার গড়চে, কত স্থান ও আকার পরিবর্তন করচে—এর কোথাও বা গাছপালা উঠে, কোথাও বা মরুভূমি—কোথাও জলাশয়ে পাখী চরচে

নদী ও কূল

কোথাও বা বালির উপর কুমীরের ছানা
হাঁ করে পক্ষে রোদ পোয়াছে ।

এই চিরপরিবর্তনশীল চরগুলিই যদি
একান্ত প্রবল হয়ে ওঠে, তাহলেই নদীর চিরস্থান
ধারা বাধা পায়—ক্রমে ক্রমে নদী হয়ে পড়ে
গৌণ, চরই হয়ে পড়ে মুখ্য ।—শেষকালে
ফস্তুর মত নদীটা একেবারেই আচ্ছন্ন হয়ে
যেতে পারে ।

আত্মা সেই চিরশ্রোত নদীর মত । অনাদি
তার উৎপত্তিশিখর, অনন্ত তার সঞ্চারক্ষেত্র ;
আনন্দই তাকে গতিবেগ দিয়েছে—সেই গতির
বিরাম নেই ।

এই আত্মা যে দেশ দিয়ে যে কাল দিয়ে
চলেছে তার গতিবেগে সেই দেশ ও সেই
কালের নানা উপকরণ সঞ্চিত হয়ে তার একটি
সংস্কাররূপ তৈরি হতে থাকে—এই জিনিষটি
কেবলি ভাংচে, গড়চে, কেবলি আকার
পরিবর্তন করচে ।

শান্তিনিকেতন

কিন্তু সৃষ্টি কোনো কোনো অবস্থায় সৃষ্টি-
কর্তাকে ছাপিয়ে উঠতে পারে। আত্মাকেও
তার দেশকালজাত অহং প্রবল হয়ে উঠে
অবরুদ্ধ করতে পারে। এমন হতে পারে
অহংটাকেই তার স্তূপাকার উপকরণসমেত
দেখা যায়—আত্মাকে আর দেখা যায় না।
অহং চারিদিকেই বড় হয়ে উঠে আত্মাকে
বলতে থাকে—তুমি চলতে পাবে না, তুমি
তুমি এইখানেই থেকে যাও; তুমি এই
ধন দৌলতেই থাক, এই ঘরবাড়িতেই থাক,
এই খ্যাতি প্রতিপত্তিতেই থাক।

যদি আত্মা আটকা পড়ে তবে তার স্বরূপ
ক্লিষ্ট হয়, তার স্বভাব নষ্ট হয়। সে তার
গতি হারায়। অনন্তের মুখে সে আর চলে
না, সে মজে যায়, সে মরতে থাকে।

আত্মা দেশকাল পাত্রের মধ্যে দিয়ে নানা
উপকরণে এই যে নিজের উপকূল রচনা করতে
থাকে তার প্রধান সার্থকতা এই যে এই কূলের

নদী ও কূল

ধারাই তার গতি সাহায্যপ্রাপ্ত হয়। এই কূল না থাকলে সে ব্যাপ্ত হয়ে বিক্ষিপ্ত হয়ে অচল হয়ে থাকত। অহং লোকে লোকান্তরে আত্মার গতিবেগকে বাড়িয়ে তার গতিপথকে এগিয়ে নিয়ে চলে। উপকূলই নদীর সীমা এবং নদীর রূপ—অহংই আত্মার সীমা, আত্মার রূপ—এই রূপের মধ্য দিয়েই আত্মার প্রবাহ, আত্মার প্রকাশ। এই প্রকাশ-পরম্পরার ভিতর দিয়েই সে নিজেকে নিয়ত উপলব্ধি করচে, অনন্তের মধ্যে সংকরণ করচে ;—এই অহং-উপকূলের নানা ঘাতে প্রতিঘাতেই তার জরঙ্গ তার সঙ্গীত।

কিন্তু যখন উপকূলই প্রধান হয়ে উঠতে থাকে, যখন সে নদীর আনুগত্য না করে—তখনই গতির সহায় না হয়ে সে গতিরোধ করে। তখন অহং নিজে ব্যর্থ হয় এবং আত্মাকে ব্যর্থ করে। যেটুকু বাধার আত্মা বেগ পায় তার চেয়ে অধিক বাধার আত্মা

শান্তিনিকেতন

অবরুদ্ধ হয় । তখন উপকূল নদীর সামগ্রী না হয়ে নদীই উপকূলের সামগ্রী হয়ে ওঠে এবং আত্মাই অহং-এর বশীভূত হয়ে নিজের অমরত্ব ভুলে সংসারে নিতান্ত দীনহীন হয়ে বাস করতে থাকে—নিজেকে দানের দ্বারা যে সার্থক হত, সঞ্চয়ের বহুতর শুষ্কবালুময় বেষ্টনের মধ্যে সে মৃত্যুশয্যায় পড়ে থাকে—তবু মরে না, কেবল নিজের দুর্গতিকেই ভোগ করে ।

৭ই চৈত্র

আত্মার প্রকাশ

প্রকাশ এবং যার প্রকাশ উভয়ের মধ্যে একটি বৈপরীত্য থাকে—সেই বৈপরীত্যের সামঞ্জস্যের দ্বারাই উভয়ে সার্থকতা লাভ করে। বস্তুত বিরোধের মিলন ছাড়া প্রকাশ হতেই পারে না।

কর্মের মধ্যে শক্তির একটি বাধা আছে— সেই বাধাকে অতিক্রম করে কর্মের সঙ্গে সঙ্গত হয় বলেই শক্তিকে শক্তি বলি।” কর্মের মধ্যে শক্তির সেই বিরোধ যদি না থাকত তাহলে শক্তিকে শক্তিই বলতুম না। আবার, যদি কেবল বিরোধই থাকত তার কোনো সামঞ্জস্যই না থাকত তাহলেও শক্তিকে শক্তি বলা যেত না।

জগতের মধ্যে জগদীশ্বরের যে প্রকাশ, সে হচ্ছে সীমার মধ্যে অসীমের প্রকাশ। এই সীমার অসীমে বৈপরীত্য আছে, তা না হলে

শান্তিনিকেতন

অসীমের প্রকাশ হতে পারত না। কিন্তু কেবলি যদি বৈপরীত্যই থাকত তাহলেও সীমা অসীমকে আচ্ছন্ন করেই থাকত।

এক জায়গায় সীমার সঙ্গে অসীমের সামঞ্জস্য আছে। সে কোথায়? যেখানে সীমা আপনার সীমার মধ্যেই স্থির হয়ে বসে নেই—যেখানে সে অহরহই অসীমের দিকে চলেছে। সেই চলায় তার শেষ নেই—সেই চলায় সে অসীমকে প্রকাশ করচে।

মনে কর একটি বৃহৎ দৈর্ঘ্য স্থির হয়ে রয়েছে—ছোট মাপকাটি কি করে সেই দৈর্ঘ্যের বৃহৎকে প্রকাশ করে? না, ক্রমাগতই সেই স্তর দৈর্ঘ্যের পাশে পাশে চঞ্চল হয়ে অগ্রসর হতে হতে। সে প্রত্যেকবার অগ্রসর হয়ে বলে, না এখনো শেষ হল না। সে যদি চূপ করে পড়ে থাকত তা হলে বৃহৎের সঙ্গে কেবল মাত্র নিজের বৈপরীত্যটুকুই জানত কিন্তু সে নাকি চলেছে এই চলার দ্বারা বৃহৎকে পদে

আত্মার প্রকাশ

পদে উপলব্ধি করে চলেছে। এই চলার দ্বারা মাপকাটি ক্ষুদ্র হয়েও বৃহত্ত্বকে প্রচার করছে। এইরূপে ক্ষুদ্রে বৃহতে বৈপরীত্যের মধ্যে যেখানে একটা সামঞ্জস্য ঘটতে সেইখানেই ক্ষুদ্রের দ্বারা বৃহতের প্রকাশ হচ্ছে।

জগৎও তেমনি সীমাবদ্ধভাবে কেবল স্থির নিশ্চল নয়—তার মধ্যে নিরন্তর একটি অভিব্যক্তি আছে একটি গতি আছে। রূপ হতে রূপান্তরে চলতে চলতে সে ক্রমাগতই বল্চে আমার সীমার দ্বারা তাঁর প্রকাশকে শেষ করতে পারলুম না। এইরূপে রূপের দ্বারা জগৎ সীমাবদ্ধ হয়ে গতির দ্বারা অসীমকে প্রকাশ করছে। রূপের সীমাটি না থাকলে তার গতিও থাকতে পারত না—তার গতি না থাকলে অসীম ত অব্যক্ত হয়েই থাকতেন।

আত্মার প্রকাশরূপ যে অহং তার সঙ্গে আত্মার একটি বৈপরীত্য আছে। আত্মা ন জায়তে ম্রিয়তে, না জন্মানা মরে ; অহং জন্ম-

শান্তিনিকেতন

মরণের মধ্য দিয়ে চলেছে—আত্মা দান করে, অহং সংগ্রহ করে, আত্মা অনন্তের মধ্যে সঞ্চরণ করতে চায়, অহং বিষয়ের মধ্যে আসক্ত হতে থাকে ।

এই বৈপরীত্যের বিরোধের মধ্যে যদি একটি সামঞ্জস্য স্থাপিত না হয় তবে অহং আত্মাকে প্রকাশ না করে' তাকে আচ্ছন্নই করবে ।

অহং আপনার মৃত্যুর দ্বারাই আত্মার অমরত্ব প্রকাশ করে । কোনো সীমাবদ্ধ পদার্থ নিশ্চল হয়ে এই অমর আত্মাকে নিজের মধ্যে একভাবে রুদ্ধ করে রাখতে পারে না । অহং এর মৃত্যুর দ্বারা আত্মা রূপকে বর্জন করতে করতেই নিজের রূপাতীত স্বরূপকে প্রকাশ করে—রূপ কেবলি বলে, “এ-কে আমি বাঁধতে পারলুম না—এ আমাকে নিরন্তর ছাড়িয়ে চলে ।” এই জন্মমৃত্যুর দ্বারগুলি আত্মার পক্ষে রুদ্ধ দ্বার নয়—সে যেন তার রাজপথের

আত্মার প্রকাশ

বিজয় তোরণের মত—তার মধ্য দিয়ে প্রবেশ করতে করতে সে চলে যাচ্ছে—এগুলি কেবল তার গুণের পরিমাপ করছে মাত্র। অহং নিয়ত চঞ্চল হয়ে আত্মাকে কেবল মাপে আর কেবলি বলছে—“না এ-কে আমি সীমা-বদ্ধ করে রাখতে পারলুম না।” সে যেমন সব জিনিষকেই বদ্ধ করে রাখতে চায় তেমনি আত্মাকেও সে বাঁধতে চায়—বদ্ধ করতে চাওয়াই তার ধর্ম। অথচ একেবারে বদ্ধ করে রাখা তার ক্ষমতার মধ্যে নেই। যেমন বদ্ধ করা তার প্রবৃত্তি তেমনি বদ্ধ করাই যদি তার ক্ষমতা হত তবে অমন সর্বনেশে জিনিষ আর কি হত !

তাই বলছিলেন অহং আত্মাকে যে কেবলি বাঁধে এবং ছেড়ে দিচ্ছে সেই বাঁধা এবং ছেড়ে দেওয়ার দ্বারাই সে আত্মার মুক্ত-স্বভাবকে প্রকাশ করছে। যদি না বাঁধত তা হলে এই মুক্তির প্রকাশ কোথায় থাকত, যদি না ছেড়ে দিত তাহলেই বা কোথায় থাকত ?

শান্তিনিকেতন

আত্মা দান করে এবং অহং সংগ্রহ করে, এই বৈপরীত্যের মধ্যে সামঞ্জস্য কোথায় সে কথার আলোচনা কাল করেছে। আত্মা দান করবে বলেই অহং সংগ্রহ করে এইটেই হচ্ছে ওর সামঞ্জস্য। অহং সে কথা ভোলে—সে মনে করে সংগ্রহ করা ভোগেরই জন্তে। এই মিথ্যাকে যতই সে আঁকড়ে ধরতে চায় এই মিথ্যা ততই তাকে দুঃখ দেয় ফাঁকি দেয়। আত্মা তার অহংবৃক্ষে ফল ফলাবে বটে কিন্তু ফল আত্মসাৎ করবে না, দান করবে।

আমাদের জীবনের সাধনা এই যে, অহং-এর দ্বারা আমরা আত্মাকে প্রকাশ করব। যখন তা না করে' ধনকে মানকে বিদ্যাকেই প্রকাশ করতে চাই তখন অহং 'নিজেকেই প্রকাশ করে, আত্মাকে প্রকাশ করে না। তখন ভাষা নিজের বাহাদুরি দেখাতে চায়, ভাবা ম্লান হয়ে যায়।

যাঁরা সাধুপুরুষ তাঁদের অহং চোখেই পড়ে

আত্মার প্রকাশ

না, তাঁদের আত্মাকেই দেখি। সেই জন্মে তাঁদের মহাধনী মহামানী মহা বিদ্বান বলিনে— তাঁদের মহাত্মা বলি। তাঁদের জীবনে আত্মাই প্রকাশ সূত্রাং তাঁদের জীবন সার্থক। তাঁদের অহং আত্মাকে মুক্তই করচে, বাধাগ্রস্ত করচে না।

এই জন্মেই আমাদের প্রার্থনা যে, আমরা যেন এই মানবজীবনে সত্যকেই প্রকাশ করি, অসত্যকে নিয়েই দিনরাত ব্যস্ত হয়ে না থাকি—আমরা যেন প্রবৃত্তির অন্ধকারের মধ্যেই আত্মাকে আচ্ছন্ন করে না রাখি—আত্মা যেন এই ঘোর অন্ধকারে আপনাকে আপনি না হারায়—মোহমুক্ত নির্মল জ্যোতিতে আপনাকে আপনি উপলব্ধি করে—সে যেন নানা অনিত্য উপকরণের সঞ্চয়ের মধ্যে পদে পদে আঘাত খেতে খেতে হাওড়ে না বেড়ায়; সে যেন আপনার অমৃতরূপকে আনন্দরূপকে তোমার মধ্যে লাভ করে। হে স্বপ্রকাশ, আত্মা যেন নিজের

শান্তিনিকেতন

সকল প্রকাশেব মধো তোমাকেই প্রকাশ কবে ;
নিজের অহংকেই প্রকাশ না কবে, মানবজীবনকে
একেবারে নিরর্থক করে না দেয় ।

৮ই চৈত্র



আদেশ

কোন্ কোন্ মন্দ কাজ করবেনা "তার বিশেষ উল্লেখ করে সেইগুলিকে ধর্মশাস্ত্র ঈশ্বরের বিশেষ নিষেধরূপে প্রচার করেছেন।

সে রকম ভাবে প্রচার করলে মনে হয় যেন ঈশ্বর কতকগুলি নিজের ইচ্ছামত আইন করে দিয়েছেন সেই আইনগুলি লঙ্ঘন করলে বিশ্বরাজের কোপে পড়তে হবে। সে কথাটাকে এইরূপ ক্ষুদ্র ও কৃত্রিমভাবে মানতে পারিনে। তিনি কোনো বিশেষ আদেশ জানাননি—কেবল তাঁর একটি আদেশ তিনি ঘোষণা করেছেন—সমস্ত বিশ্বব্রহ্মাণ্ডের উপরে তাঁর সেই আদেশ—সেই একমাত্র আদেশ।

তিনি কেবলমাত্র বলেছেন, প্রকাশিত হও ! সূর্য্যকেও তাই বলেছেন—পৃথিবীকেও তাই বলেছেন, মানুষকেও তাই বলেছেন।

শাস্তিনিকেতন

সূর্য্য তাই জ্যোতির্গয় হয়েছে, পৃথিবী তাই জীবধাত্রী হয়েছে, মানুষকেও তাই আত্মাকে প্রকাশ করতে হবে।

বিশ্বজগতের যে কোনো প্রান্তে তাঁর এই আদেশ বাধা পাচ্ছে, সেইখানেই কুঁড়ি মুষ্ড়ে যাচ্ছে, সেইখানেই নদী স্রোতোহীন হয়ে শৈবালজালে রুদ্ধ হচ্ছে—সেইখানেই বন্ধন, বিকার, বিনাশ।

বুদ্ধদেব যখন বেদনাপূর্ণ চিন্তে ধ্যান দ্বারা এই প্রশ্নের উত্তর খুঁজেছিলেন যে, মানুষের বন্ধন বিকার . বিনাশ কেন, দুঃখ জরা মৃত্যু কেন, তখন তিনি কোন্ উত্তর পেয়ে আনন্দিত হয়ে উঠেছিলেন? তখন তিনি এই উত্তরই পেয়েছিলেন যে, মানুষ আত্মাকে উপলব্ধি করলেই আত্মাকে প্রকাশ করলেই মুক্তিলাভ করবে। সেই প্রকাশের বাধাতেই তার দুঃখ—সেইখানেই তার পাপ।

এই ক্ষণে তিনি প্রথমে কতকগুলি নিষেধ

স্বীকার করিয়ে মানুষকে শীল গ্রহণ করতে আদেশ করেন। তাকে বলেন তুমি লোভ কোরোনা, হিংসা কোরোনা, বিলাসে আসক্ত হোয়োনা। যে সমস্ত আবরণ তাকে বেঁধে ধরেছে সেইগুলি প্রতিদিনের নিয়ত অভ্যাসে মোচন করে ফেলবার জ্ঞে তাকে উপদেশ দিলেন। সেই আবরণগুলির মোচন হলেই আত্মা আপনার বিশুদ্ধ স্বরূপটি লাভ করবে।

সেই স্বরূপটি কি? শূন্যতা নয়, নৈষ্কর্ম্য নয়। সে হচ্ছে মৈত্রী, করুণা, নিখিলের প্রতি প্রেম। বুদ্ধ কেবল বাসনা ত্যাগ করতে বলেননি তিনি প্রেমকে বিস্তার করতে বলেছেন। কারণ এই প্রেমকে বিস্তারের দ্বারাই আত্মা আপন স্বরূপকে পায়—সূর্য্য যেমন আলোককে বিকীর্ণ করার দ্বারাই আপনার স্বভাবকে পায়।

সর্বলোকে আপনাকে পরিকীর্ণ করা

শাস্তিনিকেতন

আত্মার ধর্ম—পরমাআরও সেই ধর্ম । তাঁর
সেই ধর্ম পরিপূর্ণ—কেননা তিনি শুদ্ধম্
অপাপ বিদ্ধঃ—তিনি নির্ঝিকার তাঁতে, পাপের
কোনো বাধা নেই । সেইজন্তে সর্বত্রই তাঁর
প্রবেশ ।

পাপের বন্ধন মোচন করলে আমাদেরও
প্রবেশ অব্যাহত হবে । তখন আমরা কি
হব ? পরমাআর মত সেই স্বরূপটি লাভ
করব যে স্বরূপে তিনি কবি, মনীষী, প্রভু,
স্বয়ম্ভু । আমরাও আনন্দময় কবি হব, মনের
অধীশ্বর হব, দাসত্ব থেকে মুক্ত হব, আপন
নির্মল আলোকে আপনি প্রকাশিত হব ।
তখন আত্মা সমস্ত চিন্তার বাক্য কর্ত্তে
আপনাকে শাস্তম্ শিবম্ অদ্বৈতম্বরূপে প্রকাশ
করবে—আপনাকে মুক্ত করে লুক করে
ধণ্ডবিধণ্ডিত করে দেখাবেনা ।

মৈত্রেয়ীর প্রার্থনাও সেই প্রকাশের
প্রার্থনা । যে প্রার্থনা বিশ্বের সমস্ত কুঁড়ির

মধ্যে, কিশলয়ের মধ্যে—যে প্রার্থনা দেশ-
কালের অপরিভৃপ্ত গভীরতাব মধ্য হতে
নিম্নত উঠ্চে—বিশ্বব্রহ্মাণ্ডের প্রত্যেক অণুতে
পরমাণুতে যে প্রার্থনা—যে প্রার্থনাব যুগ-
যুগান্তব্যাপী ক্রন্দনে পরিপূর্ণ হয়ে উঠেছে
বলেই বেদে এই অস্তরীক্ষকে ক্রন্দসী বোদসী
বলেছে—সেই মানবাত্মাব চিরন্তন প্রার্থনাই
মৈত্রেয়ীর প্রার্থনা। আমাকে প্রকাশ কর,
আমাকে প্রকাশ কর। আমি অসত্যে আচ্ছন্ন
আমাকে সত্যে প্রকাশ কর! আমি অন্ধকারে
আবিষ্ট আমাকে জ্যোতিতে প্রকাশ কর,
আমি মৃত্যুর দ্বারা আবিষ্ট আমাকে অমৃত্যুতে
প্রকাশ কর। হে আবিঃ, হে পরিপূর্ণ প্রকাশ,
তোমার মধ্যেই আমার প্রকাশ হোক, আমার
মধ্যে তোমার প্রকাশ কোনো বাধা না পাক—
সেই প্রকাশ নিশ্চুক্ত হলেই তোমার দক্ষিণ মুখের
জ্যোতিতে আমি চির কালের জন্তে রক্ষা পাব।
সেই প্রকাশের বাধাতেই তোমার অপ্রসন্নতা।

শান্তিনিকেতন

বুদ্ধ সমস্ত মানবের হয়ে নিজের জীবনে
এই পরিপূর্ণ প্রকাশের প্রার্থনাই করেছিলেন—
এ ছাড়া মানুষের আব দ্বিতীয় কোনো
প্রার্থনাই নেই ।

৯ ই চৈত্র

সাধন

আমরা অনেকেই প্রতিদিন এই বলে
আক্ষেপ করছি যে, আমরা ঈশ্বরকে পাচ্চিনে
কেন? আমাদের মন বস্চে না কেন?
আমাদের ভাব জম্চে না কেন?

সে কি অম্নি হবে, আপনি হয়ে উঠবে?
এতবড় লাভের খুব একটা বড় সাধনা নেই
কি? ঈশ্বরকে পাওয়া, বলতে কতখানি
বোঝায় তা ঠিক মত জানলে এ সম্বন্ধে বৃথা
চঞ্চলতা অনেকটা দূর হয়।

ব্রহ্মকে পাওয়া বলতে যদি একটা কোনো
চিন্তায় মনকে বসানো বা একটা কোনো ভাবে
মনকে রসিয়ে তোলা হত তা হলে কোনো
কথাই ছিল না—কিন্তু ব্রহ্মকে পাওয়া ত
অমন একটা ছোট ব্যাপার নয়। তার জন্তে
শিক্ষা হল কই? তার জন্তে সমস্ত চিন্তকে

শান্তিনিকেতন

একমনে নিযুক্ত করলুম কই ? তপসা ব্রহ্ম
বিজিজ্ঞাসস্ব ; অর্থাৎ তপস্যার দ্বারা ব্রহ্মকে
বিশেষরূপে জানতে চাও এই যে উপদেশ সে
উপদেশের মত তপস্যা হল কই ?

কেবল কি নিয়মিত সময়ে তাঁর নাম করা
নাম শোনাই তপস্যা ? জীবনের অল্প একটু
উদ্ধৃত জায়গা তাঁর জন্তে ছেড়ে দেওয়াই কি
তপস্যা ? সেইটুকুমাত্র ছেড়ে দিয়েই তুমি রোজ
তার হিসেব নিকেশ করে নেবার তাগাদা
কর ? বল, যে, এই ত উপাসনা করচি কিন্তু
ব্রহ্মকে পাচ্চিনে কেন ? এত সস্তায় কোন্
জিনিষটা পেয়েছ ?

কেবল পাঁচজন মানুষের সঙ্গে মিলে থাকবার
উপযুক্ত হবার জন্তে কি তপস্যাই না করতে
হয়েছে ? বাপ মার কাছে শিক্ষা, প্রতিবেশীর
ক কাছে শিক্ষা, বন্ধুর কাছে শিক্ষা শত্রুর কাছে
শিক্ষা, ইস্কুলে শিক্ষা, আপিসে শিক্ষা ;
রাজার শাসন, সমাজের শাসন, শাস্ত্রের শাসন ।

সেজন্তু ক্রমাগতই প্রবৃত্তিকে দমন করতে হয়েছে, ব্যবহারকে সংযত করতে হয়েছে, ইচ্ছাবৃত্তিকে পরিমিত করতে হয়েছে। এত করেও পরিপূর্ণ সামাজিক জীব হয়ে উঠিনি,— কত অসতর্কতা কত শৈথিল্যবশত কত অপরাধ করি তার ঠিক নেই। তাই জীবনের শেষদিন পর্যন্ত আমাদের সমাজ-সাধনা চলেইচে।

সমাজবিহারের জন্তু যদি এত কঠিন ও নিরন্তর সাধনা তবে ব্রহ্ম বিহারের জন্তু বুঝি কেবল মাঝে মাঝে নিয়মমত দুই চারিটি কথা শুনে বা দুই চারিটি কথা বলেই কাজ হয়ে যাবে ?

এরকম আশা যদি কেউ করে তবে বোঝা যাবে সে ব্যক্তি মুখে যাই বলুক, সাধনার লক্ষ্য যেখানে সে স্থাপন করেছে সেটা একটা ছোট জায়গা। সে জায়গার এমন কিছুই নেই যা তোমার সমস্ত সংসারের চেয়েও

শান্তিনিকেতন

বড়—বরং এমন কিছু আছে যার চেয়ে তোমার
সংসারের অধিকাংশ জিনিষই বড় ।

এইটি মনে রাখতে হবে প্রতিদিন সকল
কর্মের মধ্যে আমাদের সাধনাকে জাগিয়ে
রাখতে হবে । এই সাধনাটিকে আমাদের
গড়তে হবে । শরীরটিকে মনটিকে হৃদয়টিকে
সকল দিক দিয়ে ব্রহ্মবিহারের অনুকূল করে
তুলতে হবে ।

সমাজের জগৎ আমাদের এই শরীর মন
হৃদয়কে আমরা ত একটু একটু করে গড়ে
তুলেছি । শরীরকে সমাজের উপযোগী সাজ
করতে অভ্যাস করিয়েছি—শরীর সমাজের
উপযোগী লক্ষ্যসঙ্কেচ করতে শিখেছে ;—
তার হাত পা চাহনি হাসি সমাজের প্রয়োজন
অনুসারে শারৈস্তা হয়ে এসেছে ;—সভাস্থলে
স্থির হয়ে বসতে তার আর কষ্ট হয় না,
পরিচিত ভঙ্গলোক দেখলে হাসিমুখে শিষ্ট
সম্ভাষণ করতে তার আর চেষ্টা করতে হয় না ।

সাধন

সমাজের সঙ্গে মিলে থাকবার জন্যে বিশেষ
অভ্যাসের দ্বারা অনেক ভাললাগা মন্দলাগা
অনেক ঘৃণা ভয় এমন করে গড়ে তুলতে
হয়েছে—যে সেগুলি শারীরিক সংস্কারে পরিণত
হয়েছে, এমন কি, সেগুলি আমাদের সহজ
সংস্কারের চেয়েও বড় হয়ে উঠেছে। এমনি
করে কেবল শরীর নয় হৃদয় মনকে প্রতিদিন
সমাজের ছাঁচে ফেলে হাতুড়ি দিয়ে পিটিয়ে
গড়ে তুলতে হয়েছে।

ব্রহ্মবিহারের জন্যেও শরীর মন হৃদয়কে
সকল দিক দিয়েই সকল প্রকারেই নিজের
চেষ্টার গড়ে তুলতে হবে। যদি প্রশ্ন করবার
কিছু থাকে তবে এইটেই প্রশ্ন করবার যে,
আমি কি সেই চেষ্টা করছি? আমি কি
ব্রহ্মকে পেয়েছি সে প্রশ্ন এখন থাক।

প্রথমে শরীরটাকে ত বিগুহ্ব করে তুলতে
হবে। আমাদের চোখ মুখ হাত পাকে এমন
করতে হবে যে পবিত্র সংঘম তাদের পক্ষে

শান্তিনিকেতন

একেবারে সংস্কারের মত হয়ে আসবে। সম্মুখে যেখানে লজ্জার বিষয় আছে সেখানে মন লজ্জা করবার পূর্বে চক্ষু আপনি লজ্জিত হবে—যে ঘটনার সহিষ্ণুতার প্রয়োজন আছে সেখানে মন বিবেচনা করবার পূর্বে বাক্য আপনি ক্ষান্ত হবে, হাত পা আপনি স্তব্ধ হবে। এর অন্তে যুহুর্ন্তে যুহুর্ন্তে আমাদের চেষ্টার প্রয়োজন। তুমুকে ভাগবতী তুমু করে তুলতে হবে—এ তুমু ভগবানের সঙ্গে কোথাও বিরোধ করবেনা, অতি সহজেই সর্বত্রই তাঁর অনুগত হবে।

প্রতিদিন প্রত্যেক ব্যাপারে আমাদের বাসনাকে সংযত করে আমাদের ইচ্ছাকে মঙ্গলের মধ্যে বিস্তীর্ণ করতে হবে—অর্থাৎ ভগবানের যে ইচ্ছা সর্বজীবের মধ্যে প্রসারিত, নিজের রাগ ঘেব লোভক্ষোভ ভুলে সেই ইচ্ছার সঙ্গে সচেষ্টভাবে যোগ দিতে হবে—সেই ইচ্ছার মধ্যে প্রত্যাহই আমাদের ইচ্ছাকে

অন্ন অন্ন করে ব্যাণ্ড করে দিতে হবে। যে পরিমাণে ব্যাণ্ড হতে থাকবে ঠিক সেই পরিমাণেই আমরা ব্রহ্মকে পাব। এক জায়গায় চূপ করে দাঁড়িয়ে থেকে যদি বলি যে দূর লক্ষ্যস্থানে পৌঁছছি না কেন সে যেমন অসম্ভব বলা,—তেমনি নিজের ক্ষুদ্র গণ্ডীর মধ্যে স্বার্থবেষ্টনের কেন্দ্রে অচল হয়ে বসে, কেবলমাত্র অপত্যপের দ্বারা ব্রহ্মকে পাচ্চিনে কেন এ প্রশ্নও তেমনি অসম্ভব।

১০ ই চৈত্র



ব্রহ্মবিহার

ব্রহ্মবিহারের এই সাধনার পথে বুদ্ধদেব মানুষকে প্রবর্তিত করবার জন্তে বিশেষরূপে উপদেশ দিয়েছেন। তিনি জানতেন কোনো পাবার যোগ্য জিনিষ ফাঁকি দিয়ে পাওয়া যায় না—সেই জন্তে তিনি বেশি কথা না বলে একেবারে ভিঃ খোঁড়া থেকে কাজ আরম্ভ করে দিয়েছেন।

তিনি বলেছেন শীল গ্রহণ করাই মুক্তি-পথের পাথের গ্রহণ করা। চরিত্র শব্দের অর্থই এই যাতে করে চলা যায়—শীলের দ্বারা সেই চরিত্র গড়ে ওঠে—শীল আমাদের চলবার সম্বল।

পাপং ন হানে, প্রাণীকে হত্যা করবে না,
এই কথাটি শীল। ন চ দিন্নমাদিয়ে—যা

ব্রহ্মবিহার

তোমাকে দেওয়া হয়নি তা নেবেনা এই একটি শীল। মুসা ন ভাসে, মিথ্যা কথা বলবেনা এই একটি শীল, ন চ মজ্জপো সিয়া — মদ খাবে না এই একটি শীল। এমনি করে ষাধাসাধ্য একটি একটি করে শীল সঞ্চয় করতে হবে।

আর্য্য শ্রাবকেরা প্রতিদিন নিজেদের এই শীলকে স্মরণ করেন—“ইধ অরিয়সাবকো অস্তনো সীলানি অমুস্মরতি।” শীল সকলকে কি বলে অমুস্মরণ করেন ?

“অধণ্ডানি, অচ্ছিদানি, অসবলানি, অকম্মাসানি ভুজিস্সানি, বিঞ্ঞুপ্পমথানি, অপরামঠ্ঠানি, সমাধি সংবত্তনিকানি।” অর্থাৎ আমার এই শীল ধণ্ডিত হয়নি, এ’তে ছিদ্র হয়নি, আমার এই শীল জোর করে রক্ষিত হয়নি অর্থাৎ ইচ্ছা করেই রাখ’চি, এই শীলে পাপ স্পর্শ করেনি, এই শীল ধন মান প্রভৃতি কোনো ষাধসাধনের জন্ত আচরিত নয়, এই

শান্তিনিকেতন

শীল বিষ্ণুজনের অনুমোদিত, এই শীল বিদগিত
হয়নি এবং এই শীল মুক্তিপ্রবর্তন করবে।”
এই বলে আর্ষ্যশ্রাবকগণ নিজ নিজ শীলের
শুধু বারবার স্মরণ করেন।

এই শীলগুলিই হচ্ছে মঙ্গল। মঙ্গললাভই
প্রেম ও মুক্তিলাভের সোপান। বুদ্ধদেব
কাকে যে মঙ্গল বলেছেন তা “মঙ্গল সূক্তে”
কথিত আছে—সেটি অনুবাদ করে দিই :—

বহু দেবা মনুস্মা চ মঙ্গলানি অচিহ্নয়ুঃ
আকাঙ্ক্ষমানা সোখানং, ক্রুহি মঙ্গলমুক্তমং।

বুদ্ধকে প্রশ্ন করা হচ্ছে যে, বহু দেবতা
বহু মানুষ বীরা শুভ আকাঙ্ক্ষা করেন তাঁরা
মঙ্গলের চিন্তা করে এসেছেন সেই মঙ্গলটি
কি বল!

বুদ্ধ উত্তর দিচ্ছেন :—

অসেবনা চ বালানং পণ্ডিতানাঞ্চ সেবনা,
পূজা চ পূজনীয়ানং এতং মঙ্গলমুক্তমং।

অসৎগণের সেবা না করা, সজ্ঞানের সেবা

ব্রহ্মবিহার

করা, পুত্রনীরকে পূজা করা এই হচ্ছে উত্তম মঙ্গল ।

পতিরূপদেসবাসো চ, পুত্রো চ কতপুত্রোক্তা,
অন্তসম্মাপগিধি চ, এতৎ মঙ্গলমুত্তমং ।

যে দেশে ধর্মসাধন বাধা পায় না সেই দেশে বাস, পূর্বকৃত পুণ্যকে বর্দ্ধিত করা, আপনাকে সংকর্মে প্রগিধান করা এই উত্তম মঙ্গল ।

বহুসচ্চক্ষুঃ সিপ্পঞ্চ, বিনয়ো চ সুসিক্ষিতো
সুভাসিতা চ যা বাচা, এতৎ মঙ্গলমুত্তমং ॥

বহু শাস্ত্র অধ্যয়ন, বহু শিল্পশিক্ষা, বিনয়ে সুশিক্ষিত হওয়া, এবং সুভাবিত বাক্য বলা এই উত্তম মঙ্গল ।

মাতাপিতৃ উপঠানং পুস্তধারসু সংগহো,
অনাকুলা চ কস্মাপি এতৎ মঙ্গলমুত্তমং ॥

মাতা পিতাকে পূজা করা, স্ত্রী পুত্রের কল্যাণ করা, অনাকুল কর্মকরা এই উত্তম মঙ্গল ।

শাস্তিনিকেতন

দানঞ্চ ধর্মচরিয়ঞ্চ ঐশ্বর্যকানঞ্চ সংগহো

অনবজ্জানি কস্মাণি, এতং মঙ্গল মুত্তমং ।

দান, ধর্মচর্যা, ঐশ্বর্যবর্গের উপকার,
অনিন্দনীয় কর্ম এই উত্তম মঙ্গল ।

আবতৌ বিরতি পাপা, মজ্জপানা চ সঞ্জেমো

অপ্পমাদো চ ধম্মেসু, এতং মঙ্গল মুত্তমং ।

পাপে অনাসক্তি এবং বিরতি, মজ্জপানে
বিতৃষ্ণা, ধর্মকর্মের অপ্রমাদ এই উত্তমমঙ্গল ।

গারবো চ নিবাতো চ, সন্তুষ্ঠী চ কতঞ্জেতা

কালেন ধম্মসবনং এতং মঙ্গল মুত্তমং

গৌরব অথচ নয়তা, সন্তুষ্টি, কৃতজ্ঞতা,
যথাকালে ধর্মকথাশ্রবণ এই উত্তম মঙ্গল ।

ধন্তী চ সোবচস্সতা সমগানঞ্চ দস্সনং

কালেন ধম্মসাকচ্ছা এতং মঙ্গলমুত্তমং ।

ক্ষমা, প্রিয়বাদিতা, সাধুগণকে দর্শন, যথা-
কালে ধর্মালোচনা এই উত্তম মঙ্গল ।

তপোচ ব্রহ্মচরিয়ঞ্চ অরিয়া সচ্চান দস্সনং

নিব্বান সচ্ছিকিয়্যা এতং মঙ্গলমুত্তমং ।

তপশ্চা, ব্রহ্মচর্যা, শ্রেষ্ঠ সত্যকে জানা,
মুক্তিলাভের উপযুক্ত সংকার্য্য এই উত্তম
মঙ্গল ।

ফুঠ্ঠস্ স লোক ধম্মেহি চিত্তং যস্ স ন কম্পতি
অসোকং বিরজ্জং খেমং এতং মঙ্গল মুত্তমং ॥

লাভ ক্ষতি নিন্দা প্রশংসা প্রভৃতি লোক-
ধর্ম্মের দ্বারা আঘাত পেলেও যার চিত্ত কম্পিত
হয় না, যার শোক নেই, মলিনতা নেই, যার
ভয় নেই সে উত্তম মঙ্গল পেয়েছে ।

এতাদিসানি কথান, সর্ব্বথমপুরাজ্জিতা

সর্ব্বথ সোখি গচ্ছন্তি তং তেসং মঙ্গলমুত্তমন্তি ।

এই রকম যারা করেছে, তারা সর্ব্বত্র অপ-
রাজিত, তাঁরা সর্ব্বত্র স্বস্তি লাভ করে তাদের
উত্তম মঙ্গল হয় ।

যারা বলে ধর্ম্মনীতিই বৌদ্ধধর্ম্মের চরম
তাঁরা ঠিক কথা বলে না । মঙ্গল একটা উপায়
যাত্র । তবে নির্ঝাণই চরম ? তা হতে পারে
কিন্তু সেই নির্ঝাণটি কি ? সে কি শূন্যতা ?

শান্তিনিকেতন

যদি শূন্যতাই হত তবে পূর্ণতার দ্বারা তাতে গিয়ে পৌঁছন যেত না। তবে কেবলি সমস্তকে অস্বীকার করতে করতে নয় নয় নয় বলতে বলতে একটার পর একটা ত্যাগ করতে করতেই সেই সর্বশূন্যতার মধ্যে নির্দীপন লাভ করা যেত।

কিন্তু বৌদ্ধধর্মে সে পথের ঠিক উল্টা পথ দেখি যে। তাতে কেবল ত মঙ্গল দেখ্চিনে—মঙ্গলের চেয়েও বড় জিনিষটি দেখ্চি যে।

মঙ্গলের মধ্যেও একটা প্রয়োজনের ভাব আছে—অর্থাৎ তাতে একটা কোনো ভাল উদ্দেশ্য সাধন করে—কোনো একটা সুখ হয় বা সুযোগ হয়।

কিন্তু প্রেম যে সকল প্রয়োজনের বাড়া। কারণ প্রেম হচ্ছে স্বতই আনন্দ, স্বতই পূর্ণতা, সে কিছুই নেওয়ার অপেক্ষা করে না, সে যে কেবলি দেওয়া।

যে দেওয়ার মধ্যে কোনো নেওয়ার সম্বন্ধ

নেই সেইটেই হচ্ছে শেষের কথা—সেইটেই
ব্রহ্মের স্বরূপ—তিনি, নেন না ।

এই প্রেমের ভাবে, এই আদানবিহীন
প্রদানের ভাবে আত্মাকে ক্রমশ পরিপূর্ণ
করে তোলবার জন্যে বুদ্ধদেবের উপদেশ
আছে, তিনি তার সাধনপ্রণালীও বলে
দিরেছেন ।

এ ত বাসনা সংহরণের প্রণালী নয়—এ ত
বিশ্ব হতে বিমুক্ত হবার প্রণালী নয়—এ যে
সকলের অভিযুখে আত্মাকে ব্যাপ্ত করবার
পদ্ধতি । এই প্রণালীর নাম যেতি তাবনা—
মৈত্রীতাবনা ।

প্রতিদিন এই কথা ভাবতে হবে—

সবের সত্তা স্মৃতি হোক, অবেরা হোক,
অব্যাপজ্ঞা হোক, স্মৃধী অন্তানং পরিহরত্ব ;
সবেরসত্তা না যথালক সম্পত্তিতো বিগচ্ছত্ব ।

সকল প্রাণী স্মৃতি হোক, শত্রুহীন হোক,
অহিংসিত হোক, স্মৃধী আত্মা হয়ে কাল হরণ

শাস্তিনিকেতন

করুক ! সকল প্রাণী আপন যথালব্ধ সম্পত্তি
হতে বঞ্চিত না হোক !

মনে ক্রোধ ঘেঁষ লোভ ঈর্ষা থাকলে এই
মৈত্রী ভাবনা সত্য হয় না—এইজন্য শীল গ্রহণ
শীল সাধন প্রয়োজন—কিন্তু শীল সাধনার
পরিণাম হচ্ছে সর্বত্র মৈত্রীকে দয়াকে বাধাহীন
করে বিস্তার—এই উপায়েই আত্মাকে সকলের
মধ্যে উপলব্ধি করা সম্ভব হয় ।

এই মৈত্রীভাবনার দ্বারা আত্মাকে সকলের
মধ্যে প্রসারিত করা এত শূন্যতার পছন্দ নয় ।

তা যে নয় তা বুদ্ধ যাকে ব্রহ্মবিহার বলছেন
তা অনুশীলন করলেই বোঝা যাবে ।

করণীয় মথ কুসলেন

বস্তুং সন্তুং পদং অস্তিসমেচ্চ

সকো উজ্জু চ সুহৃজ্জু চ,

সুবচো চস্ স মূহ অনতিমানী ।

শাস্তিপদ লাভ করে পরমার্থ কুশল ব্যক্তির
যা করণীয় তা এই :—তিনি শক্তিমান, সরল,

অতি সরল, সুভাষী, মৃদু, নম্র এবং অনভিমানী
হবেন ।

সঙ্কস্কো চ স্তরো চ,
অপ্পকিচ্চো চ সল্লহকবুত্তি,
সত্ত্বিস্সয়ো চ নিপকো চ
অপ্পগবভো কুলেসু অনমুগিচ্ছো ।

তিনি সঙ্কষ্ট হৃদয় হবেন, অল্পেই তাঁর ভরণ
হবে, তিনি নিরুদ্বেগ, অল্পভোজী, শাস্তেন্দ্রিয়,
সদ্বিবেচক অপ্রগলভ এবং সংসারে অনাসক্ত
হবেন ।

ন চ খুদ্দং সমাচরে কিঞ্চ
যেন বিঞঞপরে উপবদেঘাং ।
সুখিনো বা থেমিনো বা
সর্বৈ সত্তা ভবন্তু সুখিতত্তা ।

এমন ক্ষুদ্র অন্তায়ও কিছু আচরণ করবেন
না যার জন্তে অণ্ডে তাঁকে নিন্দা করতে পারে ।
তিনি কামনা করবেন সকল প্রাণী সুখী হোক
নিরাপদ হোক সুস্থ হোক ।

শাস্তিনিকেতন

যে কেচি গাণভূতখি
তমা বা ধাবরা বা অনবসেসা,
দীঘা বা যে মহস্তা বা
মজ্জিমা রসসকা অগুকথুলা,
দিঠ্ঠা বা যে চ অদিঠ্ঠা
যে চ দূরে বসন্তি অবিদূরে,
ভূতা বা সস্তবেসী বা
সক্বে সত্তা ভবন্ত সুখিতত্তা ।

যে কোনো প্রাণী আছে, কি সবল কি
হ্রস্বল, কি দীর্ঘ কি প্রকাণ্ড, কি মধ্যম, কি
হ্রস্ব, কি সূক্ষ্ম কি স্থূল, কি দৃষ্ট কি অদৃষ্ট যারা
দূরে বাস করচে বা যারা নিকটে, যারা জন্মেছে
বা যারা জন্মাবে অনবশেষে সকলেই সুখী
আত্মা হোক !

ন পরোপরং নিকুব্বেথ
নাতি মঞ্জেথ কথাচি নং কঞ্চি
ব্যারোসনা পটিষ সঞ্জা
নাঞ্জ মঞ্জস্ত হুন্ধ মিচ্ছেযা ।

ব্রহ্মবিহার

পরস্পরকে বঞ্চনা কোরো না—কোথাও
কাউকে অবজ্ঞা কোরো না, কারেবাক্যে বা মনে
ক্রোধ করে অথবা হিংসা ইচ্ছা কোরোনা ।

মাতা যথা নিষং পুত্রং
আয়ুসা এক পুত্রমমুরক্থে
এবম্পি সর্বভূতেসু
মানসস্তাবরে অপরিমাণং ।

মা যেমন নিজের একটি মাত্র পুত্রকে
নিজের আয়ু দিয়ে রক্ষা করেন সমস্ত প্রাণীতে
সেই প্রকার অপরিমিত মানস রক্ষা
করবে ।

মুক্তঞ্চ সর্বলোকস্বিং
মানসং স্তাবরে অপরিমাণং
উদ্ধং অথো চ তিরিষঞ্চ
অস্বাধং অবেরমসপুত্রং ।

উর্দ্ধে অধোতে চারদিকে সমস্ত জগতের
প্রতি বাধাহীন, হিংসাহীন, শত্রুতাহীন অপরি-
মিত মানস এবং মৈত্রী রক্ষা করবে ।

শান্তিনিকেতন

তিষ্ঠং চরং নিসিন্নো বা
সন্নানো বা বাবতস্ বিগতমিচ্ছো
এতং সতিং অধিষ্ঠেব্য
ব্রহ্মমেতং বিহারমিধমাছ ।

বধন দাঁড়িয়ে আছ বা চলচ বসে আছ বা
ভয়ে আছ । যে পর্য্যন্ত না নিজা আসে সে
পর্য্যন্ত এই প্রকার স্মৃতিতে অধিষ্ঠিত হয়ে
ধাকাকে ব্রহ্মবিহার বলে ।

অপরিমিত মানসকে প্রীতিভাবে মৈত্রী-
ভাবে বিশ্বলোকে ভাবিত করে তোলাকে
ব্রহ্মবিহার বলে । সে প্রীতি সামান্ত প্রীতি
নয়—মা তাঁর একটিমাত্র পুত্রকে, ক্ষেত্রকম
ভালবাসেন সেইরকম ভালবাসা ।

ব্রহ্মের অপরিমিত মানস যে বিশ্বের সর্বত্রই
রয়েছে, একপুত্রের প্রতি মাতার যে প্রেম
সেই প্রেম যে তাঁর সর্বত্র—তাঁরই সেই
মানসের সঙ্গে মানস, প্রেমের সঙ্গে প্রেম না
মেশালে সে ত ব্রহ্মবিহার হলনা ।

ব্রহ্মবিহার

কথাটা খুব বড়। কিন্তু বড় কথাই যে হচ্ছে। বড় কথাকে ছোট কথা করে ত লাভ নেই। ব্রহ্মকে চাওয়াই যে সকলের চেয়ে বড়কে চাওয়া। উপনিষৎ বলেছেন ভূমাত্বেব বিজিজ্ঞাসিতব্যঃ—ভূমাকেই, সকলের চেয়ে বড়কেই জানতে চাইবে।

সেই চাওয়া সেই পাওয়ার রূপটা কি সে ত স্পষ্ট করে পরিষ্কার করে সম্মুখে ধরতে হবে। ভগবান বুদ্ধ ব্রহ্মবিহারকে স্পষ্ট করে ধরেছেন—তাকে ছোট করে ঝাপসা করে সকলের কাছে চলনসই করবার চেষ্টা করেননি।

অপরিমিত মানসে অপরিমিত মৈত্রীকে সর্লভ প্রসারিত করে দিলে ব্রহ্মের বিহারক্ষেত্রে ব্রহ্মের সঙ্গে মিলন হয়।

এই ত হল লক্ষ্য। কিন্তু এ ত আমরা একেবারে পারব না। এইদিকে আমাদের প্রত্যাহ চলতে হবে। এই লক্ষ্যের সঙ্গে

শান্তিনিকেতন

তুলনা করে প্রত্যহ বুঝতে পারব আমরা
কতদূর অগ্রসর হলাম ।

ঈশ্বরের প্রতি আমার প্রেম জন্মাচ্ছে কিনা
সে সম্বন্ধে আমরা নিজেকে নিজে ভোলাতে
পারি । কিন্তু সকলের প্রতি আমার প্রেম
বিস্তৃত হচ্ছে কিনা, আমার শত্রুতা ক্ষয় হচ্ছে
কিনা, আমার মঙ্গলভাব বাড়াচ্ছে কিনা তার
পরিমাণ স্থির করা শক্ত নয় ।

একটা কোনো নির্দিষ্ট সাধনার সুস্পষ্ট
পথ পাবার জন্তে মানুষের একটা ব্যাকুলতা
আছে । বুদ্ধদেব একদিকে উদ্দেশ্যকে যেমন
খর্ষ করেননি তেমনি তিনি পথকেও খুব
নির্দিষ্ট করে দিয়েছেন । কেমন করে ভাবতে
হবে এবং কেমন করে চলতে হবে তা তিনি
খুব স্পষ্ট করে বলেছেন । প্রত্যহ শীল সাধনা
দ্বারা তিনি আত্মাকে মোহ থেকে মুক্ত করতে
উপদেশ দিয়েছেন এবং মৈত্রী ভাবনা দ্বারা
আত্মাকে ব্যাপ্ত করবার পথ দেখিয়েছেন ।

প্রতিদিন এই কথা স্মরণ কর যে আমার
শীল অথও আছে অচ্ছিন্ন আছে এবং
প্রতিদিন চিন্তকে এই ভাবনায় নিবিষ্ট কর যে
ক্রমশঃ সকল বিরোধ কেটে গিয়ে আমার
আত্মা সর্বভূতে প্রসারিত হচ্ছে—অর্থাৎ
একদিকে বাধা কাট্চে আর একদিকে স্বরূপ
লাভ হচ্ছে। এই পদ্ধতিকে ত কোনোক্রমেই
শূণ্যতালাভের পদ্ধতি বলা যায় না—এই ত
নিখিললাভের পদ্ধতি, এই ত আত্মলাভের
পদ্ধতি, পরমাত্মলাভের পদ্ধতি।

১১ ই চৈত্র

পূর্ণতা

আর এক মহাপুরুষ যিনি তাঁর পিতার মহিমা প্রচার করতে জগতে এসেছিলেন— তিনি বলেছেন, তোমার পিতা যে রকম সম্পূর্ণ তুমি তেমনি সম্পূর্ণ হও ।

এ কথাটিও ছোট কথা নয় । মানবাত্মার সম্পূর্ণতার আদর্শকে তিনি পরমাত্মার মধ্যে স্থাপন করে সেইদিকেই আমাদের লক্ষ্য স্থির করতে বলেছেন । সেই সম্পূর্ণতার মধ্যেই আমাদের ব্রহ্মবিহার, কোনো ক্ষুদ্র সীমার মধ্যে নয় । পিতা যেমন সম্পূর্ণ, পুত্র তেমনি সম্পূর্ণ হতে নিয়ত চেষ্টা করবে—এ' না হলে পিতাপুত্রে সত্যযোগ হবে কেমন করে ।

এই সম্পূর্ণতার যে একটি লক্ষণ নির্দেশ করেছেন সেও বড় কম নয় । যেমন বলেছেন তোমার প্রতিবেশীকে তোমার আপনার মত

ভালবাস। কথাটাকে লেশমাত্র খাটো করে বলেননি। বলেননি যে প্রতিবেশীকে ভালবাস; বলেছেন—প্রতিবেশীকে আপনারই মত ভালবাস। যিনি ব্রহ্মবিহার কামনা করেন তাঁকে এই ভালবাসায় গিয়ে পৌঁছতে হবে—এই পথেই তাঁকে চলা চাই।

ভগবান যিশু বলেছেন—শত্রুকেও প্রীতি করবে। শত্রুকে ক্ষমা করবে বলে ভয়ে ভয়ে মাঝপথে থেমে যাননি—শত্রুকে প্রীতি করবে বলে তিনি ব্রহ্মবিহার পর্য্যন্ত লক্ষ্যকে টেনে নিয়ে গিয়েছেন। বলেছেন যে তোমার গায়েুর জামা ছেড়ে নেয় তাকে তোমার উত্তরীয় পর্য্যন্ত দান কর।

সংসারী লোকের পক্ষে এগুলি একেবারে অত্যাশ্চর্য। তার কারণ, সংসারের চেয়ে বড় লক্ষ্যকে সে মনের সঙ্গে বিশ্বাস করে না। সংসারকে সে তার জামা ছেড়ে উত্তরীয় পর্য্যন্ত দিয়ে ফেলতে পারে যদি তাতে তার সাংসারিক

শান্তিনিকেতন

প্রয়োজন সিদ্ধ হয়। কিন্তু ব্রহ্মবিহারকে সে
যদি প্রয়োজনের চেয়ে ছোট বলে জানে তবে
জামাটুকু দেওয়াও শক্ত হয়।

কিন্তু যারা জীবের কাছে সেই ব্রহ্মকে
সেই সকলের চেয়ে বড়কেই ঘোষণা করতে
এসেছেন তাঁরা ত সংসারীলোকের দুর্বল
বাসনার মাঝে ব্রহ্মকে অতি ছোট করে দেখাতে
চাননি। তাঁরা সকলের চেয়ে বড় কথাকেই
অসঙ্কোচে একেবারে শেষ পর্য্যন্ত বলেছেন।

এই বড় কথাকে এত বড় করে বলার
দরুন তাঁরা আমাদের একটা মন্ত ভরসা
দিয়েছেন। এর দ্বারা তাঁরা প্রকাশ করেছেন
মনুষ্যত্বের গতি এতদূর পর্য্যন্তই যায়—তার
প্রেম এত বড়ই প্রেম—তার ত্যাগ এত বড়ই
ত্যাগ।

অতএব এই বড় লক্ষ্য এবং বড় পথে
আমাদের হতাশ না করে আমাদের সাহস
দেবে। নিজের অস্তরতর মাহাত্ম্যের প্রতি

আমাদের শ্রদ্ধাকে বাড়িয়ে দেবে। আমাদের সমস্ত চেষ্টাকে পূর্ণভাবে উছোধিত করে তুলবে।

লক্ষ্যকে অসত্যের দ্বারা ছেঁটে ক্ষুদ্র করলে, উপায়কে দুর্বলতার দ্বারা বেড়া দিয়ে সঙ্কীর্ণ করলে তাতে আমাদের ভরসাকে কমিয়ে দেয়—যা আমাদের পাবার তা পাইনে, যা পারবার তা পারিনে।

কিন্তু মহাপুরুষেরা আমাদের কাছে যখন মহৎ লক্ষ্য স্থাপিত করেছেন তখন তাঁরা আমাদের প্রতি শ্রদ্ধা প্রকাশ করেছেন। বুদ্ধ আমাদের কারো প্রতি অশ্রদ্ধা অনুভব করেননি, যখন তিনি বলেছেন “মানসং ভাবয়ে অপরিমানং।” যিশু আমাদের মধ্যে দীনতমের প্রতিও অশ্রদ্ধা প্রকাশ করেননি যখন তিনি বলেছেন, তোমার পিতা যেমন সম্পূর্ণ তুমি তেমনি সম্পূর্ণ হও !

তাঁদের সেই শ্রদ্ধায় আমরা নিজের প্রতি

শান্তিনিকেতন

শ্রদ্ধালাভ করি। তখন আমরা ভূমাকে
পাবার এই ছরুহ পথকে অসাধ্য পথ বলিনে—
তখন আমরা তাঁদেব কর্ণস্বর লক্ষ্য করে
শান্তিনিকেতন মাঠে: বাণী অনুসরণ করে এই
অপরিমাণের মহাযাত্রায় আনন্দের সঙ্গে
যাত্রা করি। যিশুর বাণী অত্যাশ্চর্য নয়। যদি
শ্রেয় চাও তবে এই সম্পূর্ণদত্তের সম্পূর্ণতাই
শ্রদ্ধার সহিত গ্রহণ কর।

একবার ভিতরের দিকে ভাল করে চেয়ে
দেখ—প্রতি দিন কোন্‌খানে ঠেক্‌চে। একজন
মানুষের সঙ্গেও যখন মিলতে যাচ্ছি তখন কত
জায়গায় বেধে যাচ্ছে! তার সঙ্গে মিলন সম্পূর্ণ
হচ্ছে না। অহঙ্কারে ঠেক্‌চে, স্বার্থে ঠেক্‌চে,
ক্রোধে ঠেক্‌চে, লোভে ঠেক্‌চে—অবিবেচনার
দ্বারা আঘাত করছি, উদ্ধত হয়ে আঘাত
পাচ্ছি। কোনমতেই সেই নম্রতা মনের মধ্যে
আনতে পারচিনে যার দ্বারা আত্মসমর্পণ
অত্যন্ত সহজ এবং মধুর হয়। এই বাধা

যখন স্পষ্ট রয়েছে দেখতে পাচ্ছি তখন
 আমার প্রকৃতিতে ব্রহ্মের সঙ্গে মিলনের বাধা
 যে অসংখ্য আছে তাতে কি আর সন্দেহ
 আছে? যাতে আমাকে একটি মানুষের
 সঙ্গেও সম্পূর্ণভাবে মিলতে দেবেনা তাতেই যে
 ব্রহ্মের সঙ্গেও মিলনের বাধা স্থাপন করবে।
 যাতে প্রতিবেশী পর হবে তাতে তিনিও পর
 হবেন—যাতে শত্রুকে আঘাত করব তাতে
 তাঁকেও আঘাত করব। এইজন্য ব্রহ্মবিহারের
 কথা বলবার সময় সংসারের কোনো কথাকেই
 এতটুকু বাঁচিয়ে বলবার জো নেই। যারা
 মহাপুরুষ তাঁরা কিছুই বাঁচিয়ে বলেননি—হাতে
 রেখে কথা কননি। তাঁরা বলছেন
 একেবারে নিঃশেষে মরে তবে তাঁতে বেঁচে
 উঠতে হবে। তাঁদের সেই পথ অবলম্বন
 করে প্রতিদিন অহঙ্কারের দিকে স্বার্থের দিকে
 আমাদের নিঃশেষে মরতে হবে এবং মৈত্রীর
 দিকে প্রেমের দিকে পরমায়ার দিকে

শান্তিনিকেতন

অপরিমাণরূপে বাঁচতে হবে। যারা এই
মহাপথে যাত্রা করবার জ্ঞান নানবকে নির্ভর
দিয়েছেন একাঙ্ক ভক্তির সঙ্গে প্রণাম করে
তাদের শরণাপন্ন হই।

১২ ই চৈত্র

মীড়ের শিক্ষা

এই অপরিমাণ পথটি নিঃশেষ না করে পরমাত্মার কোনো উপলব্ধি নেই এ কথা বলে মানুষের চেষ্টা অসাড় হয়ে পড়ে। এতদিন তা হলে ধোরাক কি? মানুষ বাঁচবে কি নিয়ে?

শিশু মাতৃভাষা শেখে কি করে? মায়ের মুখ থেকে শুনতে শুনতে খেলতে খেলতে আনন্দে শেখে।

যতটুকুই সে শেখে—ততটুকুই সে প্রয়োগ করতে থাকে। তখন তার কথাগুলি আধ-আধ—ব্যাকরণ ভুলে পরিপূর্ণ—তখন সেই অসম্পূর্ণ ভাষায় সে যতটুকু ভাব ব্যক্ত করতে পারে তাও খুব সঙ্কীর্ণ—কিন্তু তবু শিশুবয়সে ভাষা শেখবার এই একটি স্বাভাবিক উপায়।

শিশুর ভাষার এই অশুদ্ধতা এবং সঙ্কীর্ণতা

শাস্তিনিকেতন

দেখে যদি শাসন করে দেওয়া যায় যে বতক্ৰণ পর্য্যন্ত নিঃশেষে ব্যাকরণের সমস্ত নিয়মে না পাক হতে পারবে ততক্ৰণ ভাষায় শিশুর কোনো আধিকার থাকবে না ; ততক্ৰণ তাকে কথা শুনতে বা পড়তে দেওয়া হবে না, এবং সে কথা বলতেও পারবে না ; তা হলে ভাষাশিক্ষা তার পক্ষে যে কেবল কষ্টকর হবে তা নয় তার পক্ষে অসাধ্য হয়ে উঠবে ।

শিশু মুখে মুখে যে ভাষা গ্রহণ করচে—
ব্যাকরণের ভিতর দিক্কে তাকেই আবার তাকে শিখে নিতে হবে—সেটাকে সর্বত্র পাকা করে নিতে হবে—কেবল সাধারণভাবে মোটামুটি কাজ চালাবার জন্তে নয়, তাকে গভীরতর, উচ্চতর, ব্যাপকতর ভাবে শোনা বলা ও লেখায় ব্যবহার করবার উপযোগী করতে হবে বলে রীতিমত চর্চার দ্বারা শিক্ষা করতে হবে ।
একদিকে পাওয়া আর একদিকে শেখা ।
পাওয়াটা মুখের থেকে মুখে, প্রাণের থেকে

নৌড়ের শিক্ষা

প্রাণে, ভাবের থেকে ভাবে—আর শেখাটা নিয়মে, কঠোর,—সেটা ক্রমে ক্রমে, পদে পদে। এই পাওয়া এবং শেখা দুটোই যদি পাশাপাশি না চলে তাহলে, হয় পাওয়াটা কাঁচা হয় নয় শেখাটা নীরস ব্যর্থ হতে থাকে।

বুদ্ধদেব কঠোর শিক্ষকের মত দুর্বল মানুষকে বলেছিলেন এরা ভারি ভুল করে, কাকে কি বোঝে, কাকে কি বলে তার কিছুই ঠিক নেই, তার একমাত্র কারণ এরা শেখবার পূর্বেই পাবার কথা তোলে। অতএব আগে এরা শিক্ষাটা সমাধা করুক তাহলে যথাসময়ে পাবার নিশ্চিন্টা এরা আপনিই পাবে—আগেভাগে চরম কথাটার কোনো উত্থাপন মাত্র এদের কাছে করা হবে না।

কিন্তু ঐ চরম কথাটি কেবল যে গম্যস্থান তা ত নয়, ওটা যে পাথের ওড়বটে! ওটি কেবল স্থিতি দেবে তা নয় ও যে গতিও দেবে।

অতএব আমরা যতই ভুল করি যাই করি,

শান্তিনিকেতন

কেবলমাত্র ব্যাকরণশিক্ষার কথা মানতে পারব না। কেবল পাঠশালায় শিক্ষকের কাছেই শিখবে এ চলবে না, মার কাছেও শিক্ষা পাব।

মার কাছে যা পাই তার মধ্যে অনেক শক্তি নয়ম অজ্ঞাতসারে আপনি অন্তঃসাত্বে হয়ে থাকে—সেই সুযোগটুকু কি ছাড়া যায় ?

পক্ষিশাবককে একদিন চরে খেতে হবে সন্দেহ নেই—একদিন তাকে নিজের ডানা বিস্তার করে উড়তে হবে। কিন্তু ইতিমধ্যে মার মুখ থেকে সে খাবার খায়। যদি তাকে বলি যে পর্যাস্ত না চরে খাবার শক্তি সম্পূর্ণ হবে সে পর্যাস্ত খেতেই পাবেনা তা হলে সে যে গুণিয়ে মরে যাবে।

আমরা যতদিন অশক্তি আছি ততদিন যেমন অল্প অল্প করে শক্তির চর্চা করব তেমন প্রতিদিন ঈশ্বরের প্রসাদের অঙ্কে ক্ষুধিত চঞ্চুপুট মেলতে হবে ; তাঁর কাছ থেকে সহজ কৃপার

নীড়ের শিক্ষা

দৈনিক খাণ্ডটুকু পাবার জন্ত ব্যাকুল হয়ে
কলরব করতে হবে—এ ছাড়া উপায় দেখিনে।

এখন, ত অনন্তে ওড়বার ডানা পাকা
হয় নি—এখন ত নীড়েই পড়ে আছি।
ছোটখাটো কুটোকাটা দিয়ে বে সামান্য বাসা
তৈরি হয়েছে এই আমার আশ্রয়—এই
আশ্রয়ের মধ্যে বন্ধ থেকেই অনন্ত আকাশ
হতে আহরিত খাণ্ডের প্রত্যাশা যদি আমাদের
একেবারেই ছেড়ে দিতে হয় তাহলে আমাদের
কি দশা হবে ?

তুমি বলতে পার ঐ খাণ্ডের দিকেই যদি
তুমি তাকিয়ে থাক তাহলে চিরদিন নিশ্চেষ্ট হয়েই
থাকবে—নিজের শক্তির পরিচয় পাবে না।

সে শক্তিকে যে একেবারে চালনা করব না
সে কথা বলিলে—ওড়বার প্রয়াসে দুর্বল পাখা
আন্দোলন করে তাকে শক্ত করে তুলতে হবে।
কিন্তু কুপার খাণ্ডটুকু প্রেমের পুষ্টিটুকু প্রতি-
দিনই সঙ্গে সঙ্গে চাই।

শাস্তিনিকেতন

সেটি যদি নিয়মিত লাভ করি তাহলে যখন পুরোপুরি বল পাব তখন নীড়ে ধরে রাখি এমন সাধ্য কার ? বিজ্ঞ শাবকের স্বাভাবিক ধর্মই যে অনন্ত আকাশে ওড়া । তখন নিজের প্রকৃতির গরজেই, সে সংসার নীড়ে বাস করবে বটে কিন্তু অনন্ত আকাশে বিহার করবে ।

এখন সে অক্ষয় ডানাটা নিয়ে বাসায় পড়ে পড়ে কল্পনাও করতে পারে না যে আকাশে ওড়া সম্ভব । 'তার যে শক্তিটুকু আছে সেই টুকুকে অনেক পরিমাণে বাড়িয়ে দেখলেও সে কেবল ডালে ডালে লাফাবার কথাই মনে করতে পারে । সে যখন তার কোনো প্রবীণ সহোদরের কাছে আকাশে উড়াও হবার কথা শোনে তখন সে মনে করে দাদা একটা অত্যাশ্চর্য প্রয়োগ করছেন—যা বলছেন তার ঠিক মানে কখনই এ নয় যে সত্যিই আকাশে ওড়া । ঐ যে লাফাতে গেলে মাটির সংস্রব ছেড়ে যেটুকু

নীড়ের শিক্ষা

নিরাধার উর্কে উঠতে হয় সেই ওঠাটুকুকেই তাঁরা আকাশে ওড়া বলে প্রকাশ করচেন— ওটা কবিত্ব মাত্র, ওর মানে কখনই এতটা হতে পারে না।

বস্তুত এই সংসার নীড়ের মধ্যে আমরা যে অবস্থায় আছি তাতে বুদ্ধদেব যাকে ব্রহ্মবিহার বলেছেন ভগবান যিশু যাকে সম্পূর্ণতালাভ বলেছেন তাকে কোনোমতেই সম্পূর্ণ সত্য বলে মনে করতে পারিনে।

কিন্তু এসব আশ্চর্য্যকথা তাঁদেরই কথা তাঁরা জেনেছেন যারা পেয়েছেন। সেই আশ্বাসের আনন্দ যেন একান্ত ভক্তিভরে গ্রহণ করি। আমাদের আত্মা বিজ্ঞশাবক— সে আকাশে ওড়বার জন্তেই প্রস্তুত হচ্ছে সেই বার্তা যারা দিয়েছেন তাঁদের প্রতি যেন শ্রদ্ধা রক্ষা করি— তাঁদের বাণীকে আমরা যেন খর্ব্ব করে তার প্রাণশক্তিকে নষ্ট করার চেষ্টা না করি। প্রতিদিন ঈশ্বরের কাছে যখন তাঁর

শান্তিনিকেতন

প্রসাদসুধা চাইব সেই সঙ্গে এই কথাও বলব
আমার ডানাকেও তুমি সক্ষম করে তোলো—
আমি কেবল আনন্দ চাইনে শিক্ষা চাই—ভাব
চাইনে কর্ম চাই ।

১৩ই চৈত্র

ভূমি

বুদ্ধকে যখন মানুষ জিজ্ঞাসা করলে,
কোথায় থেকে এই সমস্ত হয়েছে, আমরা
কোথা থেকে এসেছি, আমরা কোথায় যাব—
তখন তিনি বললেন তোমার ও সব কথায়
কাজ কি ? আপাতত তোমার যেটা অত্যন্ত
দরকার সেইটেতে তুমি মন দাও । তুমি বড়
ছঃখে পড়েছ—তুমি যা চাও তা পাও না, যা
পাও তা রাখতে পার না, যা রাখো তাতে
তোমার আশা মেটে না এই নিয়ে তোমার
ছঃখের অবধি নেই—সেইটে মেটাবার উপায়
করে তবে অন্য কথা ।—এই বলে ছঃখনিবৃত্তি-
কেই তিনি পরম লক্ষ্য বলে তার থেকে মুক্তির
পথে আমাদের ডাক দিলেন ।

কিন্তু কথা এই যে, একান্ত ছঃখনিবৃত্তিকেই
ত মানুষ পরম লক্ষ্য বলে ধরে নিতে পারে না ।

শান্তিনিকেতন

সে যে তার স্বভাবই নয়। আমি যে স্পষ্ট দেখছি দুঃখকে অস্বীকার করে নিতে সে আপত্তি করে না। অনেক সময় গায়ে পড়ে সে দুঃখকে বরণ করে নেয়।

আল্ল পর্বতের দুর্গম শিখরের উপর একবার কেবল পদার্পণ করে আসবার জ্ঞে প্রাণপণ করা তার পক্ষে সম্পূর্ণ অনাবশ্যক— কিন্তু বিনা কারণে মানুষ সেই দুঃখ স্বীকার করতে প্রস্তুত হয়। এমন দৃষ্টান্ত ঢের আছে।

তার কারণ কি? তার কারণ এই যে, দুঃখের সম্বন্ধে মানুষের একটা স্পর্ধা আছে। আমি দুঃখ সহিতে পারি—আমার মধ্যে সেই শক্তি আছে এ কথা মানুষ নিজেকে এবং অত্কে জানাতে চায়।

আসল কথা, মানুষের সকলের চেয়ে সত্য ইচ্ছা হচ্ছে বড় হবার ইচ্ছা, সুখী হবার ইচ্ছা নয়। আলোকজাগারের হঠাৎ ইচ্ছা হল দুর্গম

নদীগিরি মরু সমুদ্র পার হয়ে দিগ্বিজয় করে আসবেন। রাজসিংহাসনের আরাম ছেড়ে এমন দুঃসহ দুঃখের ভিতর দিয়ে তাঁকে পথে পথে ঘোরায় কে? ঠিক রাজ্যলোভ নয়— বড় হবার ইচ্ছা। বড় হওয়ার দ্বারা নিজের শক্তিকে বড় করে উপলব্ধি করা। এই অভি-প্রায়ে মানুষ কোনো দুঃখ থেকে নিজেকে বাঁচাতে চায় না।

যে লোক লক্ষপতি হবে বলে দিন রাত টাকা জমাচ্ছে—বিশ্রামের সুখ নেই, খাবার সুখ নেই, রাত্রে ঘুম নেই—লাভক্ষতিব নিব-স্তুর আন্দোলনে মনে চিন্তার সীমা নেই—সে কিজ্ঞে এই অসহ কষ্ট স্বীকার করে নিয়েছে? ধনের পথে যতদূর সম্ভব বড় হয়ে ওঠবার জ্ঞে।

তাকে এ কথা বলা মিথ্যা যে তোমাকে দুঃখনিবারণের পথ বলে দিচ্ছি। তাকে এ কথাও বলা মিথ্যা যে ভোগের বাসনা ত্যাগ

শান্তিনিকেতন

কর—আরামের আকাঙ্ক্ষা মনে রেখো না।
ভোগ এবং আরাম সে যেমন ত্যাগ করেছে
এমন আর কে করতে পারে !

বুদ্ধদেব যে দুঃখ নিবৃত্তির পথ দেখিয়ে
দিয়েছেন—সে পথের একটা সকলের চেয়ে
বড় আকর্ষণ কি ? সে এই, যে, অত্যন্ত দুঃখ
স্বীকার করে এই পথে অগ্রসর হতে হয়।
এই দুঃখস্বীকারের দ্বারা মানুষ আপনাকে বড়
করে জানে। খুব বড় রকম করে ত্যাগ,
খুব বড় রকম করে ব্রত পালনের মাহাত্ম্য
মানুষের শক্তিকে বড় করে দেখায় বলে মানু-
ষের মন তাতে ধাবিত হয়।

এই পথে অগ্রসর হয়ে যদি সত্যিই এমন
কোনো একটা জায়গায় মানুষ ঠেকতে পারত
যেখানে একান্ত দুঃখনিবৃত্তি ছাড়া আর কিছুই
নেই তাহলে ব্যাকুল হয়ে তাকে জগতে দুঃখের
সন্ধানে বেরতে হত।

অতএব মানুষকে যখন বলি দুঃখনিবৃত্তির

উদ্দেশ্যে তোমাকে সমস্ত সুখের বাসনা ত্যাগ করতে হবে তখন সে রাগ করে বলতে পারে চাইনে আমি দুঃখনিবৃত্তি। ওর চেয়ে বড় কিছু একটাকে দিতে হবে কারণ মানুষ বড়কেই চায়।

সেই জগতে উপনিষৎ বলেছেন ভূমৈব সুখং। অর্থাৎ সুখ সুখই নয় বড়ই সুখ। ভূমাৎবেব বিজিজ্ঞাসিতব্যঃ—এই বড়কেই জানতে হবে একেই পেতে হবে। এই কথাটির তাৎপর্য যদি ঠিকমত বুঝি তাহলে কখনই বলিনে, যে, চাইনে তোমার বড়কে।

কেন না, টাকায় বল, বিদ্যাতে বল, খ্যাতিতে বল, কোনো না কোন বিষয়ে আমরা সুখকে ত্যাগ করে বড়কেই চাচ্ছি। অথচ যাকে বড় বলে চাচ্ছি সে এমন বড় নয় যাকে পেয়ে আমার আত্মা বলতে পারে আমার সব পাওয়া হল।

অতএব যিনি ব্রহ্ম যিনি ভূমা যিনি সকলের

শাস্তিনিকেতন

বড় তাঁকেই মানুষের সামনে লক্ষ্যরূপে স্থাপন করলে মানুষের মন তাতে সায় দিতে পারে, হুঃখনিঃবৃত্তিকে নয় ।

কেউ কেউ এ কথা বলতে পারেন তাঁকে উদ্দেশ্যরূপে স্থাপন করলেই কি আব না করলেই কি—এই সিদ্ধি এতই দূরে যে এখন থেকে এ সম্বন্ধে চিন্তা না করলেও চলে । আগে বাসনা দূর কর, শুচি হও, সবল হও—আগে কঠোর সাধনার সুদীর্ঘ পথ নিঃশেষে উত্তীর্ণ হও তার পরে তাঁর কথা হবে ।

যিনি উদ্দেশ্য তাঁকে যদি গোড়া থেকেই সাধনার পথে কিছু না কিছু পাই তাহলে এই দীর্ঘ অবাক্কতার অবকাশে সাধনাটাই সিদ্ধির স্থান অধিকার করে—শুচিতাটাই প্রাপ্তি বলে মনে হয়—অমুষ্ঠানটাই দেবতা হয়ে ওঠে—পদে পদে সকল বিষয়েই মানুষের এই বিপদ দেখা গেছে । অহরহ ব্যাকরণ পড়তে পড়তে মানুষ কেবলই বৈয়াকরণ হয়ে ওঠে—ব্যাকরণ

যে সাহিত্যের সোপান সেই সাহিত্যে সে
প্রবেশই করে না।

দুধে তেঁতুল দিয়ে সেই দুধকে দধি করবার
চেষ্টা করলে হয় ত বহু চেষ্টাতেও সে দুধ না
স্বমে উঠতে পারে—কিন্তু যে দইয়ে তার পরি-
ণতি সেই দই গোড়াতেই যোগ করে দিলে
দেখতে দেখতে দুধ সহজেই দই হয়ে উঠতে
থাকে। তেমনি যেটা আমাদের পরিণামে,
সেটাকে গোড়াতেই যোগ করে দিলে স্বভাবের
সহজ নিয়মে পরিণাম সুসিদ্ধ হয়ে উঠতে
থাকে।

আমরা যাকে সাধনার দ্বারা চাই—গোড়া-
তেই তাঁর হাতে আমাদের হাত সমর্পণ করে
দিতে হবে। তিনিই আমাদের হাতে ধরে তাঁরই
দিকে নিয়ে চলবেন—তাহলে চলাও আনন্দ
পৌছনও আনন্দ হয়ে উঠবে;—তাহলে,
অভাব থেকে ভাব হয় না, অসৎ থেকে সৎ
হয় না, একেবারে না পাওয়া থেকে পাওয়া হয়

শাস্তিনিকেতন

না এই উপদেশটাকে মেনে চলা হবে। যিনিই
আনন্দরূপে আমাদের কাছে চিরদিন ধরা
দেবেন, তিনিই কৃপারূপে আমাদের প্রতিদিন
ধরে নিয়ে যাবেন।

১৪ই চৈত্র

—

শান্তিনিকেতন

(অষ্টম)

শ্রীরবীন্দ্রনাথ ঠাকুর

ব্রহ্মচর্যাশ্রম

বোলপুর

মূল্য ১০ আনা

প্রকাশক—

শ্রীচাকচন্দ্র বন্দ্যোপাধ্যায়

ইণ্ডিয়ান্ পাব্লিশিং হাউস্

২২, কর্ণওয়ালিস স্ট্রীট, কলিকাতা।

কান্তিক প্রেস

২০, কর্ণওয়ালিস স্ট্রীট, কলিকাতা

শ্রীহরিচরণ মাস্তা দ্বারা মুদ্রিত।

সূচী

| | | | |
|----------------|-----|-----|-----|
| ওঁ ... | ... | ... | ১ |
| স্বভাবলাভ | .. | ... | ২ |
| অধঃ পাওয়া | ... | ... | ১৭* |
| আত্মসমর্পণ | ... | ... | ২২ |
| সমগ্র এক | ... | ... | ২৭ |
| আত্মপ্রত্যয় | ... | ... | ৩৬ |
| ধীর যুক্তাওয়া | ... | ... | ৪০ |
| শক্তি ও সহজ | ... | ... | ৪৭ |
| নমস্তেহস্ত | ... | ... | ৫৩ |
| মন্ত্রের বাঁধন | ... | ... | ৬২ |
| প্রাণ ও প্রেম | ... | ... | ৬৭ |
| ভয় ও আনন্দ | ... | ... | ৭৪ |
| নিয়ম ও মুক্তি | ... | ... | ৮০ |
| দশের ইচ্ছা | ... | ... | ৮৬ |
| বর্ষশেষ | ... | ... | ৯৬ |
| | | | ১০ |

শাস্তিনিকেতন

| | | | |
|--------------------|-----|-----|-----|
| অনন্তের ইচ্ছা | ... | ... | ১০৩ |
| পাওয়া ও না-পাওয়া | | ... | ১১০ |
| হওয়া | ... | ... | ১২০ |
| মুক্তি | ... | ... | ১২৭ |
| মুক্তির পথ | ... | .. | ১৩৪ |



শান্তিনিকেতন

ওঁ

ওঁ শব্দের অর্থ, হাঁ। আছে এবং পাওয়া
গেল এই কথাটাকে স্বীকার। কাল আমবা
ছান্দোগ্য উপনিষৎ আলোচনা কবতে কবতে
ওঁ শব্দের এই তাৎপর্যের আভাস পেয়েছি।

যেখানে আমাদের আত্মা “হাঁ”কে পায়
সেইখানেই সে বলে ওঁ।

দেবতাবা এই হাঁকে যখন খুঁজতে
বেরিয়েছিলেন তখন তাঁবা কোথায় খুঁজে
শেষে কোথায় পেলেন? প্রথমে তাঁবা
ইন্দ্রিয়ের দ্বারে দ্বারে আঘাত করলেন। বল্লেন
চোখে দেখার মধ্যে এই হাঁকে পাওয়া যাবে।
কিন্তু দেখলেন চোখে দেখার মধ্যে সম্পূর্ণতা

শান্তিনিকেতন

নেই—তা হাঁ এবং নায়ে খণ্ডিত। তাব
মধ্যে পবিপূর্ণ বিশুদ্ধতা নেই—তা তালও দেখে
মন্দও দেখে, খানিকটা দেখে খানিকটা
দেখেনা ; সে দেখে কিন্তু শোনেনা।

এমনি কবে কান নাক বাক্য মন সর্বত্রই
সন্ধান কবে দেখলেন সর্বত্রই খণ্ডিত আছে
সর্বত্রই দ্বন্দ্ব আছে।

অবশেষে প্রাণের প্রাণে গিয়ে যখন পৌছলেন
তখন এই শরীরের মধ্যে একটা হাঁ পেলেন।
কাবণ এই প্রাণই শরীরের সব প্রাণকে
অধিকার কবে আছে। এই প্রাণের মধ্যেই
সকল ইন্দ্রিয়ের সকল শক্তির ঐক্য। এই
মহাপ্রাণ যতক্ষণ আছে ততক্ষণই চোখও
দেখ্চে কানও শুন্চে নাসিকাও ঘ্রাণ করচে।
এর মধ্যে যে কেবল একটা “হাঁ” এবং অন্যটা
“না” হয়ে আছে তা নয় এর মধ্যে দৃষ্টি শ্রুতি
আঘ্রাণ সকলগুলিই এক জায়গায় হাঁ হয়ে
আছে—অতএব শরীরের মধ্যে এইখানেই

আমরা পেলুম ওঁ। বাস্, অঞ্জলি ভরে
উঠল।

ছান্দোগ্য বলচেন মিথুনের মাঝখানে
অর্থাৎ ছুই যেখানে মিলেছে সেইখানেই এই
ওঁ। যেখানে একদিকে ঋক্ একদিকে সাম,
একদিকে বাক্য একদিকে সুর, একদিকে সত্য
একদিকে প্রাণ ঐক্য লাভ করেছে সেইখানেই
এই পরিপূর্ণতার সঙ্গীত ওঁ।

যাঁর মধ্যে কিছুই বাধ পড়েনি—যাঁর মধ্যে
সমস্ত খণ্ডই অখণ্ড হয়েছে, সমস্ত বিরোধ মিলিত
হয়েছে আমাদের আত্মা তাঁকেই অঞ্জলি ছোড়
করে হাঁ বলে স্বীকার করে নিতে চায়। তার
পূর্বে সে নিজের পরম পরিতৃপ্তি স্বীকার
করতে পারেনা ; তাকে ঠেকতে হয়, তাকে
ঠকতে হয়, মনে করে ইন্দ্রিয়েই হাঁ, ধনেই হাঁ,
মানেই হাঁ—শেষকালে দেখে, এর সব তা'তেই
পাপ আছে, হৃদয় আছে, “না” তার সঙ্গে
মিশিয়ে আছে।

শান্তিনিকেতন

সকল হৃন্দের সমাধানের মধ্যে উপনিষৎ সেই পরম পরিপূর্ণকে দেখেছেন বলেই সত্যের একদিকেই সমস্ত কোঁকটা দিয়ে তার অগ্র দিকটাকে একেবারে নিশ্চূল করে দিতে চেষ্টা করেননি। সেইজন্মে তিনি যেমন বলেছেন

“এতজ্ জ্ঞেয়ং নিত্যমেবাশ্রয়সংস্থং

নাতঃপরং বেদিতব্যং হি কিঞ্চিৎ”

অর্থাৎ, আত্মাতেই যিনি নিত্য স্থিতি করছেন তিনিই জানবার যোগ্য, তাঁর পর জানবার যোগ্য আর কিছুই নেই ;—তেমনি আবার বলেছেন,—

“তে সৰ্ব্বেগং সৰ্ব্বতঃ প্রাপ্য ধীরা

যুক্তাশ্বানঃ সৰ্ব্বেমেবাবিশস্তি ।”

অর্থাৎ সেই ধীরেরা যুক্তাশ্বা হয়ে সৰ্ব্বব্যাপীকে সকল দিক হতেই লাভ করে সৰ্ব্বত্রই প্রবেশ করেন।

“আশ্রয়েবাত্মানং পশুতি” নয়, কেবল আত্মার মধ্যেই আত্মাকে দেখা নয়—সেই দেখাই আবার সৰ্ব্বত্রই।

আমাদের ধ্যানের মন্ড্রে এক সীমায় রয়েছে
 ভূভুবস্বঃ অন্ত সীমায় রয়েছে আমাদের ধী
 আমাদের চেতনা,—মাঝখানে এই দুইকেই
 একে বেঁধে সেই বরণীয় দেবতা আছেন যিনি
 একদিকে ভূভুবস্বঃকেও সৃষ্টি করছেন আর-
 এক দিকে আমাদের ধীশক্তিকেও প্রেরণ
 করছেন । কোনোটাকেই বাধ দিয়ে তিনি
 নেই—এই জগত্ই তিনি ঔ ।

এই জগত্ই উপনিষৎ বলেছেন যারা
 অবিজ্ঞাকেই সংসারকেই একমাত্র করে জানে
 তারা অন্ধকারে পড়ে আবার যারা বিজ্ঞাকে
 ব্রহ্মজ্ঞানকে ঐকান্তিক করে বিচ্ছিন্ন করে
 জানে তারা গভীরতর অন্ধকারে পড়ে ।
 একদিকে বিজ্ঞা আর একদিকে অবিজ্ঞা, এক
 দিকে ব্রহ্মজ্ঞান এবং আর একদিকে সংসার
 এই দুইয়ের ষেখানে সমাধান হয়েছে সেই-
 খানেই আমাদের আত্মার স্থিতি ।

দূরের দ্বারা নিকট বর্জিত, নিকটের দ্বারা

শাস্তিনিকেতন

দূর বর্জিত, চলার দ্বারা থামা বর্জিত থামার
দ্বারা চলা বর্জিত, অন্তরের দ্বারা বাহির বর্জিত
বাহিরের দ্বারা অন্তর বর্জিত—কিন্তু

তদেজ্জতি তন্নৈজ্জতি তদদূরে তদ্বস্তিকে

তদন্তরশ্চ সর্কশ্চ তদু সর্কশ্চাস্ত বাহ্যতঃ

তিনি চলেন অথচ চলেন না, তিনি দূরে অথচ
নিকটে, তিনি সকলের অন্তরে অথচ তিনি
সকলের বাহিরেও—অর্থাৎ চলা না-চলা, দূর
নিকট, ভিতর বাহির সমস্তর মাঝখানে
সমস্তকে নিয়ে তিনি—কাউকে ছেড়ে তিনি
নন—এইজন্য তিনি ওঁ ।

তিনি প্রকাশ ও অপ্রকাশের মাঝখানে ।
একদিকে সমস্তই তিনি প্রকাশ করছেন আর-
একদিকে কেউ তাঁকে প্রকাশ করে উঠতে
পারবে না—তাই উপনিষদ বলেন—

ন তত্র সূর্যোভাতি ন চন্দ্রতারকা

তমেব ভাস্তমমুভাতি সর্কং

স্তশ্চ ভাসা সর্কমিদং বিভাতি ।

সেখানে সূর্য্য আলো দেয় না, চন্দ্র তারাও না, এই বিদ্যাৎ সকলও দীপ্তি দেয় না, কোথায় বা আছে এই অগ্নি—তিনি প্রকাশিত তাই সমস্ত প্রকাশমান, তাঁর আভাতেই সমস্ত বিভাত।

তিনি শান্তম্ শিবম্ অদ্বৈতম্। শান্তম্ বলতে এ বোঝায় না সেখানে গতির সংস্রব নেই। সকল বিরুদ্ধ গতিই সেখানে শান্তিতে ঐক্যলাভ করেছে। কেন্দ্রাতিগ এবং কেন্দ্রানুগ গতি, আকর্ষণের গতি এবং বিকর্ষণের গতি পরস্পরকে কাটতে চায় কিন্তু এই দুই বিরুদ্ধ গতিই তাঁর মধ্যে অবিরুদ্ধ বলেই তিনি শান্তম্। আমার স্বার্থ তোমার স্বার্থকে মানতে চায় না, তোমার স্বার্থ আমার স্বার্থকে মানতে চায় না—কিন্তু মাঝখানে যেখানে মঙ্গল সেখানে তোমার স্বার্থই আমার স্বার্থ এবং আমার স্বার্থই তোমার স্বার্থ—তিনি শিব তাঁর মধ্যে সকলেরই স্বার্থ মঙ্গলে নিহিত রয়েছে। তিনি অদ্বিতীয় তিনি এক।

শাস্তিনিকেতন

তার মানে এ নয় যে, তবে এ সমস্ত কিছুই
নেই—তার মানে, এই সমস্তই তাঁতে এক।
আমি বলছি, আমি তুমি নয়, .তুমি বলচ তুমি
আমি নয়, এমন বিরুদ্ধ আমাকে-তোমাকে
এক করে রয়েছেন সেই অদ্বৈতম্।

মিথুন যেখানে মিলেছে সেইখানেই হচ্ছেন
তিনি—কেউ যেখানে বর্জিত হয়নি সেই-
খানেই তিনি। এই যে পরিপূর্ণতা যা সমস্তকে
নিয়ন্ত্রে—অথচ যা কোনো ঋণকে আশ্রয় করে
নয়—যা চন্দ্রে নয় সূর্য্যে নয় মানুষে নয় অথচ
সমস্ত চন্দ্র সূর্য্য মানুষে—যা কানে নয় চোখে
নয় বাক্যে নয় মনে নয় অথচ সমস্ত কানে
চোখে বাক্যে মনে—সেই একুকেই, সেই
হাঁকেই, সমস্ত মন প্রাণ দিয়ে সেই পরিপূর্ণতাকেই
স্বীকার হচ্ছে ওঙ্কার।

১৫ই চৈত্র।

স্বভাবলাভ

মানুষের এক দিন ছিল, যখন, সে যেখানে কিছু অদ্ভুত দেখত সেইখানেই ঈশ্বরের কল্পনা করত। যদি দেখলে কোথাও জলের থেকে আগুন উঠ্চে অমনি সেখানে পূজার আয়োজন করত। তখন সে কোনো একটা অসামান্য লক্ষণ দেখে বা কল্পনা করে বলত, অমুক মানুষে দেবতা ভর করেছেন, অমুক গাছে দেবতার আবির্ভাব হয়েছে, অমুক মূর্তিতে দেবতা জাগ্রত হয়ে আছেন।

ক্রমে অথও বিশ্বনিয়মকে চরাচরে যখন সর্বত্র এক 'বলে' দেখবার শিক্ষা মানুষের হল তখন সে জানতে পারল, যে যাকে অসামান্য বলে মনে হয়েছিল সেও সামান্য নিয়ম হতে ভ্রষ্ট নয়। তখনই ব্রহ্মের আবির্ভাবকে অথওভাবে সর্বত্র ব্যাপ্ত করে দেখবার অধি-

শাস্তিনিকেতন

কার সে লাভ করল। এবং সেই বিরাট
অবিচ্ছিন্ন ঐক্যের ধারণায় সে আনন্দ ও আশ্রয়
পেল। তখনি মানুষের জ্ঞান প্রেম কর্ম
মোহমুক্ত হয়ে প্রশস্ত এবং প্রসন্ন হয়ে উঠল।
তার ধর্ম থেকে সমাজ থেকে রাজ্য থেকে
মৃত্যু ক্ষুদ্রতা দূর হতে লাগল।

এই দেখা হচ্ছে ব্রহ্মকে সর্বত্র দেখা,
স্বভাবে দেখা।

কিন্তু সমস্ত স্বভাব থেকে চুরি করে এনে
তাঁকে স্বৈচ্ছাপূর্বক কোনো একটা কৃত্রিমতার
মধ্যে বিশেষ করে দেখবার চেষ্টা এখনো
মানুষের মধ্যে দেখতে পাওয়া যায়। এমন
কি কেউ কেউ স্পর্ধা করে বলেন যে সেই রকম
করে দেখাই হচ্ছে প্রকৃষ্ট দেখা। সব রূপ
হতে ছাড়িয়ে একটি কোনো বিশেষরূপে—সব
মানুষ হতে সরিয়ে একটি কোনো বিশেষ
মানুষে ঈশ্বরকে পূজা করাই তাঁরা বলেন
পূজার চরম।

স্বভাবলাভ

জানি, মানুষ এরকম কৃত্রিম উপায়ে কোনো একটা হৃদয়বৃত্তিকে অতি পরিমাণে বিক্ষুব্ধ করে তুলতে পারে—কোনো একটা রসকে অত্যন্ত তীব্র করে দাঁড় করাতে পারে। কিন্তু সেইটে করাই কি সাধনার লক্ষ্য ?

অনেক সময় দেখা যায় অন্ধ হলে স্পর্শ-শক্তি অতিরিক্ত বেড়ে যায়। কিন্তু সেই রকম একদিকের চুরির দ্বারা অন্যদিককে উপ্চিয়ে তোলাকেই কি বলে শক্তির সার্থকতা ? যেদিকটা নষ্ট হল সেদিকটার হিসাব কি দেখতে হবে না ? সেদিকের দণ্ড হতে কি আমরা নিষ্কৃতি পাব ?

কোনো প্রকার বাহ্য ও সঙ্কীর্ণ উপায়ের দ্বারা সম্মোহনকে মেস্‌মেরিজম্‌কে ধর্ম সাধনার প্রধান অঙ্গ করে তুললে আমাদের চিত্ত স্বাস্থ্য থেকে স্বভাব থেকে স্তূতরাং মঙ্গল থেকে বিচ্যুত হবেই হবে। আমরা ওজন হারাব—আমরা যেদিকটাতে এইরকম অসঙ্গত

শান্তিনিকেতন

ঝোঁক দেব সেইদিকটাকেই বিপর্যস্ত করে দেব।

বস্তুত স্বভাবের পরিপূর্ণতাকে লাভ করাই ধর্ম ও ধর্মনীতির শ্রেষ্ঠ লাভ। মানুষ নানা কারণে তার স্বভাবের ওজন রাখতে পারে না, সে সামঞ্জস্য হারিয়ে ফেলে—এই ত তার পাপের মূল এবং ধর্মনীতি ত এইজন্যই তাকে সংযমে প্রবৃত্ত করে।

এই সংঘমের কাজটা কি? প্রবৃত্তিকে উন্মূল করা নয় প্রবৃত্তিকে নিয়মিত করা। কোনো একটা প্রবৃত্তি যখন বিশেষরূপ প্রশ্রয় পেয়ে স্বভাবের সামঞ্জস্যকে পীড়িত করে তখনই পাপের উৎপত্তি হয়। অর্জুনস্পৃহা যখন অত্যন্ত উগ্র হয়ে উঠে টাকা অর্জনের দিকেই মানুষের শক্তিকে একান্ত বাঁধতে চায় তখনই সেটা লোভ হয়ে দাঁড়ায়—তখনই সে মানুষের চিত্তকে তার সমস্ত স্বাভাবিক দিক থেকে চুরি করে এই দিকেই জড়ো করে।

স্বভাবলাভ

এই প্রকারে স্বভাব থেকে যে ব্যক্তি ভ্রষ্ট হয় সে কখনোই বথার্থ মঙ্গলকে পায় না সুতরাং ঈশ্বরকে লাভ তার পক্ষে অসাধ্য। কোনো মানুষের প্রতি অনুরাগ বধন স্বভাব থেকে আমাদের বিচ্যুত করে তখনই তা কাম হয়ে উঠে। সেই কাম আমাদের ঈশ্বর-লাভের বাধা।

এই অল্প সামঞ্জস্য থেকে বিকৃতি থেকে মানুষের চিত্তকে স্বভাবে উদ্ধার করাই হচ্ছে ধর্মনীতির একান্ত চেষ্টা।

উপনিষদে ঈশ্বরকে সর্বব্যাপী বলবার সময় বধন তাঁকে অপাপবিদ্ধ বলা হয়েছে তখন তার তাৎপর্য এই। তিনি স্বভাবে অবাধে পরিব্যাপ্ত। পাপ তাঁকে কোনো একটা বিশেষ সঙ্কীর্ণতায় আকৃষ্ট আবদ্ধ করে অন্ত্র থেকে পরিহরণ করে নেয় না—এই গুণেই তিনি সর্বব্যাপী। আমাদের মধ্যে পাপ সম-গ্ণের ক্ষতি করে' কোন একটাকেই ক্ষীণ

শাস্তিনিকেতন

করতে থাকে । তাতে করে কেবল যে নিজের স্বভাবের মধ্যে নিজের সামঞ্জস্য থাকে না তা নয়—চারিদিকের সঙ্গে সমাজের সঙ্গে আমাদের সামঞ্জস্য নষ্ট হয়ে যায় ।

ধর্মনীতিতে আমরা এই যে স্বভাবলাভের সাধনায় প্রবৃত্ত আছি—সমাজ এবং নীতিশাস্ত্র এজ্ঞে দিনরাত তাড়না করচে । এইখানেই কি এর শেষ ? ঈশ্বর সাধনাতেও কি এই নিয়মের স্থান নেই ? সেখানেও কি আমরা কোনো একটি ভাবকে কোনো একটি রসকে সঙ্কীর্ণ অবলম্বনের দ্বারা অতিমাত্র আন্দোলিত করে তোলাকেই মানুষের একটি চরম লাভ বলে গণ্য করব ?

ছুর্কলের মনে একটা উত্তেজনা জাগিয়ে তার হৃদয়কে প্রলুব্ধ করবার জ্ঞে এই সকল উপায়ের প্রয়োজন এমন কথা অনেকে বলেন ।

যে লোক মদ খেয়ে আনন্দ পায় তার

স্বভাবলাভ

সম্বন্ধে কি আমরা ঐরূপ তর্ক করতে পারি ?
আমরা কি বলতে পারি মদেই যখন ও বিশেষ
আনন্দ পায় তখন ঐটেই ওর পক্ষে শ্রেয় ?

আমরা বরং এই কথাই বলি যে যাতে
স্বাভাবিক সুখেই মাতালের অনুরাগ জন্মে
সেই চেষ্টাই উচিত । যাতে বই পড়তে ভাল
লাগে, যাতে লোকজনের সঙ্গে সহজে মিশে
ওর সুখ হয়, যাতে প্রাত্যহিক কাজকর্মের ওর
মন সহজে নিবিষ্ট হয় সেই পথই অবলম্বন
করা কর্তব্য । যাতে একমাত্র মদের সঙ্কীর্ণ
উত্তেজনায় ওর চিত্ত আসক্ত না থেকে জীবনের
বৃহৎ স্বভাবক্ষেত্রে সহজভাবে ব্যাপ্ত হয় সেইটে
করাই মঙ্গল ।

ভগবানের ধারণাকে একটা সঙ্কীর্ণতার
মধ্যে বেঁধে ভক্তির উত্তেজনাকে উগ্র নেশার
মত করে তোলাই যে মনুষ্যত্বের সার্থকতা
এ কথা বলা চলে না । ভগবানকেও তাঁর
স্বভাবে পাবার সাধনা করতে হবে তাহলেই

শান্তিনিকেতন

সেটা সত্য সাধনা হবে—তাকে আমাদের নিজের কোনো বিকৃতির উপযোগী করে নিয়ে তাঁকে নিয়ে মাতামাতি করাকেই আমরা মঙ্গল বলতে পারব না। তার মধ্যে একটা কোথাও সত্য চুরি আছে। তার মধ্যে এমন একটা অসামঞ্জস্য আছে যে, যে ক্ষেত্রে তার আবির্ভাব সেখানে মোহকে আর ঠেকিয়ে রাখা যায় না ;—যিনি শক্ত লোক তিনি মধু সহ্য করতে পারেন তাঁর পক্ষে একরকম চলে যায় কিন্তু তাঁর দলে এসে যারা জমে তাঁদের আর কিছুই ঠিক ঠিকানা থাকে না ; তাঁদের আলাপ ক্রমেই প্রলাপ হয়ে ওঠে এবং উত্তেজনা উন্মাদনার পথে অপঘাত মৃত্যুলাভ করে।

১৬ই চৈত্র।

অখণ্ড পাওয়া

বৃক্ষকে পেতে হবে। কিন্তু পাওয়া
কাকে বলে ?

সংসারে আমরা অশন বসন বিনিস পত্র
প্রতিদিন কত কি পেয়ে এসেছি। পেতে
হবে বললে মনে হয় তবে তেমনি করেই পেতে
হবে। তেমনি করে না পেলে মনে করি তবে
ত পাচ্চিনে। তখন ব্যস্ত হয়ে ভগবানকে
পাওয়াও যাতে আমাদের অন্যান্য পাওয়ার
সামিল হয় সেই চেষ্টা করতে চাই। অর্থাৎ
আমাদের আসবাবপত্রের যে ফর্দটা আছে,
যাতে ধরা আছে আমার ঘোড়া আছে গাড়ি
আছে আমার ঘটি আছে বাটি আছে তার মধ্যে
ওটাও ধরে দিতে হবে আমার একটি ভগবান
আছে।

কিন্তু ভাল করে ভেবে দেখার দরকার

শান্তিনিকেতন

এই যে ঈশ্বরকে পাবার জন্তে আমাদের আত্মা যে একটি গভীর আকাঙ্ক্ষা আছে সেই আকাঙ্ক্ষার প্রকৃতি কি? সে কি অগ্ৰাণু জিনিষের সঙ্গে আরো একটা বড় জিনিষকে যোগ করবার আকাঙ্ক্ষা?

তা কখনই নয়। কেন না যোগ করে করে জড়ো করে আমরা যে গেলুম। তেমনি করে সামগ্রী গুলোকে নিম্নতই জোড়া দেবার নিরন্তর কষ্ট থেকে বাঁচাবার জন্তেই কি আমরা ঈশ্বরকে চাই নে? তাঁকেও কি আবার একটা তৃতীয় সামগ্রী করে আমাদের বিষয় সম্পত্তির সঙ্গে জোড়া দিয়ে বসব? আরো জঞ্জাল বাড়াব?

কিন্তু আমাদের আত্মা যে ব্রহ্মকে চায় তার মানেই হচ্ছে, সে বহুর দ্বারা পীড়িত এই জন্তে সে এককে চায়, সে চঞ্চলের দ্বারা বিক্ষিপ্ত এই জন্তে সে ধ্রুবকে চায়—নূতন কিছুকে বিশেষ কিছুকে চায় না—যিনি নিত্যোহ্নিত্যানাং

সমস্ত অনিত্যের মধ্যে নিত্য হয়েই আছেন, সেই নিত্যকে উপলব্ধি করতে চায়—যিনি রসানাং রসতমঃ . সমস্ত রসের মধ্যেই যিনি রসতম তাঁকেই চায় আর একটা কোনো নূতন রসকে চায় না।

সেই জ্ঞেয়ে আমাদের প্রতি এই সাধনার উপদেশ যে, দীশাবাস্তু মিদং সর্বং যৎকিঞ্চ জগত্যাং জগৎ—জগতে যা কিছু আছে তারই সমস্তকে দীশ্বরের দ্বারাই আবৃত করে দেখবে—আর-একটা কোনো অতিরিক্ত দেখবার জিনিষ সন্ধান বা নির্মাণ করবেনা—এই হলেই আত্মা আশ্রয় পাবে আনন্দ পাবে।

এমনি-করেত নিখিলের মধ্যে তাঁকে জানবে—'আর ভোগ করবে কি ? না, তেন ত্যক্তেন ভূঞ্জীথা—তিনি যা দান করচেন তাই ভোগ করবে—মাগৃধঃ কশ্মশ্বিক্তনং—আর কারও ধনে লোভ করবে না।

এর মানে হচ্ছে এই যে, যেমন জগতে

শান্তিনিকেতন

যা কিছু আছে তার সমস্তই তিনি পরিপূর্ণ করে আছেন এইটাই উপলব্ধি করতে হবে তেমনি তুমি যা কিছু পেয়েছ সমস্তই তিনি দিয়েছেন বলে জানতে হবে। তা হলেই কি হবে? না, তুমি যা কিছু পেয়েছ তার মধ্যেই তোমার পাওয়া তৃপ্ত হবে। আরো কিছু যোগ করে দাও এটা আমাদের প্রার্থনার বিষয় নয়—কারণ সে রকম দিয়ে দেওয়ার শেষ কোথায়? কিন্তু আমি যা-কিছু পেয়েছি সমস্তই তিনি দিয়েছেন এইটাই যেন উপলব্ধি করতে পারি! তাহলেই অল্পই হবে বহু, তাহলেই সীমার মধ্যে অসীমকে পাব। নইলে সীমাকেই ক্রমাগত জুড়ে জুড়ে বড় করে কখনই অসীমকে পাওয়া যায় না—এবং কোটির পরে কোটিকে উপাসনা করেও সেই একের উপাসনায় গিয়ে পৌঁছন যেতে পারে না। অগতের সমস্ত ঋণ প্রকাশ সার্থকতা লাভ করেছে তাঁর অধুনা প্রকাশে এবং

অধুনা পাওয়া

আমাদের অসংখ্য ভোগের বস্তু সার্থকতা লাভ করেছে তাঁরই দানে—এইটাই ঠিকমত জানতে পারলে ঈশ্বরকে পাবার জন্যে কোনো বিশেষ স্থানের কোনো বিশেষ রূপের দ্বারে দ্বারে ঘুরে বেড়াতে হয় না—এবং ভোগের তৃপ্তিহীন স্পৃহা মেটাবার জন্যে কোনো বিশেষ ভোগের সামগ্রীর জন্যে বিশেষ ভাবে লোলুপ হয়ে উঠতে হয় না।

১৭ই চৈত্র

—

আত্মসমর্পণ

তাই বলছিলেন, ব্রহ্মকে ঠিক পাওয়ার কথাটা বলা চলে না। কেন না তিনি ত আপনাকে দিয়েই বসে আছেন—তঁার ত কোনোখানে কমতি নেই—এ কথা ত বলা চলে না যে, এই জায়গায় তঁার অভাব আছে অতএব আর একজায়গায় তঁাকে খুঁজে বেড়াতে হবে।

অতএব ব্রহ্মকে পেতে হবে এ কথাটা বলা ঠিক চলে না—আপনাকে দিতে হবে বলতে হবে। ঐখানেই অভাব আছে—সেই জগত্রেই মিলন হচ্ছে না। তিনি আপনাকে দিয়েছেন আমরা আপনাকে দিইনি। আমরা নানা প্রকার স্বার্থের অহঙ্কারের ক্ষুদ্রতার বেড়া দিয়ে নিজেকে অত্যন্ত স্বতন্ত্র এমন কি বিরুদ্ধ করে রেখেছি।

আত্মসমর্পণ

এই জন্মই বুদ্ধদেব এই স্বাতন্ত্র্যের অতি কঠিন বেঠন নানা চেষ্টায় ক্রমে ক্রমে ক্ষয় করে ফেলবার উপদেশ করেছেন। এর চেয়ে বড় সত্ত্বা বড় আনন্দ যদি কিছুই না থাকে তাহলে এই ব্যক্তিগত স্বাতন্ত্র্য নিরন্তর অত্যাগে নষ্ট করে ফেলবার কোনো মানে নেই। কারণ, কিছুই যদি না থাকে তাহলে ত আমাদের এই অহং এই ব্যক্তিগত বিশেষত্বই একেবারে পরম লাভ—তাহলে এ'কে আঁকড়ে না রেখে এত করে নষ্ট করব কেন ?

কিন্তু আসল কথা এই যে, যিনি পরিপূর্ণ-রূপে নিজেকে দান করেছেন আমরাও তাঁর কাছে পরিপূর্ণরূপে নিজেকে দান না করলে তাঁকে প্রতিগ্রহ করাই হবে না। আমাদের দিকেই বাকি আছে।

তাঁর উপাসনা তাঁকে লাভ করবার উপাসনা নয়—আপনাকে দান করবার উপাসনা। দিনে দিনে ভক্তি দ্বারা ক্ষমা

শান্তিনিকেতন

দ্বারা সন্তোষের দ্বারা সেবার দ্বারা তাঁর মধ্যে
নিজেকে মঙ্গলে ও প্রেমে বাধাহীনরূপে ব্যাপ্ত
করে দেওয়াই তাঁর উপাসনা ।

অন্তএব আমরা যেন না বলি যে তাঁকে
পাচ্চিনে কেন, আমরা যেন বলতে পারি
তাঁকে দিচ্চিনে কেন ? আমাদের প্রতিদিনের
আক্ষেপ হচ্ছে এই যে

“আমার যা আছে আমি, সকল দিতে

পারিনি তোমারে নাথ !

আমার লাজ ভয়, আমার মান অপমান

সুখ দুখ ভাবনা ।”

দাও, দাও, দাও, সমস্ত ক্ষয় কর, সমস্ত
ধরচ করে ফেল, তাহলেই পাওয়াতে একে-
বারে পূর্ণ হয়ে উঠবে ।

“মাঝে রয়েছে আবরণ কত শত কত মত,

তাই কেঁদে ফিরি, তাই তোমারে না পাই

মনে থেকে যায় তাই হে মনের বেদনা ।”

আমাদের যত দুঃখ যত বেদনা ,সে কেবল

আত্মসমর্পণ

আপনাকে ঘোচাতে পারচিনে বলেই—সেইটে ঘুচলেই যে তৎক্ষণাৎ দেখতে পাব আমার সকল পাওয়াকে চিরকালই পেয়ে বসে আছি।

উপনিষৎ বলেছেন, ব্রহ্ম তল্লক্ষ্য মুচ্যতে—
ব্রহ্মকেই লক্ষ্য বলা হয়—এই লক্ষ্যটি কিসের জ্ঞে ? কিছুকে আহরণ করে নিজের দিকে টানবার জ্ঞে নয়—নিজেকে একেবারে হারাবার জ্ঞে। শরবৎ তন্ময়ো ভবেৎ। শর যেমন লক্ষ্যের মধ্যে সম্পূর্ণ প্রবেশ করে তন্ময় হয়ে যায় তেমনি করে তাঁর মধ্যে একেবারে আচ্ছন্ন হয়ে যেতে হবে।

এই তন্ময় হয়ে যাওয়াটা কেবল যে একটা ধ্যানের ব্যাপার আমি তা মনে করিনে। এটা হচ্ছে সমস্ত জীবনেরই ব্যাপার। সকল অবস্থায়, সকল চিন্তায়, সকল কাজে এই উপলব্ধি যেন মনের এক আয়গায় থাকে যে, আমি তাঁর মধ্যেই আছি ; কোথাও বিচ্ছেদ নেই। এই জ্ঞানটি যেন মনের মধ্যে

শান্তিনিকেতন

প্রতিদিনই ক্রমে ক্রমে একান্ত সহজ হয়ে আসে যে “কোহেবাগ্ণাৎ কঃ প্রাণাৎ যদেষ আকাশ আনন্দো ন স্মাৎ”—আমার শরীর মনের তুচ্ছতম চেষ্টাটিও থাকত না যদি আকাশপরিপূর্ণ আনন্দ না থাকতেন, তাঁরই আনন্দ, শক্তিরূপে ছোট বড় সমস্ত ক্রিয়াকেই চেষ্টা দান করচে। আমি আছি তাঁরই মধ্যে, আমি করছি তাঁরই শক্তিতে এবং আমি ভোগ করছি তাঁরই দানে এই জ্ঞানটিকে নিঃশ্বাস প্রশ্বাসের মত সহজ করে তুলতে হবে এই আমাদের সাধনার লক্ষ্য। এই হলোই জগতে আমাদের থাকা, করা এবং ভোগ, আমাদের সত্য মঙ্গল এবং সুখ সমস্তই সহজ হয়ে যাবে—কেন না যিনি স্বয়ম্ভূ, যার জ্ঞান শক্তি ও কর্ম স্বাভাবিক তাঁর সঙ্গে আমাদের যোগকে আমরা চেতনার মধ্যে প্রাপ্ত হব। এইটি পাওয়ার জন্মেই আমাদের সকল চাওয়া।

১৮ই চৈত্র।

সমগ্র এক

পরমাঙ্গার মধ্যে আত্মাকে এইরূপ যোগ-
যুক্ত করে উপলব্ধি করা এ কি কেবল জ্ঞানের
দ্বারা হবে ? তা কখনই না। এতে প্রেমেরও
প্রয়োজন।

কেন না আমাদের জ্ঞান যেমন সমস্ত
খণ্ডতার মধ্যে সেই এক পরম সত্যকে চাচ্ছে
তেমনি আমাদের প্রেমও সমস্ত ক্ষুদ্র রসের
ভিতরে সেই সকল রসের রসতমকে সেই
পরমানন্দস্বরূপকে চাচ্ছে—নইলে তার তৃপ্তি
নেই।

জীবাত্মা যা কিছু নিজের মধ্যে সীমাবদ্ধ
করে পেয়েছে তাই সে পরমাঙ্গার মধ্যে
অসীমরূপে উপলব্ধি করতে চায়।

নিজের মধ্যে আমরা কি কি দেখছি।

প্রথমে দেখছি আমি আছি—আমি সত্য।

শান্তিনিকেতন

তার পরে দেখ্‌চি যেটুকু এখনি আছি এই টুকুতেই আমি শেষ নই। যা আমি হব, যা এখনো হইনি তাও আমার মধ্যে আছে। তাকে ধরতে পারিনে ছুঁতে পারিনে কিন্তু তা একটি রহস্যময় পদার্থরূপে আমার মধ্যে রয়েছে।

এ'কে আমি বলি শক্তি। আমার দেহের শক্তি যে কেবল বর্তমানেই দেহকে প্রকাশ করে কৃতার্থ হয়ে বসে আছে তা নয়—সেই শক্তি দশ বৎসরের পরেও আমার এই দেহকে পুষ্ট করবে বর্ধিত করবে। যে পরিণাম এখন উপস্থিত নেই সেই পরিণামের দিকে শক্তি আমাকে বহন করবে।

আমাদের মানসিক শক্তিরও এইরূপ প্রকৃতি। আমাদের চিন্তাশক্তি যে কেবলমাত্র আমাদের চিন্তিত বিষয়গুলির মধ্যেই সম্পূর্ণ পর্যাপ্ত তা নয়—যা চিন্তা করিনি ভবিষ্যতে করব তার সম্বন্ধেও সে আছে—যা চিন্তা

করতে পারতুম, প্রয়োজন উপস্থিত হলে যা চিন্তা করতুম তার সম্বন্ধেও সে আছে।

অতএব দেখা যাচ্ছে যা প্রত্যক্ষ সত্যরূপে বর্তমান—তার মধ্যে আর একটি পদার্থ বিদ্যমান যা তাকে অতিক্রম করে অনাদি অতীত হতে অনন্ত ভবিষ্যতের দিকে ব্যাপ্ত।

এই যে শক্তি, যা আমাদের সত্যকে নিশ্চল জড়ত্বের মধ্যে নিঃশেষ করে রাখেনি, যা তাকে ছাড়িয়ে গিয়ে তাকে অনন্তের দিকে টেনে নিয়ে যাচ্ছে এ যে কেবলমাত্র গতিরূপে অহরহ আপনাকে অনাগতের অভিমুখে প্রকাশ করে চলেছে তা নয় এর আর একটি ভাণ দেখুঁচি। এ একের সঙ্গে আরকে, ব্যষ্টির সঙ্গে সমষ্টিকে যোজনা করচে।

যেমন আমাদের দেহের শক্তি। এ যে কেবল আমাদের আজকের এই দেহকে কালকের দেহের মধ্যে পরিণত করচে তা নয়,

শান্তিনিকেতন

এ আমাদের দেহটিকে নিরন্তর একটি সমগ্রদেহ করে বেঁধে রাখ্চে। এ এমন করে কাজ করচে যাতে আমাদের শরীরের “আজ”ই একান্ত হয়ে না দাঁড়ায়, শরীরের “কাল”ও আপনার দাবী রক্ষা করতে পারে—তেমনি আমাদের শরীরের একাংশই একান্ত হয়ে না ওঠে, শরীরের অঙ্গাংশের সঙ্গে তার এমন সম্বন্ধ থাকে যাতে পরস্পর পরস্পরের সহায় হয়। পায়ের জন্তে হাত মাথা পেট সকলেই খাট্চে আবার হাত মাথা পেটের জন্তেও পা খেটে মরচে। এই শক্তি হাতের স্বার্থকে পায়ের স্বার্থ করে রেখেছে পায়ের স্বার্থকে হাতের স্বার্থ করে রেখেছে।

এইটিই হচ্ছে শরীরের পক্ষে মঙ্গল। তার প্রত্যেক প্রত্যঙ্গ সমস্ত অঙ্গকে রক্ষা করচে, সমগ্র অঙ্গ প্রত্যেক প্রত্যঙ্গকে পালন করচে। অতএব শক্তি আয়ুক্রমে শরীরকে অনাগত পরিণামের দিকে নিয়ে

যাচ্ছে এবং মঙ্গলরূপে তাকে অথবা সমগ্রতায়
বন্ধন করচে, ধারণ করচে ।

এই শক্তির প্রকাশ শুধু যে মঙ্গলে তা ত
নয়, কেবল যে তার দ্বারা যন্ত্রের মত রক্ষাকার্য্য
চলে যাচ্ছে তা নয় এর মধ্যে আবার একটি
আনন্দ রয়েছে ।

আয়ুর মধ্যে আনন্দ আছে—সমগ্র শরীরের
মঙ্গলের মধ্যে স্বাস্থ্যের মধ্যে একটি আনন্দ
আছে ।

এই আনন্দকে ভাগ করলে দুটি জিনিষ
পাওয়া যায় একটি হচ্ছে জ্ঞান এবং আর
একটি প্রেম ।

আমার মধ্যে যে একটি সমগ্রতা আছে
তার সঙ্গে জ্ঞান আছে—সে জান্চে আমি
হচ্ছি আমি ; আমি হচ্ছি একটি সম্পূর্ণ আছি ।

শুধু জান্চে নয় এই জানায় তার একটি
প্ৰীতি আছে । এই একটি সম্পূর্ণতাকে সে
এত ভালবাসে যে এর কোনো ক্ষতি সে

শান্তিনিকেতন

সহ করতে পারে না। এর মঙ্গলে তার লাভ, এর সেবায় তার আনন্দ।

তাহলে দেখতে পাচ্ছি, শক্তি একটি সমগ্রতাকে বাঁধে, রাখে এবং তাকে অহরহ একটি ভাবী সম্পূর্ণতার দিকে চালনা করে নিয়ে যাচ্ছে।

তার পরে দেখতে পাচ্ছি এই যে সমগ্রতা যার মধ্যে একটি সক্রিয় শক্তি অংশ প্রত্যংশকে এক করে রয়েছে, অতীত অনাগতকে এক করে রয়েছে—সেই শক্তির মধ্যে কেবল যে মঙ্গল রয়েছে অর্থাৎ সত্য কেবল সমগ্র আকারে রক্ষা পাচ্ছে ও পরিণতি লাভ করছে তা নয়—তার মধ্যে একটি আনন্দ, রয়েছে। অর্থাৎ তার মধ্যে একটি সমগ্রতার জ্ঞান এবং সমগ্রতার প্রেম আছে। সে সমস্তকে জানে এবং সমস্তকে ভালবাসে।

যেটি আমার নিজের মধ্যে দেখছি—ঠিক এইটেই আবার সমাজের মধ্যে দেখছি।

সমাজ-সত্তার ভিতরে একটি শক্তি বর্তমান, যা সমাজকে কেবলই বর্তমানে আবদ্ধ করছে না তাকে তার ভাবী পরিণতির দিকে নিয়ে যাচ্ছে। 'শুধু তাই নয়, সমাজস্থ প্রত্যেকের স্বার্থকে সকলের স্বার্থ এবং সকলের স্বার্থকে প্রত্যেকের স্বার্থ করে তুলে।

কিন্তু এই ব্যক্তিগত স্বার্থকে সমষ্টিগত মঙ্গলে পরিণত করাটা যে কেবল যন্ত্রবৎ জড় শাসনে ঘটে উঠে তা নয়। এর মধ্যে প্রেম আছে। মানুষের সঙ্গে মানুষের মিলনে একটা রস আছে। স্নেহ প্রেম দয়া দাক্ষিণ্য আমাদের পরস্পরের যোগকে স্বেচ্ছাকৃত আনন্দময়, অর্থাৎ জ্ঞান ও প্রেমময় যোগরূপে জাগিয়ে তুলে। আমরা দায় পড়ে নয় আনন্দের সঙ্গে স্বার্থ বিসর্জন করি। যা ইচ্ছা করেই সন্তানের সেবা করছে; মানুষ অন্ধভাবে নয় সজ্ঞানে প্রেমের দ্বারাই সমাজের হিত করছে। এই যে বৃহৎ আমি, সামাজিক আমি,

শান্তিনিকেতন

স্বাদেশিক আমি, মানবিক আমি, এর প্রেমের জোর এত যে, এই চৈতন্য যাকে ষথার্থভাবে অধিকার করে সে এই বৃহত্তের প্রেমে নিজের ক্ষুদ্র আমার সুখ দুঃখ জীবন মৃত্যু সমস্ত অকাতরে তুচ্ছ করে। সমগ্রতার মধ্যে এতই আনন্দ ;—বিচ্ছিন্নতার মধ্যেই দুঃখ দুর্ভাগতা। তাই উপনিষৎ বলেছেন ভূমৈব সুখং নাশ্লে সুখমস্তি।

বিশ্বব্যাপী সমগ্রতার মধ্যে ব্রহ্মের শক্তি কেবল যে সত্যের সত্য ও মঙ্গলের মঙ্গলরূপে আছে তা নয় সেই শক্তি অপরিমেয় আনন্দ-রূপে বিরাজ করচে। এই বিশ্বের সমগ্রতাকে ব্রহ্ম জ্ঞানের দ্বারা পূর্ণ করে এবং প্রেমের দ্বারা আলিঙ্গন করে রয়েছে। তাঁর সেই জ্ঞান এবং সেই প্রেম চিরনির্ব্বারধারারূপে জীবাত্মার মধ্যে দিয়া প্রবাহিত হয়ে চলেছে—কোনোদিন সে আর নিঃশেষ হল না।

এই জগ্গেই পরমাত্মার সঙ্গে আত্মার যে

সমগ্র এক

মিলন সে জ্ঞান প্রেম কর্ণের মিলন—সেই
মিলনই আনন্দের মিলন। সম্পূর্ণের সঙ্গে
মিলতে গেলে সম্পূর্ণতার দ্বারাই মিলতে হবে—
তবেই আমাদের যা কিছু আছে সমস্তই
চরিতার্থ হবে।

১৯শে চৈত্র

আত্মপ্রত্যয়

আমার দেহ প্রাণ চৈতন্য বুদ্ধি হৃদয় সমস্তটা নিয়ে আমি একটি এক। এই যে সমগ্রতা সম্পূর্ণতা, এ একটি এক বস্তু বলেই নিজেকে জানে এবং নিজেকে ভালবাসে।

শুধু তাই নয় এই জগৎ সর্বত্রই সে এককে সন্ধান করে এবং এককে পেলেই আনন্দিত হয়। বিচ্ছিন্নতা তাকে ক্রেশ দেয়—সে সম্পূর্ণতাকে চায়।

বস্তুত সে যা কিছু চায় তা কোনো না কোনো রূপে এই সম্পূর্ণতার সন্ধান। সে নিজের একের সঙ্গে চারিদিকের বহুকে বেঁধে নিয়ে ক্ষুদ্র এককে বৃহত্তর এক করে তুলতে চায়।

আমরা প্রত্যেকে নিজের মধ্যে এই যে একের সম্পূর্ণতা লাভ করেছি এরই শক্তিতে

আমরা জগতের আর সমস্ত ঐক্য উপলব্ধি করতে পারি। আমরা সমাজকে এক বলে বুঝতে পারি, মানবকে এক বলে বুঝতে পারি, সমস্ত বিশ্বকে এক বলে বুঝতে পারি—এমন কি, সেই রকম এক করে যাকে না বুঝতে পারি তার তাৎপর্য পাইনে—তাকে নিয়ে আমাদের বুদ্ধি কেবল হাণ্ডে বেড়াতে থাকে।

অতএব আমরা যে পরম এককে খুঁজছি, সে কেবল আমাদের নিজের এই একের তাগিদেই। এই এক নিজের ঐক্যকে সেই পর্যন্ত না নিয়ে গিয়ে মাঝখানে কিছুতেই থামতে পারে না।

আমরা সমাজকে যে এক বলে জানি সেই জানবার ভিত্তি হচ্ছে আমাদের আত্মা—মানবকে এক বলে জানি সেই জানার ভিত্তি হচ্ছে এই আত্মা—বিশ্বকে যে এক বলে জানি তারও ভিত্তি হচ্ছে এই আত্মা এবং পরমাত্মাকে যে অদ্বৈতম্ বলে জানি তারও ভিত্তি


শাস্তিনিকেতন

হচ্ছে এই আত্মা। এই জগুই উপনিষৎ বলেন সাধক “আত্মগ্বেবাআনং পশুতি” আত্মাতেই পরমাআত্মাকে দেখেন। কারণ আত্মাতে যে ঐক্য আছে সেই ঐক্যই পরম ঐক্যকে খোঁজে এবং পরম ঐক্যকে পায়। যে জ্ঞান তার নিজের ঐক্যকে আশ্রয় করে আত্মজ্ঞান হয়ে আছে সেই জ্ঞানই পরমাআত্মার পরম জ্ঞানের মধ্যে চরম আশ্রয় পায়। এই জগুই পরমা-আত্মাকে “একাত্মপ্রত্যয়সারং” বলা হয়েছে— অর্থাৎ নিজের প্রতি আত্মার যে একটি সহজ প্রত্যয় আছে সেই প্রত্যয়েরই সার হচ্ছেন তিনি—আমাদের আত্মা যে স্বভাবতই নিজেকে এক বলে জানে সেই এক জানারই সার হচ্ছে পরম এককে জানা। তেমনি আমাদের যে একটি আত্মপ্রেম আছে, আত্মাতে আত্মার আনন্দ, এই আনন্দই হচ্ছে মানবাআত্মার প্রতি প্রেমের ভিত্তি, বিশ্বাআত্মার প্রতি প্রেমের ভিত্তি, পরমাআত্মার প্রতি প্রেমের ভিত্তি। অর্থাৎ

আত্মপ্রত্যয়

এই আত্মপ্রেমেরই পরিপূর্ণতম সত্যতম বিকাশ
হচ্ছে পরমাত্মার প্রতি প্রেম—সেই ভূমানন্দেই
আত্মার আনন্দের পরিণতি। আমাদের
আত্মপ্রেমের চরম সেই পরমাত্মায় আনন্দ।
তদেতৎ প্রেয়ঃ পুত্রাৎ প্রেয়ো বিত্তাৎ প্রেয়োহ-
ন্যস্মাৎ সর্ক্সস্মাৎ অন্তরতর যদন্নমাত্মা।

২১ চৈত্র।



ধীর যুক্তাত্মা

এই কথাটিকে আলোচনা করে কেবল কঠিন করে তোলা হচ্ছে। অথচ এইটিই আমাদের সকলের চেয়ে সহজ কথা—একে-বারে গোড়াকার প্রথম কথা এবং শেষের শেষ কথা। আমরা নিজের মধ্যে একটি এক পেয়েছি এবং এককেই আমরা বহর মধ্যে সর্বত্রই খুঁজে বেড়াচ্ছি। এমন কি, শিশু যখন নানা জিনিসকে ছুঁয়ে শুঁকে খেয়ে দেখবার অন্তে চারিদিকে হাত বাড়াচ্ছে তখনো সে সেই এককেই খুঁজে বেড়াচ্ছে। আমরাও শিশুরই মত নানা জিনিসকে ছুঁচ্ছি, শুঁকছি, মুখে দিচ্ছি, তাকে আঘাত করছি তার থেকে আঘাত পাচ্ছি, তাকে জমাচ্ছি এবং তাকে অবজ্ঞার মত ফেলে দিচ্ছি এই সমস্ত পরীক্ষা এই সমস্ত চেষ্টার ভিতর 'দিয়ে সমস্ত

ধীর যুক্তাঙ্গা

হৃৎথে সমস্ত লাভে আমরা সেই এককেই চাচ্ছি। আমাদের জ্ঞান একে পৌঁছতে চায়, আমাদের প্রেম একে মিলতে চায়। এ ছাড়া দ্বিতীয় কোনো কথা নেই।

আনন্দাদ্যোব ধ্বনিমানি ভূতানি জায়ন্তে—
আনন্দ আপনাকে নানারূপে নানাকালে প্রকাশ করছেন—আমরা সেই নানারূপকেই কেবল দেখছি কিন্তু আমাদের আত্মা দেখতে চায় নানার ভিতর দিয়ে সেই মূল এক আনন্দকে। যতক্ষণ সেই মূল আনন্দের কোনো আভাস না দেখি ততক্ষণ কেবলি বস্তুর পর বস্তু, ঘটনার পর ঘটনা আমাদের ক্লান্ত করে ক্লিষ্ট করে, আমাদের অন্তহীন পথে ঘুরিয়ে মারে। আমাদের বিজ্ঞান সমস্ত বস্তুর মধ্যে এক সত্যকে খুঁজছে আমাদের ইতিহাস সমস্ত ঘটনার মধ্যে এক অভিপ্রায়কে খুঁজছে, আমাদের প্রেম সমস্ত সত্যের মধ্যে এক আনন্দকে খুঁজছে। নইলে সে কোনোখানেই

শান্তিনিকেতন

বলতে পারচে না, ঔ—বলতে পারচে না, হাঁ,
পাওয়া গেল ।

আমরা যখন একটা অন্ধকার ঘরে আমা-
দের প্রার্থনীয় বস্তুকে খুঁজে বেড়াই তখন
চারদিকে মাথা ঠুকতে থাকি উঁচু খেতে
থাকি, তখন কত ছোট জিনিষকে বড় মনে
করি, কত তুচ্ছ জিনিষকে বহুমূল্য বলে মনে
করি, কত জিনিষকে আঁকড়ে ধরে বলি এই
ত পেয়েছি—তার পরে দেখি মুঠোর মধ্যেই
সেটা গুঁড়িয়ে ধুলো হয়ে যায় ।

আসল কথা এই অন্ধকারে আমি জানিই
নে আমি কাকে চাচ্ছি । কিন্তু যেমনি একটি
আলো জ্বালা হয় অমনি এক মুহূর্তেই সমস্ত
সহজ হয়ে যায়—অমনি এতদিনের এত গোঁজা
এত মাথা ঠোকার পরে এক পলকেই জানতে
পারি যে যা-সমস্ত আমার হাতে ঠেকছিল তাই
আমার প্রার্থনীয় জিনিষ নয় । যে মা এই
সমস্ত ঘরটি সাজিয়ে চুপ করে সবসে ছিলেন

ধীর যুক্তাশ্রা

তিনিই আমার যথার্থ কামনার ধন । যেমনি আলোটি জ্বল্ল অমনি সব জ্বিনিস ছেড়ে দু' হাত বাড়িয়ে ছুটে তাঁর কাছে গেলুম ।

অথচ মাকে পাবামাত্রই অমনি তাঁর সঙ্গে সব জ্বিনিসকেই একত্রে পাওয়া গেল—কোনো বিশেষ জ্বিনিস স্বতন্ত্র হয়ে আমার পথের বাধারূপে আমাকে আটক করলে না—মাকে জান্বামাত্র মায়ের এই সাজানো ঘরটি আমারই হয়ে গেল । তখন ঘরের সমস্ত আসবাব-পত্রের মধ্যে আমার সঞ্চরণ অবাধ হয়ে উঠল—তখন যে জ্বিনিসের ঠিক যে ব্যবহার তা আমার আয়ত্ত হয়ে গেল—তখন জ্বিনিস-গুলো আমাকে অধিকার করলনা, আমিই তাদের অধিকার করলুম ।

তাই বলছিলুম কি জানে কি প্রেমে কি কন্ঠে সেই এককে সেই আসল জ্বিনিসটিকে পেলেই সমস্তই সহজ হয়ে যায়—জ্বিনিসের সমস্ত ভার এক মুহূর্তে লাঘব হয়ে যায় ।

শান্তিনিকেতন

সাঁতারটি যেমনি জ্বেনেছি অমনি অগাধ জলে
বিহারও আমার পক্ষে যেন স্বাভাবিক হয়ে
যায়—তখন অতল জলে ডুব দিলেও বিনাশে
তলিয়ে যাইনে—আপনি ভেসে উঠি।
এই সাঁতারটি না জানলেই জল প্রতিপদে
আমাকে বাধা দেয় আমাকে মারতে চায় ;—
যে জলে সঞ্চরণ সাঁতার জানলে আমার পক্ষে
লীলা আমার পক্ষে আনন্দ, সাঁতার না জানলে
সেই জলে সঞ্চরণই আমার পক্ষে দুঃখ আমার
পক্ষে মৃত্যু। তখন অল্প জলেও হাত পা
ছুঁড়ে হাঁস ফাস্ করে ক্লান্ত হয়ে পড়ি।

আমাদের আসল জান্বার বিষয়কে পাবার
বিষয়কে যেমনি লাভ করি অমনি এই সংসারের
বিচিত্রতা আর আমাদের বাঁধতে পারে না,
ঠেকাতে পারে না মারতে পারে না। তখন,
পূর্বে যা বিভীষিকা ছিল এখন সেইটেই
সহজ হয়ে যায়—সংসারে তখন আমরা মুক্ত
ভাবে আনন্দ পাই। সংসার তখন আমাদের

ধীর যুক্তাঙ্গা

অধিকার করে না, আমরাই সংসারকে
অধিকার করি। তখন, পূর্বে পদে পদে
আমাদের যে আক্ষেপ বিক্ষেপ যে শক্তির
অপব্যয় ছিল সেটা কেটে যায়।

সেই জগত্ৰই উপনিষৎ বলেছেন—তে
সৰ্বগং সৰ্বতঃ প্রাপ্য ধীরা যুক্তাঙ্গানঃ সৰ্ব-
মেবাবিশন্তি—সেই সৰ্বব্যাপীকে যারা সকল
দিক থেকেই পেয়েছেন তাঁরা ধীর হয়ে
যুক্তাঙ্গা হয়ে সৰ্বত্রই প্রবেশ করেন। প্রথমে
তাঁরা ধৈর্য লাভ করেন—আর তাঁরা নানা
বিষয় ও নানা ব্যাপারের মধ্যে কেবলি বিক্ষিপ্ত
হয়ে উদ্ভ্রান্ত হয়ে বেড়ান না—তাঁরা অপ্রগল্ভ
অপ্রমত্ত ধীম হন—তাঁরা যুক্তাঙ্গা হন, সেই
পরম একের সঙ্গে যোগযুক্ত হন—নিজেকে
কোনো অহঙ্কার কোনো আসক্তি দ্বারা স্বতন্ত্র
বিচ্ছিন্ন করেন না—একের সঙ্গে মিলিত হয়ে
আনন্দে বিশ্বের সমস্ত বহুর মধ্যে প্রবেশ করেন
—সমস্ত বহু তখন তাঁদের পথ ছেড়ে দেয়।

শাস্তিনিকেতন

সেই সকল ধীর সেই সকল যুক্তাঙ্গাদের
প্রণাম করে তাঁদেরই পথ আমরা অনুসরণ
করব। সেই হচ্ছে একের সঙ্গে যোগের পথ,
সেই হচ্ছে সকলের মধ্যেই প্রবেশের পথ—
জ্ঞান, প্রেম এবং কর্মের চরম পরিতৃপ্তির পথ।

২২শে চৈত্র



শক্তি ও সহজ

সাধনার দুই অঙ্গ আছে। একটি ধরে রাখা আর একটি ছেড়ে দেওয়া। এক জায়গায় শক্তি হওয়া, আর এক জায়গায় সহজ হওয়া।

জাহাজ যে চলে তার দুটি অঙ্গ আছে। একটি হচ্ছে হাল, আর একটি হচ্ছে পাল। হাল খুব শক্ত করেই ধরে রাখতে হবে। ঋবতারার দিকে লক্ষ্য স্থির রেখে সিধে পথ ধরে চলা চাই। এর জন্তে দিক্ জানা দরকার—নক্ষত্র পরিচয় হওয়া চাই—কোনু খানে বিপদ কোনু খানে সুযোগ সে সমস্ত সর্বদা মন দিয়ে বুঝে না চলে চলবে না। এর জন্তে অহরহ সচেষ্টি সতর্কতা এবং দৃঢ়তার প্রয়োজন। এর জন্তে জ্ঞান এবং শক্তি চাই।

শান্তিনিকেতন

আর একটি কাজ হচ্ছে অনুকূল হাওয়ার কাছে জাহাজকে সমর্পণ করা ! জাহাজের যত পাল আছে সমস্তকে এমন করে ছড়িয়ে ধরা যে বাতাসের সুযোগ হতে সে যেন লেশ-মাত্র বঞ্চিত না হয়।

আধ্যাত্মিক সাধনাতেও তেমনি যেমন একদিকে নিজের জ্ঞানকে বিশুদ্ধ এবং শক্তিকে সচেষ্ট রাখতে হবে তেমনি আর একদিকে ঈশ্বরের ইচ্ছার কাছে নিজেকে সম্পূর্ণভাবে নিবেদন করে দিতে হবে। তাঁর মধ্যে একেবারে সহজ হয়ে যেতে হবে।

নিজেকে নিয়মের পথে দৃঢ় করে ধরে রাখবার সাধনা অনেক জায়গায় দেখা যায় কিন্তু নিজেকে তাঁর হাতে সমর্পণ করে দেবার সাধনা অল্পই দেখতে পাই। এখানেও মানুষের যেন একটা কুপণতা আছে। সে নিজেকে নিজের হাতে রাখতে চায়, ছাড়তে চায় না। একটা কোনো কঠোর ব্রতে সে প্রতিদিন

নিজের শক্তির পরিচয় পায়—প্রতিদিন একটা হিসাব পেতে থাকে, যে, নিয়ম দৃঢ় রেখে এতখানি চলা হল; এতেই তার একটা বিশেষ অভিমানের আনন্দ আছে।

নিজের জীবনকে ঈশ্বরের কাছে নিবেদন করে দেবার এ মানে নয় যে, আমি যা করছি সমস্তই তিনি করছেন এইটি কল্পনা করা। করছি কাজ আমি, অথচ নিচ্ছি তাঁর নাম, এবং দায়িত্ব করছি তাঁকে—এমন দুর্বিপাক না যেন ঘটে।

ঈশ্বরের হাওয়ার কাছে জীবনটাকে একেবারে ঠিক করে ধরে রাখতে হবে। সেটিকে সম্পূর্ণ মানতে হবে। কাৎ হয়ে সেটিকে পাশ কাটিয়ে চলে যাবে না। তাঁর আহ্বান তাঁর প্রেরণাকে পূরাপূরি গ্রহণ করবার মুখে জীবন প্রতিমুহূর্তে যেন আপনাকে প্রসারিত করে রাখে। “কি ইচ্ছা, প্রভু, কি আদেশ—” এই প্রশ্নটিকে জাগ্রত করে রেখে সে যেন সর্বদা প্রস্তুত হয়ে থাকে। যা শ্রেয় তা যেন

শান্তিনিকেতন

সহজেই তাকে চালায় এবং শেষ পর্যন্তই
তাকে নিয়ে যায়।

জানামি ধর্ম্মং ন চ মে প্রবৃত্তিঃ

জানাণ্ডধর্ম্মং ন চ মে নিবৃত্তিঃ

ত্বয়া হৃদীকেশ হৃদিস্থিতেন

যথা নিযুক্তোহস্মি তথা করোমি।

এ শ্লোকের মানে এমন নয় যে আমি ধর্ম্মেই
থাকি আর অধর্ম্মেই থাকি তুমি আমাকে
যেমন চালাচ্ছ আমি তেমনি চলছি। এর
ভাব এই যে আমার প্রবৃত্তির উপরেই যদি
আমি ভার দিই তবে সে আমাকে ধর্ম্মের দিকে
নিয়ে যায় না অধর্ম্ম থেকে নিরস্ত করে না—
তাই হে প্রভু, স্থির করেছি তোমাকেই আমি
হৃদয়ে রাখব এবং তুমি আমাকে যেদিকে
চালাবে সেই দিকে চলব। স্বার্থ আমাকে
যেদিকে চালাতে চায় সেদিকে চলবনা—
অহঙ্কার আমাকে যে পথ থেকে নিবৃত্ত করতে
চায় আমি সে পথ থেকে নিবৃত্ত হবনা।

অতএব তাঁকে হৃদয়ের মধ্যে স্থাপিত করে তাঁর হাতে নিজের ভার সমর্পণ করা, প্রত্যহ আমাদের ইচ্ছাশক্তির, এই একটিমাত্র সাধনা হোক।

এইটি করতে গেলে গোড়াতেই অহঙ্কারকে তার চূড়ার উপর থেকে একেবারে নামিয়ে আনতে হবে। পৃথিবীর সকলের সঙ্গে সমান হও—সকলের পিছনে এসে দাঁড়াও ; সকলের নীচে গিয়ে বস—তাতে কোনো ক্ষতি নেই। তোমার দীনতা ঈশ্বরের প্রসাদে পরিপূর্ণ হয়ে উঠুক তোমার নম্রতা সুমধুর অমৃত ফলভারে সার্থক হোক। সর্বদা লড়াই করে নিজের জগ্নে ঐ একটুকখানি স্বতন্ত্র জায়গা বাঁচিয়ে রাখবার কি দরকার—তার কি মূল্য? জগতের সকলের সমান হয়ে বসতে লজ্জা কোরোনা—সেই খানেই তিনি বসে আছেন। যেখানে সকলের চেয়ে উঁচু হয়ে থাকবার জগ্নে তুমি একলা বসে আছ সেখানে তাঁর স্থান অতি সঙ্কীর্ণ।

শান্তিনিকেতন

যতদিন তাঁর কাছে আত্মসমর্পণ না করবে
ততদিন তোমার হার-জিত তোমার সুখদুঃখ
চেউয়ের মত কেবলি টগাবে কেবলি ঘোরাবে
—প্রত্যেকটার পুরো আঘাত তোমাকে নিতে
হবে। যখন তোমার পালে তাঁর হাওয়া
লাগবে—তখন তরঙ্গ সমানই থাকবে কিন্তু
তুমি ছ ছ করে চলে যাবে—তখন সেই তরঙ্গ
আনন্দের তরঙ্গ। তখন প্রত্যেক তরঙ্গটি
কেবল তোমাকে নমস্কার করতে থাকবে এবং
এই কথাটিরই প্রমাণ দেবে যে তুমি তাঁকে
আত্মসমর্পণ করেছ।

তাই বলছিলুম জীবনযাত্রার সাধনার
নিজের শক্তির চর্চা যতই করি—ঈশ্বরের
চিরপ্রবাহিত অনুকূল দক্ষিণ বায়ুর কাছে
সমস্ত পালগুলি একেবারেই পূর্ণভাবে ছড়িয়ে
দেবার কথাটা না ভুলি যেন।

২৪শে চৈত্র

নমস্তেহস্ত

কোন লতা গোল গোল আঁকড়ি দিয়ে
আপনার আশ্রয়কে বেঁটন করে, কোনো লতা
সরু সরু শিকড় মেলে দিয়ে আশ্রয়কে চেপে
ধরে, কোনো লতা নিজের সমস্ত দেহকে
দিয়েই তার অবলম্বনকে ঘিরে ফেলে ।

আমরাও যে সকল সম্বন্ধ দিয়ে ঈশ্বরকে
ধরব তা একরকম নয় । আমরা তাঁকে
পিতাভাবেও আশ্রয় করতে পারি, প্রভুভাবেও
পারি, বন্ধুভাবেও পারি । জগতে যতরকম
সম্বন্ধসূত্রেই আমরা নিজেকে বাঁধি সমস্তের
মূলে তিনিই আছেন—যে রসের দ্বারা সেই
সেই সকল সম্বন্ধ পুষ্ট হয় সে রস তাঁরই ;—
এই জগতে সব সম্বন্ধই তাঁতে খাটতে পারে,
সকল রকম ভাব দিয়েই মানুষ তাঁকে পেতে
পারে ।

শান্তিনিকেতন

সব সম্বন্ধের মধ্যে প্রথম সম্বন্ধ হচ্ছে
পিতাপুত্রের সম্বন্ধ।

পিতা যত বড়ই হোন্‌ আৰু পুত্র যত
ছোটই হোক্—উভয়ের মধ্যে শক্তিব যতই
বৈষম্য থাক্‌ তবু উভয়ের মধ্যে গভীরতর
ঐক্য আছে। সেই ঐক্যটির যোগেই এতটুকু
ছেলে তার এত বড় বাপকে লাভ করে।

ঈশ্বরকেও যদি পেতে চাই তবে তাঁকে
একটি কোনো সম্বন্ধের ভিত্তি দিয়ে পেতে
হবে—নইলে তিনি আমাদের কাছে কেবলমাত্র
একটি দর্শনের তত্ত্ব, গ্রামশাস্ত্রের সিদ্ধান্ত হয়ে
থাক্‌বেন, আমাদের আপন হয়ে উঠ্‌বেন
না।

তিনি ত কেবল আমাদের বুদ্ধির বিষয়
নন, তিনি তার চেয়ে অনেক বেশী—
তিনি আমাদের আপন। তিনি যদি আমাদের
আপন না হতেন তা হলে সংসারে কেউ
আমাদের আপন হত না—তা হলে আপন

কথাটার কোনো মানেই থাকত না। তিনি যেমন বৃহৎ সূর্য্যকে এই ক্ষুদ্র পৃথিবীর আপন করে' এত লক্ষ যোজন ক্রোশের দূরত্ব ঘুচিয়ে মাঝখানে রয়েছেন তেমনি তিনিই নিজে এক মানুষের সঙ্গে আর এক মানুষের সম্বন্ধরূপে বিরাজ করছেন। নইলে একের সঙ্গে আরের ব্যবধান যে অনন্ত ; মাঝখানে যদি অনন্ত মিলনের সেতু না থাকতেন তাহলে এই অনন্ত ব্যবধান পার হতুম কি করে !

অতএব তিনি ছুঁছ তত্বকথা ননু তিনি অত্যন্ত আপন। সকল আপনের মধ্যেই তিনি একমাত্র চিরন্তন অখণ্ড আপন। গাছের ফলকে তিনি যে কেবল একটি সত্যরূপে গাছে ঝুলিয়ে রেখেছেন তা নয়, স্বাদে গন্ধে শোভায় তিনি বিশেষরূপে তাকে আমার আপন করে রেখেছেন—তিনিই আমার আপন বলে ফলকে নানা রসে আমার আপন করেছেন—নইলে ফল নামক সত্যটিকে আমি

শান্তিনিকেতন

কোনোদিক থেকেই কোনো রকমেই এত-
টুকুও নাগাল পেতুম না।

কিন্তু আপন যে কতদূর পর্য্যন্ত ঝাঁপ, কত
গভীরতা পর্য্যন্ত, তা তিনি মানুষের সম্বন্ধে
মানুষকে দেখিয়েছেন—শরীর মন হৃদয় সর্বত্র
তার প্রবেশ, কোথাও তার বিচ্ছেদ নেই,
বিরহ এবং মৃত্যুও তাকে বিচ্ছিন্ন করতে
পারে না।

সেই অণ্ডে মানুষের এই সম্বন্ধগুলির
মধ্যদিয়েই আমরা কতকটা উপলব্ধি করতে
পারি, নিখিল ব্রহ্মাণ্ডে : যিনি আমাদের নিত্য-
কালের আপন তিনি আমাদের কি ? সেই
তিনি : তাঁকে সত্যং জ্ঞানমনস্তং ব্রহ্ম বলে
আমাদের শেষ কথা বলা হয় না—তার চেয়ে
চরমতর অস্তুরতর কথা হচ্ছে, তুমি আমার
আপন, তুমি আমার মাতা, আমার পিতা,
আমার বন্ধু আমার প্রভু, আমার বিদ্যা,
আমার ধন, তুমিই সর্বং মম দেহদেব। তুমি

আমার এবং আমি তোমার, তোমাতে আমাতে
এই যে যোগ, এই যোগটিই আমার সকলের
চেয়ে বড় সত্য, আমার সকলের চেয়ে বড়
সম্পদ। তুমি আমার মহত্তম সত্যতম
আপনস্বরূপ।

ঈশ্বরের সঙ্গে এই যোগ উপলব্ধি করবার
একটি মন্ত্র হচ্ছে “পিতা নোহসি” তুমি
আমাদের পিতা। যিনি অনন্ত সত্য তাঁকে
আমাদের আপন সত্য করবার এই একটি
মন্ত্র—তুমি আমাদের পিতা।

আমি ছোট, তুমি ব্রহ্ম, তবু তোমাতে
আমাতে মিল আছে, তুমি পিতা। আমি
অবোধ, তুমি অনন্ত জ্ঞান, তবু তোমাতে
আমাতে মিল আছে, তুমি পিতা।

এই যে যোগ এই যোগটি দিয়ে তোমাতে
আমাতে বিশেষভাবে যাতায়াত, তোমাতে
আমাতে বিশেষভাবে দেনাপাওনা। এই
যোগটিকে যেন আমি সম্পূর্ণ সজ্ঞানে সম্পূর্ণ

শাস্তিনিকেতন

সবলে অবলম্বন করি। তাই আমার প্রার্থনা এই যে, “পিতা নো বোধি” তুমি যে পিতা আমাকে সেই বোধটি দাও। তুমি তু, “পিতা নোহসি” পিতা আছ—কিন্তু শুধু আছ বলে ত হবে না—“পিতা নো বোধি” তুমি আমার পিতা হয়ে আছ এই বোধটি আমাকে দাও।

আমার চৈতন্য ও বুদ্ধি যোগে যে-কিছু জ্ঞান আমি পাচ্ছি সমস্তই তাঁর কাছ থেকে পাচ্ছি “ধিয়ো যোনঃ প্রচোদয়াৎ” যিনি আমাদের ধীশক্তি সকল প্রেরণ করছেন। যিনি বিশ্বব্রহ্মাণ্ডকে অখণ্ড এক করে রয়েছেন— তাঁর কাছ থেকে ছাড়া কোনো জ্ঞান, আর কোথা পাব! কিন্তু সেই সঙ্গে যেন এই বোধটুকুও পাই যে তিনিই দিচ্ছেন।

তিনিই পিতারূপে আমাকে জ্ঞান দিচ্ছেন এই বোধটুকু আমার অন্তরে থাকলে তবেই তাঁকে আমি যথার্থভাবে নমস্কার করতে পারি। আমি সমস্তই তাঁর কাছ থেকে নিচ্ছি,

পাচ্ছি, তবু তাঁকে নমস্কার করতে পারচিনে, আমার মন শক্ত হয়েই আছে, মাথা উদ্ধত হয়েই রয়েছে। কেননা তাঁর সঙ্গে আমার যে যোগ সেটা আমার বোধে খুঁজে পাচ্চিনে।

তাই আমাদের প্রার্থনা এই যে, “নমস্তেহস্ত”—তোমাতে আমাদের নমস্কারটি যেন হয়—সেটি যেন নম্রতায়া আত্মসমর্পণে পরিপূর্ণ হয়ে তোমার পায়ের কাছে এসে নামে—আমার সমস্ত জীবন যেন তোমার প্রতি নমস্কাররূপে পরিণত হয়।

তোমার সঙ্গে আমার সম্বন্ধই এই যে, তুমি আমাকে দেবে আর আমি নমস্কারে নত হয়ে পড়ে তা গ্রহণ করব। এই নমস্কারটি অতি মধুর ; এ জলভারনত মেঘের মত, ফলভারনত শাখার মত রসে ও মঙ্গলে পরিপূর্ণ। এই নমস্কারের দ্বারা জীবন কল্যাণে ভরে ওঠে, সৌন্দর্যে উপচে পড়ে। এই নমস্কার যে কেবল নিবিড় মাধুর্য তা নয় এ প্রবল শক্তি।

শান্তিনিকেতন

এ যেমন অনায়াসে গ্রহণ করে ও বহন করে
উদ্ধত অহঙ্কার তেমন করে পারে না।
এ'কে কেউ পরাভূত করতে পারেনা। জীবন
এই নমস্কারের দ্বারা সমস্ত আঘাত ক্ষতি বিপদ
ও মৃত্যুর উপরে অতি সহজেই জয়ী হয়।
এই নমস্কারের দ্বারা জীবনের সমস্ত ভার এক
মুহূর্তে লঘু হয়ে যায়—পাপ তার উপর
দিয়ে মুহূর্তকালীন বণ্ডার মত চলে যায় তাকে
ভেঙে দিয়ে যেতে পারে না। এই জগৎ
প্রতিদিনই প্রার্থনা করি “নমস্তেহস্ত”—
তোমাতে আমার নমস্কার হোক! সুখ আনুক
দুঃখ আনুক “নমস্তেহস্ত,” মান আনুক
অপমান আনুক নমস্তেহস্ত—তুমি শিক্ষা দিচ্ছ,
এই জেনে নমস্তেহস্ত, তুমি রক্ষা করচ
এই জেনে নমস্তেহস্ত, তুমি নিত্য নিয়তই
আমার কাছে আছ এই জেনে নমস্তেহস্ত—
তোমার গৌরবেই আমার একমাত্র গৌরব
এই জেনেই নমস্তেহস্ত—অখণ্ড ব্রহ্মাণ্ডের

নমস্তেহস্ত

অনন্তকালের অধীশ্বর তুমিই পিতানোহসি,
এই জেনেই নমস্তেহস্ত, নমস্তেহস্ত । বিষয়কেই
আশ্রয় বলে জানা ঘুচিয়ে দাও, নমস্তেহস্ত,
সংসারকে প্রবল বলে জানা ঘুচিয়ে দাও,
নমস্তেহস্ত, আমাকেই বড় বলে জানা ঘুচিয়ে
দাও, নমস্তেহস্ত ! তোমাকেই যথার্থরূপে
নমস্কার করে চিরদিনের মত পরিজ্ঞান
লাভ করি ।

২৬শে চৈত্র ।

—

যন্ত্রের বাঁধন

বীণার কোনো তার পিত্তলেব, কোনো তার ইম্পাশ্বেব, কোনো তার মোটা, কোন তার সরু, কোনো তার মধ্যম সুরে বাঁধবার, কোনো তার পঞ্চমে। কিন্তু তবু বাঁধতে হবে—তার থেকে একটা কোনো বিশুদ্ধ সুর জাগিয়ে তুলতে হবে, নইলে সব মাটি।

জগতে ঈশ্বরের সঙ্গে আমাদের কোনো বিশেষ আপন সম্বন্ধ স্থাপন করতে হবে। একটা কোনো বিশেষ সুর বাজাতে হবে।

সূর্য্য চন্দ্র তারা ওষধি বনম্পতি, সকলেই এই বিশাল বিশ্বসঙ্গীতে নিজের একটা না একটা বিশেষ সুর যোগ কবে দিয়েছে;—মানুষের জীবনকেও কি এই চির-উদগীত সঙ্গীতে যোগ দিতে হবে না?

কিন্তু এখনো এই জীবনটাকে তারের

মস্তকের বাঁধন

মত বাঁধিনি—এর মধ্যে এখনো কোনো গানের আবির্ভাব হয়নি। এ জীবন সূত্রবিচ্ছিন্ন বিচিত্র তুচ্ছতার মধ্যে অকৃতার্থ হয়ে আছে। যেমন করেই পারি এর একটি কোনো নিত্য সুরকে ধ্রুব করে তুলতে হবে।

তারকে বাঁধব কেমন করে ?

ঈশ্বরের বীণায় অনেকগুলি বাঁধবার সম্বন্ধ আছে—তার মধ্যে নিজের মনের মত একটি কিছু স্থির করে নিতে হবে।

মন্ত্র ত্রিনিষটি একটি বাঁধবার উপায়। মন্ত্রকে অবলম্বন করে আমরা মননের বিষয়কে মনের সঙ্গে বেঁধে রাখি। এ যেন বীণার কানের মৃত—তারকে এঁটে রাখে—খুলে পড়তে দেয় না।

বিবাহের সময় স্ত্রীপুরুষের কাপড়ে কাপড়ে গ্রন্থি বেঁধে দেয়—সেই সঙ্গে মন্ত্র পড়ে দেয়—সেই মন্ত্র মনের মধ্যেও গ্রন্থি বাঁধতে থাকে।

ঈশ্বরের সঙ্গে আমাদের যে গ্রন্থিবন্ধনের

শান্তিনিকেতন

প্রয়োজন আছে মন্ত্র তার সহায়তা করে।
এই মন্ত্রকে অবলম্বন করে আমরা তাঁর সঙ্গে
একটা কোনো বিশেষ সম্বন্ধকে পাকা করে
নেব।

সেইরূপ একটি মন্ত্র হচ্ছে “পিতা নোহসি।”

এই সুরে জীবনটাকে বাঁধলে সমস্ত চিন্তায়
ও কর্মে একটি বিশেষ রাগিণী জেগে উঠবে।
আমি তাঁর পুত্র এইটেই মূর্তি ধরে আমার
সমস্তের মধ্যেই এই কথাটাই প্রকাশ করবে যে
আমি তাঁর পুত্র।

আজ আমি কিছুই প্রকাশ করচিনে।
আহার করচি কাজ করচি বিশ্রাম করচি এই
পর্য্যন্তই। কিন্তু অনন্ত কালে অনন্ত জগতে
আমার পিতা যে আছেন তার কোনো লক্ষণই
প্রকাশ পাচ্ছেনা। অনন্তের সঙ্গে আজও
আমার কোনো গ্রহি কোথাও বাঁধা হয়নি।

ঐ মন্ত্রটিকে দিয়ে জীবনের তার আজ
বাঁধা থাকুক। আহারে বিহারে শয়নে স্বপনে

মস্তকের বাঁধন

ঐ মস্তকটি বারম্বার আমার মনের মধ্যে বাজতে থাকে পিতা নোহসি ! জগতে আমার পিতা অ'ছেন এই কথাটি সকলেই জানুক্ কারো কাছে গোপন না থাক্ ।

ভগবান যিও ঐ সুরটিকে পৃথিবীতে বাজিয়ে গিয়েছেন। এমনি ঠিক করে তাঁর জীবনের তার বাঁধা ছিল যে মরণান্তিক যন্ত্রণার দুঃসহ আঘাতেও সেই তার লেশমাত্র বেসুর বলেনি—সে কেবলি বলেছে পিতা নোহসি ।

সেই যে সুরের আদর্শটি তিনি দেখিয়ে গেছেন সেই খাঁটি আদর্শের সঙ্গে একান্ত যত্নে মিশিয়ে তারটি বাঁধতে হবে—যাতে আর ভাবতে না হয়, যাতে সুখে দুঃখে প্রলোভনে আপনাই সে গেরে ওঠে পিতানোহসি !

হে পিতা, আমি যে তোমার পুত্র এই সুরটি ঠিকমত প্রকাশ করা বড় কম কথা নয়। কেননা, আত্মা বৈ জায়তে পুত্রঃ ।

শান্তিনিকেতন

পুত্র যে পিতারই প্রকাশ। সন্তানের মধ্যে
পিতাই যে স্বয়ং সমুত্ত হন। তোমারই
অপাপবিদ্ধ আনন্দময় পরিপূর্ণতাকে যদি ব্যক্ত
কবে না তুলতে পারি তবে ত এই সুর
বাজবে না যে পিতানোহসি।

সেইজন্মেই এই আমার প্রতিদিনের একান্ত
প্রার্থনা হোক—পিতা নো বোধি, নমস্তেহস্ত !

২৭ শে চৈত্র



প্রাণ ও প্রেম

পিতানোহসি এই মন্ত্রটি আমরা জীবনের মধ্যে গ্রহণ করব। কার কাছ থেকে গ্রহণ করব? যিনি পিতা তাঁর কাছ থেকেই গ্রহণ করব। তাঁকে বলব, তুমি যে পিতা, সে তুমিই আমাকে বুঝিয়ে দাও! আমার জীবনের সমস্ত ইতিহাসের ভিতর দিয়ে সমস্ত সুখ দুঃখের ভিতর দিয়ে বুঝিয়ে দাও!

পিতার সঙ্গে আমাদের যে সম্বন্ধ সে ত কোনো তৈরি করা সম্বন্ধ নয়। রাজার সঙ্গে প্রজার, প্রভুর সঙ্গে ভৃত্যের একটা পরস্পর বোঝাপড়া আছে—সেই বোঝাপড়ার উপরেই তাদের সম্বন্ধ। কিন্তু পিতার সঙ্গে পুত্রের সম্বন্ধ বাহ্যিক নয় সে একেবারে আদিতম সম্বন্ধ। সে সম্বন্ধ পুত্রের অস্তিত্বের মূলে। অতএব এই গভীর আত্মীয় সম্বন্ধ কোনো বাহ

শাস্তিনিকেতন

অমুষ্ঠান কোনো ক্রিয়াকলাপের দ্বারা রক্ষিত হয় না—কেবল ভক্তির দ্বারা এবং ভক্তিজনিত কর্মের দ্বারাই এই সম্বন্ধকে স্বীকার করতে হয়।

পিতার সঙ্গে পুত্রের মূল সম্বন্ধটি কোথায় ?
প্রাণের মধ্যে। পিতার প্রাণই সন্তানের
প্রাণে সঞ্চারিত।

কেনোপনিষৎ প্রশ্ন করেছেন—“কেন
প্রাণঃ প্রথমঃ প্ৰৈতিযুক্ত ?” প্রাণ কাহার
দ্বারা তার প্রথম প্ৰৈতি (energy) লাভ
করেছে ? এই প্রশ্নের মধ্যেই উত্তরটি প্রচ্ছন্ন
রয়েছে—যিনি মহাপ্রাণ তাঁর দ্বারা।

জগতে কোনো প্রাণই ত একটি সঙ্কীর্ণ
সীমার মধ্যে নিজের মধ্যে নিজে আবদ্ধ নয়।
সমস্ত জগতের প্রাণের সঙ্গে তার যোগ।
আমার এই শরীরের মধ্যে যে প্রাণের চেষ্টা
চলুচে সে ত কেবলমাত্র এই শরীরের নয়।
জগৎজোড়া আকর্ষণ বিকর্ষণ, জগৎজোড়া

প্রাণ ও প্রেম

রাসায়নিক শক্তি, জল, বাতাস, আলোক ও উত্তাপ, একে নিখিলপ্রাণের সঙ্গে যুক্ত করে রেখেছে। বিশ্বের প্রত্যেক অণুপরমাণুর মধ্যেও যে অবিশ্রাম চেষ্টা আছে আমার এই শরীরের চেষ্টাও সেই বিরাট প্রাণেরই একটি মাত্রা। সেইজন্যই উপনিষৎ বলেছেন— “যদিদং কিঞ্চ জগৎসৰ্বং প্রাণ এজতি নিঃসৃতম্” বিশ্বে এই যা কিছু চল্চে সমস্তই প্রাণ হতে নিঃসৃত হয়ে প্রাণেই স্পন্দিত হচ্ছে। এই প্রাণের স্পন্দন দূরতম নক্ষত্রেও যেমন আমার ছৎপিণ্ডেও তেমন—ঠিক একই সুরে একই তালে।

প্রাণ, কেবল শরীরের নয়। মনেরও প্রাণ আছে। মনের মধ্যেও চেষ্টা আছে। মন চল্চে, মন বাড়্চে, মনের ভাঙাগড়া পরিবর্তন হচ্ছে। এই স্পন্দিত তরঙ্গিত মন কখনই কেবল আমার ক্ষুদ্র বেড়াটির মধ্যে আবদ্ধ নয়—ঐ নর্তমান প্রাণের সঙ্গেই হাতধরাধরি করে

শান্তিনিকেতন

নিখিল বিশ্বে সে আন্দোলিত হচ্ছে, নইলে আমি তাকে কোনোমতেই পেতে পারতুম না। মনের দ্বারা আমি সমস্ত জগতের মনের সঙ্গেই যুক্ত;—সেই জগতের সর্বত্র তার গতিবিধি। নইলে আমার এই একঘরে অন্ধ মন কেবল আমারই অন্ধকারাগারে পড়ে দিনরাত্রি কেঁদে মরত।

আমার মনপ্রাণ অবিচ্ছিন্নভাবে নিখিল বিশ্বের ভিতর দিয়ে সেই অনন্ত কারণের সঙ্গে যোগযুক্ত—প্রতিমূহুর্তেই সেইখান হতে আমি প্রাণ, চৈতন্য, ধীশক্তি লাভ করছি এই কথাটিকে কেবল বিজ্ঞানে জানা নয় এই কথাটিকে ভক্তিদ্বারা উপলব্ধি করতে পারলে তবে ঐ মন্ত্র সার্থক হবে—“ওঁ পিতানোহসি।” আমার প্রাণের মধ্যে বিশ্বপ্রাণ, মনের মধ্যে বিশ্বমন আছে বলে এত বড় কথাটাকে সম্পূর্ণ গ্রহণ করা হয় না, একে বাইরেই বসিয়ে রাখা হয়। আমার প্রাণের মধ্যে পিতার প্রাণ

আমার মনের মধ্যে পিতার মন আছে এই কথাটি নিজেকে ভাল করে বলাতে হবে।

পিতার দিক থেকে কেবল যে আমাদের দিকে প্রাণ প্রবাহিত হচ্ছে তা নয়—তঁার দিক থেকে আমাদের দিকে অবিশ্রাম প্রেম সঞ্চারিত হচ্ছে। আমাদের মধ্যে কেবল যে একটা চেষ্টা আছে গতি আছে তা নয়, একটা আনন্দ আছে—আমরা কেবল বেঁচে আছি কাজ করছি নয়, আমরা রস পাচ্ছি। আমাদের দেখায় শোনায়, আহারে বিহারে, কাজে কর্মে, মানুষের সঙ্গে নানাপ্রকার যোগে নানা সুখ নানা প্রেম।

এই রসটি কোথা থেকে পাচ্ছি? এইটাই কি আমাদের মধ্যে বিচ্ছিন্ন? এটা কেবল আমার এই একটি ছোট কারখানাঘরের সুরঙ্গের মধ্যে অঙ্ককারে তৈরি হচ্ছে?

তা নয়। বিশ্বভূবনের মধ্যে সমস্তকে পরিপূর্ণ করে তিনি আনন্দিত। জলে স্থলে

শান্তিনিকেতন

আকাশে তিনি আনন্দময়। তাঁর সেই আনন্দকে সেই প্রেমকে তিনি নিয়তই প্রেরণ করছেন, সেইজন্মেই আমি বেঁচে 'থেকে আনন্দিত, কাজ করে আনন্দিত, জেনে আনন্দিত, মানুষের সঙ্গে নানা সম্বন্ধে আনন্দিত। তাঁরই প্রেমের তরঙ্গ আমাকে কেবলই স্পর্শ করচে, আঘাত করচে, সচেতন করচে।

এই যে অহোরাত্র সেই ভূমার প্রেম নানা বর্ণে গন্ধে গীতে নানা স্নেহে সখ্যে শ্রদ্ধায় জোরারের বেগের মত আমাদের মধ্যে এসে পড়চে এই বোধের দ্বারা পরিপূর্ণ হয়ে যেন আমরা বলি, "ওঁ পিতানোহসি।" ' কেবলি তিনি প্রাণে ও প্রেমে আমাকে ভরে দিচ্ছেন এই অনুভূতিটি যেন আমরা না হারাই। এই অনুভূতি যাদের কাছে অত্যন্ত উজ্জল ছিল তাঁরাই বলেছেন—“কোহেবাচ্যাৎ কঃ প্রাণ্যাৎ বদেষ আকাশ আনন্দো ন শ্চাৎ। এষহে-

প্রাণ ও প্রেম

বানন্দয়াতি ।” কেই বা কিছুমাত্র শরীর চেষ্টা
প্রাণের চেষ্টা করত আকাশে যদি আনন্দ না
থাকতেন—এই আনন্দই সকলকে আনন্দ
দিচ্ছেন ।

২৮শে চৈত্র

ভয় ও আনন্দ

ওঁ পিতানোহসি এই মন্ত্রে দুটি ভাবেব সামঞ্জস্য আছে। এক দিকে পিতাব সঙ্গে পুত্রের সাম্য আছে। পুত্রের মধ্যে পিতা আপনাকেই প্রকাশ কবেছে।

আব এক দিকে পিতা হচ্ছেন বড়, পুত্র ছোট।

এক দিকে অভেদের গৌরব, আর এক দিকে ভেদের প্রগতি। পিতার সঙ্গে অভেদ নিয়ে আমরা আনন্দ করতে পারি কিন্তু স্পর্শ করতে পারিনে। আমার যেখানে সীমা আছে সেখানে আমাকে মাথা নত করতে হবে।

কিন্তু এই নতির মধ্যে অপমান নেই। কেন না তিনি কেবলমাত্র আমার বড় নন তিনি আমার আপন, আমার পিতা। তিনি আমারই বড়, আমি তাঁরই ছোট। তাঁকে

ভয় ও আনন্দ

প্রণাম করে আমি আমার বড় আমাকেই
প্রণাম কবি। এর মধ্যে বাইরের কোনো
তাড়না নেই—অবরোধ নেই। যে বড়র
মধ্যে আমি আছি, যে বড়র মধ্যেই পরিপূর্ণ
সার্থকতা তাঁকে প্রণাম করাই একমাত্র স্বাভা-
বিক প্রণাম। কিছু পাব বলে প্রণাম নয়,
কিছু দেব বলে প্রণাম নয়, ভয়ে প্রণাম নয়,
জ্বোরে প্রণাম নয়—আমারই অনন্ত গৌরবের
উপলক্ষির কাছে প্রণাম। এই প্রণামটির মহত্ব
অনুভব করেই প্রার্থনা করা হয়েছে নমস্তেহস্ত,
তোমাতে আমার নমস্কার সত্য হয়ে উঠুক।

তাঁকে পিতানোহসি বলে স্বীকার করলে
তাঁর সঙ্গে আমাদের সম্বন্ধের একটি পরিমাণ
রক্ষা হয়—তাঁকে নিয়ে কেবল ভাবরসে প্রমত্ত
হবার যে একটি উচ্ছ্বাল আত্মবিস্মৃতি আছে
সেটি আমাদের আক্রমণ করতে পারে না—
সম্রমের দ্বারা আমাদের আনন্দ গান্তীর্ঘ্য লাভ
করে, অচঞ্চল গৌরব প্রাপ্ত হয়।

শান্তিনিকেতন

প্রাচীন বেদ সমস্ত মানব-সম্বন্ধের মধ্যে কেবল এই পিতার সম্বন্ধটিকেই ঈশ্বরের মধ্যে বিশেষ ভাবে উপলব্ধি করেছেন—মাতার সম্বন্ধকেও সেখানে তাঁরা স্থান দেন নি।

কারণ, মাতার সম্বন্ধেও একদিকে যেন ওজন কম আছে, একদিকে সম্পূর্ণতার অভাব আছে।

মাতা সন্তানের সুখ দেখেন, আরাম দেখেন ; তার ক্ষুধাতৃপ্তি করেন, তার শোকে সাহসনা দেন, তার রোগে শুশ্রূষা করেন। এ সমস্তই সন্তানের উপস্থিত অভাব নিবৃত্তির প্রতিই লক্ষ্য করে।

পিতার দৃষ্টি সন্তানের সমস্ত জীবনের বৃহৎক্ষেত্রে। তার সমস্ত জীবন সমগ্রভাবে সার্থক হবে এই তিনি কামনা করেন। এই জগত্বেই সন্তানের আরাম ও সুখই তাঁর কাছে একান্ত নয়। এই জগত্বে তিনি সন্তানকে দুঃখও দেন—তাকে শাসন করেন—তাকে বঞ্চিত

ভয় ও আনন্দ

করেন, যাতে নিয়ম লঙ্ঘন করে ভ্রষ্টতা প্রাপ্ত না হয় সেদিকে তিনি সর্বদা সতর্ক থাকেন।

অর্থাৎ পিতার মধ্যে মাতার স্নেহ আছে কিন্তু সে স্নেহ সঙ্কীর্ণ সৌম্য বদ্ধ নয় বলেই তাকে অতি প্রকট করে দেখা যায় না এবং তাকে নিষে যেমন ইচ্ছা খেলা চলে না।

সেই জন্মে পিতাকে নমস্কার করবার সময় বলা হয়েছে নমঃ সন্তুভায় চ ময়োভবায় চ— যিনি সুখের তাঁকে নমস্কার যিনি কল্যাণের তাঁকে নমস্কার।

পিতা কেবল আমাদের সুখের আয়োজন করেন না, তিনি মঙ্গলের বিধান করেন— সেই জন্মেই সুখেও তাঁকে নমস্কার, দুঃখেও তাঁকে নমস্কার। ঐখানেই পিতার পূর্ণতা ; তিনি দুঃখ দেন।

উপনিষৎ একদিকে বলেছেন আনন্দাক্ষ্যে ব
ধ্বিনিমানি ভূতানি জায়ন্তে—আনন্দ হতেই যা কিছু
সমস্ত জন্মেছে, আবার আর একদিকে বলেছেন

শান্তিনিকেতন

ভয়াদশ্মাগ্নিস্তপতি, ভয়ান্তপতি সূর্য্যঃ, ইহাব ভয়ে
অগ্নি জ্বলচে, ইহাব ভয়ে সূর্য্য তাপ দিচ্ছে।

তাঁব আনন্দ উচ্ছৃঙ্খল আনন্দ নৃম—তাঁব
মধ্যে একটি অমোঘ নিয়মের শাসন আছে—
অনন্ত দেশে অনন্তকালে কোথাও একটি কণাও
লেশমাত্র ভ্রষ্ট হতে পারে না। সেই অমোঘ
নিয়মই হচ্ছে ভয়—তার সঙ্গে কিছুমাত্র চাতুরী
খাটে না—সে কোথাও কাউকে তিলমাত্র
প্রশয় দেয় না।

যদিমং কিঞ্চ জগৎ সৰ্ব্বং প্রাণ এজতি নিঃসৃতং

মহত্তয়ং বজ্রমুত্ততং—

এই যা কিছু জগৎ সমস্তই প্রাণ হতে নিঃসৃত
হয়ে প্রাণেই কম্পিত হচ্ছে—সেই যে প্রাণ,
যাঁব থেকে সমস্ত উদ্ভূত হয়েছে এবং যাঁর
মধ্যে সমস্তই চল্চে তিনি কি বকম? না,
তিনি উত্তম বজ্রের মত মহা ভয়ঙ্কর। সেই
জগ্ৰেই ত সমস্ত চল্চে—নইলে বিশ্বব্যবস্থা
উন্নত প্রলাপের মত অতি নিদারুণ হয়ে

উঠত। আমাদের পিতা যে ভয়ানাং ভয়ং
ভীষণং ভীষণানাং এই ভয়ের দ্বারাই অনাদি
কাল থেকে সর্বত্র সকলের সীমা ঠিক আছে
সর্বত্র সকলের পরিমাণ রক্ষা হচ্ছে।

আমাদেরও যদি কটা চলবার দিক, কি
বাক্যে, কি ব্যবহারে সেই দিকে পিতা দাঁড়িয়ে
আছেন মহদ্ভয়ং বজ্রমুগ্ধতং। সেদিকে কোনো
ব্যত্যয় নেই কোনো স্থলনের ক্ষমা নেই, কোনো
পাপের নিষ্কৃতি নেই।

অতএব আমরা যখন বলি পিতা নোহসি—
তার মধ্যে আদবের দাবি নেই, উন্নততার প্রশ্রয়
নেই। অত্যন্ত সংঘত আত্মসংবৃত বিনয় নমস্কাব
আছে। যে বলে পিতানোহসি সে তাঁর সামনে
“শাস্তোদাস্ত উপরতস্তিতিকুঃ সমাহিতঃ” হয়ে
থাকে সে নিজেকে প্রত্যেক ক্ষুদ্র অধৈর্য্য ক্ষুদ্র
আত্মবিস্মৃতি থেকে রক্ষা করে চলতে থাকে।

নিয়ম ও মুক্তি

সুখ জিনিষটা কেবল আমার, কল্যাণ জিনিষটা সমস্ত জগতের। পিতার কাছে যখন প্রার্থনা করি যদুভদ্রং তন্ন আসুব, যা ভাল তাই আমাদের দাঁও, তার মানে হচ্ছে সমস্ত জগতের ভাল আমাদের মধ্যে প্রেরণ কর। কারণ সেই ভালই আমার পক্ষেও সত্য ভাল, আমার পক্ষেও নিত্য ভাল। যা বিশ্বের ভাল, তাই আমার ভাল কারণ যিনি বিশ্বের পিতা তিনিই আমার পিতা।

যেখানে কল্যাণ নিয়ে অর্থাৎ বিশ্বের ভাল নিয়ে কথা সেখানে অত্যন্ত কড়া নিয়ম। সেখানে উপস্থিত সুখসুবিধা কিছুই খাটে না; সেখানে ব্যক্তিবিশেষের আরাম বিরামের স্থান নেই। সেখানে দুঃখও শ্রেয়, মৃত্যুও বরণীয়।

নিয়ম ও মুক্তি

যেখানে বিশ্বের ভাল নিয়ে কথা সেখানে সমস্ত নিয়ম একেবারে শেষ পর্য্যন্ত মানতেই হবে। সেখানে কোনো বন্ধন কোনো দায়কেই অস্বীকার করতে পারব না।

আমাদের পিতা এইখানেই মহদভয়ং বজ্র-মুগ্ধতং। এইখানেই তিনি পুত্রকে এক চুল প্রেশয় দেন না। বিশ্বের ভাগ থেকে একটি কণা হরণ করেও তিনি কোনো বিশেষ পুত্রের পাতে দেন না। এখানে কোনো স্তব স্তুতি অমুনয় বিনয় খাটে না।

তবে মুক্তি কাকে বলে? এই নিয়মকে পরিপূর্ণভাবে আত্মসাৎ করে নেওয়ারকেই বলে মুক্তি। নিয়ম যখন কোনো জায়গায় আমার বাইরের জিনিষ হবে না সম্পূর্ণ আমার ভিতরকার জিনিষ হবে তখন সেই অবস্থাকে বলব মুক্তি।

এখনো নিয়মের সঙ্গে আমার সঙ্গে সম্পূর্ণ সামঞ্জস্য হয়নি। এখনো চলতে ফিরতে বাধে।

শান্তিনিকেতন

এখনো সকলের ভালোকে আমার ভালো বলে অনুভব করিনে। সকলের ভালোর বিরুদ্ধে আমার অনেক স্থানেই বিদ্রোহ আছে।

এই জন্মে পিতার সঙ্গে আমার সম্পূর্ণ মিলন হচ্ছে না—পিতা আমার পক্ষে রুদ্ভ হয়ে আছেন। তাঁর শাসনকেই আমি পদে পদে অনুভব করছি তাঁর প্রসন্নতাকে নয়। পিতার মধ্যে পুত্রের সম্পূর্ণ মুক্তি হচ্ছে না।

অর্থাৎ মঙ্গল এখনো আমার পক্ষে ধর্ম হয়ে ওঠেনি। যার ধর্ম যেটা, সেটা তার পক্ষে বন্ধন নয় সেইটেই তার আনন্দ। চোখের ধর্ম দেখা,—তাই দেখাতেই চোখের আনন্দ, দেখায় বাধা পেলেই তার কষ্ট; মনের ধর্ম মনন করা, মননেই তার আনন্দ, মননে বাধা পেলেই তার দুঃখ।

বিশ্বের ভালো যখন আমার ধর্ম হয়ে উঠবে তখন সেইটেতেই আমার আনন্দ এবং তার বাধাতেই আমার পীড়া হবে।

নিয়ম ও মুক্তি

মান্নের ধর্ম যেমন পুত্রস্নেহ ঈশ্বরের ধর্মই তেমনি মঙ্গল। সমস্ত জগৎ চরাচরের ভাল করাই তাঁর স্বভাব, তাতেই তাঁর আনন্দ।

আমাদের স্বভাবেও সেই মঙ্গল আছে— সমগ্র হিতেই নিজের হিতবোধ মানুষের একটা ধর্ম ;—এই ধর্ম স্বার্থের বন্ধন কাটিয়ে পূর্ণ-পরিণত হয়ে উঠবার জন্তে নিম্নতই মনুষ্য-সমাচ্ছে প্রয়াস পাচ্ছে। আমাদের এই ধর্ম অপরিণত এবং বাধাগ্রস্ত বলেই আমরা দুঃখ পাচ্ছি—পূর্ণ মঙ্গলের সঙ্গে মিলনের আনন্দ ঘটে উঠে না।

যতদিন ভিতরের থেকে এই পরিণতিলাভ না হবে, 'এই বাধা কেটে গিয়ে আমাদের স্বভাব নিজেকে উপলব্ধি না করবে ততদিন বাহিরের বন্ধন আমাদের মানতেই হবে। ছেলের পক্ষে যতদিন চলাফেরা স্বাভাবিক হয়ে না ওঠে, ততদিন ধাত্রী বাইরে থেকে তার হাত ধরে তাকে চালায়। তখন তার

শান্তিনিকেতন

মুক্তি হয় যখন চলার শক্তি .তার স্বাভাবিক শক্তি হয় ।

অতএব নিয়মের শাসন থেকে 'আমরা মুক্তিলাভ করব নিয়মকে এড়িয়ে নয়, নিয়মকে আপন করে নিয়ে । আমাদের দেশে একটা শ্লোক প্রচলিত আছে "প্রাপ্তেতু ষোড়শে বর্ষে পুত্রং মিত্রবদাচরেৎ," ষোলো বছর বয়স হলে পুত্রের প্রতি মিত্রের মত ব্যবহার করবে ।

তার কারণ কি ? তার কারণ এই, যে পর্য্যন্ত না পুত্রের শিক্ষা পরিণতি লাভ করবে, অর্থাৎ সেই সমস্ত শিক্ষা তার স্বভাব-সিদ্ধ হয়ে উঠবে, ততক্ষণ তার প্রতি একটি বাইরের শাসন রাখার দরকার হয় ।" বাইরের শাসন যতক্ষণ থাকে ততক্ষণ পুত্রের সঙ্গে পিতার অন্তরের যোগ কখনই সম্পূর্ণ হতে পারে না । যখনি সেই বাইরের শাসনের প্রয়োজন চলে যায় তখনি পিতাপুত্রের মাঝ-ধানের আনন্দ সম্বন্ধ একেবারে অব্যাহত

নিয়ম ও মুক্তি

হয়ে ওঠে । তখনি সমস্ত অসত্য সত্যে বিলীন হয়, অন্ধকার জ্যোতিতে উদ্ভাসিত হয়, মৃত্যু অমৃত্যে নিঃশেষিত হয়ে যায়,—তখনি পিতার প্রকাশ পুত্রের কাছে সম্পূর্ণ হয়—তখনি, যিনি রক্তরূপে আঘাত করেছিলেন তিনিই প্রসন্নতাধারা রক্ষা করেন । ভয় তখন আনন্দে এবং শাসন তখন মুক্তিতে পরিণত হয় ; সত্য তখন প্রিয়-অপ্রিয়ের বন্দবর্জিত সৌন্দর্য্যে উজ্জল হয়, মঙ্গল তখন ইচ্ছা-অনিচ্ছার বিধাবর্জিত প্রেমে এসে উপনীত হয়—তখনি আমাদের মুক্তি । সে মুক্তিতে কিছুই বাদ পড়ে না, সমস্ত সম্পূর্ণ হয় ; বন্ধন শূন্য হয়ে যায় না, বন্ধনই অবন্ধন হয়ে ওঠে, কর্ম চলে যায় না, কিন্তু কর্মই আসক্তিশূন্য বিরামস্বরূপ ধারণ করে ।

৩০শে চৈত্র

দশের ইচ্ছা

আমার সমস্ত জীবন একদিন তাঁকে পিতানোহসি বলতে পারবে, আমি তাঁরই পুত্র এই কথাটা একদিন সম্পূর্ণ হয়ে উঠবে এই আকাঙ্ক্ষাটিকে উজ্জ্বল করে ধরে রাখা বড় কঠিন।

অথচ আমাদের মনে কত অত্যাকাঙ্ক্ষা আছে, কত অসাধ্য সাধনের সঙ্কল্প আছে, কিছুতেই সেগুলি নিরস্ত হতে চায় না; বাইরে থেকে যদিবা খাণ্ড জোগাতে নাও পারি তবু বৃকের রক্ত দিয়ে তাকে পোষণ করি।

অথচ যে আকাঙ্ক্ষা সকলের চেয়ে বড়, যা সকলের চেয়ে চরমের দিকে যায় তাকে প্রতিদিন জাগ্রত করে রাখা এত শক্ত কেন?

তার কারণ আছে। আমরা মনে করি

দশের ইচ্ছা

আকাজ্জা জিনিষটা আমার নিজেরই মনের সামগ্রী—আমিই ইচ্ছা করছি এবং সে ইচ্ছার আরম্ভ আমারই মধ্যে।

বস্তুত তা নয়। আমার মধ্যে আমার চতুর্দিক ইচ্ছা করে। আমার জারক রস আনার ঝঠরেরই উৎপন্ন সামগ্রী বটে কিন্তু আমার ইচ্ছা কেবল আমারই মনের উৎপন্ন পদার্থ নয়। অনেকের ইচ্ছা আমার মধ্যে ইচ্ছিত হয়ে ওঠে।

মাড়োয়ারিদিগের মধ্যে অনেক লোকেই টাকাকে ইচ্ছা করে। মাড়োয়ারির ঘরে একটি ছোট ছেলেও টাকার ইচ্ছাকে পোষণ করে। কিন্তু এই ইচ্ছা কি তার একান্ত নিজের ইচ্ছা? সে ছেলে কিছুমাত্র বিচার করে দেখেনা টাকা জিনিষটা কেন লোভনীয়। টাকার সাহায্যে যে ভাল খাবে ভাল পরবে সে কথা তার মনেও নেই। কারণ বস্তুতই টাকার লোভে সে ভাল খাওয়া পরা পরিত্যাগ

শান্তিনিকেতন

করেছে। .টাকাব দ্বাৰা সে অন্য কোনো সুখকে চাচ্ছে না, অন্য সব সুখকে অবজ্ঞা করচে, সে টাকাকেই চাচ্ছে।

এমনতর একটা অহেতুক চাওয়া নিশিদিন মাড়োয়ারি ছেলের মনে প্রচণ্ড হয়ে আছে তার কারণ, এই ইচ্ছা তার একলার নয়—সকলে মিলেই তাকে ইচ্ছা করাচ্ছে—কোনো-মতেই তার ইচ্ছাকে থামতে দিচ্ছে না।

কোনো সমাজে যদি কোন একটা নিরর্থক আচরণের বিশেষ গৌরব থাকে তবে অনেক লোকেই দেখা যাবে সেই আচারের জন্তু তারা নিজের সুখসুবিধা পয়িত্যাগ করে তাতেই নিযুক্ত আছে—দশজনে এইটে আকাজকা করে এই হচ্ছে ওর জোর—আর কোনো তাৎপর্য নেই।

যে দেশে অনেক লোকেই দেশকে খুব বড় জিনিষ বলে জানে সে দেশে বালকেও দেশের জন্তু প্রাণ দিতে ব্যগ্র হয়ে ওঠে।

দেশের ইচ্ছা

অন্য দেশে এই দেশানুরাগের উপযোগিতা উপকারিতা সম্বন্ধে যতই আলোচনা হোক না তবু দেশহিতের আকাঙ্ক্ষা সত্য হয়ে মনের মধ্যে জেগে ওঠে না। কারণ দেশের ইচ্ছা প্রত্যেকের ইচ্ছাকে জন্ম দিচ্ছে না, পালন করছে না।

বিশ্বপিতার সঙ্গে পুত্ররূপে আমাদের মিলন হবে, রাজচক্রবর্তী হওয়ার চেয়েও এটা বড় ইচ্ছা। কিন্তু এতবড় ইচ্ছাকেও অহরহ সত্য করে জাগিয়ে রাখা কঠিন হয়েছে এই জন্মেই। আমার চারিদিকের লোক এই ইচ্ছাটা আমার মধ্যে করছে না। এর চেয়ে ঢের ষৎসামান্য, এমন কি, 'ঢের অর্থহীন ইচ্ছাকেও তারা আমার মনে সত্য করে তুলেছে এবং তাকে কোনো মতে নিবে যেতে দিচ্ছে না।

এখানে আমাকে একলাই ইচ্ছা করতে হবে। এই একটি মহৎ ইচ্ছাকে আমার নিজের মধ্যেই আমার নিজের শক্তিতেই

শান্তিনিকেতন

সার্থক করে রাখতে হবে—দশ জনের কাছে
আনুকূল্য প্রত্যাশা করলে হতাশ হব ।

শুধু তাই নয়, শত সহস্র ক্ষুদ্র অর্থকে
কৃত্রিম অর্থকে সংসারের লোক রাত্রিদিন
আমার কাছে অত্যন্ত বড় করে সত্য করে
রেখেছে ; সেই ইচ্ছা গুলিকে শিশুকাল হতে
একেবারে আমার সংস্কারগত করে রেখেছে ।
তারা কেবলই আমার মনকে টান্চে, আমার
চেষ্টাকে কাড়চে ; বুদ্ধিতে যদিবা বুদ্ধি তারা
তুচ্ছ এবং নিরর্থক কিন্তু দশের ইচ্ছাকে ঠেলতে
পারিনে ।

দশের ইচ্ছা যদি কেবল বাইরে থেকে
তাড়না করে তবে তাকে কাটিয়ে ওঠা যায়
কিন্তু সে যখন আমারই ইচ্ছা আকার ধরে
আমারই চূড়ার উপরে বসে হাল চেপে ধরে,
আমি যখন জানতেও পারিনে যে বাইরে থেকে
সে আমার মধ্যে সঞ্চারিত হয়েছে তখন তার
সঙ্গে লড়াই করবার ইচ্ছামাত্রও চলে যায় ।

দশের ইচ্ছা

এত বড় একটা সম্মিলিত বিরুদ্ধতার প্রতিকূলে আমার একলা মনেব-ইচ্ছাটিকে জাগিয়ে রাখতে হবে এই হয়েছে আমার কঠিন সাধনা।

কিন্তু আশার কথা এই যে, নারায়ণকে যদি সারথী করি তবে অক্ষৌহিনী সেনাকে ভয় করতে হবে না। লড়াই একদিনে শেষ হবে না—কিন্তু শেষ হবেই—জিত হবে তার সন্দেহ নেই।

এই একলা লড়াইয়ের একটা মস্ত সুবিধা এই যে, এর মধ্যে কোনো মতেই ফাঁকি ঢোকাবার জো নেই। দশ জনের সঙ্গে ভিড়ে গিয়ে কোনো কৃত্রিমতাকে ঘটিয়ে তোলাবার আশঙ্কা নেই। নিতান্ত খাঁটি হয়ে চলতে হবে।

টাকা, বিদ্যা, খ্যাতি প্রভৃতির একটা আকর্ষণ এই যে সে গুলোকে নিয়ে সকলে মিলে কাড়াকাড়ি করে। অতএব আমি যদি

শাস্তিনিকেতন

তার কিছু পাই তবে অণ্ডের চেয়ে আমার
জিত হয়। এই জন্মেই সমস্ত উপার্জনের
মধ্যে এত ঈর্ষা ক্রোধ লোভ রয়েছে। এই
জন্মে লোকে এত ফাঁকি চালায়। যার অর্থ
কম সে প্রাণপণে দেখাতে চেষ্টা করে তার অর্থ
বেশি, যার বিদ্যা অল্প সে সেটা যথাসাধ্য
গোপন করবার চেষ্টায় ফেরে।

এই সকল জিনিষের দ্বারা মানুষ মানুষের
কাছে প্রতিষ্ঠা লাভ করতে চায়—সুতরাং
জিনিষে যদি কম পড়ে তবে ফাঁকিতে সেটা
পূরণ করবার ইচ্ছা হয়। মানুষকে ঠকানও
একেবারে অসাধ্য নয়—এই জন্মে সংসারে
অনেক প্রতারণা অনেক আড়ম্বর চলে—এই
জন্মে ভিতরে যদি বা কিছু জমাতে পারি
বাইরে তার সাজসরঞ্জাম করি অনেক বেশি।

যে সব সামগ্রী দেশের কাড়াকাড়ির সামগ্রী
সেই গুলির সম্বন্ধে এই ফাঁকি অলক্ষ্য
নিজের অগোচরেও এসে পড়ে—ঠাট বজায়

দশের ইচ্ছা

রাখবার চেষ্টাকে আমরা দোষের মনে করিনে, এমন কি, বাহিরের সাজের দ্বারা আমরা ভিতরের 'জিনিষকে পেলুম বলে নিজেকেও ভোলাই।

কিন্তু যেখানে আমার আকাঙ্ক্ষা ঈশ্বরের মধ্যেই প্রতিষ্ঠা লাভের আকাঙ্ক্ষা সেখানে যদি ফাঁকি চালাবার চেষ্টা করি তবে যে একেবারে মূলেই ফাঁকি হবে। গয়লা দশের দুধে জল মিশিয়ে ব্যবসা চালাতে পারে কিন্তু নিজের দুধে জল মিশিয়ে তার মুন্ফা কি হবে !

অতএব এইখানে একেবারে সম্পূর্ণ সত্য হতে হবে। 'যিনি সত্য স্বরূপ তাঁকে কেউ কোনোদিন ফাঁকি দিয়ে পার পাবে না। যিনি অন্তর্যামী তাঁর কাছে জাল জালিয়াতি খাটবে না। আমি তাঁর কাছে কতটা খাঁটি হলাম তা তিনিই জানবেন—মানুষকে যদি জানাবার ইচ্ছা মনের মধ্যে আসে তবে কোন্ দিন

শান্তিনিকেতন

জ্বালদলিল বানিয়ে তাঁকে স্কন্ধ মানুষের হাতে
বিকিয়ে দিয়ে বসে থাকুব। ঐখানে দশকে
আসতে দিয়ে না—নিজেকে খুব কর্ণে বাঁচাও !
তুমি যে তাঁকে চাও এই আকাজ্জনাটির দ্বারা
তুমি তাঁকেই লাভ করতে চেষ্টা কর, এর
দ্বারা মানুষকে ভোলবার ইচ্ছা যেন তোমার
মনের এক কোণেও না আসে। তোমার এই
সাধনায় সবাই যদি তোমাকে পরিত্যাগ করে
তাতে তোমার মঙ্গলই হবে, কারণ, ঈশ্বরের
আসনে সবাইকে বসাবার প্রলোভন তোমার
কেটে যাবে। ঈশ্বরকে যদি কোনোদিন
পাও তবে কখনো তাঁকে একলা নিজের
মধ্যে ধরে রাখতে পারবে না।' কিন্তু সে
একটি কঠিন সময়। দেশের মধ্যে এসে পড়লেই
জল মেশাবার লোভ সাম্ভানো শক্ত হয়—
মানুষ তখন মানুষকে চঞ্চল করে—তখন
খাঁটি ভগবানকে চালাতে পারিনে, লুকিয়ে
লুকিয়ে খানিকটা নিজেকে মিশিয়ে দিয়ে বসে

দশের ইচ্ছা

থাকি । ক্রমে নিজের মিশালটাই বেড়ে উঠতে থাকে—ক্রমে সত্যের বিকারে অমঙ্গলের সৃষ্টি হয় । অতএব পিতাকে যেদিন পিতা বলতে পারব সেদিন পিতাই যেন সেকথা আমার মুখ থেকে শোনেন, মানুষ যদি গুণতে পার ত যেন পাশের ঘর থেকেই শোনে ।

৩১শে চৈত্র

বর্ষশেষ

যাওয়া আসায় মিলে সংসার । এই দুটির
মাঝখানে বিচ্ছেদ নেই । বিচ্ছেদ আমরা
মনে মনে কল্পনা করি । সৃষ্টি স্থিতি প্রলয়
একেবারেই এক হয়ে আছে । সর্বদাই এক
হয়ে আছে । সেই এক হয়ে থাকাকৈই বলে
জগৎসংসার ।

আজ বর্ষশেষের সঙ্গে কাল বর্ষারম্ভের
কোনো ছেদ নেই—একেবারে নিঃশব্দে অতি
সহজে এই শেষ ঐ আরম্ভের মধ্যে প্রবেশ
করচে ।

কিন্তু এই শেষ এবং আরম্ভের মাঝখানে
একবার থেমে দাঁড়ানো আমাদের পক্ষে
দরকার । যাওয়া এবং আসাকে একবার
বিচ্ছিন্ন করে জানতে হবে, নইলে, এই দুটিকে
মিলিয়ে জানতে পারব না ।

সেই জন্মে আজ বর্ষশেষের দিনে আমরা কেবল যাওয়ার দিকেই মুখ ফিরিয়ে দাঁড়িয়েছি। অস্তাচলকে সম্মুখে রেখে আজ আমাদের পশ্চিম মুখ করে উপাসনা। যৎ প্রয়ন্ত্যভিসংবিশন্তি—সমস্ত যাওয়াই যার মধ্যে প্রবেশ করচে—দিবসের শেষ মুহূর্তে যার পায়ের কাছে সকলে নীরবে ভূনিষ্ঠ হয়ে নত হয়ে পড়চে, আজ সায়াছে তাঁকে আমরা নমস্কার করব।

অবসানকে বিদায়কে মৃত্যুকে আজ আমরা ভক্তির সঙ্গে গভীর ভাবে জান্ব—তার প্রতি আমরা অবিচার করব না। তাকে তাঁরই ছায়া বলে জান্ব, যশ্চ ছায়ামৃতম্ যশ্চ মৃত্যুঃ।

মৃত্যু বড় সুন্দর বড় মধুর। মৃত্যুই জীবনকে মধুময় করে রেখেছে। জীবন বড় কঠিন ; সে সবই চায়, সবই আঁকড়ে ধরে, তার বজ্রমুষ্টি কৃপণের মত কিছুই ছাড়তে চায় না। মৃত্যুই তার কঠিনতাকে রসময়

শান্তিনিকেতন

করেছে, তার আকর্ষণকে আলাগা করেছে ;
মৃত্যুই তার নীরস চোখে জল এনে দেয়, তার
পাষণ স্থিতিকে বিচলিত করে ।

আসক্তির মত নিষ্ঠুর শক্ত কিছুই নেই ;
সে নিজেকেই জানে, সে কাউকে দয়া করে
না, সে কারো জন্তে কিছুমাত্র পথ ছাড়তে
চায় না । এই আসক্তিই হচ্ছে জীবনের ধর্ম ;
সমস্তকেই সে নেবে বলে সকলের সঙ্গেই সে
কেবল লড়াই করচে ।

ত্যাগ বড় সুন্দর, বড় কোমল । সে দ্বার
খুলে দেয় । সঞ্চয়কে সে কেবল এক জায়-
গায় স্তূপাকাররূপে উদ্ধত হয়ে উঠতে
দেয় না । সে ছড়িয়ে দেয়, বিলিয়ে দেয় ।
মৃত্যুরই সেই ওঁদার্থ্য । মৃত্যুই পরিবেষণ করে,
বিতরণ করে । যা এক জায়গায় বড় হয়ে
উঠতে চায় তাকে সর্বত্র বিস্তীর্ণ করে দেয় ।

সংসারের উপরে মৃত্যু আছে বলেই আমরা
ক্ষমা করতে পারি । নইলে আমাদের মনটা

কিছুতে নয়ম হত না। সব যায়, চলে যায়, আমরাও, যাই, এই বিষাদের ছায়ায় সর্বত্র একটি করুণা মাখিয়ে দিয়েছে—চারিদিকে পূর্বী রাগিনীর কোমল সুরগুলি বাজিয়ে তুলে আমাদের মনকে কাঁদিয়ে তুলেছে। এই বিদায়ের সুরটি যখন কানে এসে পৌঁছয় তখন ক্ষমা খুবই সহজ হয়ে যায়—তখন বৈরাগ্য নিঃশব্দে এসে আমাদের নেবার জেদটাকে দেবার দিকে আস্তে আস্তে ফিরিয়ে দেয়।

কিছুই থাকে না এইটে যখন জানি তখন পাপকে দুঃখকে ক্ষতিকে আর একান্ত বলে জানিনে। দুর্গতি একটা ভয়ঙ্কর বিভীষিকা হয়েই উঠে যদি জানতুম সে যেখানে আছে সেখান থেকে তার আর নড়চড় নেই। কিন্তু আমরা জানি সমস্তই সরচে এবং সেও সরচে সুতরাং তার সম্বন্ধে আমাদের হতাশ হতে হবে না। অনন্ত চলার মাঝখানে পাপ কেবল

শান্তিনিকেতন

একটা জায়গাতেই পাপ, কিন্তু সেখান থেকে সে এগছে। আমরা সব সময়ে দেখতে পাইনে কিন্তু সে চল্চে—ঐখানেই তার পথের শেষ নয়—সে পরিবর্তনের মুখে, সংশোধনের মুখেই রয়েছে। পাপীর মধ্যে পাপ যদি স্থির হয়েই থাকত তাহলে সেই স্থিরত্বের উপর ক্রুদ্ধের অসীম শাসন দণ্ড ভয়ানক ভার হয়ে তাকে একেবারে বিলুপ্ত করে দিত। কিন্তু বিধাতার দণ্ড ত তাকে এক জায়গায় চেপে রাখ্চে না, সেই দণ্ড তাকে তাড়না করে চালিয়ে নিয়ে যাচ্ছে। এই চালানোই তাঁর ক্ষমা। তাঁর মৃত্যু কেবলি মার্জনা কর্চে, কেবলি ক্ষমার অভিমুখে বহন কর্চে।

আজ বর্ষশেষ আমাদের জীবনকে কি তাঁর সেই ক্ষমার দ্বারে এনে উপনীত করবে না? যার উপরে মরণের শিলমোহর দেওয়া আছে, যা যাবার জিনিষ তাকে কি আজো আমরা যেতে দেব না! বছর ভরে যে সব পাপের

আবজ্ঞানা সঞ্চয় করেছি, আজ বৎসরকে বিদায় দেবার সুময় কি তার কিছুই বিদায় দিতে পারব না ? ক্ষমা করে ক্ষমা নিয়ে নিশ্চল হয়ে নব বৎসরে প্রবেশ করতে পার না ?

আজ আমার নুষ্টি শিথিল হোক ! কেবল কাড়ব এবং কেবল মারব এই করে কোনো সুখ কোনো সার্থকতা পাইনি । যিনি সমস্ত গ্রহণ করেন আজ তাঁর সম্মুখে এসে, ছাড়ব এবং মরব এই কথাটা আমার মন বলুক ! আজ তাঁর মধ্যে সম্পূর্ণ ছাড়তে সম্পূর্ণ মরতে এক মুহূর্তে পারব না ; তবু ঐ দিকেই মন নত হোক—নিজেকে দেবার দিকেই তার অঞ্জলি প্রসারিত করুক—সূর্যাস্তের সুরেই বাঁশি বাজতে থাক, মৃত্যুর মোহন রাগিণীতেই প্রাণ কেঁদে উঠুক—নববর্ষের ভার গ্রহণের পূর্বে আজ সন্ধ্যাবেলায় সেই সর্বভার-মোচনের সমুদ্রতটে সকল বোঝাই নামিয়ে দিয়ে আত্মসমর্পণের মধ্যে অবগাহন করি—নিস্তরঙ্গ

শাস্তিনিকেতন

নীল জলরাশির মধ্যে শীতল হই, বৎসরের
অবসানকে অন্তরের মধ্যে পূর্ণভাবে গ্রহণ করে
স্বক হই শাস্ত হই, পবিত্র হই।

৩১শে চৈত্র

নববর্ষদিনে যাহা বলা হইয়াছিল তাহা লিপিবদ্ধ
করিবার সুযোগ ঘটে নাই।

অনন্তের ইচ্ছা

আমার শরীরের মধ্যে কতকগুলি ইচ্ছা আছে যা আমার শরীরের গোচর। যেমন আমার খেতে ইচ্ছা করে, স্নান করতে ইচ্ছা করে, শীতের সময় গরম হতে ইচ্ছা করে।

কিন্তু সমস্ত শরীরের মধ্যে একটি ইচ্ছা আছে যা আমার অগোচরেই আছে। সেটি হচ্ছে স্বাস্থ্যের ইচ্ছা। সে আমাকে খবর না জানিয়েই রোগে এবং অরোগে নিয়ত কাজ করচে। সে, ব্যাধির সময় কত রকম প্রতিকারের আশ্চর্য ব্যবস্থা করচে তা আমরা জানিইনে এবং অরোগের সময় সমস্ত শরীরের মধ্যে বিচিত্র ক্রিয়ার সামঞ্জস্য স্থাপনার জন্তে তার কৌশলের অস্ত নেই—তারও কোনো খবর সে আমাদের জানায় না। এই স্বাস্থ্যের ইচ্ছাটি শরীরের মূলে আমাদের চেতনার

শান্তিনিকেতন

অগোচরে রাত্রিদিন নিদ্রায় আগরণে অবিশ্রাম
বিরাজ করচে ।

শরীর সম্বন্ধে যে ব্যক্তি জ্ঞানী তিনি এই-
টিকেই জানেন । তিনি জানেন আমাদের
মধ্যে একটি স্বাস্থ্যতত্ত্ব আছে । শরীরের এই
মূল অব্যক্ত ইচ্ছাটিকে যিনি জেনেছেন তিনি
শরীরগত সমস্ত ব্যক্ত ইচ্ছাকে এর অনুগত
করে তোলেন । ব্যক্ত ইচ্ছা যখন খাব বলে
আবদার করচে তখন তাকে তিনি এই
অব্যক্ত স্বাস্থ্যের ইচ্ছারই শাসনে নিয়মিত
করবার চেষ্টা করেন । শরীর সম্বন্ধে এইটেই
হচ্ছে সাধনা ।

পাঁচজনের সঙ্গে মিলে আমরা যে একটা
সামাজিক শরীর রচনা করে আছি, তার
মধ্যেও ব্যক্ত এবং অব্যক্ত ইচ্ছা আছে ।
সমাজের প্রত্যেকের নিজের স্বার্থ সুবিধা সুখ
ও স্বাধীনতার জন্মে যে ইচ্ছা এইটেই তার
ব্যক্ত ইচ্ছা । সকলেই বেশি পেতে চাচ্ছে,

অনন্তের ইচ্ছা

সকলেই জিৎতে চাচ্ছে, যত কম মূল্য দিয়ে
যত বেশি পরিমাণ আদায় করতে পারে এই
সকলের 'ইচ্ছা'। এই ইচ্ছার সংঘাতে কত
ফাঁকি কত যুদ্ধ কত দলাদলি চলচে তার আর
সীমা নেই।

কিন্তু এরই মধ্যে একটি অব্যক্ত ইচ্ছা ক্রম
হয়ে আছে—তাকে প্রত্যক্ষ দেখা যাচ্ছে না—
কিন্তু সে আছেই, না থাকলে কোনোমতেই
সমাজ রক্ষা পেল না—সে হচ্ছে মঙ্গলের ইচ্ছা।
অর্থাৎ সমস্ত সমাজের সুখ হোক ভাল হোক
এই ইচ্ছা প্রত্যেকের মধ্যে নিগূঢ়ভাবেই
আছে—এই থাকার উপরেই সমাজ বেঁধে
উঠেছে, কোনো প্রত্যক্ষ সুবিধার উপরে
নয়।

সমাজ সম্বন্ধে যারা জ্ঞানী তাঁরা এইটাই
জেনেছেন। তাঁরা সমুদয় সুখ সুবিধা
স্বাধীনতার ব্যক্ত ইচ্ছাকে এই গভীরতর
অব্যক্ত মঙ্গল ইচ্ছার অনুগত করতে চেষ্টা

শান্তিনিকেতন

করেন। তাঁরা এই নিগূঢ় নিত্য ইচ্ছার কাছে সমস্ত অনিত্য ইচ্ছাকে ত্যাগ করতে পারেন।

আমাদের আশ্রয় মধ্যেও ব্যক্ত এবং অব্যক্ত ইচ্ছা আছে। আত্মা আপনাকে নানা দিকে বড় বলে অনুভব করতে চায়। সে ধনে বড় বিদ্যায় বড় খ্যাতিতে বড় হয়ে নিজেকে বড় জানতে চায়। এর জগে কাড়াকাড়ি মারামারির অন্ত নেই।

কিন্তু তার মধ্যে প্রতিনিয়ত একটি অব্যক্ত ইচ্ছা রয়েছে। সকলের বড়, যিনি অনন্ত অখণ্ড এক, সেই ব্রহ্মের মধ্যে মিলনেই নিজেকে উপলব্ধি করবার ইচ্ছা তার মধ্যে নিগূঢ়রূপে ধ্রুবরূপে রয়েছে। এই অব্যক্ত ইচ্ছাই তার সকলের চেয়ে বড় ইচ্ছা।

তিনিই আত্মবিৎ যিনি এই কথাটি জানেন। তিনি আশ্রয় সমস্ত ব্যক্ত ইচ্ছাকে সেই নিগূঢ় এক ইচ্ছার অধীন করেন।

শরীরের নানা ইচ্ছা ঐক্যলাভ করেছে

অনন্তের ইচ্ছা

একটি একের মধ্যে সেইটি হচ্ছে স্বাস্থ্যের ইচ্ছা, এই গভীর ইচ্ছাটি শরীরের সমস্ত বর্তমান ইচ্ছাকে অতিক্রম করে অনাগতের মধ্যে চলে গেছে—শরীরের যে ভবিষ্যৎটি এখন নেই সেই ভবিষ্যৎকেও সে অধিকার করে রয়েছে।

সমাজশরীরেও নানা ইচ্ছা এক অন্তরতম গোপন ইচ্ছার মধ্যে ঐক্যলাভ করেছে ; সে ঐ মঙ্গলইচ্ছা। সে ইচ্ছাও বর্তমান সুখদুঃখের সীমা ছাড়িয়ে ভবিষ্যতের অভিমুখে চলে গেছে।

আত্মার অন্তরতম ইচ্ছা দেশে কালে কোথাও বদ্ধ নয়। তার যে সকল ইচ্ছা কেবল পৃথিবীতেই সার্থক হতে পারে সেই সকল ইচ্ছার মধ্যেই তার সমাপ্তি নয়—অনন্তের সঙ্গে মিলনের আকাঙ্ক্ষাই তার জ্ঞান প্রেম কর্মকে কেবলি আকর্ষণ করছে ;—সে যেখানে গিয়ে পৌঁছচ্ছে সেখানে গিয়ে থামতে পারছে না—কেবলি ছাড়িয়ে নিয়ে যাবার ইচ্ছা তার সমস্ত ইচ্ছার ভিতরে নিরন্তর জাগ্রত হয়ে রয়েছে।

শান্তিনিকেতন

শরীরের মধ্যে এই স্বাস্থ্যের শান্তি, সমাজের মধ্যে মঙ্গল, এবং আত্মার মধ্যে অদ্বিতীয়ের প্রেম, ইচ্ছারূপে বিরাজ করচে। এই ইচ্ছা অনন্তের ইচ্ছা, ব্রহ্মের ইচ্ছা। তাঁর এই ইচ্ছার সঙ্গে আমাদের সচেতন ইচ্ছাকে সঙ্গত করে দেওয়াই আমাদের মুক্তি। এই ইচ্ছার সঙ্গে অসামঞ্জস্যই আমাদের বন্ধন, আমাদের দুঃখ। ব্রহ্মের যে ইচ্ছা আমাদের মধ্যে আছে সে আমাদের দেশকালের বাইরের দিকে নিয়ে যাবার ইচ্ছা—কোনো বর্তমানের বিশেষ স্বার্থ বা সুখের মধ্যে আবদ্ধ করবার ইচ্ছা নয়—সে ইচ্ছা কিনা তাঁর প্রেম এইজন্মে সে তাঁরই দিকে আমাদের টান্চে। এই অনন্ত প্রেম যা আমাদের মধ্যেই আছে, তার সঙ্গে আমাদের প্রেমকে যোগ করে দিয়ে আমাদের আনন্দকে বাধামুক্ত করে দেওয়াই আমাদের সাধনা। কি শরীরে, কি সমাজে, কি আত্মায়, সর্বত্রই আমরা এই যে দুটি ইচ্ছার

অনন্তের ইচ্ছা

ধারাকে দেখতে পাচ্ছি, একটি আমাদের
গোচর অথচ চিরপরিবর্তনশীল—আর একটি
আমাদের অগোচর অথচ চিরস্থান, একটি
কেবল বর্তমানের প্রতিই আকৃষ্ট, আর একটি
অনাগতের দিকে আকর্ষণকারী, একটি কেবল
ব্যক্তিবিশেষের মধ্যেই বদ্ধ, আর একটি
নিখিলের সঙ্গে যোগযুক্ত—এই দুটি ইচ্ছার
গতি নিরীক্ষণ কর, এর তাৎপর্য গ্রহণ কর।
এদের উভয়ের মধ্যে মিলিত হবার যে একটা
তত্ত্ব বিরোধের দ্বারাই নিজেকে ব্যক্ত করচে
সেইটি উপলব্ধি করে এই মিলনের জগুই
সমস্ত জীবন প্রতিদিনই আপনাকে প্রস্তুত
কর।

৩রা বৈশাখ

পাওয়া ও না-পাওয়া

সেই পাওয়াতেই মানুষের মন আনন্দিত যে
পাওয়ার সঙ্গে না-পাওয়া জড়িত হয়ে আছে।

যে সুখ কেবলমাত্র পাওয়ার দ্বারাই
আমাদের উন্নত করে তোলে না—অনেকখানি
না-পাওয়ার মধ্যে যার স্থিতি আছে বলেই যার
ওজন ঠিক আছে—সেই জ্যেষ্ঠ যাকে আমরা
গভীর সুখ বলি—অর্থাৎ, যে সুখের সকল
অংশই একেবারে সুস্পষ্ট সুব্যক্ত নয়, যার এক
অংশ নিগূঢ়তার মধ্যে অগোচর, বা প্রকাশের
মধ্যেই নিঃশেষিত নয়, তাকেই আমরা উচ্চ
শ্রেণীর সুখ বলি।

পেটভরে আহার করলে পর আচার
করবার সুখটা সম্পূর্ণ পাওয়া যায় ;—দর্শনে
স্পর্শনে ঘ্রাণে স্বাদে সর্বপ্রকারে তাকে সম্পূর্ণ
আয়ত্ত করা হয়। সে সুখের প্রতি যতই

পাওয়া ও না-পাওয়া

লোভ থাকুক মানুষ তাকে আনন্দের কোঠায় ফেলে না।

কিন্তু যে সৌন্দর্য্যবোধকে আমরা কেবলমাত্র ইন্দ্রিয়বোধের দ্বারা সেরে ফেলতে পারিনে—যা বীণার অনুরণনের মত চেতনার মধ্যে স্পন্দিত হতে থাকে, যা সমাপ্ত হতেই চায় না, সে আনন্দকে আমরা আহারের আনন্দের সঙ্গে এক শ্রেণীতে গণ্যই করিনে। কেবলমাত্র পাওয়া তাকে অপমানিত করে না, না পাওয়া তাকে গৌরব দান করে।

আমরা জগতে পাওয়ার মত পাওয়া তাকেই বলি যে পাওয়ার মধ্যে অনির্ধ্বংসীয়তা আছে। যে জ্ঞান কেবলমাত্র একটি খবর, তার মূল্য অতি অল্প—কেন না, সেটা একটা সঙ্কীর্ণ জ্ঞানের মধ্যেই ফুরিয়ে যায়। কিন্তু যে জ্ঞান তথা নয়, তত্ত্ব, অর্থাৎ যাকে কেবল একটি ঘটনার মধ্যে নিঃশেষ করা যায় না—যা অসংখ্য অতীত ঘটনার মধ্যেও আছে এবং যা

শান্তিনিকেতন

অসংখ্য ভাবী ঘটনার মধ্যেও আপনাকে প্রকাশ করবে—যা কেবল ঘটনাবিশেষের মধ্যে ব্যক্ত বটে কিন্তু অনন্তের মধ্যে অব্যক্ত-রূপে বিরাজমান সেই জ্ঞানেই আমাদের আনন্দ ; কেবলমাত্র বিচ্ছিন্ন তুচ্ছ খবরে নিতান্ত জড়বুদ্ধি অলস লোকের বিলাস ।

ক্ষণিক আনন্দ বা ক্ষণিক প্রয়োজনে আমরা অনেক লোকের সঙ্গে মিলি—আমাদের কাছে তারা সেইটুকুর মধ্যেই নিঃশেষিত । কিন্তু যে আমার প্রিয় কোনো এক সময়ের আলাপে আমোদে কোনো এক সময়ের প্রয়োজনে তার শেষ পাইনে । তার সঙ্গে যে সময়ে যে আলাপে যে কর্মে নিযুক্ত আছি, সে সময়কে সেই আলাপকে সেই কর্মকে বহুদূরে ছাড়িয়ে সে রয়েছে । কোনো বিশেষ দেশে বিশেষ কালে বিশেষ ঘটনায় আমরা তাকে সমাপ্ত করলুম বলে মনেই করতে পারিনে—সে আমার কাছে প্রাপ্ত অথচ

পাওয়া ও না-পাওয়া

অপ্রাপ্ত—এই অপ্রাপ্তি তাকে আমার কাছে এমন আনন্দময় করে রেখেছে।

এর থেকে বোঝা যায় আমাদের আত্মা যে পেতেই চাচ্ছে তা নয় সে না পেতেও চায়। এই জগত্বেই সংসারের সমস্ত দৃশ্যস্পৃশ্যের মাঝখানে দাঁড়িয়ে সে বল্চে কেবলি পেয়ে পেয়ে আমি শান্ত হয়ে গেলুম—আমার না-পাওয়ার ধন কোথায়? সেই চিরদিনের না-পাওয়াকে পেলে যে আমি বাঁচি ;—

যতোবাচো নিবর্তন্তে অপ্রাপ্য মনসা সহ
আনন্দং ব্রহ্মণো বিদ্বান্ ন বিভেতি কদাচন—
বাক্য মন যাকে না পেয়ে ফিরে আসে সেই
আমার না-পাওয়া ব্রহ্মের আনন্দে আমি সমস্ত
ক্ষুদ্র ভয় হতে যে রক্ষা পেতে পারি।

এই জগত্বেই উপনিষৎ বলেছেন “অবিজ্ঞাতম্
বিজ্ঞানতাং বিজ্ঞাতম্ অবিজ্ঞানতাম্”—যিনি
বলেন আমি তাঁকে জানিনি তিনিই জানেন,
যিনি বলেন আমি জেনেছি তিনি জানেন না।

শান্তিনিকেতন

আমি তাঁকে জানতে পারলুম না এ কথাটা জানবার অপেক্ষা আছে। পাখী যেনন করে জানে আমি আকাশ পার হতে পারলুম না তেমনি করে জানা চাই—পাখী আকাশকে জানে বলেই সে জানে যে আকাশ পার হওয়া গেল না। আকাশ পার হওয়া গেল না জানে বলেই তার আনন্দ—এই জগ্ৰেই সে আকাশে উড়ে বেড়ায়—কোনো প্রাপ্তি নয়, কোনো সমাপ্তি নয়, কোনো প্রয়োজন নয়, কিন্তু উড়েই তার আনন্দ।

পাখী আকাশকে জানে বলেই সে জানে আমি আকাশকে শেষ করে জানলুম না এবং এই জেনে না-জানাতেই তার আনন্দ—ব্রহ্মকে জানার কথাতেও এই কথাটাই খাটে। সেই জগ্ৰেই উপনিষৎ বলেন :—“নাহং মগ্ৰে স্মবেদেতি নো ন বেদেতি বেদ চ”—আমি যে ব্রহ্মকে বেশ জেনেছি এও নয় আমি যে একেবারে জানিনে এও নয়।

পাওয়া ও না-পাওয়া

কেউ কেউ বলেন আমরা ব্রহ্মকে একে-
বারেই জানতে চাই—যেমন করে এই সমস্ত
জিনিষপত্র জানি নইলে আমার কিছুই হ'ল না।

আমি বলছি আমরা তা চাইনে। যদি
চাইতুম তাহলে সংসারই আমাদের পক্ষে
যথেষ্ট ছিল। এখানে জিনিষপত্রের অন্ত
কোথায়? এর উপরে আবার কেন? নীড়ের
পাখী যেমন আকাশকে চায় তেমনি আমরা
এমন কিছুকে চাই যাকে পাওয়া যায় না।

আমার মনে আছে, যারা ব্রহ্মকে চান
তাদের প্রতি বিদ্রূপ প্রকাশ করে একজন
পণ্ডিত অনেকদিন হ'ল বলেছিলেন—একদল
গাঁজাখোর রাতে গাঁজা খাবার সভা করেছিল।
টীকা ধরাবার আগুন ফুরিয়ে যাওয়াতে তারা
সঙ্কটে পড়েছিল। তখন রক্তবর্ণ হয়ে চাঁদ
আকাশে উঠছিল। একজন বলে, ঐ যে,
ঐ আলোতে টীকা ধরাব। বলে টীকা নিয়ে
জানলার কাছে দাঁড়িয়ে চাঁদের অভিমুখে

শান্তিনিকেতন

বাড়িয়ে ধ'রলে। টীকা ধ'রল না। তখন
আর একজন বলে, দূর চাঁদ বুঝি অত কাছে !
দে আমাকে দে ! বলে সে আরো কিছু দূরে
গিয়ে টীকা বাড়িয়ে ধরলে—এমনি করে সমস্ত
গাঁজাখোরের শক্তি পরাস্ত হল—টীকা ধ'রলনা।

এই গল্পের ভাবখানা হচ্ছে এই, যে, যে
ব্রহ্মের সীমা পাওয়া যায় না তাঁর সঙ্গে কোনো
সম্বন্ধ স্থাপনের চেষ্টা এই রকম বিড়ম্বনা।

এর থেকে দেখা যাচ্ছে কারো কারো
মতে সাংসারিক প্রার্থনা ছাড়া আমাদের মনে
আর কোনো প্রার্থনা নেই। আমরা কেবল
প্রয়োজন সিদ্ধিই চাই—টীকেয়, আমাদের
আগুন ধরাতে হবে।

এ কথাটা যে কত অমূলক তা ঐ চাঁদের
কথা ভাবলেই বোঝা যাবে। আমরা
দেশলাইকে যে ভাবে চাই চাঁদকে সে ভাবে
চাইনে—চাঁদকে চাঁদ বলেই চাই—চাঁদ
আমাদের বিশেষ কোনো সঙ্কীর্ণ প্রয়োজনের

পাওয়া ও না-পাওয়া

অতীত বলেই তাকে চাই। সেই চির-অতৃপ্ত
অসমাপ্ত পাওয়ার চাওয়াটাই সব চেয়ে বড়
চাওয়া। সেই জন্মেই পূর্ণচন্দ্র আকাশে
উঠলেই নদীতে নৌকায়, ঘাটে, গ্রামে, পথে,
নগরের হর্ম্যতলে গাছের নীড়ে চারিদিক
থেকে গান জেগে ওঠে—কারো টীকেয় আগুন
ধরে না বলে কোথাও কোনো ক্ষোভ
থাকে না।

ব্রহ্ম ত তাল বেতাল নন যে তাঁকে আমরা
বশ করে নিয়ে প্রয়োজন সিদ্ধি করব।
কেবল প্রয়োজন সিদ্ধিতেই পাওয়ার দরকার—
আনন্দের পাওয়াতে ঠিক তার উল্টো। তাতে
না-পাওয়াটাই হচ্ছে সকলের চেয়ে বড়
জিনিষ। যে জিনিষ আমরা পাই তাতে
আমাদের যে সুখ সে অহঙ্কারের সুখ। আমার
আয়ত্তের জিনিষ আমার ভৃত্য আমার অধীন—
আমি তার চেয়ে বড়।

কিন্তু এই সুখই মানুষের সব চেয়ে বড়

শান্তিনিকেতন

সুখ নয়। আমার চেয়ে যে বড় তার কাছে
আত্মসমর্পণ করার সুখই হচ্ছে আনন্দ।
আমার যিনি অতীত আমি তাঁরই, এইটি
জানাতেই অভয়, এইটি অনুভব করাতেই
আনন্দ। যেখানে ভূমানন্দ সেখানে আমি
বলি, আমি আর পারলুম না, আমি হাল ছেড়ে
দিলুম, আমি গেলুম! গেল আমার অহঙ্কার,
গেল আমার শক্তির ঔদ্ধত্য। এই না পেরে
ওঠার মধ্যে এই না পাওয়ার মধ্যে নিজেকে
একান্ত ছেড়ে দেওয়াই মুক্তি।

মানুষ ত সমাপ্ত নয়—সে ত হয়ে বয়ে
যায়নি—সে ষেটুকু হয়েছে সে ত অতি অল্পই।
তার না-হওয়াই যে অনন্ত। মানুষ যখন
আপনার এই হওয়া-রূপী জীবের বর্তমান
প্রয়োজন সাধন করতে চায় তখন প্রয়োজনের
সামগ্রীকে নিজের অভাবের সঙ্গে একেবারে
সম্পূর্ণ করে চারিদিকে মিলিয়ে নিতে হয়—
তার বর্তমানটি একেবারে সম্পূর্ণ বর্তমানকেই

পাওয়া ও না-পাওয়া

চাচ্ছে। কিন্তু সে ত কেবলি বর্তমান নয়—সেই কেবলি হওয়া-রূপী নয়, তার না-হওয়ারূপী অনন্ত যদি কিছুই না পায় তবে তার আনন্দ নেই। পাওয়ার সঙ্গে অনন্ত না-পাওয়া তার সেই অনন্ত না-হওয়াকে আশ্রয় দিচ্ছে খাড়া দিচ্ছে। এই জগতের মানুষ কেবলি বলে অনেক দেখলুম, অনেক শুনলুম, অনেক বুঝলুম—কিন্তু আমার না-দেখার ধন, না শোনার ধন, না বোঝার ধন কোথায়? যা অনাদি বলেই অনন্ত, যা হয় না বলেই যায় না—যাকে পাইনে বলেই হারাইনে, যা আমাকে পেয়েছে বলেই আমি আছি, সেই অশেষের মধ্যে নিজেকে নিঃশেষ করবার জগতের আত্মা কাঁদছে। সেই অশেষকে সশেষ করতে চায় এমন ভয়ঙ্কর নির্বোধ সে নয়। যাকে আশ্রয় করবে তাকে আশ্রয় দিতে চায় এমন সমূলে আত্মঘাতী নয়।

৪ঠা বৈশাখ

হওয়া

পাওয়া মানেই আংশিকভাবে পাওয়া। প্রয়োজনের জন্তে আমরা যাকে পাই তাকে ত কেবল প্রয়োজনের মতই পাই তার বেশি ত পাইনে। অন্ন কেবল খাওয়ার সঙ্গে মেলে, বস্ত্র কেবল পরার সঙ্গেই মেলে, বাড়ি কেবল বাসের সঙ্গে মেলে। এদের সঙ্গে আমাদের সম্বন্ধ ঐ সকল ক্ষুদ্র প্রয়োজনের সীমাতে এসে ঠেকে, সেটাকে আর লঙ্ঘন করা যায় না।

এই রকম বিশেষ প্রয়োজনের সঙ্কীর্ণ পাওয়াকেই আমরা লাভ বলি। সেই জন্তে ঈশ্বরকে লাভের কথা যখন ওঠে তখনও ভাষা এবং অভ্যাসের টানে ঐ রকম লাভের কথাই মনে উদয় হয়। সে যেন কোনো বিশেষ স্থানে কোনো বিশেষ কালে লাভ—তঁাকে

দর্শন মানে কোনো বিশেষ মূর্তিতে কোনো বিশেষ মন্দিরে বা বিশেষ কল্পনায় দর্শন ।

কিন্তু পাওয়া বলতে যদি আমরা এই বুঝি তবে ঈশ্বরকে পাওয়া হতেই পারে না । আমরা যা কিছুকে পেলুম বলে মনে করি সে আমাদের ঈশ্বর নয়—তিনি আমাদের পাওয়ার সম্পূর্ণ অতীত—তিনি আমাদের বিষয় সম্পত্তি নন !

ও জায়গায় আমাদের কেবল হওয়া—পাওয়া নয় । তাঁকে আমরা পাব না, তাঁর মধ্যে আমরা হব । আমার সমস্ত শরীর মন হৃদয় নিয়ে আমি কেবলি হয়ে উঠতে থাকব । ছাড়তে ছাড়তে বাড়তে বাড়তে মরতে মরতে বাঁচতে বাঁচতে আমি কেবলি হব । পাওয়াটা কেবল এক অংশে পাওয়া, হওয়াটা যে একেবারে সমগ্রভাবে হওয়া—সে ত লাভ নয় সে বিকাশ ।

ভীক লোকে বলবে, বল কি ! তুমি ব্রহ্ম হবে ! এমন কথা তুমি মুখে আন কি করে !

শান্তিনিকেতন

হাঁ, আমি ব্রহ্মই হব। এ কথা ছাড়া অণু কথা আমি মুখে আনতে পারিনে—আমি অসঙ্কোচেই বলব, আমি ব্রহ্ম হব। কিন্তু আমি ব্রহ্মকে পাব এতবড় স্পর্কার কথা বলতে পারিনে।

তবে কি ব্রহ্মেতে আমাতে তফাৎ নেই? মস্ত তফাৎ আছে। তিনি ব্রহ্ম হয়েই আছেন, আমাকে ব্রহ্ম হতে হচ্ছে। তিনি হয়ে রয়েছেন, আমি হয়ে উঠছি, আমাদের দুজনের মধ্যে এই লীলা চলছে। হয়ে থাকার সঙ্গে হয়ে ওঠার নিয়ত মিলনেই আনন্দ।

নদী কেবলি বলচে আমি সমুদ্র হব। সে তার স্পর্কা নয়—সে যে সত্য কথা, স্মরণে সেই তার বিনয়। তাই সে সমুদ্রের সঙ্গে মিলিত হয়ে ক্রমাগতই সমুদ্র হয়ে যাচ্ছে—তার আর সমুদ্র হওয়া শেষ হল না।

বস্তুত চরমে সমুদ্র হতে থাকা ছাড়া তার আর গতিই নেই। তার দুই দীর্ঘ উপকূলে কত ক্ষেত কত সহর কত গ্রাম কত বন আছে

তার ঠিক নেই—নদী তাদের তুষ্ট করতে পারে পুষ্ট করতে পারে, কিন্তু তাদের সঙ্গে মিলে যেতে পারে না। এই সমস্ত সহর গ্রাম বনের সঙ্গে তার কেবল আংশিক সম্পর্ক। নদী হাজার ইচ্ছা করলেও সহর গ্রাম বন হয়ে উঠতে পারে না।

সে কেবল সমুদ্রই হতে পারে। তার ছোট সচল জল সেই বড় অচল জলের একই জাত। এই জন্তে তার সমস্ত উপকূল পার হয়ে বিশ্বের মধ্যে সে কেবল ঐ বড় জলের সঙ্গেই এক হতে পারে।

সে সমুদ্র হতে পারে কিন্তু সে সমুদ্রকে পেতে পারে না। সমুদ্রকে সংগ্রহ করে এনে নিজের কোনো বিশেষ প্রয়োজনে তাকে কোনো বিশেষ গুহা গহ্বরে লুকিয়ে রাখতে পারে না—যদি কোনো ছোট জলকে দেখিয়ে সে মুড়ের মত বলে, হাঁ সমুদ্রকে এইখানে আমি নিজের সম্পত্তি করে রেখেছি

শান্তিনিকেতন

তাকে উত্তর দেব, ও তোমার সম্পত্তি হতে পারে কিন্তু ও তোমার সমুদ্র নয়। তোমার চিরন্তন জলধারা এই জলাটাকে চায় না, সে সমুদ্রকেই চায়। কেন না সে সমুদ্র হতে চাচ্ছে সে সমুদ্রকে পেতে চাচ্ছে না।

আমরাও কেবল ব্রহ্মই হতে পারি আর কিছুই হতে পারিনে। আর কোনো হওয়াতে ত আমরা সম্পূর্ণ হইনে। সমস্তই আমরা পেরিয়ে যাই ; পেরতে পারিনে ব্রহ্মকে। ছোট সেখানে বড় হয়। কিন্তু তার সেই বড় হওয়া শেষ হয়না — এই তার আনন্দ।

আমরা এই আনন্দেরই সাধনা করব। আমরা ব্রহ্মে মিলিত হয়ে অহরহ কেবল ব্রহ্মই হতে থাকিব। যেখানে বাধা পাব সেখানে, হয় ভেঙে নয় এড়িয়ে যাব। অহঙ্কার, স্বার্থ এবং জড়তা যেখানে নিষ্ফল বালির স্তূপ হয়ে পথ রোধ করে দাঁড়াবে সেখানে প্রতিমূহূর্তে তাকে ক্ষয় করে ফেলব।

সকাল বেলায় এইখানে বসে যে একটু-
খানি উপাসনা করি এই দেশকালবদ্ধ আংশিক
জিনিষটিকে আমরা যেন সিদ্ধি বলে ভ্রম না
করি। একটু রস, একটু ভাব, একটু চিন্তাই
ব্রহ্ম নয়। এইটুকুমাত্রকে নিয়ে কোনদিন
জন্মে কোনোদিন জন্মেচেনা বলে খুঁৎ খুঁৎ
কোরো না—এই সময় এবং এই অনুষ্ঠানটিকে
একটি অভ্যস্ত আরামে পরিণত করে সেটাকে
একটা পরমার্থ বলে কল্পনা কোরোনা।
সমস্ত দিন সমস্ত চিন্তায় সমস্ত কাজে
একেবারে সমগ্র নিজেকে ব্রহ্মের অভিমুখে
চালনা কর—উল্টোদিকে নয়, নিজের দিকে নয়
—কেবলই সেই ভূমার দিকে, শ্রেয়ের দিকে,
অমৃতের দিকে। সমুদ্রে নদীর মত তাঁর সঙ্গে
মিলিত হও—তাহলে তোমার সমস্ত সত্তার ধারা
কেবলি তিনিময় হতে থাকবে, কেবলি তুমি
ব্রহ্ম হয়ে উঠবে। তাহলে তুমি তোমার
সমস্ত জীবন দিয়ে সমস্ত অস্তিত্ব দিয়ে জানতে

শান্তিনিকেতন

পারবে ব্রহ্মই তোমার পরমা গতি, পরমা
সম্পদ, পরম আশ্রয়, পরম আনন্দ, কেননা
তঁাতেই তোমার পরম হওয়া ।

৬ই বৈশাখ

মুক্তি

এই যে সকাল বেলাটি প্রতিদিন আমাদের কাছে প্রকাশিত হয় এতে আমাদের আনন্দ অল্পই। এই সকাল আমাদের অভ্যাসের দ্বারা জীর্ণ হয়ে গেছে।

অভ্যাস আমাদের নিজের মনের তুচ্ছতা দ্বারা সকল মহৎ জিনিষকেই তুচ্ছ করে দেয়। সে নাকি নিজে বদ্ধ এই জ্ঞেয়ে সে সমস্ত জিনিষকেই বদ্ধ করে দেয়।

আমরা যখন বিদেশে বেড়াতে যাই তখন কোনো নূতন পৃথিবীকে দেখতে যাইনে। এই মাটি এই জল এই আকাশকেই আমাদের অভ্যাস থেকে বিমুক্ত করে দেখতে যাই। আবরণটাকে ঘুচিয়ে এই পৃথিবীর উপরে চোখ মেলেই এই চিরদিনের পৃথিবীতেই

শাস্তিনিকেতন

সেই অভাবনীষকে দেখতে পাই যিনি
কোনোদিন পুরাতন নন। তখনই আনন্দ
পাই।

যে আমাদের প্রিয়, অভ্যাস তাকে সহজে
বেষ্টন করতে পারে না। এইজন্মেই প্রিয়জন
চিরদিনই অভাবনীষকে অনন্তকে আমাদের
কাছে প্রকাশ করতে পারে। তাকে যে
আমরা দেখি সেই দেখাতেই আমাদের দেখা
শেষ হয় না—সে আমাদের দেখা গোনা
আমাদের সমস্ত বোধকেই ছাড়িয়ে বাকি থাকে।
এইজন্মেই তাতে আমাদের আনন্দ।

তাই উপনিষৎ, “আনন্দরূপমমৃতং”
ঈশ্বরের আনন্দরূপকে অমৃত বলেছেন।
আমাদের কাছে যা মরে যায় যা ফুরিয়ে যায়
তাতে আমাদের আনন্দ নেই—যেখানে
আমরা সীমার মধ্যে অসীমকে দেখি অমৃতকে
দেখি সেইখানেই আমাদের আনন্দ।

এই অসীমই সত্য— তাঁকে দেখাই সত্যকে

মুক্তি

দেখা । যেখানে তা না দেখবে সেইখানেই বুঝতে হবে আমাদের নিজের জড়তা মুঢ়তা অভ্যাস ও সংস্কারের দ্বারা আমরা সত্যকে অবরুদ্ধ করেছি, সেইজন্মে তাতে আমরা আনন্দ পাচ্চিনে ।

বৈজ্ঞানিক বল, দার্শনিক বল, কবি বল, তাঁদের কাজই মানুষের এই সমস্ত মুঢ়তা ও অভ্যাসের আবরণ মোচন করে এই জগতের মধ্যে সত্যের অনন্তরূপকে দেখানো—যা-কিছু দেখছি এ'কেই সত্য করে দেখানো—নূতন কিছু তৈরি করা নয় কল্পনা করা নয় । এই সত্যকে মুক্ত করে দেখানোর মানেরই হচ্ছে মানুষের আনন্দের অধিকার বাড়িয়ে দেওয়া ।

যেমন ঘর ছেড়ে দিয়ে কোনো দূরদেশে যাওয়াকে অন্ধকারমুক্তি বলে না, ঘরের দরজাকে খুলে দেওয়াই বলে অন্ধকার মোচন, তেমনি জগৎসংসারকে ত্যাগ করাই মুক্তি নয় ; পাপ স্বার্থ, অহঙ্কার, জড়তা মুঢ়তা ও

শান্তিনিকেতন

সংস্কারের বন্ধন কাটিয়ে, যা দেখছি একেই সত্য করে দেখা, যা করছি একেই সত্য করে করা, যার মধ্যে আছি এরই মধ্যে সত্য করে থাকাই মুক্তি ।

যদি এই কথাই সত্য হয় যে ব্রহ্ম কেবল আপনার অব্যক্ত স্বরূপেই আনন্দিত তাহলে তাঁর সেই অব্যক্ত স্বরূপের মধ্যে বিলীন না হলে নিরানন্দের হাত থেকে আমাদের কোনোক্রমেই নিস্তার থাকত না । কিন্তু তা ত নয়, প্রকাশেই যে তাঁর আনন্দ । নইলে এই জগৎ তিনি প্রকাশ করলেন কেন ? বাইরে থেকে কোনো প্রকাণ্ড পীড়া জোর করে তাঁকে প্রকাশ করিয়েছে ? মায়া নামক কোনো একটা পদার্থ ব্রহ্মকে একেবারে অভিভূত করে নিজেকে প্রকাশমান করেছে ?

সে ত হতেই পারে না । তাই উপনিষৎ বলেছেন—আনন্দরূপমমৃতং যদ্বিভাতি—এই যে প্রকাশমান জগৎ এ আর কিছু নয়, তাঁর

মুক্তি

মৃত্যুহীন আনন্দই রূপধারণ করে প্রকাশ পাচ্ছে। আনন্দই তাঁর প্রকাশ, প্রকাশেই তাঁর আনন্দ।

তিনি যদি প্রকাশেই আনন্দিত তবে আমি কি আনন্দের জগ্নে অপ্রকাশের সন্ধান করব ? তাঁর যদি ইচ্ছাই হয় প্রকাশ তবে আমার এই ক্ষুদ্র ইচ্ছাটুকুর দ্বারা আমি তাঁর সেই প্রকাশের হাত এড়াই বা কেমন করে ?

তাঁর আনন্দের সঙ্গে যোগ না দিয়ে আমি কিছুতেই আনন্দিত হতে পারব না। এর সঙ্গে যেখানেই আমার যোগ সম্পূর্ণ হবে সেইখানেই 'আমার মুক্তি হবে সেইখানেই আমার আনন্দ হবে। বিশ্বের মধ্যে তাঁর প্রকাশকে অবাধে উপলব্ধি করেই আমি মুক্ত হব—নিজের মধ্যে তাঁর প্রকাশকে অবাধে দীপ্যমান করেই আমি মুক্ত হব। ভববন্ধন অর্থাৎ হওয়ার বন্ধন ছেদন করে মুক্তি নয়—হওয়াকেই বন্ধনস্বরূপ না করে মুক্তিস্বরূপ

শান্তিনিকেতন

করাই হচ্ছে মুক্তি । কর্মকে পরিত্যাগ করাই মুক্তি নয়, কর্মকে আনন্দোদ্ভব কর্ম করাই মুক্তি । তিনি যেমন আনন্দ প্রকাশ করছেন তেমনি আনন্দেই প্রকাশকে বরণ করা, তিনি যেমন আনন্দে কর্ম করছেন তেমনি আনন্দেই কর্মকে গ্রহণ করা একেই বলি মুক্তি । কিছুই বর্জন না করে সমস্তকেই সত্যভাবে স্বীকার করে মুক্তি ।

প্রতিদিনের এই যে অভ্যস্ত পৃথিবী আমার কাছে জীর্ণ, অভ্যস্ত প্রভাত আমার কাছে স্নান, কবে এরাই আমার কাছে নবীন ও উজ্জল হয়ে ওঠে ? যেদিন প্রেমের দ্বারা আমার চেতনা নবশক্তিতে জাগ্রত হয় । যাকে ভালবাসি আজ তার সঙ্গে দেখা হবে এই কথা স্মরণ হলে কাল যা কিছু শ্রীহীন ছিল আজ সেই সমস্তই সুন্দর হয়ে ওঠে । প্রেমের দ্বারা চেতনা যে পূর্ণশক্তি লাভ করে সেই পূর্ণতার দ্বারাই সে সীমার মধ্যে অসীমকে

মুক্তি

রূপের মধ্যে অপরূপকে দেখতে পার তাই নূতন কোথাও যেতে হয় না। ঐ অভাবটুকুর দ্বারাই অসীম সত্য তার কাছে সীমায় বদ্ধ হয়ে ছিল।

বিশ্ব তাঁর আনন্দরূপ— কিন্তু আমরা রূপকে দেখ্‌চি আনন্দকে দেখ্‌চিনে—সেই অণু রূপ কেবল পদে পদে আমাদের আঘাত করচে—আনন্দকে যেমনি দেখ্‌ব অমনি কেউ আর আমাদের কোনো বাধা দিতে পারবেনা। সেই ত মুক্তি।

সেই মুক্তি বৈরাগ্যের মুক্তি নয়—সেই মুক্তি প্রেমের মুক্তি। ত্যাগের মুক্তি নয় যোগের মুক্তি। লয়ের মুক্তি নয় প্রকাশের মুক্তি।

৭ই বৈশাখ

মুক্তির পথ

যে ভাষা জানিনে সেই ভাষার কাব্য যদি শোনা যায় তবে শব্দগুলো কেবলি আমার কানে ঠেকতে থাকে—সেই ভাষা আমাকে পীড়া দেয়।

ভাষার সঙ্গে যখন পরিচয় হয় তখন শব্দ আর আমার বাধা হয় না। তখন তার স্তিতরকার ভাষাটি গ্রহণ করবামাত্র শব্দই আনন্দকর হয়ে ওঠে—তখন তাকে কাব্য বলে বুঝতে পারি ভোগ করতে পারি।

বালক যখন কোনো দুর্বোধ ভাষার কাব্য শোনার পীড়া হতে মুক্তি প্রার্থনা করে তখন কাব্য পাঠ বন্ধ করে তাকে যে মুক্তি দেওয়া যায় সে মুক্তির মূল্য অতি তুচ্ছ। কিন্তু সেই পাঠটিকে তার পক্ষে সত্য করে তুলে পূর্ণ করে

তুলে তাকে যে মূঢ়তার পীড়া হতে মুক্তি দেওয়া হয় সেই হচ্ছে যথার্থ মুক্তি, চিরন্তন মুক্তি ।

পৃথিবীতে তেমনি হওয়াতেই যদি আমরা দুঃখ পাই, তাকে আমরা ভবযন্ত্রণা বলি, জগৎ যদি আমাদের আনন্দ না দেয়—তবে বিশ্ব-কবির এই বিরাট কাব্যকে অর্থহীন অমূলক পদার্থ বলে এর থেকে নিষ্কৃতি পাওয়াকেই আমরা চরিতার্থতা বলব ।

কিন্তু এই কাব্যখানিকে আমরা নিজের ইচ্ছামত ছিঁড়ে পুড়িয়ে একেবারে এর চিহ্ন লোপ করে দিতে পারি এমন কথা মনে করবার কোনো হেতু নেই ।

সমুদ্রকে বিলুপ্ত করে দিয়ে সমুদ্র পার হবার চেষ্টা করার চেয়ে সমুদ্রে পাড়ি দিয়ে পার হওয়া ঢের বেশি সহজ । এ পর্য্যন্ত কোনো দেশের মানুষ সমুদ্র সৈঁচে ফেলবার চেষ্টা করেনি—তারা সাধ্যমত নৌকো জাহাজ বানিয়েছে ।

শান্তি নিকেতন

বিশ্বকাব্যকে নিরর্থক অপবাদ দিয়ে পুড়িয়ে
নষ্ট করবার তপস্যায় প্রবৃত্ত না হয়ে বিশ্বকাব্য
শোনাকে সার্থক করে তোলাই হচ্ছে যথার্থ
মুক্তি ।

এই বিশ্ব প্রকাশের রূপের মধ্যে যখন
আনন্দকে দেখে কেবলই রূপকে দেখে না
তখন রূপ আমাকে আর বাধা ধেবে না—সে
যে কেবল পথ ছেড়ে দেবে তা নয় আনন্দই
দেবে । ভাবটি বোধবামাত্র ভাষা যে কেবল
তার পীড়াকরতা ত্যাগ করে তা নয় ভাষা
তখন নিজের সৌন্দর্য উদ্ঘাটন করে আনন্দময়
হয়ে ওঠে—ভাবে ভাষার অন্তরে বাহিরে
মিলন তখন আমাদের মুগ্ধ করে । তখন
সেই ভাষার উপরে যদি কেউ কিছুমাত্র
হস্তক্ষেপ কবে সে আমাদের পক্ষে অসহ
হয়ে ওঠে ।

কিন্তু এই যে ভিতরকার আনন্দ এটা
বাহিরে থেকে বোঝা যায় না—এটা নিজের

মুক্তির পথ

ভিতর থেকেই বুঝতে হয়। যে ভাষা জানিনে কেবল মাত্র বাইরে থেকে বইয়ের উপর চোখ বুলিয়ে বুলিয়ে কোনো কালেই তাকে পাওয়া যায় না। চোখ কান সেখান থেকে প্রতি-হতই হতে থাকে। নিজের ভিতরকার জ্ঞানের শক্তিতেই তাকে বুঝতে হয়। যখন একবার ভিতর বৃষ্টি তখন বাইরে আর কোনো বাধা থাকে না। তখন বাইরেও আনন্দ প্রকাশিত হয়।

আমার মধ্যে যখন আনন্দের আবির্ভাব হয় তখন বাইরের আনন্দরূপ আপনি আমার কাছে অমৃত্তে পূর্ণ হয়ে দেখা দেয়। পাওয়াই পাওয়াকে 'টেনে' নিয়ে আসে। মরুভূমির রসহীন তপ্ত বাতাসের উর্দ্ধ দিয়ে কত মেঘ চলে যায়—শুষ্ক হাওয়া তার কাছ থেকে বৃষ্টি আদায় করে নিতে পারে না। যেখানে হাওয়ার মধ্যেই জল আছে সেখানে সজল মেঘের সঙ্গে তার যোগ হয়ে বর্ষণ উপস্থিত হয়।

শান্তিনিকেতন

আমার মধ্যে যদি আনন্দ না থাকে তবে বিশ্বের চিরানন্দ প্রবাহ আমার উপর দিয়ে নিরর্থক হয়েই চলে যায়—আমি তার কাছ থেকে রস আদায় করতে পারিনে।

আমার মধ্যে জ্ঞানের উন্মেষ হলে তখন সেই জ্ঞানদৃষ্টিতেই জানতে পারি বিশ্বের কোথাও জ্ঞানের ব্যত্যয় নেই—তাকেই আমরা বিজ্ঞান বলি। যে মূঢ়, যার জ্ঞানদৃষ্টি খোলে নি সে বিশ্বেও সর্বত্র মূঢ়তা দেখে, বিশ্ব তার কাছে ভূতপ্রেত দৈত্যদানায় বিভীষিকাপূর্ণ হয়ে ওঠে।

এমনি সকল বিষয়েই। আমার মধ্যে যদি প্রেম না জাগে আনন্দ না থাকে তবে বিশ্ব আমার পক্ষে কারাগার। সেই কারাগার থেকে পালাবার চেষ্টা মিথ্যা—প্রেমকে জাগিয়ে তোলাই মুক্তি। কোনো ব্যায়ামের দ্বারা কোনো কৌশলের দ্বারা মুক্তি নেই।

বিজ্ঞানের সাধনা যেমন আমাদের প্রাক্-

মুক্তির পথ

তিক জ্ঞানের বন্ধন মোচন করচে তেমনি মঙ্গলের সাধনাই আমাদের প্রেমের, আমাদের আনন্দের বন্ধন মোচন করে দেয়। এই মঙ্গল সাধনাই আমাদের সঙ্কীর্ণ প্রেমকে প্রশস্ত, খামখেয়ালি প্রেমকে জ্ঞানসম্মত করে তোলে।

বিজ্ঞানে প্রকৃতির মধ্যে আমাদের জ্ঞান যোগযুক্ত হয়—সে বিচ্ছিন্ন জ্ঞান নয়—সে অতাতে বর্তমানে ভবিষ্যতে দূরে ও নিকটে সর্বত্র ঐক্যের দ্বারা অনন্তের সঙ্গে যুক্ত। মঙ্গলেও তেমনি প্রেম সর্বত্র যোগযুক্ত হয়। সমস্ত সাময়িকতা ও স্থানিকতাকে অতিক্রম করে সে অনন্তে মিলিত হয়। তার কাছে দূর নিকটের ভেদ ঘোচে, পরিচিত অপরিচিতের ভেদ ঘুচে যায়। তখন প্রেমের বন্ধন মোচন হয়ে যায়। একেই ত বলে মুক্তি।

বুদ্ধদেব শূন্যকে মানতেন কি পূর্ণকে মানতেন! সে তর্কের মধ্যে যেতে চাইনে।

শান্তিনিকেতন

কিন্তু তিনি মঙ্গল সাধনার দ্বারা প্রেমকে
বিশ্বচরাচরে মুক্ত করতে উপদেশ দিয়েছিলেন।
তাঁর মুক্তির সাধনাই ছিল, স্বার্থত্যাগ,
অহঙ্কারত্যাগ, ক্রোধত্যাগের সাধনা—ক্ষমার
সাধনা, দয়ার সাধনা, প্রেমের সাধনা। এমনি
করে প্রেম যখন অহংএর শাসন অতিক্রম
করে বিশ্বের মধ্যে অনন্তের মধ্যে মুক্ত হয়
তখন সে যা পায় তাকে যে নামই দাওনা
কেন সে কেবল ভাষার বৈচিত্র্য মাত্র, কিন্তু
সেইই মুক্তি। এই প্রেম যা যেখানে আছে
কিছুকেই ত্যাগ করে না, সমস্তকেই সত্যময়
করে পূর্ণতম করে উপলব্ধি করে—নিজেকে
পূর্ণের মধ্যে সমর্পণ করবার কোনো বাধাই
মানে না।

আত্মার মধ্যে পরমাত্মার অনন্ত প্রেম
অনন্ত আনন্দকে অবাধে উপলব্ধি করবার
উপায় হচ্ছে,—পাপপরিশূন্য মঙ্গল সাধন।
সেই উপলব্ধি যতই বন্ধনহীন যতই সত্য হতে

মুক্তির পথ

থাকবে ততই বিশ্বসংসারে সমস্ত ইন্দ্রিয়বোধে
চিন্তায় ভাবে কর্মে আমাদের আনন্দ অব্যাহত
হবে। আমরা তখন পরমাত্মার দিক থেকেই
জগৎকে দেখব—নিজের দিক থেকে নয়।
তখনই জগতের সত্য আমাদের কাছে আনন্দে
পরিপূর্ণ হবে—মহাকবির চিরন্তন কাব্য আমা-
দের কাছে সার্থক হয়ে উঠবে।

৭ই বৈশাখ

শান্তিনিকেতন

(নবম)

শ্রীরবীন্দ্রনাথ ঠাকুর

ব্রহ্মচর্যাশ্রম

বোলপুর

মূল্য ১০ আনা ।

প্রকাশক

শ্রীচারুচন্দ্র বন্দ্যোপাধ্যায়
ইণ্ডিয়ান পার্লিশিং হাউস
২২, কর্ণওয়ালিস স্ট্রীট, কলিকাতা।

কান্তিক প্রেস

২০, কর্ণওয়ালিস স্ট্রীট, কলিকাতা
শ্রীহরিচরণ মাস্তা দ্বারা প্রদ্রিত।

সূচী

| | | | |
|-------------|-----|-----|-----|
| আশ্রম | ... | ... | ১ |
| তপোবন | ... | ... | ২৭ |
| ছুটির পর | ... | ... | ২৫ |
| বর্তমান যুগ | ... | ... | ১০৩ |

শান্তিনিকেতন



আশ্রম

(শান্তি নিকেতনের বাৎসরিক
উৎসব উপলক্ষ্যে)

প্রভাতের সূর্য্য, যে উৎসব দিনটির
পদ্মদলগুলিকে দিকে দিকে উদ্বাটিত করে
দিলেন তাবই, মর্শ্বকোষের মধ্যে প্রবেশ করবার
জন্তে আজ আমাদেব আহ্বান আছে।
তাক স্বর্গবেগুর অনুরালে যে মধু সঞ্চিত আছে
সেখান থেকে কি কোনো সুগন্ধ আজ আমাদের
হৃদয়ের মাঝখানে এসে পৌঁছয় নি? এই
বিধ উপবস্তের রহস্য-নিলয়ের ভিতরটিতে
প্রবেশের সহজ অধিকার আছে যার, সেই

শান্তিনিকেতন

চিন্তামধুকর কি আজও এখনো ঝাংল না ?
কোনো বাতাসে এখনো সে কি খবর পায় নি ?
আজকের দিন যে একটি অনেক দিনের
খবর নিয়ে বেরিয়েছে এবং সে যে সম্মুখের
অনেক দিনের দিকেই চলেছে। সে যে
দূর ভবিষ্যতের পথিক। আজ তাকে ধরে,
দাঁড় করিয়ে আমাদের প্রশ্ন করতে হবে,
তার যা কিছু কথা আছে সমস্ত আদায় করে
নেওয়া চাই। সমস্ত মন দিয়ে না জিজ্ঞাসা
করলে সে কাউকে কিছুই বলে না, তখন
আমরা মনে করি, এই গান, এই বাতাসধ্বনি,
এই জনতার কোলাহল, এই বৃষ্টি তার যা
ছিল সমস্ত, আর বৃষ্টি তার কোনো বাণী নেই !
কিন্তু এমন করে তাকে যেতে দেওয়া
হবে না—আজ এই সমস্ত কোলাহলের মাধ্যমে
যে নিস্তর হয়ে আছে সেই পথিকটিকে
জিজ্ঞাসা কর, আজ এ কিসের উদ্দেশ্য ?

প্রতি বৎসর বসন্তে আমার বনে ফলভরা

আশ্রম

শাখার মধ্যে দক্ষিণের বাতাস বহিতে থাকে—
সেই সময়ে আমের বনে তার বার্ষিক উৎসবের
ঘটা। কিন্তু এই উৎসবের উৎসবত্ব কি নিয়ে,
কিসের জন্তে? না, যে বীজ থেকে আমের
গাছ জন্মেছে সেই বীজ অমর হয়ে গেছে
এই শুভ খবরটি দেবার জন্তে। বৎসরে বৎসরে
ফল ধরচে—সে ফলের মধ্যে সেই একই
বীজ—সেই পুরাতন বীজ। সে আর
কিছুতেই ফুরচে না—সে নিত্যকালের পথে
নিজেকে দ্বিগুণিত চতুগুণিত সহস্রগুণিত
করে চলেছে।

শান্তিনিকেতনের সাধুসরিক উৎসবের
সফলতার মঞ্চস্থান যদি উদ্ঘাটন করে দেখি
তবে দেখতে পাব এর মধ্যে সেই বীজ
অমর হয়ে আছে যে বীজ থেকে এই আশ্রম-
বনস্পতি জন্মলাভ করেছে।

সে হচ্ছে/ সেই দীক্ষাগ্রহণের বীজ।
মহর্ষির সেই জীবনের দীক্ষা এই আশ্রম-

শান্তিনিকেতন

বনস্পতিতে আজ আমাদের জন্মে ফল্চে ;
এবং আমাদের আগামীকালের উত্তরবংশীয়দের
জন্মে ফল্তেই চলবে ।

বহুকাল পূর্বে কোন্ একদিনে মহর্ষি
দীক্ষাগ্রহণ করেছিলেন, সে খবর ক'জন
লোকই বা জান্ত ? যারা জেনেছিল যারা
দেখেছিল তারা মনে মনে ঠিক করেছিল
এই একটি ঘটনা আজকে ঘটল এবং আজকেই
এটা শেষ হয়ে গেল ।

কিন্তু এই দীক্ষাগ্রহণ ব্যাপারটিকে সেই
সুদূর কালের ৭ই পৌষ নিজের কয়েক ঘণ্টার
মধ্যে নিঃশেষ করে ফেলতে পারেনি । সেই
একটি দিনের মধ্যেই এ'কে কুলিয়ে উঠল না ।
সেদিন যার খবর কেউ পাননি এবং তারপরে
বহুকাল পর্যন্ত যার পরিচয় পৃথিবীর কাছে
অজ্ঞাত ছিল সেই ৭ই পৌষের দীক্ষার দিন
আজ অমর হয়ে বৎসরে বৎসরে উৎসব ফল
প্রসব করচে ।

আশ্রয়

আমাদের জীবনে কত শত ঘটনা ঘটে যাচ্ছে কিন্তু চিবপ্রাণ ত তাদের স্পর্শ করে না—তাঁরা ঘটে এবং মিলিয়ে যাচ্ছে তার হিসেব কোথাও থাকে না।

কিন্তু মহাপ্রাণ এসে কার জীবনের কোন্ মুহূর্তটিকে কখন লুকিয়ে স্পর্শ করে দেন, তার উপরে নিজের অদৃশ্য চিহ্নটি লিখে দিয়ে চলে যান—তারপরে তাকে কেউ না দেখুক না জামুক, সে হেলায় ফেলায় পড়ে থাকুক, তাকে আবর্জনা বলে লোকে কোঁটিয়ে ফেলুক—সেদিনকার এবং তারপরে বহুদিনকার ইতিহাসের পাতে তার কোনো উল্লেখ না থাকুক—কিন্তু সে রয়ে গেল। জগতের রাশি রাশি মৃত্যু ও বিস্মৃতির মাঝখান থেকে সে আপনার অঙ্কুরটি নিয়ে অতি অনীহাসে মাথা তুলে ওঠে—নিত্যকালের সূর্যালোক এবং নিত্যকালের সন্নিবিষ্টতা তাকে পালন করবার ভার গ্রহণ করে—সদাচঞ্চল সংসারের ভয়ঙ্কর

শান্তিনিকেতন

ঠেলাঠেলিতেও তাকে আর সরিঙ্গ ফেলতে পারে না।

মহর্ষির জীবনের একটি ৭ই' পৌষকে সেই প্রাণস্বরূপ অমৃতপুরুষ একদিন নিঃশব্দে স্পর্শ করে গিয়েছেন—তার উপবে আর মৃত্যুর অধিকার রইল না। সেই দিনটি তাঁর জীবনের সমস্ত দিনকে ব্যাপ্ত করে কি রকম করে প্রকাশ পেয়েছে তা কারও অগোচর নেই। তারপরে তাঁর দীর্ঘ জীবনের মধ্যেও সেই দিনটির শেষ হয়নি। আজও সে বেঁচে আছে—শুধু বেঁচে নেই, তার প্রাণশক্তির বিকাশ ক্রমশই প্রবলতর হয়ে উঠছে।

পৃথিবীতে আমরা অধিকাংশ লোকই প্রচ্ছন্ন হয়ে আছি আমাদের মধ্যে সেই প্রকাশ নেই যে প্রকাশকে ঋষি আহ্বান করে বলেছেন, আবিরাবীর্ষ্য এ—হে প্রকাশ, তুমি আমাতে প্রকাশিত হও !। তাঁর সেই

প্রকাশ যার জীবনে আবির্ভূত তিনি ত আর
নিজের ঘরের প্রাচীরের দ্বারা নিজেকে
আড়াল করে রাখতে পারেন না এবং তিনি
নিজের আয়ুটুকুর মধ্যেই নিজে সমাপ্ত হয়ে
থাকেন না। নিজের মধ্যে থেকে তাঁকে
সর্বদেশে এবং নিত্যকালে বাহির হতেই হবে।
সেই অশ্রুই উপনিষৎ বলেছেন

যদৈতম্ অনুপশ্যতি আত্মানং দেবম্ অঞ্জসা

ঈশানং ভূতভবাস্ত ন ততো বিজুগুপসতে।

যখন এই দেবতাকে এই পরমাত্মাকে,
এই ভূতভবিষ্যতের ঈশ্বরকে কোনো ব্যক্তি
সাক্ষাৎ দেখতে পান তখন তিনি আর
গোপনে থাকতে পারেন না।

তাঁকে যিনি সাক্ষাৎ দেখেছেন অর্থাৎ
একেবারে নিজের অন্তরাত্মার মাঝখানেই
দেখেছেন তাঁর আর পর্দা নেই, দেয়াল নেই,
প্রাচীর নেই, তিনি সমস্ত দেশের, সমস্ত
কালের। তাঁর কথার মধ্যে, আচরণের

শাস্তিনিকেতন

মধ্যে, নিত্যতার লক্ষণ আপনিই প্রকাশ
পেতে থাকে ।

এর কারণ কি ? এর কারণ' হচ্ছে এই
যে, তিনি যে আত্মানং, সকল আত্মার আত্মাকে
দেখেছেন । যারা সেই আত্মাকে দেখেনি তারা
অহংকেই বড় করে দেখে । তারা বাহিরের
দরজার কাছেই ঠেকে গিয়েছে । তারা কেবল
আমার খাওয়া আমার পরা, আমার বুদ্ধি
আমার মত, আমার খ্যাতি আমার বিত্ত—
একেই প্রধান করে দেখে । এই যে অহঙ্কার
এতে সত্য নেই, নিত্য নেই ; এ আলোকের
দ্বারা নিজেকে প্রকাশ করতে পারে না,
আঘাতের দ্বারা প্রকাশ করতে চেষ্টা করে ।

কিন্তু যে লোক আত্মাকে দেখেছে সে
আর অহংয়ের দিকে দৃকপাত করতে চায় না ।
তার সমস্ত অহংয়ের আরোজন পুড়ে ছাই
হয়ে যায় । যে প্রদীপে আলোকের শিখা
ধরে নি সেই ত নিজের প্রচুর তেল ও পলুতের

আশ্রম

সঞ্চয় নিয়ে গর্ক করে—আর যাতে আলো একবার ধরে গিয়েছে সে কি আর নিজের তেল পল্ডের দিকে ফিরে তাকায়? সে ঐ আলোটির পিছনে তার সমস্ত তেল সমস্ত পল্ডে উৎসর্গ করে দেয়। কিন্তু সে একেবারে প্রকাশ হয়ে পড়ে, সে আর নিজের আড়ালে গোপনে থাকতে পারে না।

ন ততো বিজুগুপ্সতে। কেন? কেননা তিনি অনুপশ্চতি আত্মানং দেবং। তিনি আত্মাকে দেখেছেন, দেবকে দেখেছেন। দেব শব্দের অর্থ দীপ্তিমান। আত্মা যে দেব, আত্মা যে জ্যোতির্য়ম। আত্মা যে স্বতঃপ্রকাশিত। অহং প্রদীপ মাত্র, আর আত্মা যে আলোক। অহং দীপ যখন এই দীপ্তিকে এই আত্মাকে উপলক্ষ করে তখন সে কি আর অহংকারের সঞ্চয় নিয়ে থাকে? তখন সে আপনার সব দিয়েই সেই আলোককেই প্রকাশ করে।

সে যে তাঁকে দেখেছে যিনি ঈশানো

শান্তিনিকেতন

ভূতভব্য, যিনি অতীত ও ভবিষ্যতের
অধিপতি। সেই জগ্ৰেই সে যে সেই বৃহৎ
কালের ক্ষেত্রেই আপনাকে এবং সব 'কিছুকেই
দেখতে পায়। সে ত কোনো সাময়িক
আসক্তির দ্বারা বদ্ধ হয় না কোনো সাময়িক
ক্ষোভের দ্বারা বিচলিত হতে পারে না। এই
জগ্ৰেই তার বাক্য ও কর্ম নিত্য হয়ে ওঠে—
তা কালে কালে ক্রমশই প্রবলতর হয়ে ব্যক্ত
হতে থাকে, যদি বা কোনো এক সময়ে কোনো
कारणे তা আচ্ছন্ন হয়ে পড়ে তবে নিজের
আচ্ছাদনকে দগ্ধ করে' আবার নবীনতর
উজ্জ্বলতায় সে দীপ্যমান হয়ে ওঠে।

মহর্ষির এই পোষের দীক্ষার উপরে আত্মার
দীপ্তি পড়েছিল—তার উপরে ভূত ভবিষ্যতের
যিনি ঈশান তাঁর আবির্ভাব হয়েছিল—এই
জগ্ৰে সেই দীক্ষা ভিতরে থেকে তাঁর জীবনকে
ধনী গৃহের প্রস্তরকঠিন আচ্ছাদন থেকে
সর্বদেশ সর্বকালের দিকে উদঘাটিত করে

দিয়েছে—এবং সেই ৭ই পৌষ এই শান্তি-
নিকেতন আশ্রমকে সৃষ্টি করেছে এবং এখনও
প্রতিদিন এ'কে সৃষ্টি করে তুলে।

তিনি আজ প্রায় অর্ধ শতাব্দী হল যেদিন
এর সপ্তপর্ণের ছায়ায় এসে বসলেন সেদিন
তিনি জানতেন না যে, তাঁর জীবনের সাধনা
এইখানে নিত্য হয়ে বিরাজ করবে। তিনি
ভেবেছিলেন নির্জন উপাসনার জন্তে এখানে
তিনি একটি বাগান তৈরি করেছেন। কিন্তু
ন ততো বিজুগুপ্সতে। যে জায়গায় বড় এসে
দাঁড়ান সে জায়গাকে ছোট বেড়া দিয়ে আঁর
ঘেরা যায় না। ধনীর সন্তান নিজেকে যেমন
পারিবারিক ধনমানসম্মতের মধ্যে ধরে রাখতে
পারেন নি সকলের কাছে তাঁকে বেয়িয়ে
পড়তে হয়েছে—তেনি এই শান্তিনিকেতনকেও
তিনি আর বাগান করে রাখতে পারলেন না—
এ তাঁর বিষয়সম্পত্তির আবরণকে বিদীর্ণ করে
ফেলে বেয়িয়ে পড়েছে,—এ আপনিই আজ

শান্তিনিকেতন

আশ্রম হয়ে দাঁড়িয়েছে। যিনি ঈশানো ভূত-ভবাস্ত্র, তাঁর স্পর্শে বোলপুরের মাঠের এই ভূখণ্ডটুকু ভূত এবং ভবিষ্যতের মধ্যে ব্যাণ্ড হয়ে দেখা দিয়েছে।

এই আশ্রমটির মধ্যে ভারতবর্ষের একটি ভূতকালের আবির্ভাব আছে। সে হচ্ছে সেই তপোবনের কাল। যে কালে ভারতবর্ষ তপোবনে শিক্ষালাভ করেছে, তপোবনে সাধনা করেছে এবং সংসারের কৰ্ম সমাধা করে তপোবনে জীবিতেশ্বরের কাছে জীবনের শেষ নিঃশ্বাস নিবেদন করে দিয়েছে। যে কালে ভারতবর্ষ জল স্থল আকাশের সঙ্গে আপনার যোগ স্থাপন করেছে এবং তরুলতা পশুপক্ষীর সঙ্গে আপনার বিচ্ছেদ দূর করে দিয়ে “সৰ্বভূতেশু চাত্মানং” আত্মাকে সৰ্বভূতের মধ্যে দর্শন করেছে।

শুধু ভূতকাল নয়, ~~এই~~ আশ্রমটির মধ্যে একটি ভবিষ্যৎকালের আবির্ভাব আছে। কারণ, সত্য কোন অতীতকালের জিনিষ

আশ্রম

হতেই পারে না। যা একেবারেই হয়ে চুকে গেছে, যার মধ্যে ভবিষ্যতে আর হবার কিছুই নেই তা মিথ্যা, তা মায়া। বিশ্বপ্রকৃতির মাঝখানে দাঁড়িয়ে আবার সঙ্গে ভূমার যোগ-সাধনা এই যদি সত্য সাধনা হয় তবে এই সাধনার মধ্যে এসে উপস্থিত না হলে কোনো কালের কোনো সমস্তার মীমাংসা হতে পারবে না। এই সাধনা না থাকলে সত্যের সঙ্গে মঙ্গলকে আমরা এক করে দেখতে পাব না—মঙ্গলের সঙ্গে সুন্দরের আমরা বিচ্ছেদ ঘুটিয়ে বসব—এই সাধনা না থাকলে আমরা জগতে অনৈক্যকেই বড় করে জানব এবং স্বাতন্ত্র্যকেই পরম পদার্থ বলে জ্ঞান করব—পরম্পরকে খর্ব করে প্রবণ হয়ে ওঠবার জন্তু কেবলই ঠেলা-ঠেলি করতে থাকব—সমস্তকে এক করে নিয়ে যিনি শাস্ত্র শিরসে অধৈতংক্রমে বিরাজ করছেন তাঁকে সর্বত্র উপলব্ধি করবার জন্তে না পাব অবকাশ, না পাব মনের শান্তি।

শান্তিনিকেতন

অতএব সংসারের সমস্ত ঘাত ঐতিঘাত
কাড়াকাড়ি মারামারি যাতে একান্ত হয়ে
উত্তপ্ত হয়ে না ওঠে সে জন্মে এক জাগ্গায়
শান্তং শিবং অহৈতং-এর সুরটিকে বিশুদ্ধভাবে
জাগিয়ে রাখবার জন্মে তপোবনের প্রয়োজন।
সেখানে ক্ষণিকের আবর্ত নয়, সেখানে নিত্যের
আবির্ভাব, সেখানে পরস্পরের বিচ্ছেদ নয়
সেখানে সকলের সঙ্গে যোগের উপলব্ধি।
সেখানকারই প্রার্থনামন্ত্র হচ্ছে অসতোমা
সদ্গময়, তমসোমা জ্যোতির্গময়, মৃত্যোর্মা-
মৃতংগময়।

সেই তপোবনটি মহর্ষির জীবনের প্রভাবে
এখানে আপনি হয়ে উঠেছে। এখানকার
বিরাট প্রাস্তরের মধ্যে তপস্যার দীপ্তি আপনিই
বিস্তীর্ণ হয়েছে; এখানকার তরুণতার মধ্যে
সাধনার নিবিড়তা আপনিই সঞ্চিত হয়ে
উঠেছে; ঈশানো ভূতভব্যস্ত এখানকার
আকাশের মধ্যে তাঁর একটি বড় অগ্নি পেতে-

আশ্রম

ছেন। সেই মহৎ আবির্ভাবটি আশ্রমবাসী
প্রত্যেকের মধ্যে প্রতিদিন কাজ করচে।
প্রত্যেক দিনটি প্রাস্তরের প্রাস্ত হতে নিঃশব্দে
উঠে এসে তাদের দুই চক্ষুকে আলোকের
অভিষেক নিৰ্মল করে দিচ্ছে—সমস্ত দিনই
আকাশ অলক্ষ্যে তাদের অস্তরের মধ্যে প্রবেশ
করে জীবনের সমস্ত সঙ্কোচগুলিকে দুই হাত
দিয়ে ধীরে ধীরে প্রসারিত করে দিচ্ছে—
তাদের হৃদয়ের গ্রন্থি অল্পে অল্পে মোচন হচ্ছে,
তাদের সংস্কারের আবরণ ধীরে ধীরে ক্ষয় হয়ে
যাচ্ছে, তাদের ধৈর্য্য দৃঢ়তর ক্ষমা গভীর-
তর হয়ে উঠছে—এবং আনন্দময় পরমাত্মার
সঙ্গে তাদের অব্যবহিত চেতনাময় যোগের
ব্যবধান একদিন ক্ষীণ হয়ে দূর হয়ে যাবে
সেই শুভক্ষণের জন্তে তারা প্রতিদিন পূর্ণতর
আশার সঙ্গে প্রতীক্ষা করে আছে। তারা
দুঃখকে অপমানকে আঘাতকে উদার শক্তির
সঙ্গে বহন করবার জন্তে দিনে দিনে প্রস্তুত

শান্তিনিকেতন

হচ্ছে—এবং যে জ্যোতির্শ্বর পরমানন্দে ধারা
বিখের দুই কুলকে উদ্বল করে দিয়ে নিরন্তর-
ধারায় দিক্দিগন্তরে বারে পড়ে যাচ্ছে জীবনকে
তারই কাছে নত করে ধরবার জন্তে তারা
একটি আহ্বান গুন্তে পাচ্ছে।

এই তপোবনটির মধ্যে একটি নিগূঢ় রহস্য-
ময় সৃষ্টির কাজ চলছে সেই রহস্যটি আমাদের
মধ্যে কে দেখতে পাচ্ছে! যে একটি জীবন
দেহের আবরণ আজ ঘুচিয়ে দিয়ে পরমপ্রাণের
পদপ্রান্তে আপনাকে সম্পূর্ণ সমর্পণ করে
দিয়েছে সেই জীবনের ভাষামুক্ত স্বরমুক্ত
অতি বিশুদ্ধ আনন্দ এখানকার নিস্তর্র আকা-
শের মধ্যে নিশ্চল ভক্তিরসে সরস একটি
পবিত্র বাণীকে কেবলি বিকীর্ণ করছে—কেবলি
বল্চে তিনি আমার প্রাণের আরাম আশ্রয়
শান্তি, মনের আনন্দ, সে বলা আর শেষ হচ্ছে
না—সেই আনন্দের কাজ আর ফুরালো না।

জগতে একমাত্র আনন্দই যে সৃষ্টি করে,

সৃষ্টির শক্তি ত আর কিছুই নেই। এখানকার আকাশপ্লাবী অনারিত আলোকের মাঝখানে বসে আনন্দের সঙ্গে তাঁর যে আনন্দ মিলেছিল, সেই আনন্দ, সেই আনন্দ সম্মিলন ত শূন্যতার মধ্যে বিলীন হতে পারে না। সেই আনন্দই আজও সৃষ্টি করচে, এই আশ্রমকে সৃষ্টি করে তুলেছে—এখানকার গাছপালার শ্রামলতার উপরে একটি প্রগাঢ় শাস্তির স্নিগ্ধ অঙ্গন প্রতিদিন যেন নিবিড় করে মাথিরে দিচ্ছে। অনেকদিনের অনেক সুগভীর আনন্দ-মুহূর্ত এখানকার সূর্যোদয়কে, সূর্যাস্তকে এবং নিশীথ রাত্রে নীরব নক্ষত্রলোককে দেবর্ষি নারদের বীণার তারগুলির মত অনির্বাচনীয় ভক্তির সুরে আজও কম্পিত করে তুলে। সেই আনন্দসৃষ্টির অমৃতময় রহস্য আমরা আশ্রমবাসীরা কি প্রতিদিন উপলব্ধি করতে পারব না? একদিন একজন সাধক অকস্মাৎ কোথা থেকে কোথায় যেতে 'যেতে

শান্তিনিকেতন

এই ছায়াশূন্য বিপুল প্রাস্তরের মধ্যে যুগল
সপ্তপর্ণ গাছের তলায় বসলেন—সেই দিনটি
আর মরলনা—সেই দিনটি বিশ্বকর্মীর সৃষ্টি-
শক্তির মধ্যে চিরদিনের মত আটকা পড়ে
গেল, শূন্য প্রাস্তরের পটের উপরে রঙের
পর রং, প্রাণের পর প্রাণ ফলিয়ে তুলতে
লাগল—যেখানে কিছুই ছিল না, যেখানে
ছিল বিভীষিকা সেখানে একটি পূর্ণতার মূর্তি
প্রথমে আভাসে দেখা দিল তার পরে ক্রমে
ক্রমে দিনে দিনে বর্ষে বর্ষে স্পষ্টতর হয়ে উঠতে
লাগল, এই যে আশ্চর্য্য রহস্য, জীবনের নিগূঢ়
ক্রিয়া, আনন্দের নিত্যলীলা, সে কি আমরা
এখানকার শালবনের মর্মরে, এখানকার
আম্রবনের ছায়াতলে উপলব্ধি করতে পারব না ?
শরৎের অপরিমেয় শুভ্রতা যখন এখানে শিউলি
ফুলের অক্ষয় বিকাশে মধ্যে আপনাকে
প্রভাতের পর প্রভাতে ব্যক্ত করে করে
কিছুতে আর ক্রান্তি মানতে চায় না তখন সেই

অপর্যাপ্ত, পুষ্পবৃষ্টির মধ্যে আরও একটি
 অপরূপ শুভতার অমৃত বর্ষণ কি নিঃশব্দে
 আমাদের জীবনের মধ্যে অবতীর্ণ হতে
 থাকে না? এই পৌষের শীতের প্রভাতে
 দিক্‌প্রান্তের উপর থেকে একটি সূক্ষ্ম শুভ
 কুহেলিকার আচ্ছাদন যখন উঠে যায়, আমলকী-
 কুঞ্জের ফলভারপূর্ণ কম্পিত শাখাগুলির মধ্যে
 উত্তর বায়ু সূর্য্যকিরণকে পাতায় পাতায় নৃত্য
 করাতে থাকে এবং সমস্ত দিন শীতের রৌদ্র
 এখানকার অবাধ-প্রসারিত মাঠের উপরকার
 সূদূরতাকে একটি অনির্কচনীয় বাণীর দ্বারা
 ব্যাকুল করে তোলে, তখন এর ভিতর থেকে
 আর একটি গভীরতর আনন্দ-সাধনার স্মৃতি কি
 আমাদের হৃদয়ের মধ্যে ব্যাপ্ত হয়ে পড়ে না?
 একটি পবিত্র প্রভাব, একটি অপরূপ সৌন্দর্য্য,
 একটী পরম প্রেমংগকি ঋতুতে ঋতুতে ফল
 পুষ্প পল্লবের নব নব বিকাশে আমাদের সমস্ত
 অস্তঃকরণে তার অধিকার বিস্তার করচে না?

শান্তিনিকেতন

নিশ্চয়ই করচে। কেননা এই ধীনেই যে একদিন সকলের চেয়ে বড় রহস্য নিকেতনের একটি দ্বার খুলে গিয়েছে—এখানে গাছের তলায় প্রেমের সঙ্গে প্রেম মিলেছে, দুই আনন্দ এক হয়েছে—যেই এষঃ অশ্রু পরম আনন্দঃ যে ইনি ইহার পরমানন্দ সেই ইনি এবং একতদিন এইখানে মিলেছে—হঠাৎ কত উষার আলোয়, কত দিনের অবসানবেলায়, কত নিশীথ রাত্তির নিস্তক প্রহরে—প্রেমের সঙ্গে প্রেম, আনন্দের সঙ্গে আনন্দ! সেদিন যে দ্বার খোলা হয়েছে সেই দ্বারের সম্মুখে এসে আমরা দাঁড়িয়েছি, কিছুই কি শুন্তে পাব না? কাটকেই কি দেখা যাবে না? সেই মুক্ত দ্বারের সামনে আজ আমাদের উৎসবের মেলা বসেছে, ভিতর থেকে কি একটি আনন্দ গান বাহির হয়ে এসে আমাদের এই সমস্ত দিনের কলরবকে সুধাসিক্ত করে তুলবে না? না, তা এখনই হতে পারে না। বিমুখ চিত্তও

আশ্রম

ফিরবে, প্লাষণ হৃদয়ও গলবে, শুষ্ক শাখাতেও ফুল ফুটে উঠবে। হে শান্তিনিকেতনের অধিদেবতা, পৃথিবীতে যেখানেই মানুষের চিত্ত বাধামুক্ত পবিত্র প্রেমের দ্বারা তোমাকে স্পর্শ করেছে সেখানেই অমৃতবর্ষণে একটি আশ্চর্য্য শক্তি সঞ্চার হয়েছে—সে শক্তি কিছুতেই নষ্ট হয় না, সে শক্তি চারিদিকের গাছপালাকেও জড়িয়ে ওঠে, চারিদিকের বাতাসকে পূর্ণ করে। কিন্তু তোমার এই একটি আশ্চর্য্য লীলা, শক্তিকে তুমি আমাদের কাছে প্রত্যক্ষ করে রেখে দিতে চাও না। তোমার পৃথিবী আমাদের একটি প্রচণ্ড টানে টেনে রেখেছে, কিন্তু তার দড়িদড়া তাব টানাটানি কিছুই চোখে পড়ে না—তোমার বাতাস আমাদের উপর যে ভার চাপিয়ে রেখেছে সেটি কম ভার নয়, কিন্তু বাতাসকে আমরা ভারী বলেই জানিনে; তোমার সূর্যালোক নানা প্রকারে আমাদের উপর যে শক্তি প্রয়োগ করচে যদি গণনা

শান্তিনিকেতন

করতে যাই তার পরিমাণ দেখে আমরা স্তম্ভিত হয়ে যাই কিন্তু তাকে আমরা আলো বলেই জানি শক্তি বলে জানিনে। তোমার শক্তির উপরে তুমি এই একটি হুকুম জারি করেছ সে লুকিয়ে লুকিয়ে আমাদের কাজ করবে এবং দেখাবে যেন সে খেলা করচে।

কিন্তু তোমার এই আধিভৌতিক শক্তি, যা আলো হয়ে আমাদের সামনে নানা রঙের ছবি আঁকচে, যা বাতাস হয়ে আমাদের কানে নানা সুরে গান করচে, যা বল্চে “আমি জল,” বলে, আমাদের স্নান कराচে, যা বল্চে আমি স্থল বলে আমাদের কোলে করে রেখেছে—যখন শক্তির সঙ্গে আমাদের জ্ঞানের যোগ হয়, যখন তাকে আমরা শক্তি বলেই জানতে পারি—তখন তার ক্রিয়ায় আমরা অনেক বেশি করে অনেক বিচিত্র করে লাভ করি ; তখন তোমার যে শক্তি আমাদের কাছে সম্পূর্ণ আত্মগোপন করে কাজ করছিল সে আর ন ততো বিজু-

আশ্রম

শুপ্ততে—তখন বাষ্পের শক্তি আমাদের দূরে
বহন করে, বিদ্যুতের শক্তি আমাদের দুঃসাধ্য
প্রয়োজন সকল সাধন করতে থাকে। তেমনি
তোমার অধ্যাত্ম শক্তি আনন্দের প্রস্রবণ থেকে
উচ্ছসিত হয়ে উঠে এই আশ্রমটির মধ্যে আপ-
নিই নিঃশব্দে কাজ করে যাচ্ছে, দিনে দিনে
ধীবে ধীবে, গভীরে গোপনে—কিন্তু সচেতন
সাধনাব দ্বারা যে মুহূর্তে আমাদের বোধের সঙ্গে
তার যোগ ঘটে যায় সেই মুহূর্ত হতেই সেই
শক্তির ক্রিয়া দেখতে দেখতে আমাদের জীব-
নের মধ্যে পবিব্যাপ্ত ও বিচিত্র হয়ে ওঠে।
তখন সেই যে কেবল একলা কাজ করে তা
নয়, আমরাও তখন তাকে কাজে লাগাতে
পাবি। তখন তাতে আঘাতে মিলে সে
এক আশ্চর্য ব্যাপার হয়ে উঠতে থাকে।
তখন যাকে কেবলমাত্র চোখে দেখতুম,
কানে শুনতুম, অন্তর বাহিবের যোগে তার
অনন্ত আনন্দরূপটি একেবারে প্রত্যক্ষ হয়ে

শান্তিনিকেতন

ওঠে—সে আর ন ততো বিজুগুপ্সতে ।
সে ত কেবল বস্তু নয়, কেবল ধ্বনি নয়,
সেই আনন্দ, সেই আনন্দ ।

জ্ঞানের যোগে আমরা জগতে তোমার
শক্তিরূপ দেখি, অধ্যাত্মযোগে জগতে তোমার
আনন্দরূপ দেখতে পাই । তোমার সাধকের
এই আশ্রমটির যে একটি আনন্দরূপ আছে
সেইটি দেখতে পেলেই আমাদের আশ্রমবাসের
সার্থকতা হবে । কিন্তু সেটি ত অচেতনভাবে
হবে না, সেটি ত মুখ ফিরিয়ে থাকলে পাব না ।
হে যোগী, তুমি যে আমাদের দিক থেকেও
যোগ চাও—জ্ঞানের যোগ, প্রেমের যোগ,
কর্মের যোগ । আমরা শক্তির দ্বারাই তোমার
শক্তিকে পাব ভিক্ষার দ্বারা নয় এই তোমার
অভিপ্রায় । তোমার জগতে যে ভিক্ষুকতা
করে সেই সদা চেয়ে বঞ্চিত হয় । যে সাধক
আত্মার শক্তিকে জাগ্রত করে' আত্মানং
পরিপশ্যতি, ন ততো বিজুগুপ্সতে ; সে এমনি

আশ্রম

পরিপূর্ণ হয়ে ওঠে যে আপনাকে আর গোপন করতে পারে না। আজ উৎসবের দিনে তোমার কাছে সেই শক্তির দীক্ষা আমরা গ্রহণ করব। আমরা আজ জাগ্রত হব, চিত্তকে সচেতন করব, হৃদয়কে নিৰ্ম্মল করব, আমরা আজ যথার্থ ভাবে এই আশ্রমের মধ্যে প্রবেশ করব। আমরা এই আশ্রমকে গভীর করে, বৃহৎ করে, সত্য করে, ভূত ও ভবিষ্যতের সঙ্গে একে সংযুক্ত করে দেখব, যে সাধক এখানে তপস্বী করেছেন তাঁর আনন্দময় বাণী এর সর্বত্র বিকীর্ণ হয়ে রয়েছে সেটি আমরা অন্তরের মধ্যে অনুভব করব—এবং তাঁর সেই জীবনপূর্ণ বাণীর দ্বারা বাহিত হয়ে এখানকার ছায়ায় এবং আলোকে, আকাশে এবং প্রান্তরে, কন্ঠে এবং বিশ্রামে, আমাদের জীবন তোমার অচল আশ্রয়ে, নিবিড় প্রেম, নিরন্তর আনন্দে গিয়ে উত্তীর্ণ হবে এবং চন্দ্র সূর্য অগ্নি বায়ু তরুলতা পশুপক্ষী কীট পতঙ্গ সকলের মধ্যে

শান্তিনিকেতন

তোমার গভীর শান্তি, উদার মঙ্গল ও প্রগাঢ়
অদ্বৈতরস অনুভব করে শক্তিতে এবং ভক্তিতে
সকল দিকেই পরিপূর্ণ হয়ে উঠতে থাকবে।

৭ই পৌষ, প্রাতঃকাল, ১৩১৬



তপোবন

আধুনিক সভ্যতালক্ষী যে পদের উপর বাস করেন সেটি ইঁট কাঠে তৈরি—সেটি সহর। উন্নতির সূর্য্য যতই মধ্যগগনে উঠচে ততই তার দলগুলি একটি একটি করে খুলে গিয়ে ক্রমশই চারদিকে ব্যাপ্ত হয়ে পড়চে। চুন সুরকির জয়যাত্রাকে বহুক্ষরা কোথাও ঠেকিয়ে রাখতে পারচে না।

এই সহরেই মানুষ বিদ্যা শিখচে, বিদ্যা প্রয়োগ করচে, ধন জমাচ্ছে, ধন খরচ করচে, নিজেকে নানাদিক থেকে শক্তি ও সম্পদে পূর্ণ করে তুলচে। এই সভ্যতায় সকল্বেব চেয়ে যা কিছু শ্রেষ্ঠ পদার্থ তা নগরের সামগ্রী।

বস্তুতঃ এছাড়া অন্য রকম কল্পনা করা শক্ত। যেখানে অনেক মানুষের সম্মিলন সেখানে বিচিত্র বুদ্ধির সংঘাতে চিত্ত জাগ্রিত

শান্তিনিকেতন

হয়ে ওঠে—এবং চারদিক থেকে ধাক্কা খেয়ে
প্রত্যেকের শক্তি গতি প্রাপ্ত হয়। এমন করে
চিত্তসমুদ্রের মন্থন হতে থাকলে মানুষের নিগূঢ়
সার পদার্থ সকল আপনিই ভেসে উঠতে থাকে।

তার পরে মানুষের শক্তি যখন জেগে ওঠে
তখন সে সহজেই এমন ক্ষেত্র চায় যেখানে
আপনাকে ফলাও রকম করে প্রয়োগ করতে
পারে। সে ক্ষেত্র কোথায়? যেখানে অনেক
মানুষের অনেক প্রকার উত্তম নানা সৃষ্টিকার্যে
সর্বদাই সচেষ্ট হয়ে রয়েছে। সেই ক্ষেত্রই
হচ্ছে সহর।

গোড়ায় মানুষ যখন খুব ভিড় করে এক
জায়গায় সহর সৃষ্টি করে বসে তখন সেটা
সভ্যতার আকর্ষণে নয়। অধিকাংশ স্থলেই
শত্রুপক্ষের আক্রমণ থেকে আত্মরক্ষার জগ্বে
কোনো সুরক্ষিত সুবিধার জায়গায় মানুষ
একত্র হয়ে থাকবার প্রয়োজন অনুভব করে।
কিন্তু যে কারণেই হোক, অনেকে একত্র হবার

একটা উপলক্ষ্য ঘটলেই সেখানে নানা লোকের প্রয়োজন এবং বুদ্ধি একটা কলেররবন্ধ আকার ধারণ করে এবং সেইখানেই সভ্যতার অভিব্যক্তি আপনি ঘটতে থাকে।

কিন্তু ভারতবর্ষে এই একটি আশ্চর্য্য ব্যাপার দেখা গেছে, এখানকার সভ্যতার মূল প্রস্রবণ সহরে নয়, বনে। ভারতবর্ষের প্রথমতম আশ্চর্য্য বিকাশ যেখানে দেখতে পাই সেখানে মানুষের সঙ্গে মানুষ অত্যন্ত ঘেঁষাঘেঁষি করে একেবারে পিণ্ড পাকিয়ে ওঠেনি। সেখানে গাছপালা নদী সরোবর মানুষের সঙ্গে মিলে থাকবার যথেষ্ট অবকাশ পেয়েছিল। সেখানে মানুষও ছিল, ফাঁকাও ছিল,—ঠেলা-ঠেলি ছিল না। অথচ এই ফাঁকায় ভারতবর্ষের চিত্তকে জড়প্রায় করে দেয় নি বরঞ্চ তার চেতনাকে আরও উজ্জ্বল করে দিয়েছিল। এরকম ঘটনা অগতে আর কোথাও ঘটেছে বলে দেখা যায় না।

শান্তিনিকেতন

আমরা এই দেখেছি, যে সব মানুষ অবস্থা-
গতিকে বনের মধ্যে আবদ্ধ হয়ে পড়ে, তারা
বুনো হয়ে ওঠে। হয়, তারা বাঘের মত
হিংস্র হয়, নয় তারা হরিণের মত নির্কোষ
হয়।

কিন্তু প্রাচীন ভারতবর্ষে দেখতে পাই
অরণ্যের নির্জনতা মানুষের বুদ্ধিকে অভিভূত
করেনি বরঞ্চ তাকে এমন একটি শক্তি দান
করেছিল যে, সেই অরণ্যবাসিনিঃসৃত সভ্যতার
ধারা সমস্ত ভারতবর্ষকে অভিষিক্ত করে
দিয়েছে এবং আজ পর্যন্ত তার প্রবাহ বন্ধ হয়ে
যায়নি।

এই রকমে অরণ্যবাসিনীর সাধনা থেকে
ভারতবর্ষ সভ্যতার যে শ্রৈতি (energy) লাভ
করেছিল সেটা নৃত্যিক বাইরের সংঘাত থেকে
ঘটেনি, নানা প্রয়োজনের প্রতিযোগিতা থেকে
জাগেনি এইজন্যে সেই শক্তিটা প্রধানতঃ
বহিঃশক্তিমুখী হয়নি। সে ধ্যানের দ্বারা বিশ্বের

তপোবন

গভীরতার মধ্যে প্রবেশ করেছে—নিধিলের সঙ্গে আত্মার যোগ স্থাপন করেছে। সেইজ্ঞে ঐশ্বর্যের উপকরণেই প্রধানভাবে ভারতবর্ষ আপনার সভ্যতার পরিচয় দেয়নি। এই সভ্যতার যারা কাণ্ডারী তাঁরা নির্জনবাসী, তাঁরা বিরলবসন তপস্বী।

সমুদ্রতীর যে জাতিকে পালন করেছে তাকে বাণিজ্যসম্পদ দিয়েছে, মরুভূমি যাদের অল্পসুখদানে ক্ষুধিত করে রেখেছে তারা দিগ্বিজয়ী হয়েছে—এমনি করে এক একটি বিশেষ সুযোগে মানুষের শক্তি এক একটি বিশেষ পথ পেয়েছে।

সমতল আর্য্যাবর্তের অরণ্যভূমিও ভারতবর্ষকে একটি বিশেষ সুযোগ দিয়েছিল। ভারতবর্ষের বুদ্ধিকে সে জগতের অন্তরতম রহস্যলোক আবিষ্কারে প্রেরণ করেছিল। সেই মহাসমুদ্রতীরের নানা সূদূর দ্বীপ দ্বীপাশ্তুর থেকে সে যে সমস্ত সম্পদ আহরণ করে এনেছিল, সমস্ত

শাস্তিনিকেতন

মানুষকেই দিনে দিনে তার প্রয়োজন স্বীকার করতেই হবে। যে ওষধি বনস্পতির মধ্যে প্রকৃতির প্রাণের ক্রিয়া দিনে রাত্রে ও ঋতুতে ঋতুতে প্রত্যক্ষ হয়ে ওঠে এবং প্রাণের লীলা নানা নানা অপরূপ ভঙ্গীতে, ধ্বনিতে ও রূপ-বৈচিত্র্যে নিরন্তর নূতন নূতন ভাবে প্রকাশিত হতে থাকে তারি মাঝখানে ধ্যানপরায়ণ চিত্ত নিয়ে যাঁরা ছিলেন তাঁরা নিজের চারিদিকেই একটি আনন্দময় রহস্যকে সুস্পষ্ট উপলব্ধি করেছিলেন ; সেইজন্মে তাঁরা এত সহজে বলতে পেরেছিলেন—“যদিদং কিঞ্চ সর্বং প্রাণ এজতি নিঃসৃতং” এই যা কিছু সমস্তই পরমপ্রাণ হতে নিঃসৃত হয়ে প্রাণের মধ্যেই কম্পিত হচ্ছে। তাঁরা স্বরচিত ইটকাঠলোহার কঠিন খাঁচার মধ্যে ছিলেন না—তাঁরা যেখানে বাস করতেন সেখানে বিশ্বব্যাপী বিরাট জীবনের সঙ্গে তাঁদের জীবনের অবারিত যোগ ছিল। এই বন তাঁদের ছায়া দিয়েছে, ফল ফুল দিয়েছে,

তপোবন

কুশসমিৎ জুগিয়েছে, তাঁদের প্রতিদিনের সমস্ত কর্ম, অবকাশ ও প্রয়োজনের সঙ্গে এই বনের আদানপ্রদানের জীবনময় সম্বন্ধ ছিল। এই উপায়েই নিজের জীবনকে তাঁরা চারিদিকের একটি বড় জীবনের সঙ্গে যুক্ত করে জানতে পেরেছিলেন। চতুর্দিককে তাঁরা শূন্য বলে, নির্জীব বলে, পৃথক বলে জানতেন না। বিশ্ব-প্রকৃতির ভিতর দিয়ে আলোক, বাতাস, অন্নজল প্রভৃতি যে সমস্ত দান তাঁরা গ্রহণ করেছিলেন সেই দানগুলি যে মাটির নয়, গাছের নয়, শূন্য আকাশের নয়, একটি চেতনাময় অনন্ত আনন্দের মধ্যেই তার মূল প্রস্রবণ এইটি তাঁরা একটি সহজ অনুভবের দ্বারা জানতে পেরেছিলেন—সেইজন্টেই নিশ্বাস, আচ্ছা, অন্নজল সমস্তই তাঁরা শ্রদ্ধার সঙ্গে ভক্তির সঙ্গে গ্রহণ করেছিলেন। এইজন্টেই নিখিলচর্চাকে নিজের প্রাণের দ্বারা, চেতনাব দ্বারা, হৃদয়ের দ্বারা, বোধের দ্বারা, নিজের অংগার সঙ্গে

শাস্তিনিকেতন

আত্মীয়রূপে এক করে পাওয়াই ভারতবর্ষের
পাওয়া ।

এর থেকেই বোঝা যাবে বন ভারতবর্ষের
চিত্তকে নিজের নিভৃত ছায়ার মধ্যে নিগূঢ়-
প্রাণের মধ্যে কেমন করে পালন করেছে ।
ভারতবর্ষে যে দুই বড় বড় প্রাচীনযুগ চলে
গেছে, বৈদিকযুগ ও বৌদ্ধযুগ, সে দুইযুগকে
বনই ধাত্মরূপে ধারণ করেছে । কেবল বৈদিক
ঋষিরা নন, ভগবান বুদ্ধও কত আশ্রয়ন, কত
বেগুনে তাঁর উপদেশ বর্ষণ করেছেন—রাজ-
প্রাসাদে তাঁর স্থান কুলারনি—বনই তাঁকে
বুকে করে নিয়েছিল ।

ক্রমশ ভারতবর্ষে রাজ্য, সাম্রাজ্য, নগর-
নগরী স্থাপিত হয়েছে—দেশ বিদেশের সঙ্গে
তাঁর পণ্য আদানপ্রদান চলেছে—অন্নলোলুপ
কৃষিক্ষেত্র অল্পে অল্পে ছায়ানিভৃত অরণ্যগুলিকে
দূর হতে দূরে সরিয়ে দিয়েছে—কিন্তু সেই
প্রতাপশালী ঐশ্বর্যপূর্ণ যৌবনদৃশ্য ভারতবর্ষ

তপোবন

বনের কাছে নিজের ঋণ স্বীকার করতে কোনো দিন লজ্জাবোধ করেনি। তপস্বীকেই সে সকল প্রয়াসের চেয়ে বেশী সম্মান দিয়েছে— এবং বনবাসী পুরাতন তপস্বীদেরই আপনাদের আদি পুরুষ বলে জেনে ভারতবর্ষের রাজা মহারাজাও গৌরব বোধ করেছেন। ভারতবর্ষের পুরাণ কথায় যা কিছু মহৎ আশ্চর্য্য পবিত্র, যা কিছু শ্রেষ্ঠ এবং পূজ্য সমস্তই সেই প্রাচীন তপোবন স্মৃতির সঙ্গেই জড়িত। বড় বড় রাজার রাজত্বের কথা সে মনে করে রাখবার জন্তে চেষ্টা করেনি কিন্তু নানাবিপ্লবের ভিতর দিয়েও, বনের সামগ্রীকেই তার প্রাণের সামগ্রী করে আজ পর্য্যন্ত সে বহন করে এসেছে। মানব ইতিহাসে এইটাই হচ্ছে ভারতবর্ষের বিশেষত্ব।

ভারতবর্ষে বিক্রমাদিত্য যখন রাজা, উজ্জয়িনী যখন মহানগরী, কালিদাস যখন কবি—তখন এদেশে তপোবনের যুগ চলে গেছে।

শান্তিনিকেতন

তখন মানবের মহামেলার মাঝখানে এসে আমরা দাঁড়িয়েছি—তখন, চীন, হন, শক, পারসিক, গ্রীক, রোমক, সকলে আমাদের চারিদিকে ভিড় করে এসেছে—তখন জনকের মত রাজা একদিকে স্বহস্তে লাঙল নিয়ে চাষ করছেন, অন্য দিকে দেশ দেশান্তর হতে আগত জ্ঞানপিপাসুদের ব্রহ্মজ্ঞান শিক্ষা দিচ্ছেন এ দৃশ্য দেখবার আর কাল ছিল না। কিন্তু সেদিনকার ঐশ্বর্যমদগর্ভিত যুগেও তখনকার শ্রেষ্ঠ কবি, তপোবনের কথা কেমন করে বলেছেন তা দেখলেই বোঝা যায় যে তপোবন যখন আমাদের দৃষ্টির বাহিরে গেছে তখনো কতখানি আমাদের হৃদয় জুড়ে বসেছে।

কালিদাস যে বিশেষভাবে ভারতবর্ষের কবি তা তাঁর তপোবন চিত্র থেকেই সপ্রমাণ হয়। এমন পরিপূর্ণ আনন্দের সঙ্গে তপোবনের ধ্যানকে আর কে মূর্তিমান করতে পেরেছে !

রঘুবংশ কাব্যের ষটিকা যখন উদ্ঘাটিত

তপোবন

হল তখন, প্রথমেই তপোবনের শান্ত সুন্দর পবিত্র দৃশ্যটি আমাদের চোখের সামনে প্রকাশিত হয়ে পড়ল।

সেই তপোবনে বনাস্তুর হতে কুশসমিৎ ফল আহরণ করে তপস্বীরা আসচেন এবং যেন একটি অদৃশ্য অগ্নি তাঁদের প্রত্যাগমন করচে। সেখানে হরিণগুলি ঋষিপত্নীদের সন্তানের মত; তারা নীবার ধাত্তের অংশ পায় এবং নিঃসঙ্কোচে কুটীরের দ্বার রোধ করে পড়ে থাকে। মুনি-কন্তারা গাছে জল দিচ্ছেন এবং আলবাল যেমনি জলে ভরে উঠ্চে অমনি তাঁরা সরে যাচ্ছেন,—পাখীরা নিঃশঙ্কমনে আলবালের জল খেতে আসে এই তাঁদের অভিপ্রায়। রোদ্দ পড়ে এসেছে, নীবার ধাত্ত কুটীরের প্রাঙ্গণে রাশীকৃত, এবং সেখানে হরিণরা গুয়ে রোমন্থন করচে। আছতির সুগন্ধধূম বাতাসে প্রবাহিত হয়ে এসে আশ্রমোন্মুখ অতিথিদের সর্ষশরীর পবিত্র করে, দিচ্ছে।

শান্তিনিকেতন

তরুলতা পশুপক্ষী সকলের সঙ্গে, মানুষের মিলনের পূর্ণতা এই হচ্ছে এর ভিতরকার ভাব।

সমস্ত অভিজ্ঞানশকুন্তল নাটকের মধ্যে, ভোগলালসানিষ্ঠুর রাজপ্রাসাদকে ধিক্কার দিয়ে যে একটি তপোবন বিরাজ করচে তারও মূল সুরটি হচ্ছে ঐ,—চেতন অচেতন সকলেরই সঙ্গে মানুষের আত্মীয় সম্বন্ধের পবিত্র মাধুর্য।

কাদম্বরীতে তপোবনের বর্ণনায় কবি লিখছেন—সেখানে বাতাসে লতাগুলি মাথা নত করে প্রণাম করচে, গাছগুলি ফুল ছড়িয়ে পূজা করচে, কুটীরের অঙ্গণে শ্রামাক ধান শুকোবার জন্তে মেলে দেওয়া আছে ; সেখানে আমলক লবলী লবঙ্গ কদলী বদরী প্রভৃতি ফল সংগ্রহ করা হয়েছে—বটুদের অধ্যয়নে বনভূমি মুখরিত, বাচাল শুকেরা অনবরত-শ্রবণের দ্বারা অভ্যস্ত আত্মতিমন্ত্র উচ্চারণ করচে, অরণ্য-কুকুটেরা বৈশ্বদেব-বলিপিণ্ড আহান করচে ;

তপোবন

নিকটে জলশয় থেকে কলহংসশাবকেরা এসে
নীবারবলি খেয়ে যাচ্ছে,—হরিণীরা জিহ্বাপল্লব
দিয়ে মুনিবালকদের লেহন করচে ।

এর ভিতরকার কথাটা হচ্ছে ঐ।—
তরুলতা জীবজন্তুর সঙ্গে মানুষের বিচ্ছেদ দূর
করে তপোবন প্রকাশ পাচ্ছে, এই পুরান
কথাই আমাদের দেশে বরাবর চলে এসেছে ।

কেবল তপোবনের চিত্রেই যে এই
ভাবটি প্রকাশ পেয়েছে তা নয় । মানুষের সঙ্গে
বিশ্বপ্রকৃতির সম্মিলনই আমাদের দেশের সমস্ত
প্রসিদ্ধ কাব্যের মধ্যে পরিষ্কৃত । যে সকল
ঘটনা মানবচরিত্রকে আশ্রয় করে ব্যক্ত হতে
থাকে তাই না কি প্রধানত নাটকের উপাদান
এই জগ্রেই অন্তর্দেশের সাহিত্যে দেখতে পাই
বিশ্বপ্রকৃতিকে নাটকে কেবল আভাসে রক্ষা
করা হয় মাত্র তার মধ্যে তাকে বেশি জায়গা
দেবার অবকাশ থাকে না । আমাদের দেশের
প্রাচীন যে নাটকগুলি আজ পর্য্যন্ত প্ৰাতি

শান্তিনিকেতন

রক্ষা করে আস্চে তাতে দেখতে পাই
প্রকৃতিও নাটকের মধ্যে নিজের অংশ থেকে
বঞ্চিত হয় না।

মানুষকে বেঁধে নেয় এই যে জগৎপ্রকৃতি
আছে এ যে অত্যন্ত অন্তরঙ্গভাবে মানুষের সকল
চিন্তা সকল কাজের সঙ্গে জড়িত হয়ে আছে।
মানুষের লোকালয় যদি কেবলি একান্ত মানব-
ময় হয়ে ওঠে, এর ফাঁকে ফাঁকে যদি প্রকৃতি
কোনোমতে প্রবেশাধিকার না পায় তাহলে
আমাদের চিন্তা ও কর্ম ক্রমশ কলুষিত ব্যাধি-
গ্রস্ত হয়ে নিজের অতলস্পর্শ আবর্জনার মধ্যে
আত্মহত্যা করে মরে। এই যে প্রকৃতি
আমাদের মধ্যে নিত্যনিয়ত কাজ করচে অথচ
দেখাচ্ছে যেন সে চুপ করে দাঁড়িয়ে রয়েছে—
যেন আমরাই সব মস্ত কাজের গোক আর
সে বেচারী নিতান্তই একটা বাহার মাত্র—
এই প্রকৃতিকে আমাদের দেশের কবিরা বেশ
করে চিনে নিয়েছেন। এই প্রকৃতি মানুষের

সমস্ত সুগন্ধঃখের মধ্যে যে অনন্তের সুরটি
মিলিয়ে রাখ্চে সেই সুরটিকে আমাদের দেশের
প্রাচীন কবিরা সর্বদাই তাঁদের কাব্যের
মধ্যে বাজিয়ে রেখেছেন।

ঋতুসংহার কাণিদাসের কাঁচাবয়সের লেখা
তাতে কোনো সন্দেহ নেই। এর মধ্যে তরুণ
তরুণীর যে মিলন সঙ্গীত আছে তাতে স্বরগ্রাম
লাগসার নীচের সপ্তক থেকেই শুরু হয়েছে,
শকুন্তলা কুমারসম্ভবের মত তপস্চার উচ্চতম
সপ্তকে গিয়ে পৌঁছয়নি।

কিন্তু কবি নবযৌবনের এই লাগঘাকে
প্রকৃতির বিচিত্র ও বিরাট সুরের সঙ্গে মিলিয়ে
নিয়ে মুক্ত স্নাকাশের মাঝখানে তাকে ঝঙ্কত
করে তুলেছেন। ধারায়ন্ত্রমুখরিত নিদাঘ-
দিনান্তের চন্দ্রকিরণ এর মধ্যে আপনীর সুরটুকু
যোজন করেচে, বর্ষায় নবজলসেকে ছিন্নতাপ
বনান্তে পবনচলিত কদম্বশাখা এর ছন্দে
আন্দোলিত ; আপকশালি-রুচিরা শারদলক্ষ্মী

শান্তিনিকেতন

তাঁর হংসরব-নূপুরধ্বনিকে এর তাল তালে মদ্রিত করেছেন এবং বসন্তের দক্ষিণবায়ুচঞ্চল কুসুমিত আশ্রশাখার কলমর্ষের এরই তানে তানে বিস্তীর্ণ।

বিরাট প্রকৃতির মাঝখানে সেখানে যার স্বাভাবিক স্থান সেখানে তাকে স্থাপন করে দেখলে তার অত্যাগ্রতা থাকে না—সেইখান থেকে বিচ্ছিন্ন করে এনে কেবলমাত্র মানুষের গণ্ডীর মধ্যে সঙ্কীর্ণ করে দেখলে তাকে ব্যাধির মত অত্যন্ত উত্তপ্ত এবং রক্তবর্ণ দেখতে হয়। শেক্সপিয়ারের দুই একটি খণ্ডকাব্য আছে নর-নারীর আসক্তি তার বর্ণনীয় বিষয় ;—কিন্তু সেই সকল কাব্যে আসক্তিই একেবারে একান্ত,—তার চারদিকে আর কিছুই স্থান নেই ; আকাশ নেই, বাতাস নেই, প্রকৃতির যে গীতগন্ধবর্ণবিচিত্র বিশৃঙ্খল আবরণে বিশ্বের সমস্ত লজ্জা রক্ষা করে আছে তার কোনো সম্পর্ক নেই—এইজন্তে সেসকল কাব্যে প্রবৃ-

তির উন্নততা অত্যন্ত দুঃস্বরূপে প্রকাশ
পাচ্ছে ।

কুমারশম্ভবে তৃতীয় সর্গে যেখানে মদনের
আকস্মিক আবির্ভাবে যৌবনচাঁঞ্চল্যের উদ্দীপনা
বর্ণিত হয়েছে সেখানে কালিদাস উন্নততাকে
একটি সঙ্কীর্ণ সীমার মধ্যেই সর্বময় করে
দেখাবার প্রয়াসমাত্র পাননি । আতসকাচের
ভিতর দিয়ে একটি বিন্দুমাত্রে সূর্য্যকিরণ সংহত
হয়ে পড়লে সেখানে আগুন জ্বলে ওঠে—
কিন্তু সেই সূর্য্যকিরণ যখন আকাশের সর্বত্র
স্বভাবত ছড়িয়ে থাকে তখন সে তাপ দেয়
বটে কিন্তু দগ্ধ করে না । কালিদাস বসন্ত-
প্রকৃতির সর্বব্যাপী যৌবনলীলার মাঝখানে
হরপার্বতীর মিলনচাঁঞ্চল্যকে নিবিষ্ট করে
তার সম্ভ্রম রক্ষা করেছেন ।

কালিদাস পুষ্পধুমুর জগী-নির্ঘোষকে বিশ্ব-
সঙ্গীতের সুরের সঙ্গে বিচ্ছিন্ন ও বেসুরো করে
বাজাননি ; যে পটভূমিকার উপরে তিনি তাঁর

শান্তিনিকেতন

ছবিটি এঁকেছেন সেটি তরুলতা পেশুপক্ষীকে নিয়ে সমস্ত আকাশে অতি "বিচিত্রবর্ণে" বিস্তারিত।

কেবল তৃতীয় সর্গ নয় সমস্ত কুমারসম্ভব কাব্যটিই একটি বিশ্বব্যাপী "পটভূমিকার উপরে" অঙ্কিত। এই কাব্যের ভিতরকার কথাটি একটি গভীর এবং চিরস্থান কথা। যে পাপ দৈত্য প্রবল হয়ে উঠে হঠাৎ স্বর্গলোককে কোথা থেকে ছারখার করে দেয় তাকে পরাভূত করবার মত বীরত্ব কোন্ উপায়ে জন্মগ্রহণ করে।

এই সমস্যাটি মানুষের চিরকালের সমস্যা। প্রত্যেক লোকের জীবনের সমস্যাও এই বটে আবার এই সমস্যা সমস্ত জাতির মধ্যে নূতন নূতন মূর্তিতে নিজেকে প্রকাশ করে।

কালিদাসের সময়েও একটি সমস্যা ভারতবর্ষে অত্যন্ত উৎকর্ষ হয়ে দেখা দিয়েছিল তা কবির কাব্য পড়লেই স্পষ্ট বোঝা যায়।

প্রাচীনকালে হিন্দু সমাজে জীবনযাত্রায় যে একটি সরলতা ও সংযম ছিল তখন সেটি ভেঙে এসেছিল। রাজারা তখন রাজধর্ম্য বিস্মৃত হয়ে আত্মসুখপরায়ণ ভোগী হয়ে উঠেছিলেন। এদিকে শকদের আক্রমণে ভারতবর্ষ তখন বারম্বার দুর্গতি প্রাপ্ত হচ্ছিল।

তখন বাহিরের দিক থেকে দেখলে ভোগবিলাসের আয়োজনে, কাব্য সঙ্গীত শিল্পকলার আলোচনায় ভারতবর্ষ সভ্যতার প্রকৃষ্টতা লাভ করেছিল। কালিদাসের কাব্যকলার মধ্যেও তখনকার সেই উপকরণ-বহুল সম্ভোগের সুর যে বাজে নি তা নয়। বস্তুত তাঁর কাব্যের বহিরংশ তখনকার কালেরই কারুকার্যে খচিত হয়ে ছিল। এই রকম এদিকে তখনকার কালের সঙ্গে তখনকার কবির যোগী আমরা দেখতে পাই।

কিন্তু এই প্রমোদভবনের স্বর্ণখচিত অস্তঃপুরের মাঝখানে বসে কাব্যলক্ষ্মী বৈরাগ্য-

শান্তিনিকেতন

বিকল চিত্তে কিসের ধ্যানে নিযুক্ত ছিলেন ?
হৃদয় ত তাঁর এখানে ছিল না। তিনি এই
আশ্চর্য্য কারুবিচিত্র মাণিক্যকঠিন কারাগার
হতে কেবলি মুক্তিকামনা করছিলেন।

কালিদাসের কাব্যে বাহিরের সঙ্গে
ভিতরের, অবস্থার সঙ্গে আকাজক্ষার একটা
দ্বন্দ্ব আছে। ভারতবর্ষে যে তপস্চার যুগ তখন
অতীত হয়ে গিয়েছিল, ঐশ্বর্য্যশালী রাজসিংহা-
সনের পাশে বসে কবি সেই নিশ্চল সুদূর-
কালের দিকে একটি বেদনা বহন করে
তাকিয়ে ছিলেন।

রঘুবংশ কাব্যে তিনি ভারতবর্ষের পুরা-
কালীন সূর্য্যবংশীয় রাজাদের চরিত্রগানে যে
প্রবৃত্ত হইয়াছিলেন তার মধ্যে কবির সেই
বেদনাটি নিগূঢ় রূপে রয়েছে। তাঁর প্রমাণ
দেখুন।

আনাদের দেশের কাব্যে পরিণামকে
অশুভরূর ভাবে দেখানো ঠিক প্রথা নয়।

বস্তুত যে রামচন্দ্রের জীবনে রঘুর বংশ উচ্চতম
চূড়ায় অধিরোহণ করেছে সেইখানেই কাব্য
শেষ করলে তবেই কবির ভূমিকার বাক্যগুলি
সার্থক হত।

তিনি ভূমিকায় দলেছেন—সেই যারা
জন্মকাল অবধি শুদ্ধ, যারা ফলপ্রাপ্তি অবধি
কর্ম করতেন, সমুদ্র অবধি যাদের রাজ্য, এবং
স্বর্গ অবধি যাদের রথবস্তু; যথাবিধি যারা
অগ্নিতে আছতি দিতেন, যথাকাম যারা
প্রার্থীদের অভাব পূর্ণ করতেন, যথাপরাধ
যারা দণ্ড দিতেন এবং যথাকালে যারা জাগ্রিত
হতেন; যারা ত্যাগের জন্তে অর্থ সঞ্চয়
করতেন, যারা সত্যের জন্তে মিতভাষী,
যারা যশের জন্তে জয় ইচ্ছা করতেন
এবং সম্ভাষণাভের জন্তে যাদের দারগ্রহণ;
শৈশবে যারা বিভ্রান্তিভ্যাস করতেন, যৌবনে
যাদের বিষয় সেবা ছিল, বাক্কিক্যে যারা মুনি-
বৃত্তি গ্রহণ করতেন এবং যোগান্তে যাদের

শান্তিনিকেতন

দেহত্যাগ হত—আমি বাক্‌সম্পদে দরিদ্র
হলেও সেই রঘুরাজদের বংশ কীর্তন করব,
কারণ তাঁদের গুণ আমার কর্ণে প্রবেশ করে
আমাকে চঞ্চল করে তুলেছে।

কিন্তু গুণকীর্তনেই এই কাব্যের শেষ নয়।
কবিকে যে কিসে চঞ্চল করে তুলেছে, তা
রঘুবংশের পরিণাম দেখলেই বুঝা যায়।

রঘুবংশ যঁার নামে গৌরবলাভ করেছে
তাঁর জন্মকাহিনী কি? তাঁর আরম্ভ কোথায়?

তপোবনে দিলীপদম্পতির তপশ্রাতেই
এমন রাজা জন্মেছেন। কালিদাস তাঁর রাজ-
প্রভুদের কাছে এই কথাটি নানা কাব্যে নানা
কৌশলে বলেছেন যে, কঠিন তপশ্রার ভিতর
দিগে ছাড়া কোনো মহৎ ফললাভের কোনো
সম্ভাবনা নেই। যে রঘু উত্তর দক্ষিণ পূর্ব
পশ্চিমের সমস্ত রাজাকে বীর তেজে পরাভূত
করে পৃথিবীতে একচ্ছত্র রাজত্ব বিস্তার করে-
ছিলেন তিনি তাঁর পিতামাতার তপঃসাধনার

তপোবন

ধন। আবার যে ভরত বীৰ্য্যবলে চক্রবর্তী
সম্রাট হয়ে' ভারতবর্ষকে নিজ নামে ধনু
করেছেন তাঁর জন্ম-ঘটনায় অব্যাহিত প্রবৃত্তির
যে কলঙ্ক পড়েছিল কবি তা'কে তপস্কার
অগ্নিতে দগ্ধ এবং দুঃখের অশ্রুজলে সম্পূর্ণ ধৌত
না করে ছাড়েন নি।

রঘুবংশ আরম্ভ হল রাজোচিত ঐশ্বর্য্য
গৌরবের বর্ণনায় নয়। সুদক্ষিণাকে বামে
নিষে রাজা দিলীপ তপোবনে প্রবেশ করলেন।
চতুঃসমুদ্র যার অনন্তশাসনা' পৃথিবীর পরিখা
সেই রাজা অবিচলিত নিষ্ঠায় কঠোর সংযমে
তপোবনধেনুর সেবায় নিযুক্ত হলেন।

সংযমে তপস্যায় তপোবনে রঘুবংশের
আরম্ভ আর মদিরায় ইন্দ্রিয়মত্ততায় প্রমোদ-
ভবনে তার ঋউপসংহার। এই শেষ সর্গের
চিত্রে বর্ণনার উজ্জ্বলতা যথেষ্ট আছে—কিন্তু
যে অগ্নি লোকালয়কে দগ্ধ কবে সর্বনাশ করে
সেও ত কম উজ্জ্বল নয়। এক পত্নীকে নিয়ে

শান্তিনিকেতন

দিলীপের তপোবনে বাস শাস্ত্র এবং অনতি-
প্রকটবর্ণে অঙ্কিত, আর বহু নাগ্নিকা নিয়ে
অগ্নিবর্ণের আত্মঘাতসাধন অসম্ভূত বাহুল্যের
সঙ্গে যেন অলস্তু রেখায় বর্ণিত ।

প্রভাত যেমন শাস্ত্র, যেমন পিঙ্গল-অটাধারী
ঋষিবালকের মত পবিত্র, প্রভাত যেমন মুক্তা-
পাণ্ডুর সৌম্য আলোকে শিশিরস্নিগ্ধ পৃথিবীর
উপরে বীরপদে অবতরণ করে এবং নবজীবনের
অভ্যুদয় বার্তায় জগৎকে উদ্বোধিত করে
তোলে—কবির কাব্যেও তপস্যার দ্বারা
সুসমাহিত রাজমাহাত্ম্য তেমনি স্নিগ্ধতেজে এবং
সংযত বাণীতেই মহোদয়শালী রঘুবংশের সূচনা
করেছিল । আর নানাবর্ণবিচিত্র মেঘজালের
মধ্যে আবিষ্ট অপরাহু আপনার অদ্ভুত রশ্মি-
চ্ছটায় পশ্চিম আকাশকে যেমন স্নগকালের
জন্তে প্রগল্ভ করে তোলে এবং দেখতে
দেখতে ভীষণ ক্ষয় এসে তার সমস্ত মহিমা
অপহরণ করতে থাকে, অবশেষে অনতিকালেই

তপোবন

বাক্যহীন কৰ্মহীন অচেতন অন্ধকারের মধ্যে সমস্ত বিলুপ্ত হয়ে যায় কবি তেমনি করেই কাব্যের শেষ সর্গে বিচিত্র ভোগায়োজনের ভীষণ সমারোহের মধ্যেই রঘুবংশ জ্যোতিক্ষের নির্ঝাপন বর্ণনা করেছেন।

কাব্যের এই আরম্ভ এবং শেষের মধ্যে কবির একটি অন্তরের কথা প্রচ্ছন্ন আছে। তিনি নীরব দীর্ঘনিশ্বাসের সঙ্গে বলছেন, ছিল কি, আর হয়েছে কি! সেকালে যখন সম্মুখে ছিল অভ্যাদয় তখন তপস্বাই ছিল সকলের চেয়ে প্রধান ঐশ্বর্য আর একালে যখন সম্মুখে দেখা যাচ্ছে বিনাশ তখন বিলাসের উপকরণ-রাশির সীমা নেই, আর ভোগের অতৃপ্ত বহিঃসহস্র শিখায় জ্বলে উঠে চারিদিকের চোখ ধাঁধিয়ে দিচ্ছে।

কালিদাসের অধিকাংশ কাব্যের মধ্যেই এই ছন্দটি সুস্পষ্ট দেখা যায়। এই ছন্দের সমাধান কোথায় কুমারনন্দবে তাই দেখানো

শান্তিনিকেতন

হয়েছে। কবি এই কাব্যে বলেছেন ত্যাগের সঙ্গে ঐশ্বর্যের, তপস্যার সঙ্গে প্রেমের সম্মিলনেই শৌর্যের উদ্ভব, সেই শৌর্যেই মানুষ সকল প্রকার পরাভব হতে উদ্ধার পায়।

অর্থাৎ ত্যাগের ও ভোগের সামঞ্জস্যেই পূর্ণ শক্তি। ত্যাগী শিব যখন একাকী সমাধিমগ্ন তখনো স্বর্গরাজ্য অসহায়—আবার সতী যখন তাঁর পিতৃভবনের ঐশ্বর্যে একাকিনী আবদ্ধ তখনো দৈত্যের উপদ্রব প্রবল।

প্রবৃত্তি প্রবল হয়ে উঠলেই ত্যাগের ও ভোগের সামঞ্জস্য ভেঙে যায়।

কোনো একটি সঙ্কীর্ণ জায়গায় যখন আমরা অহঙ্কারকে বা বাসনাকে ঘনীভূত করি তখন আমরা সমগ্রের ক্ষতি করে অংশকে বড় করে তুলতে চেষ্টা করি। এর থেকে ঘটে অমঙ্গল। অংশের প্রতি আসক্তিবশত সমগ্রের বিরুদ্ধে বিদ্রোহ এই হচ্ছে পাপ।

'এই জগৎই ত্যাগের প্রয়োজন। এই

ত্যাগ নিজেকে বিস্তৃত করার জন্তে নয়, নিজেকে পূর্ণ করার জন্তেই। ত্যাগ মানে আংশিককে ত্যাগ সমগ্রের জন্তে, ক্ষণিককে ত্যাগ নিত্যের জন্তে, অহঙ্কারকে ত্যাগ প্রেমের জন্তে, সুখকে ত্যাগ আনন্দের জন্তে। এই জন্তেই উপনিষদে বলা হয়েছে “ত্যাক্তেন ভূঞ্জীথাঃ”—ত্যাগের দ্বারা ভোগ করবে—আসক্তির দ্বারা নয়।

প্রথমে পার্শ্বতী মদনের সাহায্যে শিবকে চেয়েছিলেন, সে চেষ্টা ব্যর্থ হল, অবশেষে ত্যাগের সাহায্যে তপস্যার দ্বারা তেই তাঁকে লাভ করলেন।

কাম হচ্ছে কেবল অংশের প্রতিই আসক্ত, সমগ্রের প্রতি অন্ধ—কিন্তু শিব হচ্ছেন সকল দেশের সকল কালের—কামনা ত্যাগ না হলে তাঁর সঙ্গে মিলন ঘটতেই পারে না।

“তেন ত্যাক্তেন ; ভূঞ্জীথাঃ”—ত্যাগের দ্বারা ভোগ করবে এইটি উপনিষদের অনুশাসন, এইটাই কুমারসম্ভব কাব্যের

শান্তিনিকেতন

মর্্মকথা, এবং এইটেই আমাদের তপোবনের
সাধনা—লাভ করবার জগ্ে ত্যাগ
করবে ।

Sacrifice এবং resignation, আত্মত্যাগ
এবং দুঃখস্বীকার—এই দুটি পদার্থের মাহাত্ম্য
আমরা কোনো কোনো ধর্মশাস্ত্রে বিশেষভাবে
বর্ণিত দেখেছি । জগতের সৃষ্টিকার্যে উত্তাপ
যেমন একটি প্রধান জিনিষ, মানুষের জীবন
গঠনে দুঃখও তেমনি একটি খুব বড় রাসায়নিক
শক্তি ; এরদ্বারা চিত্তের দুর্ভেদ্য কাঠি গলে
যায় এবং অসাধ্য হৃদয়গ্রন্থির ছেদন হয় ।
অতএব সংসারে যিনি দুঃখকে দুঃখরূপেই
নম্রভাবে স্বীকার করে নিতে পারেন তিনি
যথার্থ তপস্বী বটেন ।

কিন্তু কেউ যেন মনে না করেন এই
দুঃখস্বীকারকেই উপনিমং লক্ষ্য করচেন ।
ত্যাগকে দুঃখরূপে অস্বীকার করে নেওয়া নয়,
ত্যাগকে ভোগরূপেই বরণ করে নেওয়া

তপোবন

উপনিষদের অনুশাসন। উপনিষৎ যে ত্যাগের কথা বলছেন সেই ত্যাগই পূর্ণতর গ্রহণ, সেই ত্যাগই গভীরতর আনন্দ। সেই ত্যাগই নিখিলের সঙ্গে যোগ, ভূমার সঙ্গে মিলন। অতএব ভারতবর্ষের যে আদর্শ তপোবন, সে তপোবন শরীরের বিরুদ্ধে আত্মার, সংসারের বিরুদ্ধে সত্ত্বাসের একটা নিরন্তর হাতাহাতি যুদ্ধ করবার মন্ত্রক্ষেত্র নয়। “যদ্বিকিঞ্চিৎ জগত্যাং জগৎ” অর্থাৎ যা-কিছু-সমস্তের সঙ্গে, ত্যাগের দ্বারা বাধাহীন মিলন—এইটাই হচ্ছে তপোবনের সাধনা। এই জগ্গেই তরুলতা পশু-পক্ষীর সঙ্গে ভারতবর্ষের আত্মীয় সম্বন্ধের যোগ এমন ঘনিষ্ঠ যে অগ্ন্যদেশের লোকের কাছে সেটা অদ্ভুত মনে হয়।

এই জগ্গেই আমাদের দেশের কবিদে, যে প্রকৃতিপ্রেমের পরিচয় পাওয়া যায় অগ্ন্যদেশের কাব্যের সঙ্গে তার যেন একটা বিশিষ্টতা আছে। আমাদের এ প্রকৃতির প্রতি প্রভুত্ব

শাস্তিনিকেতন

করা নয়, প্রকৃতিকে ভোগ করা নয়, এ
প্রকৃতির সঙ্গে সঙ্গিলন।

অথচ এই সঙ্গিলন অরণ্যবাসীর বর্ষরতা
নয়। তপোবন আফ্রিকার বন যদি হত
তাহলে বলতে পারতুম প্রকৃতির সঙ্গে মিলে
থাকা একটা তামসিকতা মাত্র। কিন্তু মানুষের
চিত্ত যেখানে সাধনার দ্বারা জাগ্রত আছে
সেখানকার মিলন কেবলমাত্র অভ্যাসের জড়ত্ব-
জনিত হতে পারে না। সংস্কারের বাধা ক্ষয়
হয়ে গেলে যে মিলন স্বাভাবিক হয়ে ওঠে,
তপোবনের মিলন হচ্ছে তাই।

আমাদের কবিরা সকলেই বলেছেন,
তপোবন শাস্তুরসাম্পদ। তপোবনের যে
একটি বিশেষ রস আছে সেটি শাস্তুরস।
শাস্তুরস হচ্ছে পরিপূর্ণতার রস। যেমন সাতটা
বর্ণরশ্মি মিলে গেলে তবে সাদা রং হয় তেমনি
চিত্তের প্রবাহ নানাভাগে বিভক্ত না হয়ে
যখন অবিচ্ছিন্নভাবে নিখিলের সঙ্গে আপনার

তপোবন

সামঞ্জস্যকে একেবারে কানায় কানায় ভরে
তোলে তখন শাস্ত্রসের উদ্ভব হয়।

তপোবনে সেই শাস্ত্রস। এখানে সূর্য
অগ্নি বায়ু জল স্থল আকাশ তরুলতা মৃগ পক্ষী
সকলের সঙ্গেই চেতনার একটি পরিপূর্ণ
যোগ। এখানে চতুর্দিকের কিছুর সঙ্গেই
মানুষের বিচ্ছেদ নেই এবং বিরোধ নেই।

ভারতবর্ষের তপোবনে এই যে একটি
শাস্ত্রসের সম্মীত বাধা হয়েছিল এই সম্মীতের
আদর্শেই আমাদের দেশে অনেক মিশ্র, রাগ-
রাগিনীর সৃষ্টি হয়েছে। সেই জন্মেই আমাদের
কাব্যে মানবব্যাপারের মাঝখানে প্রকৃতিকে
এত বড় স্থান দেওয়া হয়েছে; এ কেবল
সম্পূর্ণতার জন্মে আমাদের যে একটি স্বাভাবিক
আকাঙ্ক্ষা আছে সেই আকাঙ্ক্ষাকে পূরণ
করবার উদ্দেশে।

অভিজ্ঞানশকুন্তল নাটকে যে দুটি তপো-
বন আছে সে দুটিই শকুন্তলার সুখদুঃখকে

শান্তিনিকেতন

একটি বিশালতার মধ্যে সম্পূর্ণ করে দিয়েছে। তার একটি তপোবন পৃথিবীতে, আবার একটি স্বর্গলোকের সীমায়। একটি তপোবনে সহকারের সঙ্গে নবমল্লিকার মিলনোৎসবে নবযৌবনা ঋষিকৃত্তারা পুলকিত হয়ে উঠছেন, মাতৃহীন যুগশিশুকে তাঁরা নীবারমৃষ্টি দিয়ে পালন করছেন, কুশ-সুচিত্তে তার মুখ বিদ্ধ হলে ইসুদী তৈল মাথিয়ে শুশ্রূষা করছেন ; এই তপোবনটি ছদ্মশুকুন্তলার প্রেমকে সারল্যা, সৌন্দর্য্য এবং স্বাভাবিকতা দান করে তাকে বিশ্বসুরের সঙ্গে মিলিয়ে নিয়েছে।

আর সন্ধ্যামেঘের মত কিম্পুরুষ-পর্কিত যে হেমকূট, যেখানে সুরাসুরগুরু মরীচি তাঁর পত্নীর সঙ্গে মিলে তপস্শ্রা করছেন,—লতা-জালজড়িত যে হেমকূট পুষ্কিনীড়খচিত অরণ্য-জটামণ্ডল বহন করে যোগাসনে অচল শিবের মত সূর্য্যের দিকে তাকিয়ে ধ্যানমগ্ন, যেখানে কেশর ধরে সিংহশিশুকে মাতার স্তন থেকে

তপোবন

ছাড়িয়ে, নিরে বধন ছুঁতু তপস্বিবালক তার
সঙ্গে খেলা করে তখন পশুর সেই দুঃখ
ঋষিপত্নীর পক্ষে অসহ্য হয়ে ওঠে,—সেই
তপোবন শকুন্তলার অপমানিত বিচ্ছেদ-
দুঃখকে অতি বৃহৎ শাস্তি ও পবিত্রতা দান
করেছে।

একথা স্বীকার করতে হবে—প্রথম
তপোবনটি মর্ত্যালোকের, আর দ্বিতীয়টি অমৃত-
লোকের। অর্থাৎ প্রথমটি হচ্ছে যেমন-হয়ে-
থাকে, দ্বিতীয়টি হচ্ছে যেমন-হওয়া ভালো।
এই “যেমন-হওয়া-ভালো”র দিকে “যেমন-
হয়ে-থাকে” চলেছে। এরই দিকে চেয়ে সে
আপনাকে শোধন করচে, পূর্ণ করচে।
“যেমন-হয়ে-থাকে” হচ্ছেন সত্য অর্থাৎ সত্য,
আর “যেমন-হওয়া-ভালো” হচ্ছেন শিব অর্থাৎ
মঙ্গল। কামনা ক্ষয় কবে তপস্তার মধ্য দিয়ে
এই সত্য ও শিবের মিলন হয়। শকুন্তলার
জীবনেও “যেমন-হয়ে-থাকে” তপস্তার দ্বারা

শান্তিনিকেতন

অবশেষে “যেমন-হওয়া-ভালো”র মধ্যে এসে আপনাকে সফল করে তুলেছে। “দুঃখের ভিতর দিয়ে মর্ত্য শেষকালে স্বর্গের প্রাস্তে এসে উপনীত হয়েছে।

মানস লোকের এই যে দ্বিতীয় তপোবন এখানেও প্রকৃতিকে ত্যাগ করে মানুষ স্বতন্ত্র হয়ে ~~তেমনি~~ স্বর্গে যাবার সময় যুধিষ্ঠির তাঁর কুকুরকে সঙ্গে নিয়েছিলেন। প্রাচীন ভারতের কাব্যে মানুষ যখন স্বর্গে পৌঁছয় প্রকৃতিকে সঙ্গে নেয়, বিচ্ছিন্ন হয়ে নিজে বড় হয়ে ওঠে না। মরীচির তপোবনে মানুষ যেমন তপস্বী হেমকুটও তেমনি তপস্বী, সিংহও সেখানে হিংসা ত্যাগ করে, গাছপালাও সেখানে ইচ্ছাপূর্বক প্রার্থীর অভাব পূরণ করে। মানুষ একা নয়, নিখিলকে নিয়ে সে সম্পূর্ণ—অতএব কল্যাণ যখন আবির্ভূত হয় তখন সকলের সঙ্গে যোগেই তার আবির্ভাব।

তপোবন

রামায়ণে রামের বনবাস হল। কেবল রাক্ষসের উপদ্রব ছাড়া সে বনবাসে তাঁদের আর কোনো দুঃখই ছিল না। তাঁরা বনের পর বন, নদীর পর নদী, পর্বতের পর পর্বত পার হয়ে গেছেন, তাঁরা পর্ণকুটীরে বাস করেছেন, মাটিতে শুয়ে রাত্রি কাটিয়েছেন কিন্তু তাঁরা ক্লেশ বোধ করেননি। এই সমস্ত নদীগিরিঅরণ্যের সঙ্গে তাঁদের হৃদয়ের মিলন ছিল—এখানে তাঁরা প্রকাসী নন।

অন্য দেশের কবি রাম লক্ষ্মণ সীতার মাহাত্ম্যকে উজ্জল করে দেখাবার জন্মেই বনবাসের দুঃখকে খুব কঠোর করেই চিত্রিত করতেন। কিন্তু বাল্মীকি একেবারেই তা করেন নি—তিনি বনের আনন্দকেই বারম্বার পুনরুক্তিধারা কীর্তন করে চলেছেন।

রাষ্ট্রেশ্বর্য্য যাদের অস্তুরকরণকে অভিভূত করে আছে বিশ্বপ্রকৃতির সঙ্গে মিলন কখনই তাঁদের পক্ষ স্বাভাবিক হতে পারে না।

শাস্তিনিকেতন

সমাজগত সংস্কার ও চিরজন্মের কৃত্রিম অভ্যাস পদে পদেই তাঁদের বাধা না দিয়ে থাকত পারে না। সেই সকল বাধার ভিতর থেকে প্রকৃতিকে তাঁরা কেবল প্রতিকূলই দেখতে থাকেন।

আমাদের রাজপুত্র ঐশ্বর্য্যে পালিত কিন্তু ঐশ্বর্য্যের আসক্তি তাঁর অন্তঃকরণকে অভিতূত করেনি। ধর্ম্মের অমুরোধে বনবাস স্বীকার করাই তার প্রথম প্রমাণ। তাঁর চিত্ত স্বাধীন ছিল, শাস্ত ছিল, এইজন্মেই তিনি অরণ্যে প্রবাসেহঃখ ভোগ করেননি; এইজন্মেই তরুণতা পশুপক্ষী তাঁর হৃদয়কে কেবলি আনন্দ দিয়েছে। এই আনন্দ প্রভুত্বের আনন্দ নয়, ভোগের আনন্দ নয়, সম্মিলনের আনন্দ। এই আনন্দের ভিত্তিতে তপস্বী, আত্মসংযম। এর মধ্যেই উপনিষদের সেই বাণী, তেন ত্যক্তেন ভূঞ্জীথাঃ।

কৌশল্যার রাজগৃহবধু সীতা বনে চলেছেন—

তপোবন

একৈকং পাদপং গুল্মং লতাং বা পুষ্পশালিনীম্

অদৃষ্টেহাং পশুস্তী রামং পপ্রচ্ছ সাবলা ।

রমণীয়ান্ বহুবিধান্ পাদপান্ কুসুমোৎকরান্

সীতাবচনসংরক্ত আনয়ামাস লক্ষ্মণঃ ।

বিচিত্রবালুকাঙ্কলাং হংসসারসনাদিতাম্ ।

রেমে জনকরাজস্তু সূতা প্রেক্ষ্য তদা নদীম্ ।

যে সকল তরুগুল্ম কিম্বা পুষ্পশালিনী লতা
সীতা পূর্বে কখনো দেখেন নি তাদের কথা
তিনি রামকে জিজ্ঞাসা করতেন লাগলেন । লক্ষ্মণ
তার অমুরোধে তাঁকে • পুষ্পমঞ্জরীতে ভরা
বহুবিধ গাছ তুলে এনে দিতে লাগলেন ।
সেখানে বিচিত্রবালুকাঙ্কলা হংসসারসমুখরিতা
নদী দেখে জানকী মনে আনন্দ বোধ করলেন ।

প্রথম বনে গিয়ে রাম চিত্রকূট পর্বতে যখন
আশ্রয় গ্রহণ করলেন—তিনি

স্বয়ম্যামাস্ত ডু.চিত্রকূটঃ

নদীক্ তাং মাল্যবতীং স্ততীর্থাং

মনন্দ কুট্টো বৃগপক্ষিজুষ্টাং

অহৌ চ দুঃখং পুরবিপ্রবাসাৎ ।

শান্তিনিকেতন

সেই সুরম্য চিত্রকূট, সেই স্মৃতিৰ্থা মালা-
বতী নদী, সেই যুগপক্ষিসেবিতা চুনভূমিকে
প্রাপ্ত হয়ে পূৰ্ববিপ্রবাসের দুঃখকে ত্যাগ করে
হৃষ্টমনে রাম আনন্দ করতে লাগলেন ।

দীৰ্ঘকালোষিতস্তম্ভিন্ গিরৌ গিরিবনপ্রিয়ঃ—

গিরিবনপ্রিয় রাম দীৰ্ঘকাল সেই গিরিতে
বাস করে একদিন সীতাকে চিত্রকূটশিখর
দেখিয়ে বল্চেন—

ন রাজ্যভ্রংশনং ভদ্রে ন সুরভিবিনাশবঃ

মনো মে বাধতে দৃষ্ট্ৱ। রমণীয়মিমং গিরিম্ ।

রমণীয় এই গিরিকে দেখে রাজ্যভ্রংশনও
আমাকে দুঃখ দিচ্ছে না, সূহৃদগণের কাছ থেকে
দূরে বাসও আমার পীড়ার কারণ হচ্ছে না ।

সেখান থেকে রাম যখন দণ্ডকারণ্যে
গেলেন সেখানে গর্গনে সূৰ্য্যমণ্ডলের মত দুর্দর্শ
প্রদীপ্ত তাপসাত্মমণ্ডল দেখতে পেলেন । এই
আশ্রম শরণ্যং সৰ্বভূতানাম্ । ইহা ব্রাহ্মীলক্ষ্মী

দ্বারা সমাবৃত। কুটিরগুলি স্তম্ভার্জিত, চারিদিকে কতৃৎ কত পক্ষী।

রামের বনবাস এমনি করেই কেটেছিল—
কোথাও বা রমণীয় বনে, কোথাও বা পবিত্র
তপোবনে।

রামের প্রতি সীতার ও সীতার প্রতি
রামের প্রেম তাঁদের পরস্পর থেকে প্রতি-
ফলিত হয়ে চারিদিকের মৃগ, পক্ষীকে আচ্ছন্ন
করেছিল। তাঁদের প্রেমের যোগে তাঁরা কেবল
নিজেদের সঙ্গে নয়, বিশ্বলোকের সঙ্গে যোগযুক্ত
হয়েছিলেন। এইজন্য সীতাহরণের পর রাম
সমস্ত অরণ্যকেই আপনাব বিচ্ছেদবেদনার
সহচর পেয়েছিলেন। সীতার অভাব কেবল
রামের পক্ষে নয়—সমস্ত অরণ্যই যে সীতাকে
হারিয়েছে। কারণ, রামসীতার বনবাসকালে
অরণ্য একটি নূতন সম্পদ পেয়েছিল—সেটি
ইচ্ছে মানুষের প্রেম। সেই প্রেমে তার
পল্লবঘনশ্যামলতাকে, তার ছায়াগস্তীর গহন-

শাস্তিনিকেতন

তার রহস্কে একটি চেতনার সঞ্চারে
রোমাঞ্চিত করে তুলেছিল।

শেক্সপীয়রের *As you like it* নাটক
একটি বনবাসকাহিনী—টেম্পেস্ট ও তাই,
Midsummer night's dream ও অরণ্যের
কাব্য। কিন্তু সেসকল কাব্যে মানুষের প্রভুত্ব
ও প্রবৃত্তির লীলাই একেবারে একান্ত—অরণ্যের
সঙ্গে সৌহার্দ্য দেখতে পাইনে। অরণ্য-
বাসের সঙ্গে মানুষের চিত্তের সামঞ্জস্যসাধন
ঘটেনি—হয় তাকে জয় করবার, নয় তাকে
ত্যাগ করবার চেষ্টা সর্বদাই রয়েছে,—হয়
বিরোধ, নয় বিরাগ, নয় ওদাসীত্ত্ব। মানুষের
প্রকৃতি বিশ্বপ্রকৃতিকে ঠেলেচুঁলে স্বতন্ত্র হয়ে
উঠে আপনার গৌরব প্রকাশ করেছে।

মিল্টনের *প্যারাদাইস লষ্ট্* কাব্যে আদি
মানবদম্পতির স্বর্গারণ্যে বাস বিষয়টিই এমন
যে অতি সহজেই সেই কাব্যে মানুষের সঙ্গে
প্রকৃতির মিলনটি সরল প্রেমের সম্বন্ধে বিরাট ও

তপোবন

মধুর হলে, প্রকাশ পাবার কথা । কবি প্রকৃতি-
সৌন্দর্যের বর্ণনা করেছেন, জীবজন্তুরা সেখানে
হিংসা পরিত্যাগ করে একত্রে বাস করতে তাও
বলেছেন, কিন্তু মানুষের সঙ্গে তাদের কোনো
সাম্প্রতিক সম্বন্ধ নেই । তারা মানুষের ভোগের
জগ্রেই বিশেষ করে সৃষ্ট, মানুষ তাদের প্রভু ।
এমন আভাসটি কোথাও পাইনে যে এই আদি
দম্পতি প্রেমের আনন্দ-প্রাচুর্যে তরুণতা
পশুপক্ষীর সেবা করতেন, ভাবনাকে কল্পনাকে
নদীগিরি অরণ্যের সঙ্গে মানালীলায় সম্মিলিত
করে তুলতেন । এই স্বর্গারণ্যের যে নিভৃত
নিকুঞ্জটিতে মানবের প্রথম পিতামাতা বিশ্রাম
করতেন সেখানে "Beast, bird, insect or
worm durst enter none ; such was
their awe of man." অর্থাৎ পশু পক্ষী
কীট পতঙ্গ কেউ প্রবেশ করতে সাহস করত
না, মানুষের প্রতি এমনি তাদের একটি সম্বন্ধ
সম্বন্ধ ছিল ।

শান্তিনিকেতন

এই যে নিখিলের সঙ্গে মানুষের বিচ্ছেদ, এর মূলে একটি গভীরতর বিচ্ছেদের কথা আছে। এর মধ্যে “ঈশাবাস্তুমিদং সর্বং যৎকিঞ্চ জগত্যাং জগৎ” জগতে যা কিছু আছে সমস্তকেই ঈশ্বরের দ্বারা সমাবৃত করে জানবে — এই বাণীটির অভাব আছে। এই পাশ্চাত্য কাব্যে ঈশ্বরের সৃষ্টি ঈশ্বরের যশোকীৰ্ত্তন করবার জগ্ৰেই ; ঈশ্বর স্বয়ং দূরে থেকে তাঁর এই বিশ্বরচনা থেকে বন্দনা গ্রহণ করছেন।

মানুষের সঙ্গেও আংশিক পরিমাণে প্রকৃতির সেই সম্বন্ধ প্রকাশ পেয়েছে অর্থাৎ প্রকৃতি মানুষের শ্রেষ্ঠতা প্রচারের জগ্ৰে।

ভারতবর্ষও যে মানুষের শ্রেষ্ঠতা অস্বীকার করে তা নয়। কিন্তু প্রভুত্ব করাকেই ভোগ করাকেই সে শ্রেষ্ঠতার প্রধান লক্ষণ বলে মানে। মানুষের শ্রেষ্ঠতার সর্বপ্রধান পরিচয়ই হচ্ছে এই যে মানুষ সকলের সঙ্গে মিলিত হতে পারে ! সে মিলন মূঢ়তার মিলন নয় সে মিলন

চিত্তের মিলন, স্মৃতির আনন্দের মিলন। এই আনন্দের কথাই আমাদের কাণ্ডে কীর্তিত।

উত্তরচরিতে রাম ও সীতার যে প্রেম, সেই প্রেম আনন্দের প্রাচুর্য্যাবেগে চারিদিকের জল-স্থল আকাশের মধ্যে প্রবেশ করেছে। তাই রাম দ্বিতীয়বার গোদাবরীর গিরিতট দেখে বলে উঠেছিলেন “যত্র ক্রমা অপি নৃগা অপি বক্ষবো মে” তাই সীতার বিচ্ছেদকালে তিনি তাঁদের পূর্বনিবাসভূমি দেখে আক্ষেপ করেছিলেন যে, মৈথিলী তাঁর করকমলবিকীর্ণ জল নীবার ও তৃণ দিয়ে যে সকল গাছ পাখী ও হরিণদের পালন করেছিলেন তাদের দেখে আমার হৃদয় পাষণগলার মত গলে যাচ্ছে।

মেঘদূতে যক্ষের বিরহ নির্জের ছুঃখের টানে স্বতন্ত্র হয়ে একলা কোণে বসে বিলাপ করচে না। বিরহ-ছুঃখই তার চিত্তকে নববর্ষায় প্রফুল্ল পৃথিবীর সমস্ত নগনদী-অরণ্যানগরীর মধ্যে পরিব্যাপ্ত করে দিয়েছে। মানুষের হৃদয়-

শান্তিনিকেতন

বেদনাকে কবি সঙ্কীর্ণ করে দেখান নি, তাকে
বিরাতের মধ্যে বিস্তীর্ণ করেছেন ; এই জন্মেই
প্রভূশাপগ্রস্ত একজন যক্ষের দুঃখবার্তা চির-
কালের মত বর্ষাঋতুর মন্দিরস্থান অধিকার করে'
প্রণয়ী-হৃদয়ের খেয়ালকে বিশ্বসঙ্গীতের রূপে
এমন করে বেঁধে দিয়েছে ।

ভারতবর্ষের এইটেই হচ্ছে বিশেষত্ব । উপ-
স্থার ক্ষেত্রেও এই দেখি, যেখানে তার হৃদয়-
বৃত্তির লীলা সেখানেও এই দেখতে পাই ।

মানুষ দুই রকম করে নিজের মহত্ব উপলব্ধি
করে—এক, স্বাতন্ত্র্যের মধ্যে, আর এক, মিল-
নের মধ্যে । এক, ভোগের দ্বারা, আর এক,
যোগের দ্বারা ; ভারতবর্ষ স্বভাবতই শেষের
পথ অবলম্বন করেছে । এই জন্মেই দেখতে
পাই যেখানেই প্রকৃতির মধ্যে কোনো বিশেষ
সৌন্দর্য বা মহিমার আবির্ভাব সেই খানেই
ভারতবর্ষের তীর্থস্থান । মানবচিত্তের সঙ্গে
বিশ্বপ্রকৃতির মিলন যেখানে স্বভাবতই ঘটতে

তপোবন

পারে সেই স্থানটিকেই ভারতবর্ষ পবিত্র তীর্থ বলে জেনেছে। এ সকল জাগ্গায় মানুষের প্রয়োজনের কোনো উপকরণই নেই—এখানে চাষও চলে না, বাসও চলে না—এখানে পণ্য-সামগ্রীর আয়োজন নেই, এখানে রাজার রাজধানী নয়,—অমৃত সেই সমস্তই এখানে মুখ্য নয়—এখানে নিখিল প্রকৃতির সঙ্গে মানুষ আপনার যোগ উপলব্ধি করে' আত্মাকে সৰ্ব্বগ ও বৃহৎ বলে জানে। এখানে প্রকৃতিকে নিজের প্রয়োজন সাধনের ক্ষেত্র বলে মানুষ জানে না, তাকে আত্মার উপলব্ধি সাধনের ক্ষেত্র বলেই মানুষ অনুভব করে এই জন্মেই তা পুণ্য স্থান।

ভারতবর্ষের হিমালয় পবিত্র, ভারতবর্ষের বিদ্যাচল পবিত্র, ভারতবর্ষের যে নদীগুলি লোকালয় সকলকে অক্ষয়ধারায় স্তম্ভ দান করে আস্চে তারা সকলেই পুণ্যসলিলা। হরিদ্বার পবিত্র, হৃষীকেশ পবিত্র, কেদারনাথ

শাস্তিনিকেতন

বদরিকাশ্রম পবিত্র, কৈলাস পবিত্র, মানস
সরোবর পবিত্র, পুষ্কর পবিত্র, গঙ্গার মধ্যে
যমুনার মিলন পবিত্র, সমুদ্রের মধ্যে গঙ্গার
অবসান পবিত্র। যে বিরাট প্রকৃতির দ্বারা
মানুষ পরিবেষ্টিত, যার আলোক এসে তার
চক্ষুকে সার্থক করেছে, যার উত্তাপ তার
সর্কান্ধে প্রাণকে স্পন্দিত করে তুলে, যার
জলে তার অভিষেক, যার অগ্নে তার জীবন,
যার অভভেদী রহস্য-নিকেতনের নানা দ্বার
দিয়ে নানা দূত বেরিয়ে এসে শব্দে গন্ধে বর্ণে
ভাবে মানুষের চৈতন্যকে নিত্যনিয়ত জাগ্রত
করে রেখে দিয়েছে ভারতবর্ষ সেই প্রকৃতির
মধ্যে আপনার ভক্তিবৃত্তিকে সর্বত্র ওতপ্রোত
করে প্রসারিত করে দিয়েছে। জগৎকে
ভারতবর্ষ পূজার দ্বারা গ্রহণ করেছে, তাকে
কেবলমাত্র উপভোগের দ্বারা খর্ব করেনি—
তাকে ঔদাসীণ্যের দ্বারা নিজের কর্মক্ষেত্রের
বাইরে দূরে সরিয়ে রেখে দেয়নি ; এই বিশ্ব-

প্রকৃতির সঙ্গে পবিত্র যোগেই ভারতবর্ষ আপনাকে বৃহৎ করে সত্য করে জেনেছে, ভারতবর্ষের তীর্থস্থানগুলি এই কথাই ঘোষণা করচে।

বিদ্যালভ করা কেবল বিদ্যালয়ের উপরেই নির্ভর করে না। প্রধানত ছাত্রের উপরেই নির্ভর করে। অনেক ছাত্র বিদ্যালয়ে যায়, এমন কি, উপাধিও পায় অথচ বিদ্যা পায় না। তেমনি তীর্থে অনেকেই যায় কিন্তু তীর্থে'র ষথার্থ ফল সকলে লাভ করতে পারে না। যারা দেপবার জিনিষকে দেখবে'না, পাবার জিনিষকে নেবেনা, শেষ পর্য্যন্তই তাদের বিদ্যা পুঁথিগত ও ধম্ম বাহু আচারে আবদ্ধ থাকে। তারা তীর্থে যায় বটে কিন্তু যাওয়াকেই তারা পুণ্য মনে করে, পাওয়াকে নয়। তারা বিশেষ জল বা বিশেষ মাটির কোনো বস্তু গুণ আছে বলেই কল্পনা করে, এতে মানুষের লক্ষ্য ব্রহ্ম হয়, যা চিত্তের সামগ্রী তাকে বস্তুর মধ্যে

শান্তিনিকেতন

নির্কাসিত করে নষ্ট করে। আমাদের দেশে সাধনামার্জিত চিত্তশক্তি যতই মলিন হয়েছে এই নিরর্থক বাহ্যিকতা ততই বেড়ে উঠেছে এ কথা স্বীকার করতেই হবে। কিন্তু আমাদের এই দুর্গতির দিনের জড়ত্বকেই আমি কোনোমতেই ভারতবর্ষে চিরন্তন অভিপ্রায় বলে গ্রহণ করতে পারিনে।

কোনো একটি বিশেষ নদীর জলে স্নান করলে নিজের অর্থাৎ ত্রিকোটি সংখ্যক পূর্বপুরুষের পারলৌকিক সঙ্গতি ঘটায় সম্ভাবনা আছে এ বিশ্বাসকে আমি সমূলক বলে মেনে নিতে রাজি নই এবং এ বিশ্বাসকে আমি বড় জিনিস বলে শ্রদ্ধা করিনে। কিন্তু অবগাহন স্নানের সময় নদীর জলকে যে ব্যক্তি যথার্থ ভক্তির দ্বারা সর্বাঙ্গে এবং সমস্ত মনে গ্রহণ করতে পারে আমি তাকে ভক্তির পাত্র বলেই জ্ঞান করি। কারণ, নদীর জলকে সামান্য তরল পদার্থ বলে

সাধারণ মানুষের যে একটা স্থূল সংস্কার, একটা তামসিক অবজ্ঞা আছে, সাত্বিক তার দ্বারা অর্থাৎ চৈতন্যময়তার দ্বারা সেই জড় সংস্কারকে সে লোক কাটিয়ে উঠেছে—এই জন্তে নদীর জলের সঙ্গে কেবলমাত্র তার শারীরিক ব্যবহারের বাহ্য সংস্রব ঘটে নি, তাব সঙ্গে তার চিত্তের যোগসাধন হয়েছে। এই নদীর ভিতর দিয়ে পবন চৈতন্য তার চেতনাকে একভাবে স্পর্শ করেছেন। সেই স্পর্শের দ্বারা স্নানের জল কেবল তার দেহের মলিনতা নয়, তার চিত্তেরও মোহপ্রিলেপ মার্জনা কবে দিচ্ছে!

অগ্নি জল মাটি অন্ত প্রকৃতি সামগ্রীর অনন্ত রহস্য পাছে অভ্যাসের দ্বারা আমাদের কাছে একেবারে মলিন হয়ে যায় এই জন্তে প্রত্যহই নানা কর্মে নানা অনুষ্ঠানে তাদের পবিত্রতা আমাদের স্মরণ করবার বিধি আছে—যে লোক চেতন ভাবে তাই স্মরণ করতে

শান্তিনিকেতন

পারে, তাদের সঙ্গে যোগে ভূমার সঙ্গে আমাদের যোগ এ কথা যার বোধ শক্তি স্বীকার করতে পারে সে লোক খুব একটি মহৎ সিদ্ধি লাভ করেছে। স্নানের জলকে আহাবের অনুরূপে শ্রদ্ধা করবার যে শিক্ষা সে মূঢ়তার শিক্ষা নয়, তাতে জড়ত্বের প্রশয় হয় না ; কারণ, এই সমস্ত অভ্যস্ত সামগ্রীকে তুচ্ছ করাই হচ্ছে জড়তা—তার মধ্যেও চিত্তের উদ্বোধন এ কেবল চৈতন্যের বিশেষ বিকাশেই সম্ভবপর। অবশ্য, যে ব্যক্তি মূঢ়, সত্যকে গ্রহণ করতে যার প্রকৃতিতে স্থূল বাধা আছে, সমস্ত সাধনাকেই সে বিকৃত করে এবং লক্ষ্যকে সে কেবলি ভুল জায়গায় স্থাপন করতে থাকে একথা বলাই বাহুল্য।

বহুকোটি লোক, প্রায় একটি সমগ্র জাতি, মৎস্য মাংস আহার একেবারে পরিত্যাগ করেছে পৃথিবীতে কোথাও এর তুলনা পাওয়া

যায় না। মানুষের মধ্যে এমন জাতি দেখিনি যে আমিষ আহার না করে।

ভারতবর্ষ এই যে আমিষ পরিত্যাগ করেছে সে কৃচ্ছ্রব্রত সাধনের জন্তে নয়, নিজের শরীরের পীড়া দিয়ে কোনো শাস্ত্রোপ-
দিষ্ট পুণ্যলাভের জন্তে নয়—তার একমাত্র উদ্দেশ্য, জীবের প্রতি হিংসা ত্যাগ করা।

এই হিংসা ত্যাগ না করলে জীবের সঙ্গে জীবের যোগসামঞ্জস্য নষ্ট হয়। প্রাণীকে যদি আমরা খেয়ে ফেলবার, পেট ভরাবার জিনিষ বলে দেখি তবে কখনই তাকে সত্যরূপে দেখতে পারিনি—তবে প্রাণ জিনিষটাকে এতই তুচ্ছ করে দেখা অভ্যস্ত হয়ে যায় যে, কেবল আহারের জন্তে নয়, শুধুমাত্র প্রাণীহত্যা করাই আমাদের অঙ্গ হয়ে ওঠে—এবং মিদারূপে অহৈতুকী হিংসাকে জলে স্থলে আকাশে গুহায় গহ্বরে দেশে বিদেশে মানুষ ব্যাপ্ত করে দিতে থাকে।

শান্তিনিকেতন

এই যোগদ্রষ্টতা, এই বোধশক্তির অসাড়তা থেকে ভারতবর্ষ মানুষকে রক্ষা করবার জগ্ৰে চেষ্টা করেছে।

মানুষের জ্ঞান বর্ধিততা থেকে অনেক দূরে অগ্রসর হয়েছে তার একটি প্রধান লক্ষণ কি? না, মানুষ বিজ্ঞানের সাহায্যে জগতের সকলই নিয়মকে দেখতে পাচ্ছে। যতক্ষণ পর্যন্ত তা না দেখতে পাচ্ছিল ততক্ষণ পর্যন্ত তার জ্ঞানের সম্পূর্ণ সার্থকতা ছিল না। ততক্ষণ বিশ্বচরাচরে সে বিচ্ছিন্ন হয়ে বাস করছিল— সে দেখছিল জ্ঞানের নিয়ম কেবল তার নিজের মধ্যেই আছে আর এই বিরাট বিশ্ব-ব্যাপারের মধ্যে নেই। এই জগ্ৰেই তার জ্ঞান আছে বলেই সে যেন জগতে একঘরে হয়ে ছিল। কিন্তু আজ তার জ্ঞান, অণু হতে অণুতম ও বৃহৎ হতে বৃহত্তম সকলের সঙ্গেই নিজের যোগস্থাপনা করতে প্রবৃত্ত হয়েছে—এই হচ্ছে বিজ্ঞানের সাধনা।

ভার্তবর্ষ যে সাধনাকে গ্রহণ করেছে সে হচ্ছে বিশ্বব্রহ্মাণ্ডের সঙ্গে চিত্তের যোগ, আত্মার যোগ, অর্থাৎ সম্পূর্ণ যোগ। কেবল জ্ঞানের যোগ নয়—বোধের যোগ।

গীতা বলেছেন—

ইন্দ্রিয়ানি পরাণ্যাহুরিন্দ্রিয়েভাঃ পরং মনঃ,

মনসস্ত পরাবুদ্ধিযোবুদ্ধেঃপরতস্ত সঃ।

ইন্দ্রিয়গণকে শ্রেষ্ঠ পদার্থ বলা হয়ে থাকে, কিন্তু ইন্দ্রিয়ের চেয়ে মন শ্রেষ্ঠ, আবার মনের চেয়ে বুদ্ধি শ্রেষ্ঠ, আর বুদ্ধির চেয়ে যা শ্রেষ্ঠ তা হচ্ছেন তিনি।

ইন্দ্রিয় সকল কেন শ্রেষ্ঠ, না ইন্দ্রিয়ের দ্বারা বিশ্বের সঙ্গে আমাদের যোগ সাধন হয়—কিন্তু সে যোগ আংশিক। ইন্দ্রিয়ের চেয়ে মন শ্রেষ্ঠ, কারণ মনের দ্বারা যে জ্ঞানময় যোগ ঘটে তা ব্যাপকতর—কিন্তু জ্ঞানের যোগেও সম্পূর্ণ বিচ্ছেদ দূর হয় না। মনের চেয়ে বুদ্ধি শ্রেষ্ঠ, কারণ বোধের দ্বারা যে চৈতন্যময়

শাস্তিনিকেতন

যোগ, তা একেবারে পরিপূর্ণ। সেই যোগের দ্বারাই আমরা সমস্ত জগতের মধ্যে তাঁকেই উপলব্ধি করি যিনি সকলের চেয়ে শ্রেষ্ঠ !

এই সকলের-চেয়ে-শ্রেষ্ঠকে সকলের মধ্যেই বোধের দ্বারা অনুভব করা ভারতবর্ষের সাধনা।

অতএব যদি আমরা মনে করি ভারতবর্ষের এই সাধনাতেই দীক্ষিত করা ভারতবাসীর শিক্ষার প্রধান লক্ষ্য হওয়া উচিত তবে এটা মনে স্থির রাখতে হবে যে, কেবল ইন্দ্রিয়ের শিক্ষা নয়, কেবল জ্ঞানের শিক্ষা নয়, বোধের শিক্ষাকে আমাদের বিদ্যালয়ে প্রধান স্থান দিতে হবে। অর্থাৎ কেবল কারখানায় দক্ষতা-শিক্ষা নয়, স্কুল কলেজে পরীক্ষায় পাস করা নয়—আমাদের যথার্থ শিক্ষা তপোবনে—প্রকৃতির সঙ্গে মিলিত হইলে, তপস্যার দ্বারা পবিত্র হয়ে।

আমাদের স্কুল কলেজেও তপস্যা আছে

তপোবন

কিন্তু সে মনের তপস্যা, জ্ঞানের তপস্যা।
বোধের তপস্যা নয়।

জ্ঞানের তপস্যায় মনকে বাধামুক্ত করতে হয়। যে সকল পূর্বসংস্কার আমাদের মনের ধারণাকে এক-ঝোঁকা করে রাখে তাদের ক্রমে ক্রমে পরিষ্কার করে দিতে হয়। যা নিকটে আছে বলে বড় এবং দূরে আছে বলে ছোট, যা বাইরে আছে বলেই প্রত্যক্ষ এবং ভিতরে আছে বলেই প্রচ্ছন্ন, যা বিচ্ছিন্ন করে দেখলে নিরর্থক, সংযুক্ত করে দেখলেই সার্থক তাকে তার যাথার্থ্য রক্ষা করে দেখবার শিক্ষা দিতে হয়।

বোধের তপস্যার বাধা হচ্ছে রিপূর বাধা। প্রবৃত্তি অসংযত হয়ে উঠলে চিন্তের সাম্য থাকে না সুতরাং বোধ বিকৃত হয়ে যায়। কামনার জিনিষকে আমরা শ্রেয় দেখি, সে জিনিষটা সত্যিই শ্রেয় বলে নয়, আমাদের কামনা আছে বলেই : লোভের জিনিষকে আমরা বড় দেখি

শান্তিনিকেতন

সে জিনিষটা সত্যই বড় বলে নয় আমাদের
লোভ আছে বলেই ।

এইজন্মে ব্রহ্মচর্যের „সংযমের দ্বারা বোধ-
শক্তিকে বাধামুক্ত করবার শিক্ষা দেওয়া
আবশ্যক—ভোগবিলাসের আকর্ষণ থেকে
অভ্যাসকে মুক্তি দিতে হয়, যে সমস্ত সাময়িক
উত্তেজনা লোকের চিত্তকে ক্ষুদ্র এবং বিচার-
বুদ্ধিকে সামঞ্জস্যহীন করে দেয় তার ধাক্কা থেকে
বাঁচিয়ে বুদ্ধিকে সরল করে বাড়তে দিতে হয় ।

যেখানে সাধনা চলে, যেখানে জীবনযাত্রা
সরল ও নির্যমল, যেখানে সামাজিক সংস্কারের
সঙ্কীর্ণতা নেই, যেখানে ব্যক্তিগত ও জাতিগত
বিরোধবুদ্ধিকে দমন করবার চেষ্টা আছে, সেই
খানেই ভারতবর্ষ যাকে বিশেষভাবে বিখ্যাত
বলেছে তাই লাভ করবার স্থান ।

আমি জানি অনেকেই বলে উঠবেন এ
একটা ভাবুকতার উচ্ছ্বাস, কাণ্ডজ্ঞানবিহীন
ছুরাশা মাত্র । কিন্তু সে আমি কোনোমতেই

তপোবন

স্বীকার করতে পারিনে। যা সত্য তা যদি অসাধ্য হয় তবে তা সত্যই নয়। অবশ্য, যা সকলের চেয়ে শ্রেয় তাই যে সকলের চেয়ে সহজ তা নয়—সেই জন্মেই তার সাধন চাই। আসলে, প্রথম শত্রু হচ্ছে সত্যের প্রতি শ্রদ্ধা করা। টাকা জিনিষটার দরকার আছে এই বিশ্বাস যখন ঠিক মনে জন্মায় তখন এ আপত্তি আমরা আর করিনে যে টাকা উপার্জন করা শক্ত। তেমনি ভারতবর্ষ যখন বিজ্ঞাকেই নিশ্চয়রূপে শ্রদ্ধা করেছিল তখন সেই বিজ্ঞানাভের সাধনাকে অসাধ্য বলে হেসে উড়িয়ে দেয় নি—তখন তপস্যা আপনি সত্য হয়ে উঠেছিল।

অতএব প্রথমত দেশেব সেই সত্যের প্রতি দেশের লোকের শ্রদ্ধা যদি জন্মে তবে দুর্গম বাধার মধ্য দিয়েও তার পথ আপনিই তৈরি হয়ে উঠবে।

বর্তমানকালে এখনি দেশে এই রকম

শান্তিনিকেতন

তপস্কার স্থান, এই রকম বিদ্যালয় যে অনেকগুলি হবে আমি এমনতর আশা করিনে। কিন্তু আমরা যখন বিশেষভাবে জাতীয় বিদ্যালয়ের প্রতিষ্ঠা করবার জন্তে সম্প্রতি জাগ্রত হয়ে উঠেছি তখন ভারতবর্ষের বিদ্যালয় যেমনটি হওয়া উচিত অশুভ তার একটিমাত্র আদর্শ দেশের নানা চাঞ্চল্য, নানা বিরুদ্ধভাবের আন্দোলনের উর্ধ্বে জেগে ওঠা দরকার হয়েছে।

শ্রীশনানি বিদ্যাশিক্ষা বলতে যুরোপ যা বোঝে আমরা যদি তাই বুঝি তবে তা নিতান্তই বোঝার ভুল হবে। আমাদের দেশের কতকগুলি বিশেষ সংস্কার, আমাদের জাতির কতকগুলি লোকাচার, এইগুলির দ্বারা সীমাবদ্ধ করে আমাদের স্বাভাবিক অভ্যাসকে অত্যাগ করে তোলবার উপায়কে আমি কোনোমতে শ্রীশনানি শিক্ষা বলে গণ্য করতে পারিনে, জাতীয়তাকে আমরা পরম পদার্থ বলে পূজা

তপোবন

করিনে এইটেই হচ্ছে আমাদের জাতীয়তা—
ভূমৈব সুখং, নাম্নে সুখমস্তি, ভূমাত্বেব
বিজ্জিহ্বাসিতব্যঃ, এইটেই হচ্ছে আমাদের
জাতীয়তার মন্ত্র ।

প্রাচীন ভারতের তপোবনে যে মহাসাধনার
বনম্পত্তি একদিন মাথা তুলে উঠেছিল এবং
সর্বত্র তার শাখাপ্রশাখা বিস্তার করে সমাজের
নানাদিক্কে অধিকার করে নিয়েছিল সেই
ছিল আমাদের গ্রাশনাল সাধনা । সেই সাধনা
যোগসাধনা । যোগসাধনা কোনো উৎকট
শারীরিক মানসিক ব্যায়াম চর্চা নয় । যোগ-
সাধনা মানে সমস্ত জীবনকে এমনভাবে চালনা
করা যাতে স্বাতন্ত্র্যের দ্বারা বিক্রমশালী হয়ে
ওঠাই আমাদের লক্ষ্য না হয়, মিলনের দ্বারা
পরিপূর্ণ হয়ে উঠাকেই আমরা চরম পরিণাম
বলে মানি, ঐশ্বর্যকে সঞ্চিত করে তোলা নয়
আত্মাকে সত্যে উপলব্ধি করাই আমরা সফলতা
বলে স্বীকার করি ।

শাস্তিনিকেতন

বহু প্রাচীনকালে একদিন অরণ্যসঙ্কুল ভারতবর্ষে আমাদের আৰ্য্য পিতামহেরা প্রবেশ করেছিলেন। আধুনিক ইতিহাসে যুরোপীয়-দল ঠিক তেমনি করেই নূতন আবিষ্কৃত মহাদ্বীপের মহারণ্যে পথ উদ্ঘাটন করেছেন। তাঁদের মধ্যে সাহসিকগণ অগ্রগামী হয়ে অপরিচিত ভূখণ্ড সকলকে অনুবর্তীদের জন্তে অনুকূল করে নিয়েছেন। আমাদের দেশেও অগস্ত্য প্রভৃতি ঋষিরা অগ্রগামী ছিলেন। তাঁরা অপরিচিত দুর্গমতার বাধা অতিক্রম করে গহন অরণ্যকে বাসোপযোগী করে তুলেছিলেন। পূর্বতন অধিবাসীদের সঙ্গে প্রাণপণ লড়াই তখনো যেমন হয়েছিল এখনো তেমনি হয়েছে। কিন্তু এই দুই ইতিহাসের ধারা যদিও ঠিক একই অবস্থার মধ্য দিয়ে প্রবাহিত হয়েছে তবু একই সমুদ্রে এসে পৌঁছয়নি।

আমেরিকার অরণ্যে যে তপস্বী হয়েছে তার প্রভাবে বনের মধ্যে থেকে বড় বড় সহর

তপোবন

ইঙ্গজালের মত জেগে উঠেছে। ভারতবর্ষেও তেমন করে সহরের সৃষ্টি হয়নি, তা নয় কিন্তু ভারতবর্ষ সেই সঙ্গে অরণ্যকেও অঙ্গীকার করে নিয়েছিল। অরণ্য ভারতবর্ষের দ্বারা বিলুপ্ত হয়নি, ভারতবর্ষের দ্বারা সার্থক হয়েছিল, যা বর্ষের আবাস ছিল তাই ঋষির তপোবন হয়ে দাঁড়িয়েছিল। আমেরিকায় অরণ্য যা অবশিষ্ট আছে তা আজ আমেরিকার প্রয়োজনের সামগ্রী, কৌথাও বা তা ভোগের বস্তুও বটে, কিন্তু যোগের আশ্রম নয়; ভূমার উপলব্ধি দ্বারা এই অরণ্যগুলি পুণ্যস্থান হয়ে ওঠেনি; মানুষের শ্রেষ্ঠতর অন্তরতর প্রকৃতির সঙ্গে এই অরণ্য প্রকৃতির পবিত্র মিলন স্থাপিত হয়নি। অরণ্যকে নব্য আমেরিকা আপনার বড় জিনিষ কিছুই দেয়নি, অরণ্যও তাকে আপুনার বড় পরিচয় থেকে বঞ্চিত করেছে। নূতন আমেরিকা যেমন তার পুরাতন অধিবাসীদের প্রায় লুপ্তই করেছে আপনার সঙ্গে যুক্ত করেনি

শান্তিনিকেতন

তেমনি অবগাণ্ডনিকে আপনার সভ্যতার বাইরে ফেলে দিয়েছে তার সঙ্গে মিলিত করে নেয়নি । নগর নগরাই আমেরিকার সভ্যতার প্রকৃষ্ট নিদর্শন—এই নগর স্থাপনার দ্বারা মানুষ আপনার স্বাতন্ত্র্যের প্রতাপকে অপ্রভেদী করে প্রচার করেছে ; আর তপোবনই ছিল ভারতবর্ষের সভ্যতার চরম নিদর্শন ; এই বনের মধ্যে মানুষ নিখিল প্রকৃতির সঙ্গে আত্মার মিলনকেই শান্তি সন্মাহিতভাবে উপলব্ধি করেছে ।

কেউ না মনে করেন ভারতবর্ষের এই সাধনাকেই আমি একমাত্র সাধনা বলে প্রচার করতে ইচ্ছা করি । আমি বরঞ্চ বিশেষ করে এই কথাই জানাতে চাই যে, মানুষের মধ্যে বৈচিত্র্যের সীমা নেই । সে তাল গাছের মত একটিমাত্র ঋজুরেখায় আকাশের দিকে ওঠে না, সে বটগাছের মত অসংখ্য ডালে পালায় আপনাকে চারদিকে বিস্তীর্ণ করে দেয় ।

তপোবন

তার যে শাখাটি যেকিকে সহজে যেতে পারে
তাকে সেই দিকেই সম্পূর্ণভাবে যেতে
দিলে তবেই সমগ্র গাছটি পরিপূর্ণতা
লাভ করে, সুতরাং সকল শাখারই তাতে
মঙ্গল।

মানুষের ইতিহাস জীবধর্মী। সে নিগূঢ়
প্রাণশক্তিতে বেড়ে ওঠে। সে লোহা পিতলের
মত ছাঁচে ঢালবার প্রিন্সিপল নয়। বাজারে
কোনো বিশেষকালে কোনো বিশেষ সভ্যতার
মূল্য অত্যন্ত বেড়ে গেছে বলেই সমস্ত
মানবসমাজকে একই কারখানায় ঢালাই করে
ফ্যাশনের বশবর্তী মূঢ় খরিদ্দারকে খুসি করে
দেবার ছুরাশা একেবারেই বৃথা।

ছোট পা সৌন্দর্য বা আভিজাত্যের লক্ষণ,
এই মনে করে কৃত্রিম উপায়ে তাকে সজ্জিত
করে চীনের মেয়ে ছোট পা পায়নি, বিকৃত
পা পেয়েছে। ভারতবর্ষও হঠাৎ জ্বরদাস্তি
দ্বারা নিজেকে যুরোপীয় আদর্শের অনুগত

শান্তিনিকেতন

করতে গেলে প্রকৃত যুরোপ হবে না বিকৃত ভারতবর্ষ হবে মাত্র ।

একথা দৃঢ়রূপে মনে রাখতে হবে, এক জাতির সঙ্গে অন্য জাতির অনুকরণ অনুসরণের সম্বন্ধ নয়, আদান প্রদানের সম্বন্ধ । আমার যে জিনিসের অভাব নেই তোমারও যদি ঠিক সেই জিনিসটাই থাকে তবে তোমার সঙ্গে আমার আর অদলবদল চলতে পারে না, তাহলে তোমাকে সম্বন্ধভাবে আমার আর প্রয়োজন হয় না । ভারতবর্ষ যদি খাঁটি ভারতবর্ষ হয়ে না ওঠে তবে পরের বাজারে মজুরিগিরি করা ছাড়া পৃথিবীতে তার আর কোনো প্রয়োজনই থাকবে না । তাহলে তার আপনার প্রতি আপনার সম্মান বোধ চলে যাবে এবং আপনাতে আপনার আনন্দও থাকবে না ।

তাই আজ আমাদের অবহিত হয়ে বিচার করতে হবে, যে, যে সত্যে ভারতবর্ষ

তপোবন

আপনাকে. আপনি নিশ্চিতভাবে লাভ করতে পারে সে সত্যটি কি। সে সত্য প্রধানত বর্ণিত নয়, স্বাভাৱ্য নয়, স্বাদেশিকতা নয় ; সে সত্য বিশ্বজাগতিকতা। সেই সত্য ভারত-বর্ষেব তপোবনে সাধিত হয়েছে, উপনিষদে উচ্চারিত হয়েছে, গীতার ব্যাখ্যাত হয়েছে, বুদ্ধদেব সেই সত্যকে পৃথিবীতে সৰ্ব্বমানবের নিত্যব্যবহাৰে সফল করে তোলবার জন্তে তপশ্ৰা করেছেন এবং কালক্রমে নানাবিধ দুৰ্গতি ও বিকৃতিৰ মধ্যত কবিৰ, নানক প্রভৃতি ভাৰতবৰ্ষেৰ পৰৱৰ্তী মহাপুৰুষগণ সেই সত্যকেই প্ৰচাৰ কৰে গৈছে। ভাৰতবৰ্ষেৰ সত্য হ'লে জানে অদ্বৈততত্ত্ব, ভাবে বিশ্বমৈত্ৰী এবং কৰ্মে যোগসাধনা। ভাৰতবৰ্ষেৰ অন্তৰ্বেৰ মধ্য য়ে উদাৰ তপশ্ৰা গভীৰভাৱে সঞ্চিত হ'লে ৰয়েছে, সেই তপশ্ৰা আজ হিন্দু মুসলমান বৌদ্ধ এবং ইংৰাজকে আপনাৰ মধ্য এক কৰে নেবে বলে প্ৰতীক্ষা

শান্তিনিকেতন

করচে, দাসভাবে নয়, জড়ভাবে নয়, সাংস্কৃতিকভাবে, সাধকভাবে। যতদিন তা না ঘটবে ততদিন আমাদের দুঃখ পেতে হবে, অপমান সহ্য করতে হবে, ততদিন নানাদিক থেকে আমাদের বারম্বার ব্যর্থ হতে হবে। ব্রহ্মচর্যা, ব্রহ্মজ্ঞান, সর্বস্বীভবে দয়া, সর্বভূতে আত্মোপলব্ধি একদিন এই ভারতে কেবল কাব্যকথা কেবল মতবাদরূপে ছিলনা; প্রত্যেকের জীবনের মধ্যে একে সত্য করে তোলবার জগ্নে অনুশাসন ছিল; সেই অনুশাসনকে আজ যদি আমরা বিস্মৃত না হই, আমাদের সমস্ত শিক্ষা দীক্ষাকে সেই অনুশাসনের যদি অনুগত করি—তবেই আমাদের আত্মা বিরাটের মধ্যে আপনার স্বাধীনতা লাভ করবে এবং কোনো সাময়িক বাহ্য অবস্থা আমাদের সেই স্বাধীনতাকে বিলুপ্ত করতে পারবে না।

প্রবলতার মধ্যে সম্পূর্ণতার আদর্শ নেই। সমগ্রের সামঞ্জস্য নষ্ট করে প্রবলতা নিজে

ভূপোবন

স্বতন্ত্র করে দেখায় বলেই তাকে বড় মনে হয় কিন্তু আসলে সে ক্ষুদ্র। ভারতবর্ষ এই প্রবলতাকে চায় নি, সে পরিপূর্ণতাকেই চেয়েছিল। এই পরিপূর্ণতা নিখিলের সঙ্গে যোগে—এই যোগ অহঙ্কারকে দূর করে বিনম্র হয়ে। এই বিনম্রতা একটি আধ্যাত্মিক শক্তি, এ দুর্বল স্বভাবের অধিগমা নয়। বায়ুর যে প্রবাহ নিত্য, শান্ততার দ্বারাই ঝড়ের চেয়ে তার শক্তি বেশি—এই জ্ঞেই ঝড় চিরদিন টিকতে পারে না, এই জ্ঞেই ঝড় কেবল সঙ্কীর্ণ স্থানকেই কিছুকালের জন্য ক্ষুদ্র করে—আর শান্ত বায়ুপ্রবাহ সমস্ত পৃথিবীকে নিত্যকাল বেষ্টিত করে থাকে। যথার্থ নম্রতা, যা সাত্ত্বিকতার তেজে উজ্জ্বল, যা ত্যাগ ও সংঘমের কঠোর শক্তিতে দৃঢ় প্রতিষ্ঠিত সেই নম্রতাই সমস্তের সঙ্গে অবাধে যুক্ত হয়ে সত্যভাবে নিত্যভাবে সমস্তকে লাভ করে। সে কাউকে দূর করে না, বিচ্ছিন্ন করে না,

শান্তিনিকেতন

আপনাকে ত্যাগ করে এবং সকলকেই আপন করে। এই জন্মেই ভগবান যিশু বলেছেন যে, যে বিনয় সেই পৃথিবীজয়ী, শ্রেষ্ঠধনের অধিকার একমাত্র তারই।



ছুটির পর ।

(শান্তিনিকেতন ব্রহ্মবিদ্যালয়ে)

ছুটির পর আমরা সকলে আবার এখানে একত্র হয়েছি। কন্ম থেকে মাঝে মাঝে আমরা যে এইরূপ অবসর লই সে কন্ম থেকে বিচ্ছিন্ন হবার জন্ম নয়—কন্মের সঙ্গে যোগকে নবীন রাখবার এই উপায়।

মাঝে মাঝে কন্মক্ষেত্র থেকে যদি এই রকম দূরে না যাই তবে কন্মের যথার্থ তাৎপর্য আমরা বুঝতে পারিনে। অবিশ্রাম কন্মের মাঝখানে নিবিষ্ট হয়ে থাকলে কন্মটাকেই অতিশয় একান্ত করে দেখা হয়। কন্ম তখন মাকড়সার জালের মত আমাদের চারদিক থেকে এমনি আচ্ছন্ন করে ধরে যে তার প্রকৃত উদ্দেশ্য কি তা বুঝবার সামর্থ্যই আমাদের থাকেনা। এই জন্ম অভ্যস্ত কন্মকে পুনরায়

শাস্তিনিকেতন

নূতন করে দেখবার সুযোগ লাভ করব বলেই
এক একবার কর্ম থেকে আমরা সরে যাই।
কেবল মাত্র ক্লান্ত শক্তিকে বিশ্রাম দেওয়াই
তার উদ্দেশ্য নয়।

আমরা কেবলই কর্মকেই দেখবনা।
কর্তাকেও দেখতে হবে। কেবল আগুনের
প্রথর তাপ ও এঞ্জিনের কঠোর শব্দের মধ্যে
আমরা এই সংসার কারখানার মুটেমজুরের
মতই সর্কাসে কাটিবুল মেখে দিন কাটিয়ে
দেবনা ; একবার দিনান্তে স্নান করে কাপড়
ছেড়ে কারখানার মনিবকে যদি দেখে আসতে
পারি তবে তাঁর সঙ্গে আমাদের কাজের
যোগ নির্ণয় করে কলের একাধিপত্যের হাত
এড়াতে পারি, তবেই কাজে আমাদের আনন্দ
জন্মে। নতুবা কেবলি কলের চাকা চালাতে
চালাতে আমরা ও কলেরই সামিল হয়ে উঠি।

আজ ছুটির শেষে আমরা আবার আমাদের
কর্মক্ষেত্রে এসে পৌঁছেছি। এবার কি আবার

ছুটির পর

নূতন দৃষ্টিতে কর্মকে দেখছিলা ? এই কর্মের
মর্্মগত সত্যটি অভ্যাস বশত আমাদের কাছে
মান হয়ে গিয়েছিল তাকে পুনরায় উজ্জল
করে দেখে কি আনন্দ বোধ হচ্ছেনা ?

এ আনন্দ কিসের জন্তে ? এ কি সফলতার
মূর্তিকে প্রত্যক্ষ দেখে ? এ কি এই মনে
করে যে, আমরা যা করতে চেয়েছিলুম তা
করে তুলেছি ? এ কি আমাদের আত্মকীর্তির
গর্বানুভবের আনন্দ ?

তা নয়। কর্মকেই চরম মনে করে তাহার
মধ্যে ডুবে থাকলে মানুষ কর্মকে নিয়ে
আত্মশক্তির গর্ব উপলব্ধি করে। কিন্তু কর্মের
ভিতরকার সত্যকে যখন আমরা দেখি তখন
কর্মের চেয়ে বহুগুণে বড় জিনিষটিকে
দেখি। তখন যেমন আমাদের অহঙ্কার
দূর হয়ে যায়, সম্রমে মাথা নত হয়ে পড়ে
তেমনি আর একদিকে আনন্দে আমাদের
বক্ষ বিক্ষারিত হয়ে ওঠে। তখন আমাদের

শান্তিনিকেতন

আনন্দময় প্রভুকে দেখতে পাই, কেবল
লৌহময় কলের আফালনকে দেখিনা।

এখানকার এই বিদ্যালয়ের মধ্যে একটি
মঙ্গলচেষ্টা আছে। কিন্তু সে কি কেবল
একটি মঙ্গলের কল মাত্র? কেবল নিয়ম
রচনা এবং নিয়মে চালানো? কেবল ভাষা
শেখানো, অঙ্ক কষানো, খেটে মরা এবং
খাটিয়ে মারা? কেবল মস্ত একটা ইস্কুল
তৈরি করে মনে করা খুব একটা ফল পেলুম?
তা নয়।

এই চেষ্টাকে বড় করে দেখা, এই চেষ্টার
ফলাফলেই বড় ফল বলে গরু করা সে নিতান্তই
ফাঁকি। মঙ্গল অনুষ্ঠানে মঙ্গল ফল লাভ
হয় সন্দেহ নেই কিন্তু সে গৌণ ফল মাত্র।
আমল কথাটি এই যে, মঙ্গল কর্মের মধ্যে
মঙ্গলময়ের আবির্ভাব আমাদের কাছে স্পষ্ট
হয়ে উঠে। যদি ঠিক জায়গায় দৃষ্টি মেলে
দেখি তবে মঙ্গল কর্মের উপরে সেই বিশ্ব-

ছুটির পর

মঙ্গলকে দেখতে পাই। মঙ্গল অনুষ্ঠানের চরম সার্থকতা তাই। মঙ্গল কর্ম সেই বিশ্ব-কর্ম্মাকে সত্যদৃষ্টিতে দেখবার একটি সাধনা। অলস যে, সে তাঁকে দেখতে পায় না— নিরুদ্যম যে, তার চিত্তে তাঁর প্রকাশ আচ্ছন্ন। এই জগত্ই কর্ম্ম—নহলে কর্ম্মের মধ্যেই কর্ম্মের গৌরব থাকতে পারে না।

যদি মনে জানি আমাদের এই কর্ম্ম সেই কল্যাণময় বিশ্বকর্ম্মাকেই লাভ করবার একটি সাধনা তা হলে কর্ম্মের মধ্যে যা কিছু বিঘ্ন অভাব প্রতিকূলতা আছে তা আমাদের হতাশ করতে পারে না। কারণ, বিঘ্নকে অতিক্রম করাই যে আমাদের সাধনার অঙ্গ। বিঘ্ন না থাকলে যে আমাদের সাধনাই অসম্পূর্ণ হয়। তখন প্রতিকূলতাকে দেখলে কর্ম্মনাশের ভয়ে আমরা ব্যাকুল হয়ে উঠি নে—কারণ, কর্ম্মফলের চেয়ে আরো যে বড় ঝঁক আছে। প্রতিকূলতার সঙ্গে সংগ্রাম

শান্তিনিকেতন

করলে আমরা কৃতকার্য হব বলে কোমর
বাঁধলে চলবে না—বস্তুত কৃতকার্য হব কি
না তা জানি নে—কিন্তু প্রতিকূলতার সহিত
সংগ্রাম করতে করতে আমাদের অন্তরের
বাধা ক্ষয় হয়—তাতে আমাদের তেজ ভস্ম-
মুক্ত হয়ে ক্রমশ দীপ্যমান হয়ে ওঠে এবং
সেই দীপ্তিতেই, যিনি বিশ্বপ্রকাশ, আমার
চিত্তে তাঁর প্রকাশ উন্মুক্ত হতে থাকে।
আনন্দিত হও, যে, কর্মে বাধা আছে—
আনন্দিত হও, যে, কর্ম করতে গেলেই
তোমাকে নানাদিক থেকে নানা আঘাত সহিতে
হুঁদে এবং তুমি যেমনটি কল্পনা করছ বারম্বার
তাঁর পরাভব ঘটবে, আনন্দিত হও যে, লোকে
তোমাকে ভুল বুঝবে ও অপমানিত করবে—
আনন্দিত হও, যে, তুমি যে বেতনটি পাবে
বলে লোভ করে বসেছিলে বারম্বার তা হতে
বঞ্চিত হবে। কারণ, সেই ত সাধনা।
যে ব্যক্তি আগুন জ্বালতে চায়, সে ব্যক্তির

ছুটির পর

কাঠ পুড়ছে বলে দুঃখ করলে চলবে কেন ?
যে কৃপণ শুধু শুষ্ক কাঠই স্তূপাকার করে
তুলতে চায় তার কথা ছেড়ে দাও ! তাই
ছুটির পরে কর্মের সমস্ত বাধাবিঘ্ন সমস্ত
অভাব অসম্পূর্ণতার মধ্যে আজ আনন্দের সঙ্গে
প্রবেশ করছি । কাকে দেখে ? যিনি কর্মের
উপরে বসে আছেন তাঁর দিকেই চেয়ে ।

তাঁর দিকে চাইলে কর্মের বল বাড়ে
অথচ উগ্রতা চলে যায় । চেষ্ঠার চেষ্ঠারূপ
আর দেখতে পাই নে, তার শাস্তিমূর্তিই ব্যক্ত
হয় । কাজ চলতে থাকে অথচ স্তব্ধতা
আসে — ভরা জোয়ারের জলের মত সমস্ত
থম্‌থম্ করতে থাকে । ডাকাডাকি হাঁকা-
হাঁকি ঘোষণা রটনা এ সমস্ত একেবারেই গুচে
যায় । চিন্তায় বাক্যে কর্মে বাড়াবাড়ি কিছু-
মাত্র থাকে না । শক্তি তখন আপনাকে
আপনি আড়াল করে দিয়ে সুন্দর হয়ে ওঠে
— যেমন সুন্দর আজকের এই সন্ধ্যাকাশের

শান্তিনিকেতন

নক্ষত্রমণ্ডলী ! তার প্রচণ্ড তেজ, প্রবল
গতি, তার ভয়ঙ্কর উদ্ভম কি পরিপূর্ণ শান্তির
ছবি বিস্তার কবে কি কমনীয় হাসিই
হাসছে ! আমরাও আমাদের কর্মের আসনে
পরমশক্তির সেই শান্তিময় মহাসুন্দর রূপ
দেখে উদ্ধত চেষ্ঠাকে প্রশান্ত করব—কর্মের
উদগ্র আক্ষেপকে সৌন্দর্য্যে মণ্ডিত করে
আচ্ছন্ন করে দেব—আমাদের কন্ম, মধু ঘোঃ,
মধু নক্তম্, মধুমৎ পার্থিবং রজঃ—এই
সমস্তের সঙ্গে মিলে মধুময় হয়ে উঠবে ।

বর্তমান যুগ

আমি পূর্বেই একটি কথা তোমাদিগকে বলেছি—তোমরা যে এই সময়ে অনুগ্রহণ করতে পেরেছ, এ তোমাদের পক্ষে পরম সৌভাগ্যের বিষয় বলতে হবে। তোমরা জান না এই কাল কত বড় কাল, এর অভ্যন্তরে কি প্রচুর আছে। হাজার হাজার শতাব্দীর মধ্যে পৃথিবীতে এমন শতাব্দী, খুব অল্পই এসেছে। কেবল আমাদের দেশে নয়, পৃথিবী জুড়ে এক উত্তাল তরঙ্গ উঠেছে। বিশ্ব মানব প্রকৃতির মধ্যে একটা চাঞ্চল্য প্রকাশ পেয়েছে—সবাই আজ আগ্রত। পুরাতন জীর্ণ সংস্কার ত্যাগ করবার জ্ঞান সকল প্রকার অন্তায়কে চূর্ণ করবার জ্ঞান মানব মাত্রেই উঠে পড়ে লেগেছে—নূতন ভাবে জীবনকে দেশকে গড়ে তুলবে। বসন্ত

শান্তিনিকেতন

এলে বৃক্ষ যেমন করে তার দেহ হতে
শুষ্ক পত্র ঝেড়ে ফেলে, নব পল্লবে সেজে ওঠে,
মানবপ্রকৃতি কোন্ এক প্রাণপূর্ণ হাওয়ার
ঠিক তেমনি করে সেজে ওঠবার জন্ত ব্যাকুল।
মানবপ্রকৃতি পূর্ণতার আশ্বাদ পেয়েছে,
একে এখন কোনমতেই বাহিরের শক্তির
দ্বারা চেপে ছোট করে রাখা চলবে না।

আসল জিনিষটা সহসা আমাদের চোখে
পড়ে না, অনেক সময়ে এমন কি তার
অস্তিত্ব পর্য্যন্তও অস্বীকার করে বসি।
আজ আমরা বাহির হতে দেখছি চারিদিকে
একটা তুমুল আন্দোলন উপস্থিত, যাকে
আমরা পলিটিক্‌স (Politics) বলি।
তাকে যত বড় করেই দেখি না কেন, সে
নিভাঙাই বাহিরের জিনিষ। আমাদের
আত্মাকে কিছুতে যদি জাগরিত করতে
সত্য হয়, তবে তা ধর্ম ছাড়া আর কিছুই
নয়। এই ধর্মের মূল-শক্তিটি প্রচ্ছন্ন থেকে

বর্তমান যুগ

কাজ করতে বলেই আমাদের চোখে ধরা পড়তে না ; পলিটিক্‌সের চাঞ্চল্যই আমাদের সমস্ত চিত্তকে আকর্ষণ করেছে । আমরা উপরকার তরঙ্গটাকেই দেখে থাকি, ভিতরকার স্রোতটাকে দেখি না । কিন্তু বস্তুত ভগবান যে মানবসমাজকে ধর্মের ভিতর দিয়ে একটা মস্ত নাড়া দিয়েছেন, এইত বিংশ শতাব্দীর বার্তা । বিশ্বাস কর, অনুভব কর, উত্তর দক্ষিণ গুরু পশ্চিম সমস্ত বিশ্বের ভিতর দিয়ে আজ এই ধর্মের বৈদ্যুতশক্তি ছুটে চলেছে । পৃথিবীতে আজ যে-কোনো তাপস সাধনায় প্রবৃত্ত আছে, তার পক্ষে এমন অনুকূল সময় আর আসবে না । আজ কি তোমাদের নিশ্চেষ্ট থাকবার দিন ? তজ্জ্বা কি ছুটেবে না ? আকাশ হতে যখন বর্ষণ হয়, ছোট বড় যেখানে যত জলাশয় খনন করা আছে, জলে পূর্ণ হয়ে ওঠে । পৃথিবীতে আজ যেখানেই কোনো মঙ্গলের আধার

শান্তিনিকেতন

পূর্ব হতে . প্রস্তুত হয়ে আছে, সেখানেই তাহা কলাগে .পরিপূর্ণ হ'য়ে উঠবে । সার্থকতা আজ সহজ হয়ে এসেছে ; এমন সুযোগকে ব্যর্থ হতে দিলে চলবে না । তোমরা আশ্রমবাসী এই শুভযোগে আশ্রমকে সার্থক করে তোল । প্রস্তরের উপর দিয়ে জল-স্রোত যেমন করে বহে যায়, সেখানে দাঁড়াবার কোনই স্থান পায় না, আমাদের হৃদয়ের উপর দিয়ে তেমনি করে এই প্রবাহ যেন বহে না যায় ! ঈশ্বরের প্রসাদস্রোত আজ সমস্ত পৃথিবীর উপর দিয়ে বিশেষভাবে প্রবাহিত হবার সময় এখানে এসে একরারটি যেন পাক খেয়ে দাঁড়ায় । সমস্ত আশ্রমটি যেন কানায় কানায় ভরে ওঠে । শুধু আমাদের এই ক্ষুদ্র আশ্রমটি কেন, পৃথিবীর যেখানে যে-কোন ছোট বড় সাধনার ক্ষেত্র আছে মঙ্গল-বারিতে আজ পূর্ণ হোক । আশ্রমে বাস করে এই দিনে জীবনকে ব্যর্থ হতে

বর্তমান যুগ

দিও না। এখানে কি শুধু তুচ্ছ কথায় মেতে হিংসা ঘেষের মধ্যে থেকে ক্ষুদ্র ক্ষুদ্র স্বার্থ লয়ে দিন কাটাতে এসেছ? শুধু পড়া মুখস্থ করে পরীক্ষা পাশ করে ফুটবল খেলে এতবড় একটা জীবনকে নিঃশেষ করে দেবে? কখনই না—এ হতেই পারে না। এই যুগের ধর্ম্য তোমাদের প্রাণকে স্পর্শ করুক। তপস্শ্রাব দ্বারা সুন্দর হয়ে তোমরা ফুটে ওঠ। আশ্রম-বাস তোমাদের সার্থক হোক। তোমরা যদি মনুষ্যত্বের সাধনাকে প্রাণপণ করে ধরে না রাখ, শুধু খেলা ধূলা পড়া গুনার ভিতর দিয়েই যদি জীবনকে চালিয়ে দাও, তবে যে তোমাদের অপরাধ হবে, তার আর মার্জনা নেই, কারণ তোমরা আশ্রমবাসী।

আবার বলি তোমরা কোন্ কালে এই পৃথিবীতে এসেছ, ভাল করে সেই কালের বিষয় ভেবে দেখ। বর্তমান কালের একটি সুবিধা এই—বিশ্বের মধ্যে যে চাঞ্চল্য উঠেছে

শান্তিনিকেতন

একই সময়ে সকল দেশের লোক তাহা অনুভব করছে। পূর্বে একস্থানে তরঙ্গ উঠলে অন্য স্থানের লোকেরা তার কোনই খবর পেত না। প্রত্যেক দেশটি স্বতন্ত্র ছিল। এক দেশের খবর অন্য দেশে গিয়া পৌঁছবার উপায় ছিল না। এখন আর সে দিন নেই। দেশের কোন স্থানে ঘা লেগে তরঙ্গ উঠলে সেই তরঙ্গ শুধু দেশের মধ্যে না—সমস্ত পৃথিবীর ভিতর দিয়ে তীরের মত ছুটে চলে। আমরা সকলে এক হয়ে দাঁড়াই। কত দিক হতে আমরা বল পাই; সত্যকে আঁকড়ে ধরবার যে মহা নির্যাতন তাকে অনায়াসেই সহ্য করতে পারি; নানা দিক হতে দৃষ্টান্ত ও সমবেদনা এসে জোর দেয়—এ কি কম কথা। নিজেকে অসহায় বলে মনে করি না। এই তো মহা সুযোগ। এমন দিনে আশ্রম বাসের সুযোগকে হারিও না। জীবন যদি তোমাদের ব্যর্থ হয়, আশ্রমের কিছুই আসে যায় না—

বর্তমান যুগ

ক্ষতি তোমাদেরই। গাছ ভরে বউল আসে।
সকল বউলেই যে ফল হয় এমন নয়। কত
ঝরে পড়ে, শুকিয়ে যায়, তবু ফলের অভাব
হয় না। ডাল ভরে ফল ফলে ওঠে।
ফল হল না বলে গাছ দুঃখ করে না, দুঃখ
ঝরা-বউলের, তারা যে ফলে পরিণত হয়ে
উঠতে পারল না।

এই আশ্রম যখন প্রস্তুত হতেছিল, বৃক্ষ-
গুলি যখন ধীরে ধীরে আলোর দিকে মাথা
তুলে ধরছিল, তখনও এই নূতন যুগের
কোনই সংবাদ এসে পৃথিবীতে পৌঁছায় নি।
অজ্ঞাতসারেই আশ্রমের ঋষি এই যুগের জ্ঞ
আশ্রমের রচনাকার্যে নিযুক্ত ছিলেন ;
তখনও বিশ্ব মন্দিরের দ্বার উদ্বাচিত হয় নি,
শঙ্খ ধ্বনিত হয়ে ওঠে নি। বিংশ শতাব্দীর
জ্ঞ বিশ্ব-দেবতা গোপনে গোপনে কি যে
এক বিপুল আয়োজন করছিলেন, তাহার
লেশমাত্রও আমরা জানতুম না। আজ সহসা

শান্তিনিকেতন

মন্দিরের দ্বার উদ্বাটিত হল—আমাদের
কি পরম সৌভাগ্য। আজ বিশ্ব দেবতাকে
দর্শন করতেই হবে, অন্ধ হয়ে ফিরে গেলে
কিছুতেই চলবে না। আজ প্রকাণ্ড উৎসব ;
এই উৎসব একদিনের নয়, দু দিনের নয়—
শতাব্দী-ব্যাপী-উৎসব। এই উৎসব কোন
বিশেষ স্থানের নয় কোন বিশেষ জাতির নয়—
এই উৎসব সমগ্র মানব-জাতির জগৎ-
জোড়া উৎসব। এস, আমরা সকলে একত্র
হই, বাহির হয়ে পড়ি। দেশে কোন রাজার
যখন " আগমন হয় তাঁকে দেখবার জন্ত
যখন পথে বাহির হয়ে আসি তখন মলিন
জীর্ণ বস্ত্রকে ত্যাগ করতে হয়, তখন নবীন
বস্ত্রে দেহকে সজ্জিত করি। আজ দেশের
রাজা নন সমগ্র জগতের রাজা এসে সন্মুখে
দাঁড়িয়েছেন, নত কর উদ্ধত মস্তক। দূর কর
সমস্ত বর্ষের সঞ্চিত আবর্জনা। মনকে শুভ্র
করে তোল। শান্ত হও, পবিত্র হও।

বর্তমান যুগ

তাঁর চরণে প্রণাম করে গৃহে ফের । তিনি
তোমাদের শিরে আশীর্বাদ ঢেলে দিন—
মঙ্গল করুন, মঙ্গল করুন, মঙ্গল করুন ।
